

*Prescribed as a Text-Book by the Board of Intermediate
and Secondary Education, Dacca, for the High School
and High Madrasa Examinations, 1948 & 1949.*

ত্রিধারা

শ্রীপার্বতীচরণ ভট্টাচার্য্য, এম্-এ

অধ্যাপক জগন্নাথ কলেজ, ঢাকা

তৃতীয় সংস্করণ

১৯৪৭

সর্বস্বত্ব সংরক্ষিত] .

[মূল্য দুই টাকা বার আনা

প্রকাশক—

শ্রীগিরিজাকান্ত ভট্টাচার্য্য বি-এ

৩৯নং, হৃষীকেশ দাস রোড, ঢাকা

Stockists—

Adeylebros. & Co.

49B, Mirzapur Street, Calcutta.

প্রিন্টার—শ্রীগোপালচন্দ্র দে

সিটি প্রিন্টার্স

৩৫, ছাতাওয়াল গলি, কলিকাতা ।

উৎস-মুখ

কোন বিশেষ কবির কাব্য-পরিচয় তাঁহার একান্ত আপনার কবিকৃতির মধ্যেই সীমাবদ্ধ থাকিতে পারে না। সত্য বটে, গীতি-কবি আপন মনের মাধুরী-স্পর্শেই জগৎ ও জীবন নিরীক্ষণ করিয়া থাকেন; কিন্তু সেই মনের মধ্যে নীড় বাঁধিয়া আছে হয় ত' কতকালের কত পূর্বতন কবি ও ভাবকের দর্শন-সংস্কার। তাই অনেক সময় সজ্ঞান চিন্তায় যাহা নিজস্ব বলিয়া মনে হয়, হয় তো তাহারই পশ্চাতে মনের নিষ্ঠুর নিঃসংশ কোন পরস্ব বসিয়া তাহাকে উৎসাহিত করিয়া দিয়াছে। সুতরাং কোন কবি-কর্মকে বিচ্ছিন্ন করিয়া না দেখিয়া, তাহাকে পারস্পর্যের বৃহৎ ভূমিকায় প্রতিষ্ঠিত করিয়া, একটা অখণ্ড প্রবাহের সমগ্রতায় দেখিলে, কবিতার রস-রূপের প্রকৃত পরিচয় লাভ করা যায়। এই উদ্দেশ্যের অনুপ্রেরণায় ত্রিধারার কবিতা-সজ্জা প্রস্তুত করা হইয়াছে।

নবীন বিদ্যার্থীদিগের জন্য কবিতা-সংগ্রহ পুস্তক ইতিপূর্বে বহু প্রকাশিত হইয়াছে। তাহাতে তিনটি গ্রন্থ-প্রণালী আমার দৃষ্টিগোচর হইয়াছে। (১) যদৃচ্ছাক্রমে কবিতাগুলি পৃষ্ঠার পর পৃষ্ঠায় সংযোজিত করা হয়। ইহাতে ভাবানুসারে বা কালানুসারে কবিতাগুলিকে সাজাইবার কোন আয়োজনই করা হয় না। (২) বিষয় ও ভাবপ্রকাশের প্রতি অবহিত থাকিয়া বিভিন্ন বিভিন্ন বিষয়-পর্যায়ের কবিতাগুলিকে পৃথক পৃথক স্তবকে (Group) সংগ্রহিত করা হয়। ইহাতে একই বিষয়-বস্তু ভিন্ন ভিন্ন কবির মনে কেমন করিয়া ভিন্ন ভিন্ন ভাব উদ্ভিক্ত করে তাহা উপলব্ধি করা সহজসাধ্য হয় এবং তাহাতে এক প্রকার সাহিত্যিক কোতূহল পরিতৃপ্ত হয়। (৩) কবি ও কবিতাগুলিকে, এক প্রকার পৌর্বাপর্যের ধারা অনুসরণ করিয়া সাজাইবার রীতি আছে। তাহাতে সাহিত্যের, তথা চিন্তারাজ্যের

ক্রম-বিকাশ অনুধাবন করা চলিতে পারে। এই পুস্তকে যতদূর সম্ভব, এই তৃতীয় ক্রমটি অনুসরণ করিতে যত্নবান হইয়াছি। এই প্রণালীতে গ্রন্থের আদি হইতে অন্ত পর্য্যন্ত লক্ষ্য করা যাইবে বঙ্গসাহিত্য-সমাজের একটা বিরাট কবি-বংশ-পীঠিকা। এই বংশ-পীঠিকা একেবারে প্রমাদ-শূন্য তাহা বলা চলে না; কারণ কবিদিগের কুলজি-গ্রন্থের নিজস্ব অভাব। আবার কখনও কখনও ভাবানুরোধে বংশপীঠিকার ধারাবাহিকতার অমর্যাদা করিতে বাধ্য হইয়াছি। যে কারণে তাহা ঘটিয়াছে, তাহার ইঙ্গিত এই আলোচনার প্রারম্ভেই করিয়াছি। এ বিষয়ে একটা মাত্র দৃষ্টান্ত দিতেছি। কালানুসারে প্রমথনাথ চৌধুরী কবি মোহিতলাল মজুমদারের পরবর্তী স্থান অধিকার করিতে পারেন না; অথচ এই গ্রন্থে তাহাই হইয়াছে। এখানে সেই বিশেষ উদ্দেশ্যে প্রমথবাবুর “বেলা যায়” কবিতা কবিশেখরের “লালাবাবুর দীক্ষা” কবিতাটির পূর্বে সন্নিবেশিত হইয়াছে। আবার সেই বিশেষ কারণেই গোবিন্দদাস, জ্ঞানদাস প্রভৃতি কৃতিবাসের পূর্বেই স্থান লাভ করিয়াছেন। এই প্রকার ইচ্ছাকৃত কালাতিক্রমদোষ এবং আরও বহুপ্রকার অনিচ্ছাকৃত ত্রুটি-বিচ্যুতির জন্য কুলশাস্ত্র-নিষ্ণাত পণ্ডিত মণ্ডলীর নিকট ক্ষমা প্রার্থনা করিতেছি।

এই ত্রিধারায় বিদ্যাপতি হইতে আরম্ভ করিয়া বলফুল পর্য্যন্ত যে পরিক্রমণ করা হইয়াছে তাহা সুদীর্ঘ পরিক্রমণ; কাল-পরিমাণে তাহা পাঁচশত বৎসরেরও বেশি। এই সুদীর্ঘ যাত্রা-পথে ত্রিধারার তিনটি ধারায় শুধু কয়েকটি মাত্র তরঙ্গ-ভঙ্গের সৌন্দর্য্য চোখে পড়িয়াছে। বাঙ্গালা সাহিত্যের সুর-সুরধুনীর অবিশ্রান্ত লহরীলীলার তাহা সীমান্ত অংশমাত্র। কালশ্রোতের উজান বাহিয়া পাঁচশত বৎসরের দীর্ঘপথে যাহা কিছু দর্শন করিয়াছি তাহা বিহঙ্গাবলোকনে দর্শন ব্যতীত আর কিছুই নয়। এই কথা স্মরণ রাখিলেই এই ক্ষুদ্র গ্রন্থের মর্ম্ম বুঝা যাইবে।

গীতি-কবির রস-নির্মাণে আলম্বনবিভাব বহু থাকিলেও তাহাকে তিনটি শ্রেণীতে সীমাবদ্ধ করা চলে ;—তাহা হইতেছে, ঈশ্বর, মানব ও প্রকৃতি । এখন এই মূলশ্রেণী হইতে অবাস্তুর বিভাগ চলিতে পারে । সাম্যমৈত্রী, স্নেহ-প্রীতি, ভগবদ্ভক্তি, পল্লীমমতা, সৃষ্টি-মাধুর্য্য, রাজা ও রাজত্ব প্রভৃতি বিষয়-বিভাগ ঐ মূল বিভাগেরই অন্তর্ভুক্ত । কালানুক্রম ভাবনায় সচেতন থাকিলেও এই প্রকার বহুমুখীন বিচিত্র রচনা-সংগ্রহে উদাসীন দেখাই নাই । রচনার সেই রূপ-বৈচিত্র্য ইত্যন্তঃ বিক্ষিপ্ত কবিতাগুলি হইতে গ্রহণ করিতে হইবে । ত্রিধারার পরিশেষে অবতরণিকায় তাহার যথাসম্ভব সন্ধান দেওয়া হইয়াছে । ঠিক একই বিষয়বস্তু অবলম্বনে ভিন্ন ভিন্ন কবির যে সম্পূর্ণ বিভিন্নরূপের ভাবোদ্বেক হইয়া থাকে তাহার পরিচয় দেওয়ার জন্য একই বিষয়ের বহু কবিতা সংগৃহীত হইয়াছে । সমুদ্র, চন্দ্রালোক, বর্ষা, বসন্ত প্রভৃতি সম্বন্ধে একাধিক কবির কবিতা-চয়নের ইহাই মূল উদ্দেশ্য । অবৈষ্ণব শুধু যুগ-বিভাগে বিভিন্ন হয় তাহা নহে, ব্যক্তিভেদেও তাহা বিভিন্ন আকার পরিগ্রহ করিয়া থাকে । সাহিত্য বস্তু-নিরপেক্ষ সৃষ্টি নয় ; কিন্তু বীক্ষাশক্তির সংস্পর্শে বস্তু তাহার স্থূল বাস্তব মূর্তি পরিহার করিয়া দ্রষ্টার ভাব-কল্পনার আকারে মূর্তি পরিগ্রহ করে । সেখানে বস্তু উপলক্ষ্য মাত্র । এই সত্যটুকু মনে রাখিলেই একই বিষয়ের বহু বিচিত্র কবিতার অর্থ উপলব্ধি করা যাইবে ।

ত্রিধারার তিনটি প্রবাহ রহিয়াছে । এই তিনটি প্রবাহ বাঙ্গালা কাব্য-সাহিত্যের তিনটি যুগবিভাগের পরিচয় নির্দেশ করিতেছে । প্রথম প্রবাহ বিদ্যাপতি হইতে ভারতচন্দ্র পর্য্যন্ত বহিয়া গিয়াছে । যে কারণে মৈথিল কবি বিদ্যাপতিককে বাঙলা কাব্যসাহিত্যের আদি ধারার পুরোভাগে স্থান দিয়াছি তাহা অবতরণিকায় আলোচিত হইয়াছে । এই প্রথম প্রবাহের আরম্ভ হইয়াছে বৈষ্ণব সাহিত্যের কোমল কান্ত পদাবলীদ্বারা এবং শেষ হইয়াছে রায়গুণাকর ভারতচন্দ্র রায়ের কবিতার মধ্যে । মধ্যে যে শ্রেণীর

রচনা আছে তাহা অনুবাদ ও লৌকিক ধর্ম-কাহিনীতে প্রতিষ্ঠিত কবিতাবলী এবং কবি রামপ্রসাদের ভক্তি-সঙ্গীত। রামপ্রসাদ-ভারতচন্দ্র দ্বারাই এই যুগাবসান ঘটিয়াছে। ইহার পর অষ্টাদশ শতাব্দীর মধ্যভাগে ১৭৫৭ খৃষ্টাব্দের স্বরণীয় ঘটনায় বাঙ্গালার জাতীয় জীবনে এবং সেই সঙ্গে সঙ্গে বাঙ্গালীর সাহিত্যিক জীবনে সব কিছুই ওলট পালট হইয়া গেল। ভারতচন্দ্রের মৃত্যুর পর (১৭৬০ খৃষ্টাব্দে) এই যে একটা বিশেষ যুগের সূত্রপাত হইল তাহাকে 'যুগসন্ধিকাল' বলা যাইতে পারে। পুরাতনের ধ্বংস হইয়া গিয়াছে, অথচ নূতনের প্রতিষ্ঠা হয় নাই—এমন একটা অব্যবস্থিত যুগে স্থায়ী সাহিত্য রচনার সুযোগ ও অবকাশ থাকিতে পারে না। সেইজন্য এই যুগে উৎসবপ্রিয় জনসাধারণের প্ররোচনায় কবিগান, যাত্রাগান প্রভৃতির উদ্ভব হইয়াছিল। সুতরাং ইহা একটা গীতিযুগ। বাঙ্গালা কাব্যসাহিত্যের ইতিহাসে পুরাতন ও নবীন যুগের মধ্যবর্তী এই সন্ধিক্ষণটুকু সামান্য হইলেও নগণ্য নয়। কাব্যরসপিপাসু নবীন বিচারিগণের নিকট হইতে এই যুগ-বন্ধনার কোন সঙ্গত কারণ খুঁজিয়া পাই নাই সেইজন্য দ্বিতীয় প্রবাহ-রূপে ইহার অভিব্যক্তি-প্রয়োজন অনুভব করিয়াছি। কবিওয়ালাদের অধিকাংশ সঙ্গীত যে-রসাম্বিত তাহা স্বরণ করিয়া গ্রহণ-বর্জন সম্বন্ধে বিশেষ সতর্কতা অবলম্বন করিতে হইয়াছে। পুরাতন যুগে যাহা শুনা যায় নাই তেমন কোন নূতন কথা এই যুগে শোনা গিয়াছে। সুতরাং ইহা উপেক্ষণীয় নহে। ঈশ্বরচন্দ্র এই কালের সর্বশেষ কবি, কাজেই তাঁহার সঙ্গেই এই প্রবাহ সমাপ্ত হইয়াছে।

তৃতীয় প্রবাহে আধুনিক কবিদিগের কবিতাবলী সংগৃহীত হইয়াছে। এই প্রবাহই দীর্ঘতম। তাহা হওয়াই স্বাভাবিক। এই নবীন গীতি-কবিতার যুগে বিষয়-বস্তু সীমাহীন বৈচিত্র্যপূর্ণ, ভাষা পুরাতন যুগ হইতে সম্পূর্ণ পৃথক্ এবং ছন্দোরূপ সূচক ও মুক্তবন্ধন। আধুনিক কবিতা-চয়নে একটা বিষয় সর্বদা স্বরণ রাখিয়াছি; কোন কবির সেই কবিতাবিশেষই

নির্বাচিত হইয়াছে যাহা তাঁহার বৈশিষ্ট্যাবগাহী (Characteristic)। আধুনিক কবি সংখ্যায় বহু। তাঁহাদের প্রত্যেকের রচনা হইতে চয়ন করা সম্ভব হয় নাই; তাহার কারণ গ্রন্থের স্বল্পায়তন, তাঁহাদের প্রতি সঙ্কলয়িতার অনাদর বা অশ্রদ্ধা নহে।

যাঁহাদের কবিতাবলী এই গ্রন্থে গ্রহণ করিয়াছি তাঁহাদের সকলকে এবং তাঁহাদের প্রকাশকদিগকে আমার আন্তরিক কৃতজ্ঞতা জ্ঞাপন করিতেছি। সময় সঙ্কীর্ণ বলিয়া যাঁহাদের নিকট চিঠিপত্রে তাঁহাদের কবিতা নির্বাচনের জন্ত অনুমতি গ্রহণ করা সম্ভবপর হয় নাই, তাঁহাদের নিকট মার্জনা ভিক্ষা করিতেছি। এই গ্রন্থের পূর্বে প্রকাশিত বহু সঙ্কলন-পুস্তক হইতে যে সাহায্য পাইয়াছি তাহার জন্ত আমার পূর্ব-স্মৃতিদিগকে আন্তরিক ধন্যবাদ জানাইতেছি।

গ্রন্থ-শেষে ত্রিধারায় অবতরণের জন্ত একটী অবতরণিকা নির্মাণ করিয়াছি। যাহাদের জন্ত এই গ্রন্থ প্রণয়ন, তাহাদের সঙ্গে সেই সোপানে একাসনে বসিয়া লহরীলীলার বিচিত্র শোভা তাহাদিগকে দেখাইব—ইহাই উদ্দেশ্য। যদি তাহাদের মুখে আনন্দ-হাসির একটু রেখাও ফুটিয়া উঠে তবে কৃতার্থ হইব। আমিও সানন্দে বলিব—

“শোভতেহস্য মুখং য এবং বেদ”

ঢাকা—

১২ই শ্রাবণ, ১৩৫১

}

শ্রীপার্বতীচরণ ভট্টাচার্য

দ্বিতীয় সংস্করণের বিজ্ঞাপন

ঢাকা বোর্ডের প্রবেশিকা পরীক্ষার পাঠ্যরূপে ‘ত্রিধারা’ নির্বাচিত হইয়াছে; এইজন্ত নির্বাচন-সমিতির সদস্যবৃন্দকে আমার আন্তরিক ধন্যবাদ জ্ঞাপন করিতেছি। এই সংস্করণে মুদ্রাকর-প্রমাদ যথাসাধ্য সংশোধন করিয়া গ্রন্থথানাকে নির্দোষ ও শোভন করিতে যত্নপর হইয়াছি। এক্ষণে, ইহা পরম-শ্রদ্ধাভাজন শিক্ষকমণ্ডলীকর্তৃক গ্রহণযোগ্য বিবেচিত হইলে শ্রম স্বার্থক জ্ঞান করিব।

১লা ফাল্গুন, ১৩৫২

মানীটোলা, ঢাকা

}

শ্রীপার্বতীচরণ ভট্টাচার্য

নির্দেশিকা

প্রথম প্রবাহ

বিষয়	পৃষ্ঠা
১। আত্মনিবেদন—বিদ্যাপতি ...	১
২। ঋতুরাজ—বিদ্যাপতি ...	৩
৩। ভুবন-মোহন শ্যাম—চণ্ডীদাস ...	৪
৪। বিরহিনী রাধা—চণ্ডীদাস ...	৫
৫। আক্ষেপানুভূতি—জ্ঞানদাস ...	৬
৬। মাতৃ-স্নেহ—বলরাম দাস ...	৭
৭। ঝরঝর জলধর-ধার—গোবিন্দ দাস ...	৮
৮। আত্মবিলোপ—সৈয়দ মর্ত্ত জা ...	৮
৯। ভ্রাতৃভক্তি—কৃত্তিবাস ...	৯
১০। ভরত-মিলন—কৃত্তিবাস ...	১০
❖ ১১। শ্রীরামের বিলাপ—কৃত্তিবাস ...	১৩
১২। মৃত্যু বাণ—কৃত্তিবাস ...	১৫
১৩। কালকেতুর শৈশব—কবিকঙ্কণ মুকুন্দরাম চক্রবর্তী ...	১৭
❖ ১৪। ফুল্লরার দুঃখ—কবিকঙ্কণ মুকুন্দরাম চক্রবর্তী ...	১৮
• ১৫। কমলে কার্মিনী—কবিকঙ্কণ মুকুন্দরাম চক্রবর্তী ...	২১
❖ ১৬। প্রণাম—সৈয়দ আলাওল ...	২২
১৭। একলবোর গুরুদক্ষিণা—কাশীরাম দাস ...	২৪
❖ ১৮। পরার্থ—কাশীরাম দাস ...	২৭

বিষয়	পৃষ্ঠা
১৯। ভীষ্ম—কাশীরাম দাস ...	৩১.
২০। দুঃখের বড়াই—কবিরঞ্জন রামপ্রসাদ সেন ...	৩২.
২১। উমার বালালীলা—কবিরঞ্জন রামপ্রসাদ সেন	৩২
২২। মানসপূজা—কবিরঞ্জন রামপ্রসাদ সেন ...	৩৩.
২৩। শিবের ভিক্ষাযাত্রা—রায়গুণাকর ভারতচন্দ্র রায়	৩৫
*২৪। বিশেষণে সবিশেষ—রায়গুণাকর ভারতচন্দ্র রায়	৩৭.
২৫। কৈলাস ভূধর—রায়গুণাকর ভারতচন্দ্র রায় ...	৩৮
২৬। শিবের রুদ্ররূপ—রায়গুণাকর ভারতচন্দ্র রায় ...	৪০

দ্বিতীয় প্রবাহ

*২৭। স্বদেশী ভাষা—রামনিধি গুপ্ত	৪১
২৮। মনের অনল—রামনিধি গুপ্ত ...	৪১.
২৯। প্রতীক্ষা—হরু ঠাকুর ...	৪২
৩০। ভিখারীর পরিবর্তন—রাম বসু ...	৪২
৩১। শুক-সারী-সংবাদ—গোবিন্দ অধিকারী ...	৪৩
৩২। হৃদয়-বৃন্দাবন—দাশরথি রায় ...	৪৫
৩৩। ভূষণে ভূষণ—দাশরথি রায় ...	৪৬
৩৪। দাশরথির প্রার্থনা—দাশরথি রায় ...	৪৭
৩৫। শ্রামসুন্দর—কৃষ্ণকমল গোস্বামী ...	৪৭
৩৬। আকর্ষণ—অজ্ঞাত বাউলের গান ...	৪৮
৩৭। সাধন-বিয়—সেখ মদন বাউল ...	৪৯
৩৮। মাতৃভূমি—ঈশ্বরচন্দ্র গুপ্ত ...	৪৯
৩৯। সুপ্তোখিত—ঈশ্বরচন্দ্র গুপ্ত ...	৫১.
*৪০। পৌষপার্বণ—ঈশ্বরচন্দ্র গুপ্ত ...	৫২.

তৃতীয় প্রবাহ

বিষয়	পৃষ্ঠা
৪১। সমুদ্রের প্রতি রাবণ—মাইকেল মধুসূদন দত্ত ...	৫৭
৪২। বঙ্গভূমির প্রতি—মাইকেল মধুসূদন দত্ত ...	৫৮
৪৩। বনবাসে সীতা—মাইকেল মধুসূদন দত্ত ...	৫৯
৪৪। নূতন বৎসর—মাইকেল মধুসূদন দত্ত ...	৬০
৪৫। নীলধ্বজের প্রতি জনা—মাইকেল মধুসূদন দত্ত ...	৬১
৪৬। মহাকাল—রঙ্গলাল বন্দ্যোপাধ্যায় ...	৬৪
৪৭। স্বদেশ-গীতি—রঙ্গলাল বন্দ্যোপাধ্যায় ...	৬৬
৪৮। যমুনা-হরী—গোবিন্দচন্দ্র রায় ...	৬৮
৪৯। বাথিত-বেদনা—কৃষ্ণচন্দ্র মজুমদার ...	৭০
৫০। উধা—কৃষ্ণচন্দ্র মজুমদার ...	৭০
৫১। হিমাচল—বিহারীলাল চক্রবর্তী ...	৭১
৫২। নিদ্রামগ্ন জগৎ—বিহারীলাল চক্রবর্তী ...	৭৩
৫৩। কামনা—বিহারীলাল চক্রবর্তী ...	৭৭
৫৪। মাতৃস্তুতি—সুরেন্দ্রনাথ মজুমদার ...	৮০
৫৫। শিশুর হাসি—হেমচন্দ্র বন্দ্যোপাধ্যায় ...	৮২
৫৬। জীবন-সঙ্গীত—হেমচন্দ্র বন্দ্যোপাধ্যায় ...	৮৩
৫৭। যমুনাতে—হেমচন্দ্র বন্দ্যোপাধ্যায় ...	৮৫
৫৮। লজ্জাবতী লতা—হেমচন্দ্র বন্দ্যোপাধ্যায় ...	৮৮
৫৯। জন্মভূমি—যদুগোপাল চট্টোপাধ্যায় ...	৮৯
৬০। যমুনা—যদুগোপাল চট্টোপাধ্যায় ...	৯১
৬১। যক্ষের আশ্রয়—দ্বিজেন্দ্রনাথ ঠাকুর ...	৯৫
৬২। নিশীথ—দ্বিজেন্দ্রনাথ ঠাকুর ...	৯৭
৬৩। বুদ্ধদেবের তনুত্যাগ—নবীনচন্দ্র সেন ...	৯৮

বিষয়	পৃষ্ঠা
৬৪। সমুদ্র—নবীনচন্দ্র সেন	১০১
৬৫। অর্জুনের শোক—নবীনচন্দ্র সেন	১০২
৬৬। বাসন্তী পূর্ণিমা—শিবনাথ শাস্ত্রী	১০৬
৬৭। লক্ষ্মণ-বর্জনে রাম—গিরীশচন্দ্র ঘোষ	১০৭
৬৮। বরষার বিল—গোবিন্দচন্দ্র দাস	১১৩
৬৯। মা-মরা মেয়ে—গোবিন্দচন্দ্র দাস	১১৭
৭০। শেষ বিশ্রাম—গিরীশচন্দ্রমোহিনী দাসী	১১৮
৭১। সন্তান ও জননী—গিরীশচন্দ্রমোহিনী দাসী	১১৯
৭২। ধূলা—গিরীশচন্দ্রমোহিনী দাসী	১২০
৭৩। ভুল-ভাঙ্গা—কায়কোবাদ	১২২
৭৪। সুখ—কামিনী রায়	১২৪
৭৫। মধুর স্বপন—কামিনী রায়	১২৬
৭৬। পথ-ভোলা—কামিনী রায়	১২৭
৭৭। সুনীল সাগরে সোনার কমল—দেবেন্দ্রনাথ সেন	১২৮
৭৮। বর্ষাসুন্দরী—দেবেন্দ্রনাথ সেন	১৩০
৭৯। রাজা রামমোহন রায়—দেবেন্দ্রনাথ সেন	১৩১
৮০। বঙ্গজননী—অক্ষয়কুমার বড়াল	১৩২
৮১। মানব-বন্দনা—অক্ষয়কুমার বড়াল ✓ FIRST TERM	১৩৫
৮২। প্রকৃতিজননী—অক্ষয়কুমার বড়াল	১৩৫
৮৩। ছন্নস্তু আশা—রবীন্দ্রনাথ ঠাকুর	১৩৮
৮৪। বধু—রবীন্দ্রনাথ ঠাকুর	১৪০
৮৫। পদ্মা—রবীন্দ্রনাথ ঠাকুর	১৪৪
৮৬। বঙ্গমাতা—রবীন্দ্রনাথ ঠাকুর	১৪৫
৮৭। পূজারিণী—রবীন্দ্রনাথ ঠাকুর	১৪৬

বিষয়	পৃষ্ঠা
৮৮। ভারত-তীর্থ—রবীন্দ্রনাথ ঠাকুর	১৫১
* ৮৯। বিদায়—রবীন্দ্রনাথ ঠাকুর	১৫৫
৯০। শারদ প্রভাতে—বিজয়চন্দ্র মজুমদার	১৫৭
* ৯১। ভারতবর্ষ—দ্বিজেন্দ্রলাল রায়	১৫৯
৯২। সমুদ্র—দ্বিজেন্দ্রলাল রায়	১৬
৯৩। হ'তে পাক্তেম—দ্বিজেন্দ্রলাল রায়	১৬৩
৯৪। সেখা আমি কি গাহিব গান—রজনীকান্ত সেন	১৬৫
৯৫। জাগরণ—রজনীকান্ত সেন	১৬৬
৯৬। বাণিজ্যে বসতে লক্ষ্মীঃ—রজনীকান্ত সেন	১৬৭
৯৭। আমি যাহা চাই—মানকুমারী বসু	১৬৭
৯৮। চাতক—মানকুমারী বসু	১৭০
৯৯। উষার জাগরণ—চিত্তরঞ্জন দাশ	১৭২
১০০। প্রত্যাবর্তন—চিত্তরঞ্জন দাশ	১৭৪
১০১। নীরস শীতের গৃহে আজি কে গাইল গান—নবকৃষ্ণ ভট্টাচার্য্য	১৭৫
১০২। ভাবপতঙ্গ—প্রিয়ম্বদা দেবী	১৭৭
১০৩। বিশ্ব-ব্যাপ্তি—শশাঙ্কমোহন সেন	১৭৮
১০৪। জীবন-ভিক্ষা—করুণানিধান বন্দ্যোপাধ্যায়	১৭৮
* ১০৫। আজকে রে মন ঘোমটা খোল—করুণানিধান বন্দ্যোপাধ্যায়	১৮২
* ১০৬। চির নবীনতা—যতীন্দ্রমোহন বাগ্‌চী	১৮৩
১০৭। আমার স্বর্গপুরী—যতীন্দ্রমোহন বাগ্‌চী	১৮৪
১০৮। মাটি—সত্যেন্দ্রনাথ দত্ত	১৮৬
১০৯। গ্রীষ্ম—সত্যেন্দ্রনাথ দত্ত	১৮৭
১১০। ফুল শিগি—সত্যেন্দ্রনাথ দত্ত	১৮৯

বিষয়	পৃষ্ঠা
১১১। ছিন্নমুকুল—সত্যেন্দ্রনাথ দত্ত	১৯১
১১২। দেয়ালি—কুমুদরঞ্জন মল্লিক	১৯২
১১৩। পল্লীরাগী—কুমুদরঞ্জন মল্লিক	১৯৭
১১৪। মেহেরু দাগ—কুমুদরঞ্জন মল্লিক	১৯৯
১১৫। আশা—অতুলপ্রসাদ সেন	২০১
১১৬। ভারত-ভানু—অতুলপ্রসাদ সেন	২০২
১১৭। চাবীর ছঃখ—যতীন্দ্রনাথ সেনগুপ্ত	২০৪
১১৮। হাট—যতীন্দ্রনাথ সেনগুপ্ত	২০৬
১১৯। বঙ্গলক্ষ্মী—মোহিতলাল মজুমদার	২০৮
১২০। রবীন্দ্র বরণ—মোহিতলাল মজুমদার	২১০
১২১। বেলা যায়—প্রমথনাথ রায় চৌধুরী	২১১
১২২। লালাবাবুর দীক্ষা—কালিদাস রায় (কবিশেখর)	২১৪
১২৩। প্রকৃত লক্ষণ—কালিদাস রায় (কবিশেখর)	২১৮
১২৪। বৈশ্বানর—কালিদাস রায় (কবিশেখর)	২১৮
*১২৫। কেয়ামত রাত্রি—কাজী নজরুল ইসলাম	২১৯
১২৬। বাদল দিনে—কাজী নজরুল ইসলাম	২২১
১২৭। সত্যেন্দ্র-স্মরণে—কাজী নজরুল ইসলাম	২২৩
১২৮। হাজী মহম্মদ মহসীন—গোলাম মোস্তাফা	২২৫
*১২৯। কবর—জসীমউদ্দীন	২২৬
১৩০। পূত্র-মেহ—জসীমউদ্দীন	২৩০
১৩১। কোকিলের প্রতি—ভুজঙ্গধর রায় চৌধুরী	২৩৩
*১৩২। নব বসন্ত—সালেমা খাতুন	২৩৬
১৩৩। পান্থশালা—শেখ্ ফজলুল করিম	২৩৬
*১৩৪। স্বর্গ ও নরক—শেখ্ ফজলুল করিম	২৩৯

বিষয়	পৃষ্ঠা
১৩৫। খোদেজা বিবির প্রতি—সৈয়দ এম্‌দাদ্ আলী ..	২৩৯
১৩৬। ঈদ—সৈয়দ এম্‌দাদ্ আলী .	২৪১
১৩৭। চণ্ডীদাস—প্যারীমোহন সেনগুপ্ত ...	২৪৩
১৩৮। গৃহবধু—উমাদেবী ..	২৪৫
১৩৯। মেনি—উমাদেবী ..	২৪৬
১৪০। আকবর—হুমায়ুন কবীর ...	২৪৭
১৪১। সাথী—হুমায়ুন কবীর ...	২৫০
১৪২। তাজেব স্বপ্ন—রামেন্দু দত্ত ..	২৫২
১৪৩। শীতেব শেষে—বামেন্দু দত্ত .	২৫৬
১৪৪। কবির বীণা—বন্দেআলী মিত্রা .	২৫৭
১৪৫। শাবদলক্ষ্মী—বন্দেআলী মিত্রা	২৫৮
১৪৬। অন্ধের ব্যথা—শ্রীপতিপ্রসন্ন ঘোষ	২৫৯
১৪৭। প্রতিশোধ—কাদের নওয়াজ ...	২৬১
১৪৮। বিধাতার ভিক্ষা—আবুল হাশেম . .	২৬২
১৪৯। পিতা স্বর্গ—কিরণধন চট্টোপাধ্যায় .	২৬৪
১৫০। চাষী—পরিমলকুমার ঘোষ ...	২৬৬
১৫১। কবির কামনা—সুশীলকুমার দে ...	২৬৯
১৫২। আদাব ব্যাপারী—বলাইচাঁদ মুখোপাধ্যায় ...	২৭০
সূচনা ...	১
অবতরণিকা	৩

ত্রিধারা

—:~:—

প্রথম প্রবাহ

~~~~~

১

### আত্মনিবেদন

|                               |                  |    |
|-------------------------------|------------------|----|
| ষতনে ষতেক ধন                  | পাপে বটোরলোঁ     |    |
| মেলি পরিজনে খায় ।            |                  |    |
| মরণক বেরি                     | হেরি' কোই ন পুছই |    |
| করম সঙ্গে চলি' যায় ॥         |                  | ৪  |
| এ হরি ! বন্দো তুয়া পদ-নায় । |                  |    |
| তুয়া পদ পরিহরি'              | পাপ-পয়োনিধি     |    |
| পার হোয়ব কোন উপায় ?         |                  | ৭  |
| ভাতল সৈকতে                    | বাবি বিন্দুসম    |    |
| স্মৃতমিত-রমণী-সমাজে ।         |                  |    |
| তোহে বিসরি মন                 | তাহে সমর্পিলুঁ   |    |
| অব মবু হব কোন কাজে ?          |                  | ১১ |
| মাধব ! হাম পরিণাম-নিরাশা ।    |                  |    |
| তুহুঁ জগতারণ                  | দীন দয়াময়—     |    |
| অতয়ে তোহারি বিশোয়াসা ॥      |                  | ১৪ |

১

## ত্রিধান্না

|                            |                    |    |
|----------------------------|--------------------|----|
| কত চতুরানন                 | মরি মরি যাওত       |    |
| ন তুয়া আদি অবসানা ।       |                    |    |
| তোহে জনমি' পুনঃ            | তোহে সমাওত         |    |
| সাগরলহরী সমানা ॥           |                    | ১৮ |
| মাধব ! বহুত মিনতি করি তোয় |                    |    |
| দেই তুলসী তিল              | দেহ সমর্পিলুঁ      |    |
| দয়া জন্ম ছোড়বি মোয় ॥    |                    | ২১ |
| গণইতে দোষ                  | গুণলেশ না পাওবি    |    |
| যব তুল' কববি বিচার ।       |                    |    |
| তুল' জগন্নাথ               | জগতে কহায়সি       |    |
| জগ বাহির নহ মুঞি ছার ॥     |                    | ২৫ |
| কিয়ে মানুষ পশু            | পাখী কিয়ে জনমিয়ে |    |
| অথবা কীট পতঙ্গ ।           |                    |    |
| কবম-বিপাকে                 | গতাগতি পুনঃ পুনঃ   |    |
| মতি রহু তুয়া পরসঙ্গ ॥     |                    | ২৯ |
| ভণয়ে বিছাপতি'             | অতিশয় কাতর        |    |
| তরইতে ইহ ভবসিঙ্কু ।        |                    |    |
| তুয়া পদপল্লব              | করি অবলম্বন        |    |
| তিল এক দেহ দীনবন্ধু ॥      |                    | ৩৩ |

—বিছাপতি



## ঋতুরাজ

|                                                                                                                            |    |
|----------------------------------------------------------------------------------------------------------------------------|----|
| আঙুল ঋতুপতি, রাজ বসন্ত ।<br>ধাঙুল অলিকুল মাধবী-পশু ॥<br>দিনকর-কিরণ ভেল পয়গণ্ড ।<br>কেশর-কুসুম ধরল হেমদণ্ড ॥               | ৪  |
| নৃপ-আসন নব পীঠল-পাত ।<br>কাঞ্চন-কুসুম ছত্র ধরু মাথ ॥<br>মৌলি রসালমুকুল ভেল তায় ।<br>সমুখহি কোকিল পঞ্চম গায় ॥             | ৮  |
| শিখিকুল নাচত, অলিকুল যন্ত্র ।<br>আন দ্বিজকুল পড়ু আশীষ-মন্ত্র ॥<br>চন্দ্রাতপ উড়ে কুসুম-পরাগ ।<br>মলয়-পবন সহ ভেল অনুরাগ ॥ | ১২ |
| কুন্দবল্লী তরু ধরল নিশান ।<br>পাটল তূণ, অশোকদল বাণ ॥<br>কিংশুক লবঙ্গলতা একসঙ্গ ।<br>হেরি শিশির ঋতু আগে দিল ভঙ্গ ॥          | ১৬ |
| সৈন্য সাজল মধুমক্ষিককুল ।<br>শিশিরক সবছ কয়ল নিরমূল ॥<br>উধারল সরসিজ, পাণ্ডুল প্রাণ ।<br>নিজ নবদলে করু আসন দান ॥           | ২০ |
| নববৃন্দাবন-রাজ্যে বিহার ।<br>বিছাপতি কহ সময়ক সার ॥                                                                        |    |

—বিছাপতি

## ভুবন-মোহন শ্যাম

|                         |                    |    |
|-------------------------|--------------------|----|
| জলদ-বরণ কানু            | দলিত অঞ্জন জন্ম    |    |
| উদয় হয়েছে সুধাময় ।   |                    |    |
| নয়ন চকোর মোর           | পিংতে করে উত্তরোল  |    |
| নিমিখে নিমিখ নাহি হয় ॥ |                    | ৪  |
| কিবা সে চাহনি,          | ভুবন ভুলনী,        |    |
| দোলনি গলে বনমাল ।       |                    |    |
| মধুর লোভে               | ভ্রমরা বলে,        |    |
| বেড়িয়া তহিঁ রসাল ॥    |                    | ৮  |
| ভাঙ ধনুভঙ্গিঠাম,        | নয়ানকোণে পূরে বাণ |    |
| হাসিতে খসয়ে সুধারাশি । |                    |    |
| বরণ দেখিনু শ্যাম        | জিনিয়া ত কোটি কাম |    |
| বদন জিতল কোটি শশী ॥     |                    | ১২ |
| অতি সুশোভিত             | বক্ষ বিস্তারিত,    |    |
| দেখিনু দর্পণাকার ।      |                    |    |
| তাহার উপরে              | মালা বিরাজিত       |    |
| কি দিব উপমা তার ?       |                    | ১৬ |
| চরণ-নখরে                | বিধু বিরাজিত       |    |
| মণির মঞ্জীর তায় ।      |                    |    |
| চণ্ডীদাস হিয়া          | সেরূপ দেখিয়া      |    |
| চঞ্চল হইয়া ধায় ॥      |                    | ২০ |

—চণ্ডীদাস

## বিরহিণী রাধা

রাধার কি হৈল অন্তরে ব্যথা !

বসিয়া বিরলে                      থাকয়ে একলে  
না শুনে কাহারো কথা ।                      ৩

সদাই ধেয়ানে                      চাহে মেঘ পানে  
না চলে নয়ন-তারা ;  
বিরতি আহারে                      রাঙ্গাবাস পরে,  
যেমত যোগিনী পারা ।                      ৭

ঘরের বাহিরে                      দণ্ডে শতবার  
তিলে তিলে আসে যায় ।  
মন উচাটন                      নিশ্বাস সঘন  
কদম্ব-কাননে চায় ।                      ১১

সদাই চঞ্চল                      বসন-অঞ্চল  
সংবরণ নাহি করে ;  
বসি থাকি থাকি                      উঠয়ে চমকি  
ভূষণ খসিয়া পড়ে ।                      ১৫

—চণ্ডীদাস



৬

## মাতৃ-স্নেহ

শ্রীদাম সুদাম দাম                      শুন ওরে বলরাম  
মিনতি করিয়ে তো সভারে ।

বন কত অতিদূর !                      নব তৃণ কুশাকুর  
গোপাল লৈয়া না যাইহ দূরে ॥                      ৪

সখাগণ আগে পাছে                      গোপাল করিয়া মাঝে  
ধীরে ধীরে করিহ গমন ।

নব তৃণাকুর আগে                      রাজা পায় যদি লাগে  
প্রবোধ না মানে মায়ের মন ॥                      ৮

নিকটে গোধন রেখো                      'মা' ব'লে শিঙ্গাতে ডেকো  
ঘরে থাকি শুনি ঘেন রব ।

বিহি কৈলা গোপ-জাতি                      গোধন-পালন-বৃষ্টি  
তেত্রিঃ বনে পাঠাইয়া দিব ॥                      ১২

বলরামদাসের বাণী                      শুন ওগো নন্দবাণী !  
মনে কিছু না ভাবিহ ভয় ।

চরণের বাধা লৈয়া                      দিব আমরা যোগাইয়া  
তোমার আগে কহিনু নিশ্চয় ॥                      ১৬

—বলরাম দাস

৭

## ঝর ঝর জলধর-ধার

ঝর ঝর জলধর-ধার ;

ঝঞ্ঝা পবন বিথার ;

ঝলকত দামিনীমালা,

ঝামরি তৈ গলে বালা ।

৪

ঝুঠ কি কহব কানাই,

ঝুরত তুয়া ঝিনু বাই ।

ঝন ঝন বজর-নিশানে

ঝাঁপি রহত দুই কানে ।

৮

ঝিঞ্জি-ঝঙ্কর রাতি,

ঝঙ্ক সহনে নাহি যাতি ।

—গোবিন্দ দাস

৮

## আত্মবিলোপ

ওঁ হে পরাণ-বঁধু তুমি ।

কি আর বলিব আমি ॥

তুমি সে আমার, আমি সে তোমার ।

তোমার তোমাকে দিতে কি যাবে আমার ॥ ৪

কে জানে মনের কথা কাহারে কহিব ।

তোমাতে তোমার দিয়া তোমার হইয়া রব ॥

—সৈয়দ মর্তুজা

৮

## ব্রাহ্মভক্তি

কেঁকরী সকল কহে ভারতের স্থানে ।  
 রামের অশেষ গুণ প্রথমে বাখানে ॥  
 “ভকত-বৎসল রাম ধর্মেতে তৎপর ।  
 জনক-জননী-প্রাণ, গুণের সাগর ॥ ৪  
 শ্রীরাম হইলে রাজা সবার কোতুক ।  
 রামের প্রসাদে লোক পায় নানা সুখ ॥  
 কালি রাম রাজা হবে আজি অধিবাস ।  
 হেন কালে রামেরে দিলাম বনবাস ॥ ৮  
 তোমাতে রাজত্ব দিয়া রাম গেল বন ।  
 হা রাম ! বলিয়া রাজা ত্যজিল জীবন ॥  
 মাতৃ-ধার পুত্রে কভু শুধিতে না পারে ।  
 রাম লয়েছিল রাজ্য দিলাম তোমাতে ॥ ১২  
 রাজা হ’য়ে রাজ্য কর, বৈস রাজপাটে ।  
 রাজলক্ষ্মী আছে, পুত্র, তোমার ললাটে ॥”  
 আঘাত লাগিলে ঘায়ে জ্বলে তা যেমন ।  
 তেমতি ভারত বলে হ’য়ে জ্বালাতন ॥— ১৬  
 “রাজকুলে জন্মিয়া, শুনিলে কোন্ খানে ।  
 কনিষ্ঠ হইবে রাজা জ্যেষ্ঠ বিদ্যমানে ?

## ত্রিধারা

শ্রীরামের শোকে রাজা ত্যজেন জীবন ।

তুমি কেন শ্রীরামের ঘটাইলে বন ?

২০

রাজার প্রসাদে তব এতেক সম্পদ ।

তিন কুল মজাইলে স্বামী করি' বধ ॥”

ভরত জ্বলন্ত-অগ্নি তুল্য ক্রোধে জ্বলে ।

দেখিয়া কেকযী তবে যায় অশ্রুস্থলে ॥

২৪

যাইতে যাইতে রাগী করিছে বিবাদ ।

কার লাগি' করিলাম এতেক প্রমাদ ॥

—কৃত্তিবাস



১০

## ভরত-মিলন

ভবত কহেন ধবি রামেব চরণ ।

“কাব বাক্যে রাজ্য ছাড়ি বনে আগমন ?

বামা জাতি স্বভাবতঃ অল্প বুদ্ধি ধরে ।

তাব বাক্যে কে কোথা গিয়াছে দেশান্তরে ?

৬

অপরাধ ক্ষমা কর, চল প্রভু দেশ ।

সিংহাসনে বসিয়া ঘুচাও মনঃক্লেশ ॥

অযোধ্যাভূষণ তুমি অযোধ্যার সার ।

তোমা বিনা অযোধ্যা দিবসে অন্ধকার ॥

১

১০



## ভরত-মিলন

চল প্রভু, অযোধ্যায় লহ রাজ্যভার ।  
দাসবৎ কৰ্ম করি আজ্ঞা অনুসার ॥”  
শ্রীরাম বলেন, “তুমি ভারত পণ্ডিত ।  
না বুঝিয়া কেন বল এ নহে উচিত ॥ ১২  
মিথ্যা অনুযোগ কেন কর বিমাতায় ।  
বনে আইলাম আমি পিতার আজ্ঞায় ॥  
চৌদ্দবর্ষ পালি আমি পিতার বচন ।  
ফিরিব অযোধ্যা-ধামে দেখিবে তখন ॥” ১৬  
শ্রীরামেরে বলেন বশিষ্ঠ মহাশয় ।  
“ভরতের প্রতি বাম কি অনুজ্ঞা হয় ?  
তোমা বিনা ভারতের আর নাহি গতি ।  
বুঝিয়া ভারতে রাম কর অনুমতি ॥” ২০  
শ্রীরাম বলেন, “মুনি, হইলাম সুখী ।  
প্রাণের অধিক আমি ভারতেরে দেখি ॥  
ভরতে আমাতে নাহি করি অন্তর্ভাব ।  
ভরতের রাজত্বে আমার রাজ্যলাভ ॥ ২৪  
যাও ভাই ভারত হরিত অযোধ্যায় ।  
মন্ত্রিগণ লয়ে রাজ্য করহ তথায় ॥  
সিংহাসন শূন্য আছে ভয় করি মনে ।  
কোন শত্রু আপদ ঘটাবে কোন ক্ষণে ! ২৮  
তোমাতে জানাব কত আছ যে বিদিত ।  
বিবেচনা করিবে সর্বদা হিতাহিত ॥

## ত্রিধারা

চতুর্দশ বছর জানত গত প্রায় ।  
চারি ভাই একত্র হইব অযোধ্যায় ॥” ৩২  
ষোড়হাতে ভরত বলেন সবিনয় ।  
“কেমনে রাখিব রাজ্য মম সাধ্য নয় ॥  
তোমার পাদুকা দেহ করি গিয়া রাজা ।  
তবে সে পারিব রাম পালিবারে প্রজা ॥” ৩৬  
তোমার পাদুকা যদি থাকে রাম ঘরে ।  
ত্রিভুবনে আমার কি করে কার ডরে ?”  
শ্রীরাম বলেন, “হে ভরত প্রাণাধিক !  
পাদুকা লইয়া যাও কি কব অধিক ॥ ৪০  
নন্দীগ্রামে পাট করি কর রাজকার্য্য ।  
সাবধান হইয়া পালিও পিতৃরাজ্য ॥”  
শ্রীরামের পাদুকা ভরত শিরে ধরে ।  
ভাবে পুলকিত অঙ্গ প্রফুল্ল অন্তরে ॥ ৪৪  
পাদুকার অভিষেক করিয়া তথায় ।  
চলেন ভরত তবে রামের আজ্ঞায় ॥

—কৃত্তিবাস

## শ্রীরামের বিলাপ

বিলাপ করেন রাম লক্ষ্মণের আগে,  
 “ভুলিতে পারি না সীতা সদা মনে জাগে ।  
 কি করিব, কোথা যাব, অনুজ লক্ষ্মণ,  
 কোথা গেলে সীতা পাব কর নিরূপণ । ৪  
 মন বুঝিবারে বুঝি আমার জানকী  
 লুকাইয়া আছেন, লক্ষ্মণ দেখ দেখি !  
 বুঝি কোন মুনীপত্নী-সহিত কোথায়  
 গেলেন জানকী না জানাইয়া আমায় ? ৮  
 গোদাবরী-তীরে আছে কমল-কানন  
 তথা কি কমলমুখী করেন ভ্রমণ ?  
 পদ্মালয়া পদ্মমুখী সীতারে পাইয়া  
 রাখিলেন বুঝি পদ্মবনে লুকাইয়া ? ১২  
 রাজ্যচ্যুত আমাকে দেখিয়া চিন্তাশ্রিতা  
 হরিলেন পৃথিবী কি আপন দুহিতা ?  
 রাজ্যহীন যद्यপি হয়েছি আমি বটে,  
 রাজলক্ষ্মী তথাপি ছিলেন সন্নিকটে ; ১৬  
 আমার সে রাজলক্ষ্মী হারাইল বনে—  
 কৈকেয়ীর মনোভীষ্ট সিদ্ধ এতদিনে !

## ত্রিধারা

সৌদামিনী যেমন লুকায় জলধরে,  
লুকাইল তেমন জানকী বনাস্তরে । ২০  
কনকলতার প্রায় জনকদুহিতা  
বনে ছিল, কে করিল তারে উৎপাটিতা ?  
দিবাকর, নিশাকর, দীপ্ত তারাগণ,  
দিবানিশি করিতেছে তম নিবারণ ; ২৪  
তা'রা না হরিতে পারে তিমির আমার—  
এক সীতা বিহনে সকল অন্ধকার ।  
দশদিক্ শূন্য দেখি সীতা অদর্শনে,  
সীতা বিনা কিছু নাহি লয় মম মনে । ২৮  
সীতা ধ্যান, সীতা জ্ঞান, সীতা চিন্তামণি,  
সীতা বিনে আমি যেন মণি-হারা ফণী ।  
দেখ রে লক্ষ্মণ ভাই, কর অন্বেষণ ;  
সীতারে আনিয়া দেহ বাঁচাও জীবন । ৩২  
আমি জানি, পঞ্চবটি, তুমি পুণ্যস্থান ;  
তেঁই সে এখানে করিলাম অবস্থান ।  
তাহার উচিত ফল দিলে হে আমারে  
শূন্য দেখি তপোবন, সীতা নাই ঘরে !” ৩৬

—কৃত্তিবাস

## মৃত্যু-বাণ

শ্রীরাম বলেন, “রক্ষঃ কি ভাবিছ বসে ?

মরণ নিকট তব যুদ্ধ দেহ এসে ॥”

এত বলি দিলা রাম ধনুকে টঙ্কার ।

শ্রীরাম রাবণে যুদ্ধ বাজে আরবার ॥

৪

হইল বিষম যুদ্ধ না যায় গণন ।

মহাকোপে বাণবৃষ্টি করিছে রাবণ ॥

মাতিল সারথি বানে হইল অস্থির ।

বাণে বাণে নিবারণ কৈলা রঘুবীর ॥

৮

শূন্যপথে থাকিয়া দেখিছে দেবগণ ।

মৃত্যুবাণ যুড়ে রক্ষঃ-নিধন-কারণ ॥

হংসাকৃতি বাণের যে মুখের আকার ।

বাণ দেখে দেবতার লাগে চমৎকার ॥

১২

কনক-রচিত বাণ ভুবন প্রকাশে ।

বাণের মুখেতে অগ্নি রহে গুপ্তবেশে ॥

পশুপতি বৈসেন বাণের মধ্যখানে ।

চালনা করেন উনপঞ্চাশ পবনে ॥

১৬

ধরাধর ধরাতে বিরাজে নিরন্তর ।

অলক্ষিতে যম রহে বাণের উপর ॥

## ত্রিধারা

বাণের গর্জনে ত্রিভুবন লাগে ডর ।  
পর্বত উপাড়ি পড়ে উথলে সাগর ॥ ২০  
কৃষ্ণবর্ণ বাণের সকল অঙ্গজ্যোতি ।  
তিলেকেতে বিনাশিতে পারে বসুমতী ॥  
নানা পুষ্পমাল্য দিয়া বানগোটা সাজি ।  
মন্ত্র পড়ি রঘুনাথ বাণব্রহ্ম পূজি ॥ ২৪  
মৃত্যু-অস্ত্র রঘুনাথ যুড়ে মন্ত্রবলে ।  
ধূম উঠে বাণমুখে ব্রহ্ম-অগ্নি জ্বলে ॥  
মহাশব্দ করিয়া সঘনে গর্জে বাণ ।  
দেখিয়া যে রাবণের উড়িল পরাণ ২৮  
চিনিল রাবণরাজা দেখি মৃত্যুবাণ ।  
জানিল যে এই বানে বাহিরিবে প্রাণ ॥  
বিশ্বামিত্র স্মরি বাণ ছাড়ে রঘুবীর ।  
রাবণের বুকে বিক্লি কৈল দুই চির ॥ ৩২  
ছট্ফট্ করে রাজা পড়ি ভূমিতলে ।  
ব্রহ্মাদি দেবতা দেখে গগনমণ্ডলে ॥

—কৃত্তিবাস

## কালকেতুর শৈশব

দিনে দিনে বাড়ে কালকেতু ।

জিনিয়া মাতঙ্গ গতি                      যেন নব রতিপতি

সভার লোচন-সুখ-হেতু ।

নাক মুখ চক্ষু কান                      কুন্ডে যেন নিরমাণ

দুই বাহু লোহার সাবল ;

৫

শীল রূপ বাচা,                      যেন সে শালের কোঁড়া,

জিনি শ্যাম-চামর কুন্তল ।

বিচিত্র কপালতটী                      গলায় জালের কাঁঠি

করযুগে লোহার শিকলী ;

বুক শোভে বাঘনখে                      অঙ্গে রাজা ধূলি মাখে

১০

তনুমাঝে শোভিছে ত্রিবলী ।

কপাট-বিশাল বুক,                      জিনি ইন্দীবর মুখ

আকর্ণ-দীঘল বিলোচন ;

গতি জিনি গজরাজ                      কেশরী জিনিয়া মাঝ

মোতিপাঁতি জিনিয়া দশন ।

১৫

দুই চক্ষু জিনি নাটা                      যুবে যেন কড়ি-ভাটা

কানে শোভে স্ফটিক-কুণ্ডল,

পরিধান বীরধড়ি                      মাথায় জালের দড়ী

শিশুমাঝে যেমন মণ্ডল ।

লইয়া ফাউড়া ডেলা                      যার সঙ্গে করে খেলা

২০

তার হয় জীবন সংশয় ;

## ত্রিখান্না

যে জনে আঁকড়ি ধরে                      পড়য়ে ধরণী'পরে

ভয়ে কেহ নিয়ড়ে না রয় ।

সঙ্গে শিশুগণ ফিরে                      তাড়িয়া শশারু ধরে,

দূরে গেলে ছুঁবায় কুকুরে,

২৫

বিহঙ্গ বাঁটুলে বিস্ফে                      লতায় জড়িয়া বান্ধে—

কান্ধে ভার বীর আইসে ঘরে ।

—কবিকঙ্কণ মুকুন্দরাম চক্রবর্তী

১২

## ফুল্লরার দুঃখ

পাশেতে বসিয়া রামা কহে দুঃখবানী—

ভাঙ্গা কুঁড়েঘর, তালপাতার ছাউনী ।

ভেরেণ্ডার থাম ওই আছে মধ্যঘরে,

প্রথম বৈশাখ মাসে নিত্য ভাঙ্গে ঝড়ে ।

৪

বৈশাখে অনল-সমান বসন্তের খরা,

তরুতল নাহি মোর করিতে পসরা ।

পায় পোড়ে খরতর রবির কিরণ ;

শিরে দিতে নাহি আঁটে খুণ্ডার বসন ।

৮

বৈশাখ হ'ল বিষ গো, বৈশাখ হ'ল বিষ—

মাংস নাহি খায়—সর্বলোক নিরামিষ ।

পাপিষ্ঠ জ্যৈষ্ঠ মাস, পাপিষ্ঠ জ্যৈষ্ঠ মাস,

বেঙেচের ফল খেয়ে করি উপবাস ।

১২

১৮



## ফুল্লরার দুঃখ

- আষাঢ় পূরিল মহী, নব মেঘে জল,  
বড় বড় গৃহস্থের টুটিল সম্বল ।  
মাংসের পসরা ল'য়ে ফিরি ঘরে ঘরে,  
কিছু খুদ কুঁড়া পাই—উদর না পূবে । ১৬
- শ্রাবণ বরিষে ঘন দিবস রজনী,  
সিতাসিত দুই পক্ষ একই না জানি ।  
আচ্ছাদন নাহি অঙ্গে, পড়ে মাংস-জল, —  
কত মাছি খায় অঙ্গে মোর কস্মেব ফল । ২০
- বড় অভাগা মনে গণি, বড় অভাগা মনে গণি—  
কত শত খায় জোক, নাহি খায় ফণী ।  
ভাদ্রপদ মাসে বড় ছুরন্তু বাদল—  
সকলে দরিদ্র, বীর অন্নেতে বিবল । ২৪
- কিরাত-নগরে বসি, না মিলে উদার,  
হেন বন্ধুজন নাহি যেবা সহে ভার ।  
দুঃখ কর অবধান, দুঃখ কর অবধান,—  
বৃষ্টি হইলে কুঁড়েয় ভেসে যায় বান । ২৮
- আগ্নিনে অশ্বিকা পূজা করে জগজনে,  
ছাগ মেঘ মহিষ করয়ে বলিদানে ।  
উত্তম বসনে বেশ করয়ে বনিতা,  
অভাগী ফুল্লরা করে উদরের চিন্তা । ৩২
- মাংস কেহ না আদরে, মাংস কেহ না আদরে,  
দেবীর প্রসাদ-মাংস সবাকার ঘরে ।

## ত্রিধারা

কার্তিক মাসেতে হৈল হিমের জনম,  
করয়ে সকল লোক শীত নিবারণ । ৩৬  
নিযুক্ত করিল বিধি সবার কাপড়,  
অভাগী ফুল্লরা পরে হরিণের ছড় ।  
দুঃখ কর অবধান, দুঃখ কর অবধান,  
জানু ভানু কৃশানু শীতের পরিত্রাণ । ৪০  
পৌষে প্রবল শীত সুখী জগজন,  
তুলি পাড়ি পাছুড়ি শীতের নিবারণ !  
হরিণ বদলে পাইনু পুরাণ খোসলা,  
উড়িতে সকল অঙ্গে বরিষয়ে ধূলা । ৪৪  
মাঘ মাসে অনিবার সদাই কুজ্বাটী,  
আন্ধারে লুকায় মৃগ না পায় আখেটী ।  
সহজে শীতল ঋতু ফাল্গুন মাসে,  
তোষয়ে সকল লোক বসন্ত বাতাসে । ৪৮  
অনল সমান পোড়ে চৈতের খরা,  
চালু সেরে বান্ধা দিনু মাটিয়া পাথরা ;  
দুঃখ কর অবধান, দুঃখ কর অবধান,  
আমানি খাবার গর্ত দেখ বিদ্রমান । ৫২

—কবিকঙ্কণ মুকুন্দরাম চক্রবর্তী

## কমলে কামিনী

|                      |                           |    |
|----------------------|---------------------------|----|
| রাজার আদেশ পেয়ে     | সঙ্গে সাত তরী লয়ে        |    |
|                      | নদ নদী সিন্ধু মহারয় ।    |    |
| অবধান করু ভূপ,       | যে দেখিল অপরূপ            |    |
|                      | কহিতে হৃদয়ে লাগে ভয় ॥   | ৪  |
| সঙ্গে সাত তরী লয়ে   | আইলাম অজয় বেয়ে          |    |
|                      | উপনীত ইন্দ্রানীর ঘাটে ।   |    |
| ধোত-হরি-পদদ্বন্দ্বা  | বাহিল অলকনন্দা            |    |
|                      | আনন্দে আইল গীত-নাটে ॥     | ৮  |
| ডানি বামে যত গ্রাম   | তার কত লব নাম ?           |    |
|                      | উপনীত ত্রিবেণীর তীরে ।    |    |
| প্রভাতে করিয়া স্নান | যথাবিধি দিয়া দান         |    |
|                      | ঘটে পূরে নিল গঙ্গা-নীরে ॥ | ১২ |
| মগরায় ঝড় বৃষ্টি    | শিব দিলা কৃপাদৃষ্টি       |    |
|                      | ভাগ্যে এড়াইল মধুকর ।     |    |
| মগরা করিল বল         | ছয় ডিঙ্গা হ'ল তল         |    |
|                      | প্রাণ রক্ষা করিল শঙ্কর ॥  | ১৬ |
| জাহুবী-সাগর-সঙ্গ     | পর্বতসম তরঙ্গ             |    |
|                      | বাহিলাম প্রাণ করি হাতে ।  |    |
| ডানিভাগে নীলগিরি     | সিন্ধুকূলে অবতরি          |    |
|                      | দেখিলাম প্রভু জগন্নাথে ॥  | ২০ |
| কেবল দুঃখের পথ       | বাহিলাম নানা মত           |    |
|                      | উপনীত হইল সিংহলে ।        |    |
| সুধন্য সিংহল দেশ     | কালীদহে পরবেশ             |    |
|                      | শশীমুখী দেখিল কমলে ॥      | ২৪ |

## ত্রিধারা

সেই কালীদহ-জলে

কুমারী কমল দলে

গজ গিলে উগারে অঙ্গনা ।

অতি কুশোদরী বাল্য

মাতঙ্গ জিনিয়া লীলা

শশীমুখী খঞ্জন-লোচনা ॥

২৮

—কবিকঙ্কণ মুকুন্দরায় চক্রবর্তী

১৬

## প্রণাম

প্রথমে প্রণাম করি এক করতার,

যেই প্রভু জীব দানে স্থাপিল সংসার ।

আপনা প্রচার হেতু সৃজিল জীবন ;

নিজ ভয় দর্শাইতে সৃজিল মরণ ।

৪

সুগন্ধ সৃজিল প্রভু স্বর্গ আকলিতে ;

সৃজিলেক দুর্গন্ধ নরক জানাইতে ।

মিষ্টরস সৃজিলেক কৃপা-অনুরোধ ;

তিক্ত-কটু-কষা সৃজি' জানাইল ক্রোধ ।

৮

পুষ্পে জন্মাইল মধু সুগুণ্ড আকার ;

সৃজিয়া মক্ষিকা কৈল তাহার প্রচার ।

এতেক সৃজিতে তিল না হৈল বিলম্ব ;

অস্তরীক্ষ গঠিয়া রাখিছে বিনি স্তম্ব ।

১২

|                                                                                                                                                                                                                                                                                  |    |
|----------------------------------------------------------------------------------------------------------------------------------------------------------------------------------------------------------------------------------------------------------------------------------|----|
| সেই এক ধনপতি যাহার সংসার<br>সকলেরে দেয় দান, না টুটে ভাণ্ডার ।<br>ক্ষুদ্র পিপীলিকা হতে ঐরাবত আর<br>কাণ্ডকে নাহি বিস্মরণ, দিয়াছে আহার ।                                                                                                                                          | ১৬ |
| হেন দাতা আছে কোথা, শুন গজানন,<br>সবাকে খাওয়ায় পুনঃ না খাষ আপন ;<br>যেই ইচ্ছা সেই করে, কেহ নাহি জানে,<br>মন বুদ্ধি অন্ধ ধন্ধ তাহার কারণে ।                                                                                                                                      | ২০ |
| সেই সে সকল গড়ে, সকল ভাস্কর ;<br>ভাস্কিয়া গঠয় পুনঃ যদি মনে লয় ;<br>অনেক অপার অতি প্রভুর করণ,<br>কহিতে অকথা কথা না যায় বর্ণন ।                                                                                                                                                | ২৪ |
| সপ্ত মহী, সপ্ত স্বর্গ, বৃক্ষপত্র যত,<br>সপ্ত শূন্য ভরি যদি সৃজয় জগত ;<br>যতবিধ নবগৃহ আর বৃক্ষশাখা,<br>যত লোমাবলী আয় যত পক্ষী-পাখা,<br>পৃথিবীর যত রেণু, স্বর্গে যত তারা,<br>জীবজন্তু-শ্বাস আর বরিষাব ধারা,—<br>যুগে যুগে বসি যদি স্তুতিএ লেখয়<br>সহস্র ভাগের এক ভাগ নাহি হয় । | ৩২ |

—সৈয়দ আলিওল

## একলব্যের গুরুদক্ষিণা

একদিন অস্ত্রগুরু দ্রোণাচার্য্যস্থানে ।

আইল নিষাদ এক শিকার কারণে ॥

হিরণ্যধনুর পুত্র একলব্য নাম ।

দ্রোণের চরণে আসি করিল প্রণাম ॥

৪

ষোড়হাত করি বলে নিষাদনন্দন ।

তথাপি তাহারে শিক্ষা না দিলেন দ্রোণ ॥

দ্রোণ বলিলেন, “তুই হোস্ নীচ জাতি ।

তোরে শিক্ষা করাইলে হইবে অখ্যাতি ॥”

৮

দ্রোণাচার্য্য মুখে যবে নিষ্ঠুর শুনিল ।

দগুৰৎ করিয়া অরণ্যে প্রবেশিল ॥

নিষাদের বেশ তাজি হৈল ব্রহ্মচারী ।

জটাবন্ধ পরিধান, ফলমূলাহারী ॥

১২

মৃত্তিকার দ্রোণ এক করিয়া রচন ।

নানা পুষ্প দিয়া তাঁর করয়ে পূজন ॥

নিরন্তর একলব্য হাতে ধনুঃশর ।

সর্বমন্ত্র জ্ঞাত হৈল সর্ব-শস্ত্র আর ॥

১৬

তবে কতদিন পরে কোঁরবনন্দন ।

সেই বনে গেল সবে মৃগয়া কারণ ॥

## একলব্যের গুণদক্ষিণা

- মৃগয় গরিছে যত রাজার কোঙর ।  
হেন কালে এক পাণ্ডবের অনুচর ॥ ২০
- করিয়া কুকুর সঙ্গে যায় পাছে পাছে ।  
উত্ত্বঙ্কিলা যথা নিষাদপুত্র আছে ॥  
শব্দ করে কুকুর দেখিলা ব্রহ্মচারী ।  
চারিদিকে ভ্রমে তারে প্রদক্ষিণ করি ॥ ২৪
- কুকুরের শব্দে তার ভাগ্নিলেক ধ্যান ।  
ক্রোধে কুকুরের মুখে মারে সপ্তবাণ ॥  
না মরিল কুকুর না হৈল মুখে ঘা ।  
অলক্ষিতে কুকুরের রুধিলেক রা ॥ ২৮
- কুকুর নিঃশব্দে ধায় মুখে করি শর ।  
কতক্ষণে গেল তবে কুমার গোচর ॥  
কুকুরের মুখে শর আশ্চর্য্য দেখিয়া ।  
জিজ্ঞাসিল অনুচরে বিস্মিত হইয়া ॥ ৩২
- “এহেন অদ্ভুত কৰ্ম্ম কভু নাহি শুনি ।  
বহু বিদ্যা জানি, হেন বিদ্যা নাহি জানি ॥”  
সবে মিলি গেল যেথা আছে ব্রহ্মচারী ।  
দেখিল বসিয়া আছে ধনুঃশর ধরি ॥ ৩৬
- জিজ্ঞাসিল সবে “তুমি হও কোন্ জন ?  
কার স্থানে এ বিদ্যা করিলা অধ্যয়ন ?”

## ত্রিধারা

ব্রহ্মচারী বলে, “মম একলব্য নাম ।  
গুরু দ্রোণ স্থানে অস্ত্র শিক্ষা করিলাম ॥ ৪০

শুনিয়া বিস্ময় মানে যতেক কুমার ।  
অর্জুন শুনিয়া চিন্তা করেন অপার ॥ ●  
মৃগয়া সম্বরী তবে যত ভাতৃগণ ।  
দ্রোণ স্থানে করিলেন সব নিবেদন ॥ ৪৪

বিনয়ে কহেন পার্থ বিরস বদন—  
“আমারে নিগ্রহ কেন কৈলা ভগবন ॥  
পৃথিবীতে যেই বিদ্যা অগোচর নরে ।  
সেই বিদ্যা শিখাইল নিষাদকুমারে ॥ ৪৮

অর্জুনের বাক্যে দ্রোণ মানিয়া বিস্ময় ।  
ক্ষণেক নিঃশব্দে চিন্তা করেন হৃদয় ॥  
অর্জুনের সাথী করি আচার্য্য তখন ।  
উপনীত হ’ল যথা নিষাদনন্দন ॥ ৫২

একলব্য দ্রোণে দেখি প্রণাম কবিল ।  
কৃতাজ্জলি হইয়া অগ্রেতে দাঁড়াইল ॥  
দ্রোণ বলিলেন, “যদি তুমি শিষ্য হও ।  
তবে গুরুদক্ষিণা আমারে আজি দাও ॥” ৫৬

একলব্য বলে, “প্রভু, মম ভাগ্যবশে ।  
কৃপা করি তুমি, প্রভু, এলে মম পাশে ॥



সকল দ্রব্যেতে হয় গুরু-অধিকার ।  
যা কিছু আছে আমার সকলি তোমার ॥

৬০

আজ্ঞা কর, প্রভু, করিলাম অঙ্গীকার ।  
প্রাণ যদি চাহ দিব শ্রীপদে তোমার ॥”  
দ্রোণ বলিলেন, “যদি আমারে তুষিবা ।  
দক্ষিণ হস্তের বৃদ্ধ অঙ্গুলিটি দিবা ॥”

৬৪

ততক্ষণে কাটিয়া অঙ্গুলি গোটা দিল ।  
গুরু-আজ্ঞায় অগ্র পশ্চাৎ না ভাবিল ॥  
তুষ্ট হইলেন গুরু আর ধনঞ্জয় ।  
মনে জানিলেন গুরু আমারে সদয় ॥

৬৮

একলব্য গুরুভক্তি দেখিয়া নয়নে ।  
স্বর্গ হইতে পুষ্পবৃষ্টি করে দেবগণে ॥

—কাশীরাম দাস

১৮

## পরার্থ

একচক্রা নগরেতে ব্রাহ্মণের ঘরে  
ব্রাহ্মণের বেশে পাণ্ডবেরা বাস করে ॥  
একদিন গৃহেতে রহিল বৃকোদর ।  
ভিক্ষার কারণে গেলা চারি সহোদর ॥

৪

## ত্রিধারা

আচম্বিতে বিপ্রগৃহে মহাশব্দ শুনি',  
বিলাপ করিয়া কান্দে ব্রাহ্মণ-ব্রাহ্মণী,  
করুণ-হৃদয়া কুন্তী সহিতে নারিল,  
ব্রাহ্মণের ঘরে কুন্তী গমন করিল ।

৮

মৃতের উপরে যেন সুধা-বরিষণে  
জিজ্ঞাসিল কুন্তীদেবী মধুর বচনে—

“কি কারণে ক্রন্দন করহ তিনজন ?

জানিলে, হইলে সাধ্য, করিব মোচন ॥”

১২

দ্বিজ বলে,—“যেই হেতু করিয়ে ক্রন্দন,  
মনুষ্যেব শক্তি নাহি করিতে মোচন ।

এই তো নগরে আছে বক নিশাচর,

অত্যন্ত দুঃস্থ, হয় রাজ্যের ঈশ্বর ।

১৬

আজি তার ভোজনের পালা মম ঘরে,

কি করিব, কি হইবে, বাক্য নাহি সরে ।

এই ভার্য্যা, কন্যা, পুত্র, আছি চারিজন,

কারে দিব বলিদান করিয়ে ভাবনা ।

২০

কারো মায়া তেয়োগিতে নারে কোনজনে ।

সবে মিলে যাব, হবে যে থাকে লিখনে ।”

ব্রাহ্মণের এতেক কাতর বাক্য শুনি',

সদয় হৃদয়ে বলে ভোজের নন্দনী,—

২৪

“ভয় ত্যজ, দ্বিজবর, না কর' ক্রন্দন,

সকুটুম্ব যাবে কেন রাক্ষস-সদন ?

|                                                                                                                                            |    |
|--------------------------------------------------------------------------------------------------------------------------------------------|----|
| পঞ্চ পুত্র আছে মোর, শুনহ ব্রাহ্মণ,<br>এক পুত্র দিব আমি তোমার কারণ ।”                                                                       | ২৮ |
| ব্রাহ্মণ বলিল,—“ভাল করিলা বিচার,<br>অতিথি ব্রাহ্মণ আছে আশ্রয়ে আমার,<br>আশনার প্রাণ-হেতু করিব এ কৰ্ম্ম,<br>লোকে অপযশ হবে, মজিবেক ধৰ্ম্ম ।” | ৩২ |
| কুন্তী কৈল,—“যতেক কহিলা, দ্বিজমণি,<br>মম অগোচর নহে, আমি সব জানি ।<br>লোকের বেদনা মোর না সহে পরাণে,<br>বিশেষ তোমার দুঃখ সহিব কেমনে ?”       | ৩৬ |
| দ্বিজ বলে,—“হেন বাক্য না বলিহ মোবে,<br>এ পাপ অজ্জিব আমি কত কাল তরে !”<br>নিঃশব্দে বলেন কুন্তী,—“শুন দ্বিজবর,<br>মোর পুত্রগণ হয় মহাবলধর ।  | ৪০ |
| রাক্ষস খাইবে তারে না করিহ মনে,<br>রাক্ষস সংহার কৈল মম বিছামানে !”<br>কুন্তীর অদ্ভুত হেন শুনিয়া বচন,<br>মৃতদেহে দ্বিজ যেন পাইল জীবন !      | ৪৪ |
| দ্বিজে সঙ্গে করি’ কুন্তী করিলা গমন;<br>বৃকোদরে জানাইল সব বিবরণ ।<br>মায়ের বচনে ভীম কৈল অঙ্গীকার ।<br>হরিষে ব্রাহ্মণ গৃহে গেল আপনার ॥      | ৪৮ |

## ত্রিধারা

কতক্ষণে আইলেন ভাই চারিজন,  
যুধিষ্ঠির শুনিলে সকল বিবরণ ;  
একান্তে ধর্মের পুত্র ডাকিয়া মায়েরে,  
জিজ্ঞাসিল,—“কোথায় গেলেন বৃকোদরে ?” ৫২  
কুন্তী বলে,—“আমার বচনে বৃকোদর,  
বিপ্রে'র কারণে আর রাখিতে নগর ।”  
এত শুনি' যুধিষ্ঠির হয়েন বিরস ;—  
“কি বুদ্ধিতে মাতা, হেন কৈলে দুঃসাহস । ৫৬  
এমন দুন্দর, মাতা, নাহি শুনি লোকে,  
মা হইয়া পুত্রে দেয় রাক্ষসের মুখে !  
পুত্রের ভিতর পুত্র বিশেষ আছয়,  
সবে প্রাণ রাখয়ে যাহার ভুজাশ্রয়, ৬০  
হেন পুত্র দিলা তুমি রাক্ষস ভক্ষণে,  
হেন কর্ম্ম কৈলে মাতা কিসের কারণে ?  
গর্ভধারী হ'য়ে হেন কেহ নাহি করে,  
বেদে নাহি শুনি, দেখি সংসার ভিতবে ।” ৬৪  
কুন্তী বলে,—যুধিষ্ঠির, না ভাবিহ তাপ,  
মোর অগোচর নহে ভীমের প্রতাপ ।  
ভীম-পরাক্রম পুত্র জানি আমি ভালে,  
রাক্ষস সংহার হবে ভীম-ভুজ-বলে । ৬৮  
ভয়ার্ত্তকে ভয়ে ত্রাণ করে যেই জন,  
তার সম পুণ্য কর্ম্ম না করি গণন ।

রাজ্যরক্ষা, বিজয়রক্ষা, অতুল পৌরুষ ।

হেন কৰ্ম্মে কেন তুমি হইলা বিরস ?”

৭২

মায়ের এতেক নীতি শুনিয়া বচন,

“ধন্য ধন্য !” বলি' কৈল ধর্ম্মের নন্দন

“পরদুঃখে দুঃখী মাতা, দয়ালু হৃদয়,

তোমা বিনে হেন বুদ্ধি অণ্ডের কি হয় !

৭৬

পর-পুত্র-প্রাণ-হেতু নিজ পুত্র দিলা,

ব্রাহ্মণেরে পরম সঙ্কটে ত্রাণ কৈলা ।

তোমার পুণ্যেতে মাতা, তরিব বিপদে,

রাক্ষসে মারিবে ভীম তব আশীর্ব্বাদে !”

৮০

—কাশীরাম দাস

১৯  
ভীষ্ম

“পিতার বিবাহ-হেতু কৈনু অঙ্গীকার—

আজি হৈতে রাজ্যে মোর নাহি অধিকার ।

তোমার অগ্রেতে আমি কৈনু অঙ্গীকার—

বিভা না কবিব, সত্য বচন আমাব ॥”

৪

এতেক বচন যদি দেবব্রত কৈল ।

দেবতা গন্ধর্বি মরে চমৎকার হৈল ॥

দেবতা অশুর নরে কৰ্ম্ম অনুপাম ।

ভয়ঙ্কর কৰ্ম্ম কৈলা, ভীষ্ম তাই নাম ॥

৮

—কাশীরাম দাস

## দুঃখের বড়াই

আমি কি দুঃখে ডরাই ?

ভবে দেও দুঃখ মা আর কত তাই !

আগে পাছে দুঃখ চলে মা,

যদি কোন খানেতে যাই ।

৩

তখন,

দুঃখের বোঝা মাথায় নিয়ে

দুঃখ দিয়ে মা বাজার মিলাই ।

প্রসাদ বলে, ব্রহ্মময়ী,

বোঝা নামাও, ক্ষণেক জিরাই ।

৮

দেখ,

সুখ পেয়ে লোক গর্ব করে,

আমি করি দুঃখের বড়াই ।

— কবিরঞ্জন রামপ্রসাদ সেন

## উমার বাল্যলীলা

গিরিবর, আর আমি পারিনে হে

প্রবোধ দিতে উমাবে ।

উমা কেঁদে করে অভিমান নাহি করে স্তম্ভপান

নাহি খায় ক্ষীর ননী সরে ॥

৪

অতি অবশেষ নিশি

গগনে উদয় শশী

বলে উমা, “ধরে দে উহারে ।

## মানস পূজা

কাঁদিয়ে ফুলাল আঁখি                      মলিন ও মুখ দেখি'  
মায়ে ইহা সহিতে কি পারে ?                      ৮

“আয়, আয়, মা, মা” বলি                      ধরিয়ে কর-অঙ্গুলি  
যেতে চায় না জানি কোথা রে !

আমি কহিলাম তায়                      “চাঁদ কি রে ধরা যায় ?”  
ভূষণ ফেলিয়া মোরে মারে ।                      ১২

উঠে ব'সে গিরিবর,                      করি' বহু সমাদর  
গৌরীয়ে লইয়া কোলে ক'রে—

সানন্দে কহিছে হাসি'                      “ধর মা, এই লও শশী”  
মুকুর লইয়া দিল করে ।                      ১৬

মুকুরে হেরিয়া মুখ,                      উপজিল মহাসুখ,  
বিনিন্দিত কোটি শশধরে !

—কবিরঞ্জন রামপ্রসাদ সেন

২২

## মানস পূজা

মন, তোর এত ভাবনা কেনে ?  
একবার কালী ব'লে ব'স রে ধ্যানে ।  
জাঁকজমকে করলে পূজা  
অহঙ্কার হয় মনে মনে ;                      ৪  
তুমি, লুকিয়ে তারে করবে পূজা  
জানবে না রে জগজ্জনে ।

৩৩

## ত্রিধারা

- ধাতু পাষণ মাটির মূর্তি  
কাজ কি রে তোর সে গঠনে ? ৮  
তুমি, মনোময় প্রতিমা করি,  
বসাও হৃদি-পদ্মাসনে !
- আলোচাল আর পাকা কলা  
কাজ কি রে তোর আয়োজনে ? ১২  
তুমি, ভক্তি-সুধা খাইয়ে তাঁরে  
তৃপ্তি কব আপন মনে ।
- ঝাড়লগ্নন বাতির আলো  
কাজ কি রে তোর সে রোসনাইয়ে ? ১৬  
তুমি, মনোময় মাণিকা জ্বলে,  
দেও না—জ্বলুক নিশিদিনে ।
- মেঘ ছাগল মহিষাদি  
কাজ কি রে তোব বলিদানে ? ২০  
তুমি “জয় কালী । জয় কালী ।” ব’লে  
বলি দাও ষড়্-রিপুগণে ।
- প্রসাদ বলে ঢাকে ঢোলে—  
কাজ কি রে তোর সে বাজনে ? ২৪  
তুমি “জয় কালী” বলি’, দেও করতালি  
মন রাখ সেই শ্রীচরণে ।

—কবিরঞ্জন রামপ্রসাদ সেন



## শিবের ভিক্ষা-যাত্রা

|                                       |    |
|---------------------------------------|----|
| ওথায় ত্রিলোকনাথ বলদে চড়িয়া ।       |    |
| ত্রিলোক ভ্রমেণ অন্ন চাহিয়া চাহিয়া ॥ |    |
| যেখানে যেখানে হর অন্ন-হেতু যান ।      |    |
| হা অন্ন হা অন্ন বিনা শুনিতে না পান ॥  | ৪  |
| ববম্ ববম্ ঘন ঘন বাজে গাল ।            |    |
| ভভম্ ভভম্ ভম্ শিঙ্গা বাজে ভাল ॥       |    |
| ডিমি ডিমি ডিমি ডিমি ডমরু বাজিছে ।     |    |
| তাধিয়া তাধিয়া ধিয়া পিশাচ নাচিছে ॥  | ৮  |
| দূর হইতে শুনা যায় মহেশের শিঙ্গা ।    |    |
| শিব এল ব'লে ধায় যত রঙ্গচিঙ্গা ॥      |    |
| কেহ বলে ওই এল শিব বুড়া কাপ ।         |    |
| কেহ বলে বুড়াটি খেলাও দেখি সাপ ॥      | ১২ |
| কেহ বলে জটা হৈতে বার কর জল ।          |    |
| কেহ বলে জ্বাল দেখি কপালে অনল ॥        |    |
| কেহ বলে ভাল করে শিঙ্গাটি বাজাও ।      |    |
| কেহ বলে ডমরু বাজায়ে গীত গাও ॥        | ১৬ |
| কেহ বলে নাচ দেখি গাল বাজাইয়া ।       |    |
| ছাই মাটি কেহ গায় দেয় ফেলাইয়া ॥     |    |
| কেহ আনি দেয় ধুতুরার ফুলফল ।          |    |
| কেহ দেয় ভাজ পোস্ত আফিঙ্গ গরল ॥       | ২০ |

## ত্রিধারা

আর আর দিন তাহে হাসেন হুগাঁসাই ।  
ও দিন ওদন বিনা ভাল লাগে নাই ॥  
চেত রে চেত রে চেত ডাকে চিদানন্দ ।  
চেতনা যাহার চিন্তে সেই চিদানন্দ ॥ ২৪  
যে জন চেতনামুখী সেই সদা সুখী ।  
যে জন অচিন্তচিত্ত সেই সদা দুঃখী ॥  
এত বলি অন্ন দেহ কহিছেন শিব ।  
সবে বলে অন্ন নাই বলহ কি দিব ? ২৮  
কি জানি কি দৈব আজি হৈল প্রতিকূল ।  
অন্ন বিনা সবে আজি হয়েছি আকূল ॥  
কান্দিছে আপনা শিশু অন্ন না পাইয়া ।  
কোথায় পাইব অন্ন তোমার লাগিয়া ? ৩২  
আজি মেনে ফিবে মাগ শঙ্কর ভিখারী ।  
কালি আস দিব অন্ন আজি ত না পারি ॥  
এইরূপে শঙ্কর ফিবিয়া ঘর ঘর ।  
অন্ন না পাইয়া তৈলা বড়ই কাতর ॥ ৩৬  
ক্রমে ক্রমে ত্রিভুবন করিয়া ভ্রমণ ।  
বৈকুণ্ঠে গেলেন, যথা লক্ষ্মী-নারায়ণ ॥  
আস লক্ষ্মি, অন্ন দেহ, ডাকেন শঙ্কর ।  
ভারত কহিছে লক্ষ্মী হইলা ফাঁফর ॥ ৪০

—রায়গুণাকর ভারতচন্দ্র রায়

## বিশেষণে সবিশেষ

|                                     |    |
|-------------------------------------|----|
| অন্নপূর্ণা উত্তরিলো গাঙ্গনীর তীরে । |    |
| “পার কর” বলিয়া ডাকিয়া পাটনীরে ॥   |    |
| সেই ঘাটে খেয়া দেয় ঈশ্বরী পাটনী ।  |    |
| ত্বরায় আনিল নৌকা বামাস্বর শূনি ॥   | ৪  |
| ঈশ্বরীরে জিজ্ঞাসিল ঈশ্বরী পাটনী ।   |    |
| “একা দেখি কুলবধু, কে বট আপনি ?      |    |
| পরিচয় না দিলে করিতে নারি পার ।     |    |
| ভয় করি কি জানি কে দিবে ফেরফার ॥”   | ৮  |
| ঈশ্বরীরে পরিচয় কহেন ঈশ্বরী ।       |    |
| “বুঝহ ঈশ্বরী, আমি পরিচয় করি ॥      |    |
| বিশেষণে সবিশেষ কহিবারে পারি ।       |    |
| জানহ স্বামীর নাম নাহি ধরে নারী ॥    | ১২ |
| গোত্রের প্রধান পিতা মুখবংশ-জাত ।    |    |
| পরম কুলীন স্বামী বন্দ্যবংশখ্যাত ॥   |    |
| পিতামহ দিলা মোরে অন্নপূর্ণা নাম ।   |    |
| অনেকের পতি, তেঁই পতি মোর বাম ॥      | ১৬ |
| অতি বড় বৃদ্ধ পতি সিদ্ধিতে নিপুণ ।  |    |
| কোন গুণ নাহি তাঁর কপালে আগুন ॥      |    |
| কুকথায় পঞ্চমুখ কণ্ঠভরা বিষ !       |    |
| কেবল আমার সঙ্গে দ্বন্দ্ব অহর্নিশ ॥  | ২০ |

## ত্রিধারা

গঙ্গা নামে সত্য তার তরঙ্গ এমনি ।  
জীবনস্বরূপা সে স্বামীর শিরোমণি ॥  
ভূত নাচাইয়া পতি ফিরে ঘরে ঘরে ।  
না মরে, পাষণ বাপ দিলা হেন বরে ॥ ২৪  
অভিমাণে সমুদ্রেতে বাঁপ দিলা ভাই ।  
যে মোরে আপনা ভাবে তারি ঘরে যাই ॥”  
পাটনী বলিছে, “মাগো, বুঝিনু সকল ।  
যেখানে কুলীন জাতি সেখানে কোন্দল ॥ ২৮  
শীঘ্র আসি নায়ে চড়, দিবা কিবা, বল ?”  
দেবী কন, “দিব, আগে পারে লয়ে চল ॥”

—রায়গুণাকর ভারতচন্দ্র রায়

২৫

## কৈলাস ভূধর

কৈলাস ভূধর                      অতি মনোহর  
কোটি-শলী-পরকাশ ।  
গন্ধর্ব্ব কিম্বর                      যক্ষ বিছাধর  
অপ্সরোগণের বাস ॥ ৪  
রজনী বাসর                      মাস সংবৎসর  
দুই পক্ষ সাত বার ।  
তন্ত্র মন্ত্র বেদ                      কিছু নাহি ভেদ  
সুখ দুঃখ একাকার ॥ ৮  
তরু নানা জাতি                      লতা নানা ভাতি  
ফলে-ফুলে বিকসিত ।  
বিবিধ বিহঙ্গ                      বিবিধ ভূজঙ্গ  
নানা পশু সুশোভিত ॥ ১২

৩৮

## বৈল্যাস ভূধর

|                  |                       |    |
|------------------|-----------------------|----|
| অতি উচ্চতরে      | শিখরে শিখরে           |    |
|                  | সিংহ সিংহনাদ করে ।    |    |
| কোকিল হুকারে     | ভ্রমর ঝঙ্কারে         |    |
|                  | মুনির মানস হরে ॥      | ১৬ |
| মৃগ পালে পাল     | শার্দূল ভয়াল         |    |
|                  | কেশরী হস্তী রাখাল ।   |    |
| ময়ূর ভুজঙ্গে    | ক্রীড়া করে রঙ্গে     |    |
|                  | ইন্দুরে পোষে বিড়াল ॥ | ২০ |
| সবে পিয়ে সুধা   | নাহি তৃষ্ণা ক্ষুধা    |    |
|                  | কেহ নাহি হিংসে করে ।  |    |
| যে যার ভক্ষক     | সে তার রক্ষক          |    |
|                  | সার অসার-সংসারে ॥     | ২৪ |
| সম ধর্ম্মাধর্ম্ম | সব কর্ম্মাকর্ম্ম      |    |
|                  | শত্রু মিত্র সমতুল ।   |    |
| জরা মৃত্যু নাই   | অপরূপ ঠাই             |    |
|                  | কেবল সুখের মূল ॥      | ২৮ |
| চৌদিকে দুস্তর    | সুখের সাগর            |    |
|                  | কল্পতরু সারি সারি ।   |    |
| মণিবেদীপরে       | চিন্তামণি ঘরে         |    |
|                  | বসি গৌরী ত্রিপুরারি ॥ | ৩২ |
| নন্দী দ্বারপাল   | ভৈরব বেতাল            |    |
|                  | কার্ত্তিকেয় গণপতি ।  |    |
| ভূত প্রেত বক্ষ   | ব্রহ্মদৈত্য রক্ষ      |    |
|                  | গণিতে কার শক্তি ?     | ৩৬ |

—রায়গুণাকর ভারতচন্দ্র রায়

## শিবের রুদ্ররূপ

মহারুদ্ররূপে মহাদেব সাজে ।  
 ভভস্তম্ ভভস্তম্ শিঙ্গা ঘোর বাজে ॥  
 লটাপট্ জটাজূট্ সংঘট্ গঙ্গা ।  
 ছলচ্ছল টলটল কলকল তরঙ্গা ॥ ৪  
 ফণাফণ্ ফণাফণ্ ফণীফণ্ গাজে ।  
 দিনেশ-প্রতাপে নিশানাথ সাজে ॥  
 ধক্ধবক্ ধক্ধবক্ জলে বহি ভালে ।  
 ববম্বম্ ববম্বম্ মহাশব্দ গালে ॥ ৮  
 চলে ভৈরব ভৈরবী নন্দী ভৃঙ্গী ।  
 মহাকাল বেতাল তাল ত্রিশূঙ্গী ॥  
 চলে ডাকিনী যোগিনী ঘোর বেশে ।  
 চলে শাখিনী প্রেতিনী মুক্তকেশে ॥ ১২  
 গিয়া দক্ষ-যজ্ঞে সবে যজ্ঞ নাশে ।  
 কথা না সরে দক্ষরাজে তরাসে ॥  
 অদূরে মহারুদ্র ডাকে গভীরে ।  
 অরে রে অরে দক্ষ দে রে সতীরে ॥ ১৬  
 ভুজঙ্গপ্রয়াতে কহে ভারতী দে ।  
 সী দে সতী দে সতী দে সতী দে ॥

—রায়গুণাকর ভারতচন্দ্র রায়

## দ্বিতীয় প্রবাহ

—:—

২৭

### স্বদেশী ভাষা

নানান্ দেশে নানান্ ভাষা ;

বিনা স্বদেশীয় ভাষা

পূরে কি আশা ?

কত নদী সরোবর কিবা ফল চাতকীর ?

৪

ধরাজল বিনে কভু

যুচে কি তৃষা ?

—রামনিধি গুপ্ত

—

২৮

### মনের অনল

নয়নের নীরে কি নিবে মনের অনল ?

সাগরে প্রবেশি যদি না হয় শীতল ।

তৃষায় চাতকী মরে, অশ্রু বারি নাহি হেরে,

ধরাজল বিনে তার সকলি বিফল !

৪

—রামনিধি গুপ্ত

২৯

## প্রতীক্ষা

তোমার আশাতে এ চারিজন—

মোর মন-প্রাণ-শ্রবণ-নয়ন ।

আছে অভিভূত হ'য়ে সর্বক্ষণ—

দরশ পরশ শুনিতে সুভাষ

করিতেছে আরাধন ॥

৫

অন্যরূপ আঁখি না হেরে আর,

শ্রবণ প্রাণ তুমি জুড়াবাব ।

শয়নে স্বপনে                      মন লাবে মনে—

কবে হইবে মিলন ॥

৬

—হক ঠাকুর

৩০

## ভিখারী পরিবর্তন

কও দেখি, উমা, কেমন ছিলে মা,

ভিখারী হরের ঘবে ?

জানি                      নিজে সে পাগল, কি আছে সম্বল,

ঘরে ঘরে বেড়ায় ভিক্ষা ক'রে ।

৪



## শুক-সারী-সংবাদ

শবের সেদিন আর এখন নাই !  
যাবে “পাগল, পাগল” ব’লে বিবাহের কালে  
সকলে দিল ধিক্কার—

এখন সেই পাগলের সব অতুল বিভব,  
কুবের ভাগুরী তার !

এখন শ্মশানে মশানে বেড়ায় না মেনে,  
আনন্দ-কাননে জুড়াবার ঠাই !

—রাম ধনু

৩১

## শুক-সারী-সংবাদ

শুক বলে,  
সারী বলে,  
আমার কৃষ্ণ মদনমোহন ।  
আমাব রাধা বামে যতক্ষণ,  
নৈলে শুধুই মদন ।

শুক বলে,  
সারী বলে,  
আমাব কৃষ্ণ গিরি ধরেছিল ।  
আমার রাধা শক্তি সঞ্চারিল,  
নৈলে পারবে কেন ?

শুক বলে,  
সারী বলে,  
আমার কৃষ্ণের মাথায় ময়ূর পাখা ।  
আমার রাধার নামটি তাতে’লেখা,  
ঐ যে যায় গো দেখা ।

শুক বলে,  
সারী বলে,  
আমার কৃষ্ণের চূড়া বামে হেলে ।  
আমার রাধার চরণ পাবে ব’লে,  
চূড়া তাইতে হেলে ।

১০

## ত্রিধারা

শুক বলে,  
সারী বলে,

আমার কৃষ্ণ যশোদাজীবন ।  
আমার রাধা জীবনের জীবন,  
নৈলে শূন্য জীবন ।

১৫

শুক বলে,  
সারী বলে,

আমার কৃষ্ণ জগৎ-চিন্তামণি ।  
আমার রাধা প্রেমপ্রদায়িনী,  
সে তোমার কৃষ্ণ জানে ।

শুক বলে,  
সারী বলে,

আমার কৃষ্ণেব বাঁশী কবে গান ।  
সত্য বটে, বলে রাধাব নাম,  
নৈলে মিছে সে গান ।

২০

শুক বলে,  
সাবী বলে,

আমার কৃষ্ণ জগতের গুরু ।  
আমার রাধা বাঞ্ছাকল্পতরু,  
নৈলে কে কার গুরু ?

শুক বলে,  
সাবী বলে,

আমার কৃষ্ণ জগতের আলো ।  
আমার বাধাব রূপে জগৎ আলো,  
নৈলে আঁধার কালো ।

২৫

শুক বলে,  
সাবী বলে,

আমার কৃষ্ণেব শ্রীরাধিকা দাসী ।  
সত্য বটে ! সাফলী আছে বাঁশী,  
নৈলে হতো কাশীবাসী ।

৩০

শুক বলে,  
সারী বলে,

আমাব কৃষ্ণ জগতের প্রাণ ।  
আমার রাধা জীবন করে দান,  
থাকে কি আপনি প্রাণ ?

—গোবিন্দ অধিকারী

## হৃদয়-বৃন্দাবন

হৃদয়-বৃন্দাবনে বাস  
 যদি কব কমলাপতি,  
 ওহে ভক্তপ্রিয়, আমার  
 ভক্তি হবে রাখা সতী । ৪

মুক্তি-কামনা আমারি  
 হবে বৃন্দে গোপনারী,  
 দেহ হবে নন্দের পুরী,  
 স্নেহ হবে মা যশোমতী । ৮

আমার ধর ধর জনার্দন—  
 পাপভার-গোবর্দ্ধন,  
 কামাদি ছয় কংসচরে  
 ধ্বংস কর সম্প্রতি । ১২

বাজায়ে কৃপাবাঁশরী  
 মন-ধেনুকে বশ করি'  
 তিষ্ঠ সদা হৃদি-গোষ্ঠে  
 পূরাও ইস্ট এই মিনতি । ১৬

## ত্রিধারা

আমার প্রেমরূপ যমুনা-কূলে

আশা বংশীবট-মূলে

সদয়ভাবে স্ব-দাস ভেবে

সতত কর বসতি ।

২

যদি বল রাখাল-প্রেমে

বন্দী আছি ব্রজধামে,

জ্ঞানহীন রাখাল তোমার

দাস হবে হে দাশরথি ।

২৪

—দাশরথি রায়

৩৩

## ভূষণে ভূষণ

যেমন পৃথিবীর ভূষণ রাজা, রাজার ভূষণ সভা ।

সভার ভূষণ পণ্ডিত,—সভা করে শোভা ॥

পণ্ডিতের ভূষণ ধর্মজ্ঞানী, মেঘের ভূষণ সৌদামিনী

৩

কোকিলের ভূষণ মধুর ধ্বনি, সতীর ভূষণ পতি ।

যোগীর ভূষণ ভস্ম, মৃত্তিকার ভূষণ শস্ত্র, রত্নের ভূষণ জ্যোতি ।

৫

বৃক্ষের ভূষণ ফল, নদীর ভূষণ জল, জলের ভূষণ পদ্ম ।

পদ্মের ভূষণ মধুকর, মধুকরের ভূষণ গুন্ গুন্ স্বর, উভয় প্রেমে বদ্ধ

শরীবের ভূষণ চক্ষু যাতে হয় জগৎ দৃষ্ট ।

দাতার ভূষণ দান্ ক'রে বলে বাক্য মিষ্ট ॥

৯

—দাশরথি রায়

## দাশরথির প্রার্থনা

দুর্গে, ক'রো মা এ দীনের উপায়.

যেন পায়ে স্থান পায় ।

আমার এ দেহ পঞ্চত্ব কালে

তব প্রিয় পঞ্চস্থলে

আমাব পঞ্চভূতে যেন মিশায় ।

৫

শ্রীমন্দিবে অন্তর আকাশ যেন যায় ;

এ মৃত্তিকা যায় যেন ত্বৎ প্রতিমায় ;

মোর পবন যেন চামর ব্যঞ্জে য়ায়,

হোমাগ্নিতে মমাগ্নি যেন মিশায় ।

৯

আমার জল যেন যায় পাণ্ড জলে

যেন ভবে যায় বিমলে—

দাশরথির জীবন মরণ দায় ।

১২

—দাশরথি রায়

## শ্যামসুন্দর

কিবা দলিত-কঙ্কল-কলিত-উজ্জ্বল,

সজল-জলদ-শ্যামল-সুন্দর,

যেন

বকালী-সহিত ইন্দ্রধনু-যুত,

তড়িত-জড়িত নব জলধর !

৪

স্থূল মুক্তাহার ছলিতেছে গলে

মনে হয় যেন বকপাঁতি চলে ;

চুড়ায় শিখণ্ড, ইন্দ্রের কোদণ্ড,

সৌদামিনী-কান্তি ধরে পীতাম্বর ।

৮

—কৃষ্ণকমল গোস্বামী

৩৬  
আকর্ষণ

ওগো দরদি ! আমার মন কেন  
উদাসী হতে চায় !

এগো ডাক নাহি হাঁক নাহি গো—  
আপনে আপনে চ'লে যায় ! ৪

এগো ধৈরজ না ধরে অন্তবে—  
কেঁদে উঠে মন শিহরি' নয়ন ঝরে—

যেন নীরবে সুরবে সদা  
বলিতেছে 'আয় গো আয় !' ৮

( আমার মন কেন উদাসী হতে চায় ? )

এগো ভাটী সোঁতে ভাটারি গড়ান ;  
এগো সাগর যেমন সদা টানে নদীর পরাণ—  
সে টান এতই সবল—মনের গরল  
অমৃত হইয়ে যায় ! ১২

সে যে কেমন ক'রে দেয় গো মন্ত্রণা  
এগো উড়ায়ে দেয় মনের পাখী ; মানা মানে না !  
সে যে উড়ে যায় বিমানের পথে

শীতল বাতাস লাগে গায় ! ১৬

—অজ্ঞাত বাউলের গান

## সাধন-বিঘ্ন

|       |                                 |    |
|-------|---------------------------------|----|
| তোমার | পথ ঢেকেছে মন্দিরে মস্জিদে ।     |    |
| ও তোর | ডাক শুনে সাঁই চলতে না পাই,—     |    |
| আমায় | রুখে দাঁড়ায় গুরুতে মূর্শেদে ॥ | ৩  |
|       | ডুবে যাতে অঙ্গ জুড়াই           |    |
| ওরে   | তাতেই যদি জগৎ পুড়াই,           |    |
| তবে   | অভেদ-সাধন মরলো ভেদে ॥           | ৬  |
| ওরে   | প্রেম-দুয়ারে নানান্ তাল—       |    |
|       | পুরাণ কোরান তসবী মালা,          |    |
|       | হায় গুরু, এই বিষম জ্বালা,      |    |
|       | কেঁদে মদন মরে খেদে ॥            | ১০ |

—সেখ মদন বাউল

## মাতৃভূমি

|                      |                           |   |
|----------------------|---------------------------|---|
| জান না কি নর তুমি,   | জননী জনমভূমি,             |   |
|                      | যে তোমারে হৃদয়ে রেখেছে ? |   |
| থাকিয়া মায়ের কোলে, | সস্তানে জননী ভোলে,        |   |
|                      | কে কোথায় এমন দেখেছে ?    | ৪ |
| যার বলে বলিতেছ,      | যার বলে চলিতেছ,           |   |
|                      | যার বলে চালিতেছ দেহ ।     |   |
| যার বলে তুমি বলী,    | তার বলে আমি বলি,          |   |
|                      | ভক্তিভাবে কর তারে স্নেহ । | ৮ |

## ত্রিধারা

|                                                  |                              |
|--------------------------------------------------|------------------------------|
| প্রসূতি তোমার যেন,<br>বসুমতী মাতা সবারকার ॥      | তাঁহার প্রসূতি এই,           |
| ক্ষিতির অদ্ভুত বনে,<br>দেবীর ককটি বুঝা ভার ॥     | জীব সব চলে বলে,<br>১২        |
| ধরিয়া ধরার পদ,<br>জীবনে পীতন রক্ষা করে ।        | পেয়ে পদ নদী, নদ,            |
| মোহিনী মহীর মোহে,<br>প্রেমভাষে চাবে চরাচরে ॥     | বজ্রি বারি বস্তু দৌছে,<br>১৬ |
| প্রকৃতির পূজা কর<br>প্রেমমতী পৃথিবীর পদে ।       | পুলকে প্রমাণ কর,             |
| বিশেষতঃ, নিজ দেশে,<br>মুগ্ধ ভণ্ডি শাব স্নেহমদে ॥ | প্রীতি রাখ সবিশেষে,<br>২০    |
| মিছা মণি মুক্তা মণি,<br>তার দেশে রত্ন নাই আর ।   | স্বদেশের প্রিয় প্রেম,       |
| সুধাকরে কত সুখ,<br>স্বদেশের শুভ সমাচার ॥         | দূর করে তৃষ্ণা ক্ষুধা,<br>২৪ |
| স্বদেশের প্রেম যত,<br>বিদেশেতে অধিবাস যার ।      | সে-ই মাত্র অবগত,             |
| ভাব-তুলি ধ্যানের ধরে,<br>স্বদেশের সকল ব্যাপার ॥  | চিত্তপটে চিত্র করে,<br>২৮    |
| থাকি স্বদেশের গির্জা,<br>সুখে কর জ্ঞান আলোচন ।   | চল সত্য ধর্মপথে,             |
| বৃদ্ধি কর মাতৃভাষা,<br>দেশে কর বিদ্যা বিতরণ ॥    | পুরাও তাঁহার আশা,<br>৩২      |

—ঈশ্বরচন্দ্র গুপ্ত



## সুপ্তোক্তি

ভারতভূমির মাঝে লোক আছে যত,  
অলস অবশ হ'য়ে র'বে আর কত ?  
এখনো ভাঙ্গেনি ঘুম, করিছ শয়ন ?  
এখনো রয়েছ সবে মুদিয়া নয়ন ?

৪

ভবের কি ভাব তাহা কর অনুভব ।  
একবার চোখ মেলে চেয়ে দেখ সব ॥  
কি হইবে মিছা আর নিদ্রায় রহিলে ?  
এখনি রতন পাবে যতন করিলে ॥

৮

কি করিলে ভাল হয় কর বিবেচনা ।  
স্বদেশের হিতাহিত কর আলোচনা ॥  
মনে মনে স্থির ভাবে কর প্রণিধান ।  
যাতাতে দেশের হয় কুশল বিধান ॥

১২

কুরীতি কণ্টকবন করিয়া ছেদন ।  
সুরীতির সুখতরু করহ রোপণ ॥  
অনুরত হ'য়ে দেও অনুরাগ-জল ।  
শাখীর শাখায় হবে সুশোভিত দল ॥

১৬

## ত্রিধারা

পরস্পারে এক হ'য়ে এক কথা বল ।

একমতে একরথে একপথে চল ॥

সকলেই একভাবে এক হই যদি ।

এখনি শুকায়ে দিব ভ্রমময়ী নদী ॥

২০

আর না চালাতে হবে অধর্মের পোত ।

একেবাবে হবে রোধ অজ্ঞানের স্রোত ॥

—ঈশ্বরচন্দ্র গুপ্ত



৪০

## পৌষ পার্বণ

সুখের শিগির কাল সুখে পূর্ণ ধরা ।

এত ভঙ্গ বঙ্গদেশ তব রঙ্গভরা ॥

ধনুর তনুব শেষ মকরের যোগ ।

সন্ধিক্ষণে তিন দিন মহা সুখভোগ ॥

৪

মকর-সংক্রান্তি স্থানে জন্মে মহাফল ।

মকর মিতিন্ সই চল্ চল্ চল্ ॥

সারানিশি জাগিয়াছি দেখ সব বাসি ।

গঙ্গাজলে গঙ্গাজল অঙ্গ ধুয়ে আসি ॥

৮

## শৌৰ্য পাবন

অতি ভোরে ফুল নিয়ে গিয়েছেন মাসী ।  
একা আমি আসিয়াছি সঙ্গে লয়ে দাসী ॥  
এসেছি বাপের কাছে ছেলে মেয়ে ফেলে ।  
বাঁধাবাড়া হবে সব আমি নেয়ে এলে ॥ ১২

ঘোর জাঁক বাজে শাঁক যত সব রামা ।  
কুটিছে তগুল সূখে করি ধামা ধামা ॥  
বাউনি আউনি ঝড়া পোড়া আখ্যা আব ।  
মেয়েদের নব শাস্ত্র অশেষ প্রকার ॥ ১৬

খোলায় পিটুলি দেন হয়ে অতি শুচি ।  
ছাঁক্ ছাঁক্ শব্দ হয় ঢাকা দেন মুচি ॥  
উন্মুনে ছাউনি করি বাউনি বাঁধিয়া ।  
চাউনি কর্তার পানে কাঁছনি কাঁদিয়া ॥ ২০

“চেয়ে দেখ সংসারেতে কতগুলি ছেলে ।  
বল দেখি কি হইবে নয় বেক চলে ?  
ক্ষুদকুঁড়া গুঁড়া করি কুটিলাম ঢেঁকি ।  
কেমনে চালাই সব তুমি হলে ঢেঁকি ॥ ২৬

আড় কড়ি পাড় দিতে সিকি গেল গড়ে ।  
লেখা করি নাহি হয় আখ পোয়া গড়ে ॥  
জাঁই ক’রে রাখিলাম অর্দ্ধভাগ কেটে ।  
হাতে হাতে গেল তিল তিল তিল বেটে ॥ ২৮

## ত্রিধারা

- ঝোলাগুড় তোলা ছিল শিকের উপরে ।  
তোলা তোলা খেতে দিয়ে ফুরাইল ঘরে ॥  
পোয়া কাঁচা কি করিবে নহে এক মণ ।  
বাড়ীর লোকের তাহে নহে এক মন ॥ ৩২
- একমনে খায় যদি আধ মণে সারি ।  
একমনে না খাইলে দশ মণে হারি ॥  
ভাঙ্গামনে পুরোমণ মন যদি খুলে ।  
পুরোমণে কি হইবে ভাঙ্গা-মন হ'লে ॥ ৩৬
- তুমি ভাব ঘরে আছে কত মণ তোলা ।  
জান না কি ঘরে আছে কত মন তোলা ?  
কারে বা কহিব আর বোঝা হ'ল দায় ।  
খুলে দিলে মন কি হে তুলে রাখা যায় ? ৪০
- বিষম ছুরন্তু ওটা মেজোবোর ব্যাটা ।  
কোনমতে শুনেনাক ছোড়া বড় ঠ্যাটা ॥  
না দিলে ধমক দেয় দুই চক্ষু রেঙ্গে ।  
ঘটি বাটি হাঁড়ি কুড়ি সব ফালে ভেঙ্গে ॥ ৪৪
- পুলি সব উঠে গেল কিছু নাই চাঁই ।  
নারিকেল তেল গুড় ফের সব চাই ॥  
অদৃষ্টির দোষ সব মিছে দেই গালি ।  
চর্কণে উঠিয়া গেল পার্বণের চালি ॥ ৪৮

## পৌষ পার্বণ

আমি লই মোটা চাল সরু চলে চলে ।  
বুঝিতে না পারি তুমি চল কোন্ চলে ॥  
ও বাড়ীর মেয়েদের বলিছাছি খেতে ।  
নূতন জামাই আজ আসিবেন রেতে ॥ ৫২

তোমার কি ঘর পানে কিছু নাই টান ।  
হাবাতের হাতে যায় অ ভাগ্যের প্রাণ ॥  
কি বলিব বাপ মায় কেন দিলে বিয়ে ।  
একদিন সুখ নাই ঘরকন্না নিয়ে ॥ ৫৬

কোন দিন না করিলে সংসারের ক্রিয়ে ।  
দিবানিশি ফেরো শুধু গোঁপে তেল দিয়ে ॥  
সবে মাত্র দুইগাছা খাড় ছিল হাতে ।  
তাহাও দিয়াছি বাঁধা মেয়েটির ভাতে ॥ ৬০

সুদে সুদে বেড়ে গেল কে করে খালাস ?  
বাঁচিবার সাধ নাই মলেই খালাস ॥  
রাত্রিদিন খেটে মরি এক সঙ্ক্যা খেয়ে ।  
এত জ্বালা সহ্য করি আমি যাই মেয়ে ॥” ৬৪

মেয়েদের নাহি আর তিন রাত্রি ঘুম ।  
গড়াগড়ি ছড়াছড়ি রন্ধনের ধূম ॥  
সাবকাশ নাই মাত্র এলোচুল বাঁধে ।  
ডাল ঝোল মাছ ভাত রাশি রাশি রাঁধে ॥ ৬৮

## ত্রিখান্না

কত থাকে তার কাঁচা কত যায় পুড়ে ।  
সাথে বাঁধে পরমান্ন নলেনের গুড়ে ॥  
আলু তিল গুড় ক্ষীর নারিকেল আর ।  
গড়িতেছে পিটেপুলি অশেষ প্রকার ॥ ৭২

বাড়ী বাড়ী নিমন্ত্রণ কুটুম্বের মেলা ।  
ভায় হায় দেশাচার বন্য তোর খেলা ॥  
ধন্যধন্য পল্লীগাম ধন্য সব লোক ।  
কাহনের হিসাবেতে আহারের কোঁক ॥ ৭৬

প্রবাসী পুরুষ যত পোষড়ার রবে ।  
ছুটী নিয়া ছুটাছুটি বাড়ী আসে সবে ॥  
সহরের কেনা দ্রব্যে বেড়ে যায় জাঁক ।  
বাড়ী বাড়ী নিমন্ত্রণ মেয়েদের ডাক ॥ ৮০

কর্তাদের গালগল্প গুড় ক টানিয়া ।  
কাঁটালের গুঁড়ি প্রায় ভুঁড়ি এলাইয়া ॥  
দুই পার্শ্বে পরিজন মধ্যে বুড়া ব'সে ।  
চিটে গুড় ছিটে দিয়ে পিটে খান ক'সে ॥ ৮৪

—ঈশ্বরচন্দ্র গুপ্ত

## তৃতীয় প্রবাহ

—:—

২১

### সমুদ্রের প্রতি রাবণ

“কি সুন্দর মালা আজি পরিয়াছ গলে,  
প্রচেতঃ ! হা পিক্, ওহে জলদলপতি !  
এই কি সাজে তোমারে, অলঙ্ঘ্য, অজেয়  
তুমি ? হায়, এই কি হে তোমাব ভূষণ, ৪  
রত্নাকর ? কোন্ গুণে, কহ, দেব, শুনি,  
কোন্ গুণে দাশবধি কিনেছে তোমারে ?  
প্রভঞ্জনবৈরী তুমি ; প্রভঞ্জন-সম  
ভীম পরাক্রমে ! কহ, এ নিগড তবে ৮  
পব তুমি কোন্ পাপে ? অধম ভালুকে  
শৃঙ্খলিয়া যাদুকর, খেলে তারে লয়ে ;  
কেশবীর রাজপদ কাব সাধ্য বাঁধে  
বীতংসে ? এই যে লক্ষা, হৈমবতী পুরী, ১২  
শোভে তব বক্ষঃস্থলে, হে নীলাম্বুস্বামি,  
কৌস্তুভ-রতন যথা মাধবের বুকে,  
কেন হে নির্দয় এবে তুমি এর প্রতি ?  
উঠ, বলি ! বীরবলে এ জাঙাল ভাঙি, ১৬

## ত্রিধারা

দূর কর অপবাদ ; জুড়াও এ জ্বালা,  
ডুবায়ে অতল জলে এ প্রবল রিপু ।  
রেখো না গো তব ভালে এ কলঙ্ক-রেখা,  
হে বারীন্দ্র, তব পদে এ মম মিনতি ।

২০

—মাঠকেল মধুসূদন দত্ত

৫২

## বঙ্গভূমির প্রতি

“বেখো মা, দাসেরে মনে, এ মিনতি কবি পদে ।

সাধিতে মনের সাধ,

ঘটে যদি পরমাদ,—

মধুগীণ করো না গো তব মনঃ-কোকনদে ।

৪

প্রবাসে দৈবের বশে

জীবিতারা যদি খসে

এ দেহ-আকাশ হতে, নাহি খেদ তাহে ।

৭

জন্মিলে মরিতে হবে,

অমর কে কোথা কবে,—

চিরস্থির কবে নীর, হায় রে জীবননদে ?

১০

কিন্তু যদি রাখ মনে,

নাহি মা, ডরি শমনে—

মক্ষিকাও গলে না গো, পড়িলে অমৃতহৃদে !

১৩



## বনবাসে সীতা

- সেই ধন্য নরকুলে,  
লোকে যারে নাহি ভুলে,  
মনের মন্দিরে নিত্য সেবে সর্বজন । ১৬
- কিন্তু কোন্ গুণ আছে,  
যাচিব যে তব কাছে,  
হেন অমরতা আমি, কহ গো শ্যামা জন্মদে ! ১৯
- তবে যদি দয়া কর,  
ভুল দোষ, গুণ ধর,  
অমর করিয়া বর দেহ দাসে, সুবরদে ! ২২
- ফুটি যেন স্মৃতিজলে,  
মানসে, মা যথা ফলে  
মধুময় তামরস—কি বসন্ত, কি শরদে ।” ২৫

—মাইকেল মধুসূদন দত্ত

৪৩

## বনবাসে সীতা

- ফিরাইলা বনপথে অতি ক্ষুণ্ণ মনে  
সুরথী লক্ষ্মণ রথ, তিত্তি চক্ষুঃ-জলে ;—  
উজলিল বন-রাজি কনক কিরণে  
শ্রন্দন, দিনেন্দ্র যেন অস্তুর অচলে ! ৪

## ত্রিধারা

নদী-পারে একাকিনী সে বিজন বনে  
দাঁড়ায়ে, কহিলা সতী শোকেব বিহ্বলে ;—  
“ত্যাঞ্জিলা কি রঘু-রাজ, আজি এই ছলে  
চির-জন্মে জানকীরে ? হে নাথ ! কেমনে, ৮  
কেমনে বাঁচিবে দাসী ও পদ-বিরহে ?  
কে, কহ, বারিদ-রূপে, স্নেহ-বাঁধি-দানে,  
( দাবানল-রূপে যবে দুখানল দহে )  
জুড়াবে, হে রঘুচূড়া, এ পোড়া পরাণে ?”  
নীলবিলা ধীরে সাধ্বী ; ধীরে যথা বহে  
বাহ্য-জ্ঞান-শূন্য মূর্তি, নিশ্চিত পাষণে । ১৪

—মাইকেল মধুসূদন দত্ত

৪২

## নূতন বৎসর

ভ্রত-কপ সিন্ধুজলে গড়ায়ে পড়িল  
বৎসব, কালের চেউ, চেউব গমনে ।  
নিত্যগামী রথচক্র নীরবে ঘূবিল  
আবার আয়ুর পথে । হৃদয়-কাননে,  
কত শত আশা-লতা শুখায়ে মরিল,  
হায় বে, কব তা কাবে, কব তা কেমনে !  
কি সাহসে আবার বা রোপিব ষড়নে  
সে বীজ, যে বীজ ভূতে বিফল হইল ! ৮

## নীলধ্বজের প্রতি জনা

বাড়িতে লাগিল বেলা ; ডুবিলে সত্বরে  
তিমিরে জীবন-রবি । আসিছে রজনী,  
নাহি যার মুখে কথা বায়ু-রূপ স্বরে ;  
নাহি যার কেশ-পাশে তারা রূপ মণি ;  
চির-রুদ্ধ দ্বার যার নাহি মুক্ত করে  
উষা,—তপনের দূতী, অরুণ- রমণী !

১৪

—মাইকেল মধুসূদন দত্ত

৪৩

## নীলধ্বজের প্রতি জনা

বাজিছে রাজ-গোরণে বণবাছ আজি ;  
হেঁষে অশ্ব ; গর্জের গজ ; উড়িছে আকাশে  
রাজকেতু ; মুহুমু হুঃ লঙ্কারিছে মাতি  
রণমদে রাজসৈন্য ;—কিন্তু কোন্ হেতু ?  
সাজিছ কি নররাজ, যুঝিতে সদলে

৫

প্রবীরপুত্রের মৃত্যু প্রতিবিধিৎসিতে,—  
নিবাহিতে এ শোকাগ্নি ফাল্গুনীর লোহে ?  
এই তো সাজে তোমারে, ক্ষত্রমণি তুমি  
মহাবাহু । যাও বেগে, গজরাজ যথা  
যমদণ্ডসম শুণ্ড আফালি নিনাদে,

১০

## ত্রিধারা

টুট কিরীটার গর্ব আজি বণস্থলে,  
খণ্ড মুণ্ড তার আন শূল-দণ্ড শিরে ।  
অণ্ডায় সমরে মুঢ় নাশিল বালকে ;  
নাশ মহেষ্वास, তারে ;—ভুলিব এ জ্বালা,—  
এ বিষম জ্বালা দেব, ভুলিব সহরে ।

১৫

জন্মে মৃত্যু,—বিধাতার এ বিধি জগতে ।  
ক্ষত্রকুল-রত্ন পুত্র প্রবীৰ স্মৃতি,  
সম্মুখ সমরে পড়ি, গেছে স্বর্গধামে,—  
কি কাজ বিলাপে শ্রুতু ? পাল মহীপাল,  
ক্ষত্রধর্ম—ক্ষত্র ধর্ম সাধ ভুজবলে ।

২০

হায় পাগলিনী জনা । তব সভামাঝে  
নাচিছে নর্দকী আজি, গায়ক গাইছে,  
উথলিছে বীণা ধ্বনি ! তব সিংহাসনে  
বসেছে পুত্রহা রিপু—মিত্রোক্তম এবে ।  
সেবিছ যতনে তুমি অতিথি-রতনে !—

২৫

কি লজ্জা ! দুঃখের কথা, হায় কব কাবে ?  
হতচ্ছান আজি কি হে পুত্রের বিহনে,  
মাহেশ্বরী-পুরীশ্বর নীলধ্বজ রথী ?  
যে দারুণ বিধি রাজ্য, আঁধারিলা আজি  
রাজ্য, হরি পুত্রধনে, হরিলা কি তিনি

৩০

## নীলধ্বজের প্রতি জ্ঞান

জ্ঞান তব ? তা না হ'লে, কহ মোরে, কেন  
এ পাষণ্ড পাণ্ডুরথী পার্থ তব পুরে  
অতিথি ? কেমনে তুমি হয়, মিত্রভাবে  
পরশ সে কর, যাহা প্রবীরের লোহে  
লোহিত ? ক্ষত্রিয়ধর্ম এই কি নৃমণি ? ৩৫

কোথা ধনুঃ, কোথা তুণ, কোথা চর্ম্ম, অসি ?  
না ভেদি রিপুর বক্ষঃ তীক্ষ্ণতম শরে  
রণক্ষেত্রে মিষ্টালাপে তুমিছ কি তুমি  
কর্ণ তার সভাতলে ? কি কহিবে কহ,—  
যবে দেশ দেশান্তরে জনরব লবে ৪০

এ কাহিনী,—কি কহিবে ক্ষত্রপতি যত ?  
কেন রুথা, পোড়া আঁখি, বরষিস্ আজি  
বারিধারা ? রে অনোধ, কে মুচিবে তোরে ?  
কেন বা জুলিস্ মনঃ ? কে জুড়াবে আজি  
বাক্য-সুধারসে তোরে ? পাণ্ডবের শরে ৪৫

খণ্ড শিরোমণি তোর ; বিবরে লুকায়ে,  
কাঁদি খেদে মর, অরে মণিহারা ফণি !—  
যাও চলি মহাবল, যাও কুরুপুরে  
নবমিত্র পার্থ সহ ! মহাযাত্রা করি  
চলিল অভাগী জনা পুত্রের উদ্দেশ্যে ! ৫০

## ত্রিধারা

ক্ষত্রকুলবালা আমি, ক্ষত্র-কুল-বধ,  
কেমনে এ অপমান সব ধৈর্য্য ধরি ?  
ছাড়িব এ পোতা প্রাণ জাহ্নবীর জলে ;  
দেগিব বিশ্ব্তি যদি কৃতান্তনগরে  
লভি অন্তে । যাচি চির বিদায় ও পদে । ৫৫

ফিরি যবে বাজপুরে প্রবেশিবে আসি,  
নরেশ্বর, “কোথা জনা ?” বলি ডাক যদি,  
উত্তরিবে প্রতিধ্বনি “কোথা জনা ?” বলি ।

—মাইকেল মধুসূদন দত্ত

৪৬

## মহাকাল

করাল কালের কাণ্ড,  
যেন-সদা ক্রীড়াভাণ্ড,  
এ ব্রহ্মাণ্ড আয়ত্ত তাহাব । ৩  
কি মহৎ কিবা ক্ষুদ্র,  
কি ব্রাহ্মণ কিবা শূদ্র,  
তাব কাছে সব একাকাব । ৬  
সিংহাসন অধিষ্ঠাতা,  
শিরোপরে হেমছাতা,  
ধাতা প্রায় প্রতাপ যাহার ; ৯

৬৪

|                                                                    |    |
|--------------------------------------------------------------------|----|
| ঠাহার যেরূপ গতি,<br>অন্নদাস ছন্নমতি,<br>মরণেতে তারো সে প্রকার ।    | ১২ |
| কালের নাহিক বোধ,<br>নাহি মানে উপবোধ,<br>বড় সুখে, বড় কপে বাদী ।   | ১৫ |
| সুখপুষ্প যথা ফুটে,<br>অতি বেগে তথা ছুটে,<br>কট মট বিকট নিনাদি ।    | ১৮ |
| হাঁবেবে নিষাদ কাল ।<br>একি তোব কস্মুজাল,<br>শোভা না বাখিবি ভববনে । | ২১ |
| যথা কিছু দেখ ভাল,<br>না ঠাহব ক্ষণকাল,<br>জালে বন্ধ কর সেইক্ষণে ।   | ২৪ |
| ওরে ও কৃষককাল,<br>কি করিছে তব হাল ?<br>জঞ্জাল জঙ্গল বুদ্ধি পায় ।  | ২৭ |
| উত্তম বাছের বাছ,<br>ফলপ্রদ যেই গাছ,<br>অনায়াসে উপাডিয়ে যায় ।    | ৩০ |

## ত্রিধারা

সুকৃষক যেই হয়,

পরিপক্ক শস্যচয়,

সে করে ছেদন সুসময় ।

৩৩

তুই কাল নিদারুণ,

নাস্তি জ্ঞান গুণাগুণ,

কাটিছ তরুণ শস্যচয় ।

৩৬

ধিক্ কাল কালামুখ,

ভারতের কোন সুখ,

না রাখিলি ভুবন ভিতর ।

৩৯

কোথা সব ধনুর্ধর,

কোথা সব বীরবর,

সব খেয়ে ভরিলি উদর ।

৪২

—রঙ্গলাল বন্দ্যোপাধ্যায়

৪৭

## স্বদেশ-গীতি

স্বাধীনতা-হীনতায় কে বাঁচিতে চায় হে,

কে বাঁচিতে চায় ?—

দাসত্ব-শৃঙ্খল বল, কে পরিবে পায় হে,

কে পরিবে পায় ?

৪

৬৬



|                                                                                                                      |    |
|----------------------------------------------------------------------------------------------------------------------|----|
| কোটি কল্প দাস থাকা নরকের প্রায় হে,<br>নরকের প্রায় ;<br>দিনেকের স্বাধীনতা, স্বর্গ-সুখ তায় হে,<br>স্বর্গ-সুখ তায় । | ৮  |
| একথা যখন হয় মানসে উদয় হে,<br>মানসে উদয়,<br>নিবাহিতে সে অনল বিলম্ব কি সয় হে,<br>বিলম্ব কি সয় ?                   | ১২ |
| অই শুন, অই শুন, ভেরীর আওয়াজ হে,<br>ভেরীর আওয়াজ,—<br>সাজ সাজ সাজ বলে, সাজ সাজ সাজ হে,<br>সাজ সাজ সাজ ।              | ১৬ |
| আমাদের মাতৃভূমি রাজপুতানার হে,<br>রাজপুতানার<br>সর্ববাস্ত বহিয়া ঝরে রুধিরের ধার হে,<br>রুধিরের ধার ।                | ২০ |
| সার্থক জীবন আর বাহুবল তার হে,<br>বাহুবল তার,<br>আত্মনাশে যেই করে দেশের উদ্ধার হে,<br>দেশের উদ্ধার ।                  | ২৪ |

—রঙ্গলাল বন্দ্যোপাধ্যায়

৪৮  
যমুনালহরী

|                           |                |    |
|---------------------------|----------------|----|
| নির্মল সলিলে,             | বহিছ সদা,      |    |
| তটশালিনী সুন্দর যমুনে ও । |                |    |
| কত কত সুন্দর,             | নগরী তীরে,     |    |
| রাজিছে তটযুগ ভূষি' ও ।    |                | ৪  |
| পড়ি' জল নীলে,            | ধবল সৌধ-ছবি,   |    |
| অনুকারিছে নভ-অঙ্কন ও ।    |                |    |
| যুগ যুগ বাহি,             | প্রবাহ তোমারি, |    |
| দেখিল কত শত ঘটনা ও ।      |                | ৮  |
| তব জল-বুদু দ              | সহ কত রাজা     |    |
| পরকাশিল, লয় পাইল ও ।     |                |    |
| কল কল ভাষে,               | বহিয়ে, কাহিনী |    |
| কহিছ সবে কি পুরাতন ও ?    |                | ১২ |
| স্মরণে আসি',              | মরম পরশে কথা,  |    |
| ভূত সে ভাবত-গাথা ও ।      |                |    |
| তব জলকল্লোল               | সহ কত সেনা,    |    |
| গরজিল কোন দিন সমরে ও ।    |                | ১৬ |
| আজি শব-নীরব,              | রে যমুনে সব,   |    |
| গত যত বৈভব, কালে ও ।      |                |    |
| শ্যাম সলিল তব,            | লোহিত ছিল কভু  |    |
| পাণ্ডব-কুরু-কুলশোণিতে ও । |                | ২০ |

## যমুনাশহস্রী

|                          |                 |    |
|--------------------------|-----------------|----|
| কাঙ্গিল দেশ,             | তুবগ-গজভাবে,    |    |
| ভারত স্বাধীন যে দিন ও ।  |                 |    |
| তব জল-তীবে,              | পৌরব যাদব,      |    |
| পাতিল রাজ-সিংহাসন ও ।    |                 | ২৭ |
| শাসিল দেশ,               | অরিকুল নাশি,    |    |
| ভারত স্বাধীন যে দিন ও ।  |                 |    |
| দেখিলে কি তুমি,          | বৌদ্ধ-পতাকা,    |    |
| উডিতে দেশ বিদেশে ও ।     |                 | ২৮ |
| তিব্বত, চীনে,            | বঙ্গ, তাতাবে,   |    |
| ভারত স্বাধীন যে দিন ও ৭  |                 |    |
| এ জল-ধারে                | ধাবে বহিল কড়ু, |    |
| প্রেম-বিবহ-আঁখিনীর ও—    |                 | ৩২ |
| নাচিল গাহিল              | কত সুখ সম্পাদে  |    |
| এ তব সৈকত-পুলিনে ও ।     |                 |    |
| এ তনু-মুকুরে             | আসি' পূর্ণশশী   |    |
| নিরখিত মুখ যবে শরদে ও,   |                 | ৩৬ |
| ভাসিত দশদিগি             | উৎসব-বাজে       |    |
| প্রাবিত চিত সুখ-উৎসে ও । |                 |    |
| সে তুমি, সে শশী,         | ধীর অনিল সেহ,   |    |
| তবু সব মগন বিষাদে ও ,    |                 | ১০ |
| নাহিক সে সব              | প্রমোদ-উৎসব—    |    |
| গ্রাসিল সকলে কালে ও ।    |                 |    |

— গোবিন্দচন্দ্র রায়

## ব্যথিত-বেদনা

চিরসুখীজন, ভ্রমে কি কখন, ব্যথিত-বেদন বুঝিতে পারে ?  
 কি যাতনা বিধে, বুঝিবে সে কিসে, কভু আশীবিধে দংশেনি ধারে ?  
 যতদিন ভবে না হবে, না হবে, তোমার অবস্থা আমার সম,  
 ঈষৎ হাসিবে, শুনে না শুনিবে, বুঝে না বুঝিবে যাতনা মম । ৬

—রুঞ্চকর যজুমদার

## উষা

অযি সুখময়ি উষে ! কে তোমাতে নিরমিল,  
 বালার্ক-সিন্দুর-ফোঁটা, কে তোমার ভালে দিল ?  
 হাসিতেছ যত্ন যত্ন আনন্দে ভাসিছে সবে,  
 কে শিখাল এত হাসি, কেবা সে, যে হাসাইল ? ৪  
 জগৎ মোহিত করি', গাইছ বিপিনে কারে  
 কে বল সে, পুষ্পাঞ্জলি অর্পণ করিছ নারে ?  
 কমল-নয়ন খুলে, কার পানে চেয়ে আছ,  
 কার তরে ঝরিতেছে, প্রেম-অশ্রু নিরমল ? ৮  
 এই ছিল জীবগণ, মৃতপ্রায় অচেতন,  
 তব পবনমাত্র পাইল নবজীবন ,  
 বারেক তুমি আমারে দেখাও দেখি তাঁরে,  
 হেন সঞ্জাবনী শক্তি, যে তোমাতে প্রদানিল ॥ ১২

—রুঞ্চকর যজুমদার

## হিমাচল

- অসীম নীরদ নয় ;                      ও-ই গিরি হিমালয় !  
 উথলে উঠিছে যেন অনন্ত জলধি ;  
 ব্যোপে দিগ্‌দিগন্তর,                      ত্বরঙ্গিয়া ঘোবতর,  
 প্রাবিয়া গগনান্নন জাগে নিরবধি !                      ৪
- বিশ্ব যেন ফেলে' পাছে                      কি এক দাঁড়িয়ে আছে,  
 কি এক প্রকাণ্ড কাণ্ড মহান্‌ ব্যাপার !  
 কি এক মহান্‌ মূর্তি,                      কি এক মহান্‌ স্ফূর্তি,  
 মহান্‌ উদার সৃষ্টি প্রকৃতি তোমার !                      ৮
- 'পদে পৃথ্বী, শিরে ব্যোম,                      তুচ্ছ তারা সূর্য্য সোম,  
 নক্ষত্র নখাগ্রে যেন গণিবারে পারে ।  
 সমুখে সাগরাস্বর।                      ছড়িয়ে রয়েছে ধরা,  
 কটাক্ষে কখন যেন দেখিছে ভাগারে !                      ১২
- ঝটিকা ছুরন্ত মেয়ে,                      বৃকে খেলা করে ধেয়ে,  
 ধরিত্রী গ্রাসিয়া সিন্ধু লোটে পদতলে ।  
 জ্বলন্ত-অনল ছবি                      দ্বক-দ্বক জলে রবি,  
 কিরণ-জ্বলন-জ্বালা মালা শোভে গলে !                      ১৬
- ওই কিবা ধবধব                      • তুঙ্গ তুঙ্গ শৃঙ্গ সব  
 উর্দ্ধমুখে ধেয়ে গেছে ফুঁড়িয়া অশ্বর !  
 দাঁড়াইয়া পাদ-দেশে                      ললিত হরিত বেষে  
 নধর নিকুঞ্জরাজি সাজে থরে থর ।                      ২০

## ত্রিধারা

ওই গগুশৈল-শিরে                      গুল্মরাজি চিরে চিরে  
বিকশে গৈরিক-ঘটা ছটা রক্তময় !  
ভৃগ-ভৃক-লতা-জাল                      অপরূপ লালে লাল ;  
মেঘের আড়ালে যেন অরুণ উদয় !                      ২৪

কিবে ওই মনোহারী                      দেবদারু সারি সারি,  
দেদার চলিয়া গেছে—কাতারে কাতার !  
দূর দূর আলবালে                      কোলাকুলি ডালে ডালে,  
পাতার মন্দির গাঁথা মাথায় সবার !                      ২৮

তলে ভৃগ লতা পাতা                      সবুজ বিছানা পাতা,  
ছোট ছোট কুঞ্জবন হেথায় হোথায় ।  
কেমন পেথম ধরি'                      কেকারব করি' করি'  
ময়ূর ময়ূরী সব নাচিয়া বেড়ায় !                      ৩২

ফেনিল সলিল-রাশি                      বেগভরে পড়ে আসি',  
চন্দ্রালোকে ভেঙ্গে যেন পড়ে পৃথিবীতে !  
সুধাংশু-প্রবাহ-পারা—                      শত শত ধায় ধারা,  
ঠিকরে' অসংখ্য ছারা ছোটে চারিভিতে !                      ৩৬

শৃঙ্গে শৃঙ্গে ঠেকে ঠেকে, লক্ষ লক্ষ ঝেঁকে ঝেঁকে,  
জেলের জালের মতো হ'য়ে ছত্রাকার,  
ঘুরিয়ে ছড়িয়ে পড়ে ;                      ফেনার আরশি ওড়ে—  
উড়িছে মরাল যেন হাজার হাজার !                      ৪০

## নিদ্রামগ্ন জগৎ

নেমে নেমে ধরাগুলি,                      করি' করি' কোলাকুলি,  
এক-বেণী হ'য়ে হ'য়ে নদী ব'য়ে যায়,  
ঝরঝর কলকল                      ঘোর রবে ভাসে জল,  
পশুপক্ষী কোলাহল করিয়া বেড়ায় !                      ৪৪  
কিবা ভূপ-পাদ-মূলে                      উথুলে উথুলে ছলে'  
ঢ'লে ঢ'লে চলেছেন দেবী সুরধুনী ;  
যোগীর ধ্যান,                      ভোলা-মহেশের প্রাণ,  
ভারত-সুরভি-গাভী পতিত-পাথনী ।                      ৪৮  
পুণ্যতোয়া গিরিবামা !                      জুড়াও প্রাণের জ্বালা,  
জুড়ায় ত্রিতাপজ্বালা মা তোমার জলে !  
—বিহারীলাল চক্রবর্তী

৩২

## নিদ্রামগ্ন জগৎ

দ্বিতীয় প্রহর নিশি,                      কি প্রশান্ত দশ দিশি !  
জ্যোৎস্নায় ঘুমায় তরুলতা ;  
গাভাস হয়েছে স্তব্ধ,                      নাই কোন সাদা শব্দ,  
পাপিয়ার মুখে নাই কথা ।                      ৪  
সাদা সাদা ডোরা ডোরা দীর্ঘ মেঘগুলি  
নীরবে ঘুমায়ে আছে খেলা-দেলা ভুলি  
একাকী জাগিয়া চাঁদ তাগাদের মাঝে—  
বিশ্বের আনন্দ যেন একত্র বিরাজে !                      ৮

৭৩

## ত্রিধারা

- দূরে দূরে নীল জলে                      দু'একটা তারা জ্বলে,  
আমার মুখের পানে দীপ্ দীপ্ চায়,  
ওদের মনের কথা বুঝা নাহি যায় !  
একা বসি' নির্জ্জন গগনে                      ১২  
বল শশী, কি ভাবিছ মনে ?  
একটু বাতাস নাই                      তবু যেন প্রাণ পাই  
তোমার এ অমৃত কিরণে !  
ফুল বনে ফুল ফুটে আছে,                      ১৬  
কেহ না সঞ্চরে কাছে কাছে,  
তোমন আমোদ-ভরে                      কে আর আদর করে—  
আজি সমীরণ কোথা গেছে !  
নীরব প্রকৃতি সমুদয়,                      ২০  
নীরবে প্রাণের কথা কয়,  
সমীর সূধীর স্বরে                      সেই কথা গান ক'রে,  
আহা, আজি কেন নাহি বয় !  
মানবেরা ধুমায়ে এখন,                      ২৪  
মোহ-মত্তে হয়ে অচেতন,  
নিসর্গের ছেলেমেয়ে                      কেন গো রয়েছ চেয়ে—  
তোমরা কি সাধের স্বপন ?  
সবচেয়ে, সুধাকর,                      তব মুখ মনোহর,                      ২৮  
বিহ্বল হইয়া যাই হেরিলে তোমায় !



|                                     |                       |    |
|-------------------------------------|-----------------------|----|
| ভূত ভাবী বর্তমানে                   | কত কথা জাগে প্রাণে—   |    |
| জানকী অশোকবনে দেখেছে তোমায় !       |                       |    |
| কেকয়ী-বিষাক্ত-শর-                  |                       | ৩২ |
| জরজর-মরমর-                          |                       |    |
| থরথর-কলেবর                          |                       |    |
| পাগলের প্রায়—                      |                       |    |
| কি চক্ষে হে, দশরথ দেখিল তোমায় ?    |                       | ৩৬ |
| তুমি-ই বলিতে পার,                   | তুমি ই বলিতে পার,     |    |
| ভাবিয়া বিহ্বল মন, বুঝা নাহি যায় ! |                       |    |
| ওই রে জীবনদীপ নিবু-নিবু-প্রায়—     |                       |    |
| ওই রে অন্তিম আশা আঁধারে মিশায়—     |                       | ৪০ |
| মনের সকল সাধ ফুরায় ফুরায়—         |                       |    |
| কোথা রাম রাজা হবে, বনে কেন যায় !   |                       |    |
| জন্মিতে দেখেছ তুমি বাস-বাল্মীকিরে,  |                       |    |
| কিরণ দিয়েছ সেই পর্ণের কুটীরে ।     |                       | ৪৪ |
| তপোবনে ছেলে দুটী                    | কচিমুখে হাসি ফুটি',   |    |
| জননীর কোলে বসি, দেখিত তোমায়,       |                       |    |
| কি যে সে কহিত বাণী                  | জানে তাহা ফুলবাণী     |    |
| জাগে মহা প্রতিধ্বনি অমর গাথায় ;    |                       | ৪৮ |
| করি' সে অমৃত পান                    | পৃথিবী পেয়েছে প্রাণ, |    |
| ভারত-পাতাল আজো অমরার প্রায় ।       |                       |    |

## ত্রিধারা

কবিতার জন্ম হয় তোমার কিরণে,  
ফুটে ওঠে বসন্তের ফুল-বনে, ৫২  
যৌবন-ভরঙ্গ-রঙ্গে গড়ায় সাগর-সঙ্গে,  
অস্ত্রমে আনন্দে মগ্ন নন্দন-কাননে !  
কবির প্রাণেতে পশি' আচম্বিতে কে রূপসী  
বীণা-করে খেলা করে হসিত বয়ানে, ৫৬  
অলস অপাঙ্গে চায়, কবি নিজে মোহ যায়,  
জগৎ জাগিয়া উঠে একমাত্র গানে !  
ভূমি শশী সকলের মহামন্ত্র হৃদয়ের,  
নয়নের পারিজাত-কুশুম অমর ! ৬০  
রূপ-রসে ঢলঢল চারিদিকে অবিরল  
উছলে উছলে চলে সুধাংশু-সাগর !  
করি' ও-অমৃত পান প্রাণে হয় বলাধান,  
শুক তরু মুঞ্জরে, সঞ্চরে সমীরণ, ৬৪  
ফুল ফোটে থরে থরে, লতা সব নৃত্য করে,  
উল্লাসে উন্মত্ত-প্রায় মানুষের মন  
চক্রবাক-চক্রবাকী আনন্দে বিহ্বল-অঁথি,  
হরিণী হরষ-ভরে দেখিছে তোমায় ; ৬৮  
তোমারি অমৃত-ভুখে ছুটিয়াছে উর্দ্ধমুখে  
না জানি কি পাখী ওই শূন্যে গান গায় !  
জাগিল সকল তারা প্রেমানন্দে মাতোয়ারা  
মেঘগুলি ঢলি ঢলি কোথায় চলিল ! ৭২

লুকায়ে চপলা মেয়ে                      থেকে থেকে দেখে চেয়ে  
 কি ঘেন মনের কথা মনেই রহিল ।  
 যোগীর প্রশান্ত মন,                      শান্তিময় ত্রিভুবন,  
 সমস্ত ব্রহ্মাণ্ড এক বিচিত্র স্বপন ;                      ৭৬  
 তোমার সুধাংশু, শশী,                      তাঁহার প্রাণেতে পশি'  
 করেছে কি অপরূপ রূপের সৃজন !  
 আনন্দ—আনন্দ তাঁর                      হৃদয়ে ধরেনা আর,  
 অমূর্ত আনন্দময় মূর্তি মনোহর,                      ৮০  
 আলিঙ্গন প্রাণে প্রাণে,                      কি আজ উদয় প্রাণে !  
 সমস্ত ব্রহ্মাণ্ড এক আনন্দ-সাগর !  
 —বিহারীলাল চক্রবর্তী

৫৩

## কামনা

কভু ভাবি তোজে এই দেশ,  
 যাই কোন এহেন প্রদেশ,  
 যথায় নগর গ্রাম  
 নহে মানুষের ধাম,  
 প'ড়ে আছে ভগ্ন-অবশেষ ।  
 গর্ব-ভরা অট্টালিকা যায়,  
 এবে সব গড়াগড়ি যায় ;  
 বৃক্ষলতা অগণন  
 ঘের কোরে আছে বন,  
 উপরে বিষাদ বায়ু বায় ।

## ত্রিধারা

প্রবেশিতে যাহার ভিতরে,  
ক্ষীণ প্রাণী নরে ত্রাসে মরে ;  
যথায় শ্বাপদ দল  
করে ঘোর কোলাহল,  
ঝিল্লী সব ঝিঁ ঝিঁ রব করে ।

১৫

তথা তার মাঝে বাস করি,  
ঘুমাইব দিবা বিভাবরী ;  
আর কারে করি ভয়,  
বাঘে সর্পে তত নয়,  
মানুষ-জন্তুকে যত ডরি ।

২০

কভু ভাবি কোন ঝরণার,  
উপলে বন্ধুর যার ধার ;  
প্রচণ্ড প্রপাত-ধ্বনি  
বায়ু বেগে প্রতিধ্বনি  
চতুর্দিকে হতেছে বিস্তার ;—

২৫

গিয়ে তার তীরতরু তলে,  
পুরু পুরু নধর শাদলে,  
ডুবাইয়ে এ শরীর,  
শব সম রব স্থির  
কান দিয়ে জল-কলকলে ।

৩০

কভু ভাবি পল্লীগ্রামে যাই,  
 নাম ধাম সকলি লুকাই ;  
 চাষীদের মাঝে রয়ে,  
 চাষীদের মত হয়ে,  
 চাষীদের সঙ্গেতে বেড়াই । ৩৫

বাজাইয়ে বাঁশের বাঁশরী,  
 শাদা সোজা গ্রাম্য গান ধরি,  
 সরল চাষার সনে,  
 প্রমোদ-প্রফুল্ল মনে  
 কাটাইব আনন্দে শরবরী । ৪০

বরষার যে ঘোর নিশায়,  
 সৌদামিনী মাতিয়ে বেড়ায় ;  
 ভীষণ বজ্রের নাদ,  
 ভেঙে যেন পড়ে ছাদ,  
 বাবু সব কাঁপেন কোঠায়,— ৪৫

সে নিশায় আমি ক্ষেত্র-তীরে,  
 নড়বোড়ে পাতার কুটারে,  
 স্বচ্ছন্দে রাজার মত  
 ভূমে আছে নিদ্রাগত  
 প্রাতে উঠে দেখিব মিহিরে । ৫০

—বিহারীলাল চক্রবর্তী

## মাতৃস্তুতি

স্বকোমল অঙ্কে নিয়া  
 অঙ্গে কর বুলাইয়া,  
 পিয়াইয়া পুনঃ হৃদি-পিবৃষ-ধারায়,  
 মমতায় বিমোহিয়া,  
 স্নেহ বাক্যে ভুলাইয়া,  
 হে জননি, কর পুনঃ বালক আমায় !

৬

তব অঙ্ক পরিহরি,  
 সংসারে প্রবেশ করি,  
 সদা মত্ত থেকে মা গো বিষয়ের রণে !  
 তুমি গড়েছিলে যাহা,  
 আর আমি নাই তাহা  
 তব প্রেম-স্বর্গ-কথা কিছু নাই মনে !—  
 কেমনে বণিব তায় স্মৃতির বিহনে !

১৩

ধন, মান, খ্যাতি, লোভ !  
 দিয়াছ বিস্তর ক্ষোভ !  
 আর কেন ? পাও গিয়া চিনে না যে জন !  
 ছাড় আশা মিথ্যাচার !  
 দূর হ' রে ব্যভিচার !—  
 ( দেবরূপে ছদ্মবেশী দামব ভীষণ ! )

১৮

রে স্বার্থ-পরতা খল !  
 যাও নিয়ে নিজ দল,—  
 কাপট্য, কাঠিন্য, চাটু, কটু, কুবচন !  
 দূর হ' সংসার জ্ঞান !  
 করি কুমন্ত্রণা দান,  
 হরিয়ান্ন সব মম শৈশব-ভূষণ !—  
 সারল্য, মন্তোষ, প্রীতি, প্রত্যয়ের মন ! ২৬  
 নিজ অঙ্গ অংশ দিয়া,  
 এত তনু নিরমিয়া,  
 চিত হ'তে দিয়া চিত দীপে দীপপ্রায়,  
 আমায় সৃজন যিনি,  
 ধাতার স্বরূপ তিনি ;—  
 জীব-দেহ ব্রহ্মাণ্ড সমান তুলনায় ।— ৩২  
 পরদেশ এ ধরায়,  
 অসম্বল অসহায়,  
 আসি আত্মা, পেয়ে নীর আতিথ্য রূপার,  
 পথ-ক্রান্তি পাসরিয়া,  
 নব-সঙ্গি-সঙ্গ নিয়া  
 রঙ্গরসে পাসরে আলায় আপনার ;  
 মহতী মহিমা, বাক্যে কে বর্ণিবে তাঁর ! ৩৯  
 —সুরেন্দ্রনাথ মজুমদার

## শিশুর হাসি

- কি মধু-মাথানো, বিধি, হাসিটি অমন  
 দিয়াছ শিশুর মুখে !  
 স্বর্গেতে কি আছে ফুল  
 মর্ন্তে যার নাহি তুল,  
 তারি মধু দিয়ে কি হে, করিলে সৃজন ? ৫  
 সৃজিলে কি নিজ মুখে ?  
 কিংবা, বিধি, নরদুঃখে  
 মনে ক'রে, ও হাসিটি করেছ অমন ?  
 জানি না, তুমিই কি না আপনি ডুলিলে  
 সৃজনের কালে, বিধি ? ১০  
 গড়েছ ত এত নিধি—  
 উহার মতন বল কি আর গড়িলে ?  
 কারে গড়েছিলে আগে,  
 কারে বেশি অনুরাগে  
 সৃজন করিলে বিধি, সৃজিলে যখন ? ১৫  
 ফুলের লাষণ্য বাস,  
 অথবা শিশুর হাস,  
 কারে বিধি আগে ধ্যানে করিলে ধারণ ?  
 দেখিয়েছিলে কি উটি সৃজিলে যখন  
 অমৃত-পিপাসু দেবে ? ২০



## জীবন-সঙ্গীত

কি বলিল তারা সবে,  
দেখিল যখন ওই হাসিটি মোহন ?  
কিংবা চেয়েছিল তারা, তুমিই না দিলে ;  
দিয়াছ এতই, হায়,  
চিরস্থায়ী দেবতায়, ২৫  
দুঃখী মানবের তরে ওটুকু রাখিলে ?  
কি মধু-মাখানো, বিধি, হাসিটি অমন !

—হেমচন্দ্র বন্দ্যোপাধ্যায়

## ৫৬ জীবন-সঙ্গীত

ব'লো না কাতর স্বরে,                      বৃথা জন্ম এ সংসারে,  
এ জীবন নিগার স্বপন,  
দারী পুত্র পরিবার                      তুমি কার কে তোমার  
ব'লে জীব ক'রো না ক্রন্দন ।                      ৪  
মানব-জনম সার                      এমন পাবে না আর,  
বাহুদৃশ্যে ভুলো না রে মন ।  
কর যত্ন হবে জয়,                      জীবাত্মা অনিত্য নয়,  
ওহে জীব, কর আকিঞ্চন ।                      ৮

## ত্রিধারা

- ক'রো না সুখের আশ,  
প'রো না দুখের কঁাস,  
জীবনের উদ্দেশ্য তা নয় ;  
সংসারে সংসারী সাজ,  
কর নিতা নিজ কাজ  
ভবের উন্নতি যাতে হয় । ১২
- দিন যায়, ক্ষণ যায়,  
সময় কাহারো নয়,  
বেগে ধায় নাহি রহে স্থির ;  
সহায় সম্পদ বন,  
সকলি ঘুচায় কাল,  
আয়ুঃ যেন শৈবালের নীর । ১৬
- সংসার-সমরাজনে  
যুদ্ধ কর দৃঢ় পণে  
ভয়ে ভীত হয়ো না মানব ;  
কর যুদ্ধ বীর্যবান্,  
যায় যাবে যাক্ প্রাণ,  
মহিমাই জগতে দুর্লভ । ২০
- মনোহর মূর্তি হেরে  
ওহে জীব অন্ধকাবে  
ভবিষ্যতে ক'রো না নির্ভর ;  
অতীত সুখের দিনে  
পুনঃ আর ডেকে এনে  
চিন্তা ক'রে হয়ো না কাঁচর । ২৪
- সাধিতে আপন ব্রত  
স্বীয় কার্যে হও রত,  
এক মনে ডাক ভগবান্ ;  
সকল সাধন হবে,  
ধরাতলে কীর্তি হবে,  
সময়ের সার বর্তমান । ২৮
- মহাজ্ঞানী মহাজন  
যে পথে ক'রে গমন  
হয়েছেন প্রাতঃস্মরণীয় ;

সেই পথ লক্ষ্য ক'রে                      স্বীয় কীর্তিধ্বজা ধ'রে  
 আমরাও হব বরণীয় ।                      ৩২

সময়-সাগর-তীরে                      "পদাঙ্ক অঙ্কিত ক'রে  
 আমরাও হব তে অমর ;

সেই চিহ্ন লক্ষ্য ক'রে                      অণু কোন জন পরে  
 যশোদ্বারে আসিবে সঙ্গর ।                      ৩৬

ক'রো না মানবগণ,                      বৃথা ক্ষয় এ জীবন  
 সংসার-সমরাজন-মাতো ;

সকল করেছ যাহা,                      সাধন করহ তাহা  
 রত হয়ে নিজ নিজ কাজে ।                      ৪০

—হেমচন্দ্র বন্দ্যোপাধ্যায়

৫৭

## যমুনাতটে

আহা কি সুন্দর নিশি, চন্দ্রমা উদয়,  
 কোমুদীরশিতে যেন ধৌত পরাতল,  
 সমীরণ মৃদু মৃদু ফুল-মধু বয়,  
 কল কল করে ধীরে তরঙ্গিনী জল ।  
 কুসুম, পল্লব, লতা নিশার ভূষারে

## ত্রিধারা

শীতল করিয়া প্রাণ শরীর জুড়ায়,  
জোনাকির পাঁতি শোভে তরুশাখা'পরে  
নিরিবিলি ঝাঁ ঝাঁ ডাকে জগত ঘুমায় ;—  
হেন নিশি একা আসি,                      যমুনার তটে বসি,  
হেবি শশা দুলে দুলে জলে ভাসি যায় ।                      ১০

কে আছে এ ভ্রমণ্ডলে, যখন পরাণ  
জীবন পিঞ্জরে কাঁদে যমের তাডনে,  
যখন পাগল মন তাজে এ শ্মশান  
বায় শূন্যে দিবানিশি প্রাণ অন্বেষণে,  
৩খন বিজন বন, শান্ত বিভাবরী,                      ১৫  
শান্ত নিশানাথ জ্যোতিঃ বিমল আকাশে,  
প্রশস্ত নদীব তট, পবনত উপরি,  
কার না তাপিত মন জুড়ায় বাতাসে ?  
কি স্থখ যে হেনকালে,                      গৃহ ছাড়ি বনে গেলে,  
সেই জানে, প্রাণ যাব পুড়েছে লতাশে ।                      ২০

ভাসায়ে অকুল নীরে ভবের সাগরে  
জীবনের ধ্রুবতারা ডুবেছে যাহার,  
নিবেছে স্থখের দীপ ঘোর অন্ধকারে,  
হু হু করি দিবানিশি প্রাণ কাঁদে যার.  
সেই জানে প্রকৃতির প্রাঞ্জল মুরতি                      ২৫  
হেরিলে বিরলে বসি গভীর নিশিতে,  
শুনিলে গভীর ধ্বনি পবনের গতি,  
কি সাস্তুনা হয় মনে মধুর ভাবেতে ।

## যমুনা-তটে

না জানি মানব-মন হয় হেন কি কারণ,  
অনন্ত চিন্তায় মজে বিজন ভূমিতে । ৩০

হায় রে প্রকৃতি সনে মানবের মন  
বাঁধা আছে কি বন্ধনে বৃষ্টিতে না পারি !  
নতুবা যামিনী দিবা-প্রভেদে এমন,  
কেন হেন উঠে মনে চিন্তার লহরী ?

কেন দিবসেতে ভুলি থাকি সে সকলে ৩৫  
শমন করিয়া চুরি লয়েছে যাহায় ?  
কেন রজনীতে পুনঃ প্রাণ উঠে জলে',

প্রাণের দোসর ভাই বন্ধুর ব্যথায় ?  
কেন বা উৎসবে মাতি, থাকি কভু দিবারাতি,  
আবার নির্জনে কেন কাঁদি পুনরায় ? ৪০

বসিয়া যমুনা-তটে হেরিয়া গগন,  
ক্ষণে ক্ষণে হলো মনে কত বে ভাবনা,  
দাসত্ব, রাজত্ব, ধর্ম্য, আত্মবন্ধুজন,  
জরা, মৃত্যু, পরকাল, যমের তাড়না ।  
কত আশা, কত ভয়, কতই আহ্লাদ, ৪৫  
কতই বিষাদ আসি' হৃদয় পুরিল,

কত ভাঙ্গি, কত গড়ি, কত করি সাধ,  
কত হাসি', কত কাঁদি', প্রাণ জুড়াইল ।  
রজনীতে কি আহ্লাদ কি মধুস রসাস্বাদ  
বৃষ্টিভাঙ্গা মন যার সেই সে বুকিল । ৫০

—হেমচন্দ্র বন্দ্যোপাধ্যায়

## ଲଞ୍ଜାବତୀ ଲତା

ଛୁଁଯୋ ନା ଛୁଁଯୋ ନା ଉଟି ଲଞ୍ଜାବତୀ ଲତା ।

ଏକାନ୍ତ ସଙ୍କୋଚ କରେ                      ଏକ ଧାରେ ଆଛି ସଂରେ

ଛୁଁଯୋ ନା ଉହାର ଦେହ, ରାଧ ମୋର କଥା,

ତରୁଳତା ସତ ଆର,                      ଚେସେ ଦେଖ ଚାରି ଧାର,

ସେରେ ଆଛି ଅହଙ୍କାରେ— ଉଟି ଆଛି କୋଥା ?

ଆହ, ଓ଼ିଆନେ ଥାକ, ଦିଓ ନାକ ବ୍ୟଥା !

ଛୁଁଲେ ନଖେର କୋଣେ,                      ବିସମ ବାଜିବେ ପ୍ରାଣେ,

ସେଓ ନା ଉହାର କାଢେ ଶୁନ ମୋର କଥା !

ଛୁଁଯୋ ନା ଛୁଁଯୋ ନା ଉଟି ଲଞ୍ଜାବତୀ ଲତା ।

ଲଞ୍ଜାବତୀ ଲତା ଉଟି ଅତି ମନୋହର ।

ସଦିଓ ସୁନ୍ଦର ଶୋଭା,                      ନହେ ତତ ମନୋଲୋଭା,

ତବୁଓ ମଲିନ ବେଶ ମରି କି ସୁନ୍ଦର !

ସାୟ ନା କାହାରଓ ପାଶେ,                      ମାନ-ମର୍ଯ୍ୟାଦାର ଆଶେ,

ଥାକେ କାଞ୍ଜାଳୀର ବେଶେ ଏକା ନିରନ୍ତର—

ଲଞ୍ଜାବତୀ ଲତା ଉଟି ମରି କି ସୁନ୍ଦର !

ନିସ୍ଵାସ ଲାଗିସେ ଗାୟ,                      ଅମନି ଶୁକାରେ ସାୟ,

ନା ଜାନି କତଇ ଓର କୋମଳ ଅନ୍ତର !

ଏ ହେନ ଲତାର ହାୟ, କେ ଜାନେ ଆଦର ?

হায় এই ভূমণ্ডলে কত শত জন,  
দণ্ডে দণ্ডে ফুটে উঠে,                      অবনীমণ্ডল লুটে  
শুনায় কতই রূপ যশের কীর্তন ।  
কিন্তু হেন ত্রিয়মাণ,                      সদা সঙ্কুচিত প্রাণ,  
রমণী পুরুষগণে কে করে যতন ?  
স্বভাব মৃদুল ধীর,                      প্রকৃতিটি সুগস্তীর,  
বিরলে মধুরভাষী মানসরঞ্জন,  
কে জিজ্ঞাসি তাহাদের করে সম্ভাষণ ?  
সমাজের প্রান্তভাগে,                      ভাপিত অন্তরে জাগে,  
মেঘে ঢাকা আভাহীন নক্ষত্র যেমন ।  
ছুঁয়ো না উহার দেহ, করি নিবারণ,  
লজ্জাবতী লতা উটি মানস-রঞ্জন ।

৩০

—হেমচন্দ্র বন্দ্যোপাধ্যায়

৫৯

## জন্মভূমি

কামিনীর কমনীয় কণ্ঠভূষা হারে  
দ্যুতিমান্ মধ্যমণি যেমন সুন্দর,  
সেইরূপ সমুদয় যেদিনী-মাঝারে  
আছে দিব্যস্থান এক অতি মনোহর ।

৪

## ত্রিধারা

প্রকৃতির অতি প্রিয় সেই রম্য স্থল,  
নয়নের অভিরাম সেখানে যেমন  
নদ, নদী, বনভূমি, প্রাস্তুর শ্যামল,  
ভুবন-ভিতরে আর নাহিক তেমন !

বিতরে উজ্জ্বলতর কর তথা বিধু,  
সূর্যের সুবর্ণ-করে দীপ্ত দিনমান,  
মেঘের সমীর সদা বহে মৃদু মৃদু,  
ভূতলে অতুল সেই রমণীয় স্থান ।

নিশাল-বারিধি-বক্ষে বহি ত্র বাহিয়া  
কর্ণধার নির্ভীক অনেক দেশে যায়,  
সুস্থচিত্তে নহে কিন্তু রহে কোথা গিয়া,  
নিরখিতে সেই ভূমি চিত সদা চায় ।

অশ্রু ভূপ, লোলুপ সে দেশ-অধিকারে,  
বিপুল বিক্রমে যদি করে আক্রমণ,  
হেন কাপুরুষ নাহি, অবাধে তাহারে  
প্রস্তুত সে প্রিয় ভূমি করিত্তে অর্পণ !

নষ্টপরিকর সবে যুদ্ধ-ভূমে ধায়,  
গৃহ-সুখ অভিলাষ দিয়া বিসর্জন,  
জনম সফল ভাবি' লয় সে বিদায়,  
প্রিয়-দেশ-রক্ষা-দায় বাহার নিধন !



অক্ষনা ভূষণপ্রিয়া সে দেশ-রক্ষণে

অকুণ্ঠিতা উন্মোচনে গাত্র-অলঙ্কার ;

সুকেশিনী শিবঃ-শোভা কেশের ছেদনে

স্কন্ধা নহে, যদি তাহে হয় উপকার ।

২৮

ধন্য সে ধবণীতলে অগ্রগণ্য ধাম !

যাহার মাতাত্মা আমি অক্ষয় বর্ণনে ;

“স্বর্গাদপি গরীয়সী” যে ভূমির নাম

উজ্জ্বল করিতে সাধ করে সর্বজনে ।

৩২

এত অনুবাগ কোন ভূভাগ উপব ?

যদি অল্পজ্ঞান কেহ সন্ধান না পায়,

যারে ইচ্ছা জিজ্ঞাসিলে পাঠবে উত্তর,—

‘জন্মভূমি—স্থখে ভূমি বাস কর যা’য় ।’

৩৬

—যত্নগোপাল চট্টোপাধ্যায়

৬০

## যমুনা

গোরবে, যমুনে । তুমি কলকল সনে,

নবীন নীরদ-কান্তি নিন্দ্রি নীল নীরে,

তরঙ্গ-বিভঙ্গে নাচি সমীরণ সমে,

ফেনপুষ্প-পুষ্পদাম-মণ্ডিত শরীরে,

গোরবে, যমুনে ! তুমি আছ প্রবাহিনী,

কোটি-কোটি-জীবকুল কল্যাণ-দায়িনী ।

৬

## ত্রিধারা

পুণ্যতোয়া নদী তুমি ; দক্ষ-কন্যা সতী  
পতি-নিন্দা শুনি যবে তাজিলেন প্রাণ,  
পত্নী-শোকানলে দক্ষ দেব পশুপতি  
হিমাচ্ছন্ন হিমাদ্রির ভ্রমি সর্বস্থান,  
কোথা না তাপিত তনু জুড়াইতে পারি,  
নিলেন শরণ শেষে তব হিম-বারি ।

১২

পবিত্র তোমার তীরে করি যোগাসন,  
সহিতে না পারি নিমাতার বাক্যবাণ,  
তপঃসিদ্ধ হ্রব, স্বর্গে করি আরোহণ,  
সপ্তর্ষিমণ্ডল-শীর্ষে লভেছেন স্থান ;  
যেমতি নিশ্চলা ভক্তি ছিল ব্রহ্মপদে,  
তেমতি নিশ্চলভাবে আছেন স্বপদে ।

১৮

রমণীর তীরে তব হইয়া রাখাল,  
গোলোক-বিহারী হরি ভুলোক-নিবাসী  
চরাতেন চরাচর-পালক গোপাল,  
গোপ-সীমন্তিনী-দত্ত নবনী-প্রয়ামী ।  
যাঁর পাদোদক গঙ্গা, তাঁর অঙ্গগানি,  
হরেছ, যমুনে ! তব বহু ভাগ্য মানি ।

২৪

শ্যামল পুলিনে তব তমালের তলে  
বনমালী বেণুমন্ত্র বাজাতেন যবে,

উর্দ্ধমুখে অর্দ্ধগ্রস্ত তাজিয়া কবলে  
 ধেনুবন্দ পুলকিত হইত সে রবে,  
 আনন্দে, কালিন্দী ! তুমি বহিতে উজান,  
 পবন, পালটি ধেয়ে ঘুরিত সে স্থান ;

৩০

নাচিত আভীরবালা গভীর উল্লাসে,  
 মিশায়ে মঞ্জীর-ধ্বনি বাঁশরী-নিস্বনে ;  
 ললিত পঞ্চম রাগ শিখিবার আশে  
 কুহরিত পিক নিত্রা নিকুঞ্জ-কাননে ;  
 তালি মুরলীর ধ্বনি রক্তের আকার,  
 অসুয়ার পরদশে করিত বাঁসার

৩৬

অবগাতি তব নীরে, বীর বৃকোদর,  
 বিক্ষেপিত করি বারি গান-মার্জ্জনায,  
 বিনা বাতে পিরচিয়া উর্ষ্মি বলতর  
 গীরভূমি অভিহিত করেছে লীলায় ।  
 সহেছ দৌরাছা তুমি, জননী যেমন  
 স্তনক্ষয় শিশুকৃত সহেন পীড়ন ।

৪২

অর্জুন গাভ্রীধন', খাণ্ডবদাহনে,  
 ব্রজধর ইন্দ্র ঘাঁরে নিবারিতে নারে,  
 সমর নৈপুণ্যে ঘাঁর কুরুক্ষেত্র-রণে  
 বৈরি-বনিতার অশ্রু পড়ে শতধারে,

## ত্রিধারা

সেই রীরশ্রেষ্ঠ সেবা করেছে তোমারে,  
পড়ে কি, যমুনে ! মনে গঙ্গার কুমারে ?

৪৮

গঙ্গার কুমার, চিরকুমার ধার্মিক,  
সত্যবতী হেতু সত্য পালনে অটল ;  
শৌর্য্য, ব্রহ্মচর্য যাঁর দেখি অলৌকিক,  
বিস্ময়ে বলিল ভীষ্ম ভূপতিমণ্ডল ?

স্মরি যাঁর গুণগ্রাম হিন্দুর সন্তান,  
এখনো তর্পণে করে তোয়াঞ্জলি দান ?

৫৪

অতীত-বৃন্দাস্ত-সাক্ষী তুমি ভারতের,  
দেখিয়াছ কত রাজা, রাজ্যের বিপ্লব,  
দেখিয়াছ ক্ষত্রভেজ, বীর্য্য মোস্লেমের ;  
সুপ্রশস্ত ইন্দ্রপ্রস্থ, দিল্লী অভিনব,  
অত্মাপি তোমার কূলে আছে বিদ্যমান,  
আজো তাজবিবি কোলে রয়েছে শয়ান !

৬০

রবির তনয়া তুমি, গৌরবশালিনী  
জাহ্নবী সখীরে যথা দেছ আলিঙ্গন,  
যুক্তবেণী মুক্তিদাত্রী কলুষনাশিনী  
পরম পবিত্র তীর্থ করেছ স্থাপন ।

অনুরাগে প্রয়াগে সকলে করে স্নান,  
দেহ সহ চিত্তশুদ্ধি যোগ্য বটে স্থান ।

৬৬

কোথায় সে শ্যামবট—বিটপী সুন্দর,  
বাঙ্গাকল্লতরু যাহা বিক্রান্ত ধারায় ?

কোথা গেল কাম্যকূপ শত শত নর  
পরলোক-সুখলোভে মরিত যাহায় ?

কামনা আমার এই যমুনা-সঙ্গমে,—  
নিষ্কাম ধর্মের কথা শিখি এ জনমে ।

৭২

ধর্মেরে বাসিব ভাল, বিনা অনুরোধে,  
ফলশ্রুতি ধর্মেরে মতি যেন না জন্মায়,

ঈশ্বরে সঁপিব মন আত্মপ্রীতি-বোধে—  
দেহি দেহি রব নাহি রবে রসনায় ।

শ্যামবট, কাম্যকূপ, না লব সঙ্কান,  
করিব কামনা বিনা পুণ্য অনুষ্ঠান !

৭৮

— যত্নগোপাল চট্টোপাধ্যায়

৬১

## যক্ষের আশ্রয়

কুবের-আলয় ছাড়ি'

উত্তরে আমার বাড়ী,

গিয়া তুমি দেখিবে সেথায়—

সম্মুখে বাহির-বার,

বাহার কে দেখে তার,

ইন্দ্রধনু যেন শোভা পায় ।

৪

## ত্রিধারা

|                               |                          |    |
|-------------------------------|--------------------------|----|
| পার্শ্বে এক সরোবরে            | জল থই থই করে,            |    |
| হাসে ফুল্ল নলিনীর হাট ;       |                          |    |
| উহার একটি ধারে,               | অপরূপ দেখিবারে           |    |
| রমণীয় মণিময় বাট !           |                          | ৮  |
| সরসীর স্বচ্ছ জলে,             | ইতস্ততঃ দলে দলে,         |    |
| ভ্রমে হংস হংসী অবিরামে ;      |                          |    |
| যাইতে মানস-সরে                | কারো না মানস সরে,        |    |
| আছে তারা এমনি আরামে !         |                          | ১২ |
| উদ্যানে একটি চারু             | শিশু পারিজাত-তরু         |    |
| বায়ু-কোলে হেলে, পুষ্প হাসে ; |                          |    |
| বহু যত্নে জল দিয়া            | বাড়ায়েছে তারে প্রিয়া, |    |
| স্বত সম তেঁই ভালবাসে ।        |                          | ১৬ |
| উচ্চভূমি একধারে               | গিরিসম দেখিবারে,         |    |
| নীলকান্তি শিখরে বিরাজে ।      |                          |    |
| সুবর্ণ-কদলী-তরু               | চারিধারে শোভে চারু,      |    |
| মেঘেতে তড়িৎ যেন সাজে ।       |                          | ২০ |
| মাধবী-মণ্ডপ-পরে               | কুরুবক শোভা করে,         |    |
| ফুল-গন্ধে ছোটে অলিকুল ;       |                          |    |
| লতায় পাতায় ঘেরা,            | আছয়ে সবার সেরা,         |    |
| দু'টি গাছ অশোক বকুল ।         |                          | ২৪ |
| তাহার মাঝেতে আর               | ময়ূরের বসিবার           |    |
| সোনার একটি আছে দাঁড় ;        |                          |    |

শিখী যেথা কেকাভাষী                      সঙ্ক্যাকালে বসে আসি',  
 আনন্দেতে উঁচা করি' ঘাড় ।                      ২৮

তাহারে নাচায় প্রিয়া,                      করতালি দিয়া দিবা,  
 রুম্বুম্বু বাজে তায বাল্য ;

স্মরিতে সে-সব কথা                      মরমে জনমে ব্যাধা,  
 জ্বলি' উঠে হৃদয়ের জ্বালা ।                      ৩২

এ-সকল নিদর্শনে                      চিনিবে মুহূর্ত্ত-ক্ষণে  
 দেখে মাত্র মোর বাড়ী-পানে ,

এবে উহা শূন্য প্রায় ।—                      কমল না শোভা পায়  
 কখনো দিবস-অবসানে ।                      ৩৬

—বিজ্ঞাননাথ ঠাকুর

৩২

## নিশীথ

গভীর নিশীথ-মাঝে বাজে দ্বিপ্রহর ।  
 শ্রমশান্তি সুধাপানে মজে চরাচর ॥

‘নিশির উদার স্নেহে ঢালি’ দিয়া বুক ।  
 ভুঞ্জিতেছে বসুমতী বিশ্রামের সুখ ॥                      ৪

শূন্যে করে তারাগণ জ্যোতির সঞ্চার ।  
 গাছ-পালা, কোপে-ঝাপে লুকায় আঁধার ॥

কে কোথায় পড়ি' আছে কোন চিহ্ন নাই ।  
 নিদ্রায় মগন সবে নিজ নিজ ঠাই ॥                      ৮

ত্রিধারা

কীট-পতঙ্গের মাঝে খড়োৎ কেবল ।

পঞ্চভূত-মাঝে বায়ু শিশির-শীতল ॥

জীবের শরীরে আর নিশ্বাস পতন,

এই কয়ে যা আছে বে জীবের লক্ষণ ॥

১২

—দ্বিজেন্দ্রনাথ ঠাকুর

৬৩

## বুদ্ধদেবের তনুত্যাগ

নীরব পূর্ণিমা নিশি ; নিস্পন্দ নীরব

উর্দ্ধে পূর্ণচন্দ্র, নিম্নে সুপ্ত ধবাতল ।

কুরাইল শেষ কথা ; ধীবে বুদ্ধদেব

হইলা নীরব, ধীরে মুদ্রিতা নয়ন ।

৪

ভিক্ষুগণ এক কণ্ঠে ভক্তি উচ্ছ্বসিত

গাইল, সে মহাবন কবিতা ধ্বনিত

“বুদ্ধং মে শরণম্ ।

ধর্ম্মং মে শরণম্ ।”

৮

মহাকথা, মহাকণ্ঠ, শাস্ত্র সুগভীর

নৈশ নীরবতাসহ মিশাইল ধীরে ।

মিশাইল ধীরে পুণা-জ্যোৎস্নাব সহ

নির্ম্মল উজ্জ্বলতর পূর্ণ জ্ঞানালোক ;—

১২



## বুদ্ধদেবের তনুভাগ

- সমাধিস্থ বুদ্ধদেব লভিলা নির্বাণ ।  
মহাতরু-তলে মহা মূর্তি নির্বাণের  
সমাধিস্থ, উদ্ভাসিত মহামহিমায়  
পূর্ণিমার নিশীথের ফুল চন্দ্র-করে, ১৬  
ইহল স্থাপিত যেন মহা যোগাসনে ।  
বসন্তের সমুজ্জ্বল পূর্ণচন্দ্র-কর  
ইহল উজ্জ্বলতর, শান্তির অমৃত  
ভাসিল সে চন্দ্র-করে, চলিল বহিয়া ২০  
বসন্তের নৈশানিলে, উঠিল ভাসিয়া  
চন্দ্রদীপ্ত গগনের নৈশ নীলিমায়,  
বসন্তের চন্দ্রদীপ্ত শ্যামল ধরায় ।  
শিষ্যগণ এক কণ্ঠে ধ্বনিল— “নির্বাণ” ! ২৪  
ধ্বনিল “নির্বাণ” স্থির স্তব্ধ শাল বন ।  
“নির্বাণ” ধ্বনিলা শশী, নৈশ নীরবতা ।  
ধ্বনিল অনন্ত বিশ্ব— “নির্বাণ !” “নির্বাণ !”  
মহাশোকে পরিপূর্ণ হইল হৃদয় ২৮  
শিষ্যদের— সেই শোক শান্ত, সুগভীর,—  
অবাতবিক্ষুব্ধ সিন্ধু । একে, একে, একে  
শিষ্যগণ ধীরে ধীরে আসিয়া নিকটে  
করিল প্রণাম শেষ, করিল গ্রহণ ৩২  
শেষ পদধূলি, আর সে দেব-নুরতি  
নিরখিল শেষ এই জনমের যত ।

## ত্রিধারা

|                                                                                                                                                                                                                                                                       |    |
|-----------------------------------------------------------------------------------------------------------------------------------------------------------------------------------------------------------------------------------------------------------------------|----|
| ধূনিত কার্পাসে নব করিয়া আবৃত<br>স্বসিক্ত সুরভি তৈলে, করিল স্থাপিত<br>দেব-দেহ সূচন্দন কাঠের চিতায় ।                                                                                                                                                                  | ৩৬ |
| অস্ত গেল পূর্ণচন্দ্র মিতাভ নশ্বর ;<br>অস্ত গেল আলোকিয়া অশীতিবৎসর<br>পূর্ণচন্দ্র অমিতাভ ধর্মজগতের ।                                                                                                                                                                   | ৪০ |
| শিখাগণ, ভারতের নৃপতিমণ্ডল,<br>পুষ্পাবৃত ভস্মরাশি কাবলা স্থাপিত<br>দেশ-দেশান্তরে ; দস্ত করিলা স্থাপিত<br>সিন্ধুর অপর পারে সিংহলের পতি,<br>মন্দির গগনস্পর্শী করিয়া নির্মাণ ।                                                                                           | ৪৪ |
| অনন্ত মর্মব-কাব্যে সেই দেব-লীলা<br>ভারতের অঙ্কে অঙ্কে হ'ল প্রতিষ্ঠিত,<br>মানবের মহাতীর্থ, জগত-বিস্ময় ।                                                                                                                                                               | ৪৮ |
| যাও দেব । লীলা শেষ । এসেছিলে তুমি<br>একবার যমুনার তীরে পুণাবতী,—<br>দেখিয়াছি সেই লীলা কোমল কঠোর ।<br>আসিলে আবার তুমি কপিল নগরে<br>শৈলপতি ত্রিমাত্রির পুণ্যপাদমূলে,<br>দেখিলাম এই লীলা আত্ম-বিসর্জন<br>রাজপুত্র মহাযোগী ! আসিলে আবার<br>সরল মানব-গিণ্ড জর্দানের তীরে, | ৫২ |
|                                                                                                                                                                                                                                                                       | ৫৬ |

আরবের মরুভূমে, অমৃত নির্ঝর  
 আবার আসিলে তুমি,—নাহি ভাগ্য মম  
 দেখিব সে লীলা তব । আসিয়া আবার  
 পতিত পাবনী-তীরে পতিতপাবন ৬০  
 পাষণ করিলে দ্রব প্রেম-অশ্রুজলে ।  
 ভাসি প্রেম-অশ্রুজলে, বড় সাধ মনে,  
 দেখিবে কাঙ্ক্ষাল কবি সে লীলা করুণ,  
 প্রেমময় । এই আশা করিও পূরণ । ৬৪

—নবীনচন্দ্র সেন

৬২  
সমুদ্র

সম্মুখে অনন্ত সিন্ধু ; সুনীল সলিলরাশি  
 ববির সুবর্ণ করে বিকাশি' সুনীল হাসি,  
 নাচিতেছে, গাহিতেছে দিয়া স্মৃথে করতালি  
 তরঙ্গে তরঙ্গে, তীরে ফেনপুষ্পমালা ঢালি' । ৪  
 অনন্ত সিন্ধুর এই অনন্ত অক্ষু ট গীত  
 কি যেন অনন্ত স্মৃতি করিতেছে জাগরিত—  
 অতীত ও অনাগত সুখ-দুঃখ-বিজড়িত—  
 সিন্ধু-নীলিমায় যেন রবিকর বিমিশ্রিত । ৮

## ত্রিধারা

সুনীল আকাশ দূরে সিন্ধু সহ নীলতর  
মিশিয়াছে মহাচক্রে—সন্মিলন কি সুন্দর !  
খেলিছে তরঙ্গমালা—শিরে ফেনপুষ্পরাশি—  
সমুদ্র-মগ্ধনে যেন অমৃত উঠিছে ভাসি' ।  
নীলাকাশ বিশ্বরূপ—অনন্তের মহাভাস,  
তরল হৃদয়-সিন্ধু, তরঙ্গ অনন্তোচ্ছ্বাস ।

১২

—নবীনচন্দ্র সেন

৩৫

## অর্জুনের শোক

উত্তীর্ণ সমর ক্ষেত্র । নক্ষত্রের বেগে  
চলিতে লাগিল রথ । দেখিল অদূরে  
দুইজনে নিরানন্দ পাণ্ডব-শিবির  
স্বাভাহীন, শোভাহীন, বিজয়া-প্রদোষে  
যেন শূন্য পূজাগৃহ নিরানন্দময় ।  
আকুল হৃদয়ে পার্থ কহিলা,—“কেশব ।  
বাজে না মঙ্গলতুরী, দুন্দুভি, পটহ ;  
নীরব মুরজ বীণা । নাশি' সংলগ্নকে  
আসিতেছি,—কই, নাহি গায় বন্দিগণ  
অগ্রসরি' স্তুতিপূর্ণ মঙ্গল-সঙ্গীত !

৫

১০

## অর্জুনের শোক

পুরনারীগণ নাহি গবাঙ্ক-ছয়ারে  
ধাঁড়াইয়া শিবিরে দেয় হুলুধনি,  
করে পুষ্প বরিষণ ! কই, পুত্রগণ  
কই, অভিমন্যু কই আসে না ছুটিয়া,  
প্রীতি-পূর্ণ মুখে করি পিতৃ সস্তাষণ ! ১৫  
নারায়ণ !”—অর্জুনের তিজিল নয়ন,—  
“পাণ্ডব-শিবির দেখ শূন্য নিরজন !”

চক্রবাহ মহাক্ষেত্র দেখিলা বিস্ময়ে  
শোভিছে অদূরে মহাদুর্গের মতন,  
শবের প্রাচীরে উচ্চ । জন-স্রোত বেগে ২০  
ছুটিয়াছে এক স্রোতে সেই দুর্গ পানে ;—  
ছুটিল বিদ্রাৎবেগে রথ সেই দিকে ।  
কহিলা কেশব,—“পার্থ ! চক্রবাহ করি’  
আজি যুঝিলেন দ্রোণ, সেই চক্রবাহ  
হইয়াছে শব-বাহ দেখ কি ভীষণ ! ২৫

স্তরে স্তরে পড়ি শব—অশ্ব, গজ, নর—  
রথের উপরে রথ, শব তদুপর,  
দুর্ভেদ্য প্রাচীরমত শোভিছে কেমন ।  
কোন্ বীর বীরমণি আজি জগত-বিস্ময়  
এ অক্ষয় কীর্তিমালা পরিল গলায় ! ৩০  
দেখিয়াছি বহু যুদ্ধ, করিয়াছি রণ  
আজীবন, এ বীরক দেখিনি কখন ।”—

## ত্রিখান্দা

আর চলিল না রথ ; পড়িলা ভূতলে  
লক্ষ দিয়া দুই জন ; করিয়া লঙ্ঘন  
উর্দ্ধশ্বাসে সে প্রাচীর, ছুটিলা সত্রাসে,— ৩৫  
হাজারবে সৈন্যগণ উঠিল কাঁদিয়া ।

দেখিলেন কুরুক্ষেত্র শোকের সাগর ।  
শব-চক্র মহাবেলা ; প্রশস্ত প্রাঙ্গণ  
ব্যাপিয়া পাণ্ডব-সৈন্য, উর্নির মতন  
উদ্বেলিত মহাশোকে, কাঁদে অধোমুখে,— ৪০  
গুণহীন ধনু, পৃষ্ঠে শরহীন তূণ ।

রথি-মহারথিগণ বসিয়া ভূতলে  
কাঁদিতেছে অধোমুখে, যেন আভাহীন  
সিক্ত রত্নরাজি পড়ি' রত্নাকর-তলে ।  
বাণ-বিদ্ধ-মীন-মত পাণ্ডব সকল ৪৫

করিতেছে গড়াগড়ি পড়িয়া ভূতলে ।  
মূর্ছিত বিরাটপতি—সুস্তিত প্রাঙ্গণ—  
কেন্দ্র স্থলে অভিমন্যু শরের শয্যায়,—  
সিদ্ধকাম মহাশিশু ক্ষত-কলেবর,  
রক্তজবা-সমাবৃত, সস্মিত বদন ৫০

মায়ের পবিত্র অঙ্কে করিয়া স্থাপিত,  
—সক্ষ্যাকাশে যেন স্থির নক্ষত্র উজ্জ্বল—  
নিদ্রা যাইতেছে সুখে ! বক্ষে সুলোচনা  
মূর্ছিতা ; মূর্ছিতা পদে পড়িয়া উত্তরা,

## অর্জুনের শোক

সহকার-সহ ছিন্ন ত্রততীর মত ! ৫৫

কেবল দুইটি নেত্র শুষ্ক, বিস্ফারিত,  
এই মহা শোকক্ষেত্রে ; কেবল অচল  
এই মহা শোকক্ষেত্রে একটি হৃদয় ;—  
সেই নেত্র সেই বুক, মাতা শুভদ্রার !

চাপি' মৃত-পুত্র-মুখ মাঘের হৃদয়ে ৬০

দুই কবে, বিস্ফারিত নেত্রে প্রীতিময়,  
যোগস্থা জননী চাতি' আকাশেব পানে,—  
আদর্শ বীরত্ব বক্ষে প্রীতির প্রতিমা ।—

নীরব বিস্মৃত ক্ষেত্র ! থাকিয়া থাকিয়া

কেবল কাঁপিয়া ধীবে মাঘের অধর ৬৫

গাইতেছে কৃষ্ণ নাম । মূর্চ্ছিত অর্জুন  
পড়িতে, ধবিলা কৃষ্ণ বাহু প্রসারিয়া ।

উচ্ছ্বাসে কহিলা কৃষ্ণ,—“অর্জুন ! অর্জুন !

আমরা বীরের জাতি, বীর-ধর্ম্য রণ !

অযোগ্য এ শোক তব । এই বীরক্ষেত্র ৭০

করিও না কলঙ্কিত কবিয়া বর্ষণ

এক বিন্দু শোক-অশ্রু । বীরধর্ম্য ভূমি,

বীর-শোক অশ্রু নহে, অসির স্মৃতি ।”

—নবীনচন্দ্র সেন

## বাসন্তী পূর্ণিমা

বসন্তের পৌর্ণমাসী । কি শোভা ফুটিছে !

সুধার সাগরে যেন তরঙ্গ উঠিছে !

সুনীল আকাশ, নাই একটুকু রেখা ;

ডুবেছে নক্ষত্র কত, নাই যায় দেখা ।

৪

উঠিছে জ্যোৎস্নার ঢেউ কানায় কানায়,

না ধরে ব্রহ্মাণ্ডে যেন উচলিয়া যায় !

চন্দ্র যেন প্রেমে হেসে ঢালিয়া কিরণ

প্রসুপ্ত ধরার মুখে দিতেছে চুম্বন !

৮

প্রাণের আরামে কিম্বা দিবস ভাবিয়া

তরুকুঞ্জে কভু পান্থী উঠিছে ডাকিয়া ।

ফুটেছে অগণ্য ফুল ; বায়ু মাতোয়ারা ;

খুলিয়া গিয়াছে যেন সুখের ফোয়ারা !

১২

সে আলোকে শোভে শত কুসুম-কলিকা !

আশে পাশে হাসে যেন সরলা বালিকা ।

অঙ্গে লাগে জ্যোৎস্না রস, নাসাতে সুস্রাণ,

কি অপূর্ব সুধা-রসে ডুবাইছে প্রাণ !

১৬

কতই হইল রাস্তি ; উড়িয়া বাছড়

পড়িছে কলার গাছে করি' ছড় ছড় ;



## লক্ষ্মণ-বর্জনে রাম

অদূরে আমার বনে বায়ু সর্ সর্ ;  
চিকি মিকি খেলে পত্রে সুধাংশুর কর ; ২০  
মর্ষ্যরিয়া শুষ্কপত্র বনজন্তু যায় ;  
স্বপনে ডাকিয়া পাখী আবার ঘুমায় ।  
ব্রহ্মাণ্ডের সাঁ সাঁ রব ব'হে আসে কানে ;  
পরাণ ডুবিছে তাহে, সে ডোবে পরাণে ! ২৪

—শিবনাথ শাস্ত্রী

৬৭

## লক্ষ্মণ-বর্জনে রাম

রামচন্দ্র । ধরি' দেহ দুখ-সুখ সহিনু সকলি ।  
মেদ-অস্থি-নির্মিত এ কলেবর,  
রোগ-শোকাগার অশ্রু দেহ সম,  
মর্ষ্যে বাজে সম ব্যথা,  
কিন্তু প্রেমে জয় রিপু মম ; ৫  
তাপপূর্ণ দেহ সুখাগার প্রেমে ।  
শিখিলাম প্রেম-খেলা,  
প্রেমাকর জনক-জননী-কোলে ;  
বিতরিনু কণা মাত্র তা'র অমুঞ্জে আমার,  
পাইলাম প্রাণের লক্ষ্মণ তাই— ১০  
উৎসব-সঙ্কট-সাথী ।

## প্রিয়ান্বিতা

হে সুধীর,  
সেই প্রেমে তুমিও কিনিবে,  
অনুজ্ঞ লক্ষ্মণ তব ।  
বিলাইনু সে প্রেম সবারে,—  
গুরুজনে, ব্রাহ্মণ-চরণে ১৫  
মিনতি শিখিনু ।  
পরদুঃখে শিখিলাম দুখ,  
তেঁই নহিনু বিমুখ হ্রপোবনে,  
গর্জ্জল বিমানে যবে তাড়কা ভীষণা । ১৯  
বুঝিলাম প্রেমের প্রভাব,—  
সে প্রেম-প্রভাবে, ধরিনু হৃদয়ে,  
প্রেমময়ী জনকনন্দিনী,  
বিজন-সঙ্গিনী মম ।  
প্রেমে পিতৃসত্য-হেতু গমন গহনে,— ২৪  
হারাইনু জানকীরে,  
রে নিন্দুক, তবু না নিন্দিনু বিধি ।  
সহেছ কি কড়ু.  
রাজ্য ত্যজি সীতাহারা শোক ?  
প্রেমের সন্ন্যাসী, প্রেমে কপিসেনা সাথী,  
প্রেমে শিলা ভাসে জলে, ম'লে প্রাণ মেলে, ৩০  
প্রেমে দশানন-জয়ী খ্যাতি,  
প্রেমের শাসনে রামরাজ্য অযোধ্যায়

## লক্ষ্মণ-বর্জনে রাম

প্রেম হেতু সীতা ত্যজি—

লজ্জি, অলজ্জ্য সাগর,

দুষ্কর সমর করিলাম যা'র লাগি' !

: ৩৫

রাম-রাজ্য আদর্শ জগতে ত্যাগ-গুণে !

জানকী-বিরহ,—

পাষণ বিদবে তাপে,—

আছি স্থির প্রেমের আশ্রয়ে ।

ভবান্নবে প্রেম ভেলা,—

৪০

পাবে দুঃখ এ শিক্ষা ভুলিলে ।

পুনঃ হের সত্য-পূর্ণ ভার,

লক্ষ্মণ-বর্জন যাচে বিধি দাতা বিধি ।

[ বশিষ্ঠের প্রবেশ ]

পুরোহিত, প্রণমি চরণে,

যাচে বিধি লক্ষ্মণ-বর্জন ।

৪৫

বশিষ্ঠ । বৎস । ধ্যানযোগে আছি অবগত ।

রাম । কহ হিতবাণী বিধান-সঙ্গত ।

বশিষ্ঠ । শিবময় হে সম্পদ দাতা,

কোন্ বিধি অগোচর তব ?

কিন্তু যদি বাড়ালে হে মান,

৫০

যথাজ্ঞান নিবেদি চরণে,—

সত্যের সম্মান রাখ লক্ষ্মণ-বর্জনে ।

## ত্রিধারা

- রাম । হায় মুনিবর !  
বিলাস-বঞ্চিত, বাস গহন মাঝারে,  
তপে শীর্ণ কলেবর তব, ৫৫  
কেমনে হে বুঝাব তোমায়  
গৃহীর অন্তর-বাথা !  
জান না লক্ষ্মণে তুমি,  
তেই এ নিষ্ঠুর বাণী  
কহ মোরে, মুনিবর । ৬০  
কিশোরে অনুজ মম বালা-ক্রীড়া ত্যজি'  
নির্ভয়ে চলিল সাথে ।  
তাড়কা-তাড়িত বনে  
ক্রভঙ্গে হেরিনু,  
অটল-প্রতিজ্ঞা বীর-বালক শরীরে,— ৬৫  
না ছাড়িবে পাশ মম রাক্ষসী-সমরে ।  
গর্জিলা তাড়কা সিংহনাদে,—  
শ্রাবর জঙ্গম বাঁপে,—  
যুঝি আমি প্রাণের লক্ষ্মণ হেতু ।  
প্রলয় ঝলকে উঠিল গর্জিলা বাণ,  
পড়িল রাক্ষসী, স্তম্বেকশিখর ঘন,  
টলিল ভুবন ভারে ;—  
অটল প্রাণের ভাই পাশে ।  
রাজ্য-হারা, চলিলাম বনবাসে, ৭৪

## লক্ষ্মণ-বর্জনে রাম

সত্যাশ্রয়,—শূন্যময় ধরা,  
পাছে ছায়া-সম ভাই মম !  
জননী কাঁদিছে—না চায় ফিরিয়া ভাই, :  
না সম্ভাষে রুণ্ডমানা প্রেয়সীরে,  
ঘন মুখ চায়, আঁখি ভেসে যায়,—  
ভয়, পাছে নাহি করি সাথী ! ৮০  
ধনুধারী প্রহরী আমার,  
অনাহারে অনিদ্রায় বঞ্চিল বিপিনে,  
চতুর্দশ বিজন বৎসর !  
কভু না স্মধিনু আমি,  
খাইল কি না খাইল ভাই, ৮৫  
তবু শক্তিশেল পাতি' নিল বুকে !  
জাগি মহীতলে মহীরাজ ঘরে,  
পাশে শুয়ে ভাই মম !  
পাশে ছত্রকরে অযোধ্যার সিংহাসনে,—  
জানকী বর্জনে লক্ষ্মণ সারথি রথে !— ৯০  
আহা শক্তিধর ! লইল কলক মাথা পাতি',  
ভ্রাতৃপ্রেমে গুণধাম !  
কোথা পাব এ দোসর, কোথা ভাসাইব,  
কেমনে বাঁধিব প্রাণ ?— ৯৪  
ন্যায়বান্ কে ক'বে আমারে,  
কে আর হইবে জ্যেষ্ঠ-অনুগামী ভবে ?

ত্রিধাক্স

বশিষ্ঠ ।

তব স্মায়-স্রোত বহে অস্তরে অস্তরে,—

যেবা তব চরণ সৈবাবে,

তোমাৰে বুঝাবে,

কি তার তাগার, প্রভু,

১০৮

সত্য-হেতু তাজিতে তোমায় ?

ত্রেতাযুগে-সত্য লোপ একপদ,

তবু সত্যশ্রয়ী মানব-সম্পদ

দেখা'বে বর্জন-গুণে ;

১০৯

এ সম্পদে চাহ চির-অনুগত জনে

বন্ধিতে হে দয়াময় ?

একি স্মায় তব স্মায়বান্ ?

গৌরব বাড়াতে গতি যা'র তব পদে,

হে বিপুল-গৌরব !

বিপুল গৌরব দান হে অনুজে তব ।

১১০

রাম ।

শূল—শূল—শূল, হে শঙ্কর ।—

পিলাক ভুবন-ক্ষয় !

কোদণ্ডে না হবে, কোদণ্ড নাঝাবে

বিধিতে কঠিন প্রাণ । —

কহ নর, নহি স্মায়বান্ ?—

১১৫

বিন্ধি প্রাণ তো'র তরে ।

রে লক্ষ্মণ । এ দেহে না পাব তো'রে আর !

—গিরীশচন্দ্র ঘোষ

## ৬৮ বরষার বিল

বরষার বিল,

এমন পবিত্র স্থান, বাতাসে জুড়ায় প্রাণ,

অজানা আবেশে করে হৃদয় শিথিল ।

পানা, জল, ঘাস-গাছে, কত কি মাধুৰী আছে,

ভুলাইছে একেবাবে ভুবন নিখিল ।

৫

ডাকে জলচর পাখী, দাম-দলে থাকি থাকি,

এত কি ললিতে গায় বসন্তে কোকিল ?

সুনীল লহরী তুলি নাচাইছে দুলি দুলি,

সন্ধ্যার শীতল অই মলয় অনিল,

নূতন সলিলে ভরা বরষাব বিল ।

১০

বরষাব বিলে

শত শত ধান ক্ষেতে, যেন শ্যাম সাগরেতে,

উঠিছে মৃদুল বাতে সবুজ লহরী,

ছুটিছে সলিলে নীচে, তবঙ্গ তবঙ্গ পিছে,

কাঁপিছে প্রকৃতি-অঙ্গ পুলকে শিহরি ।

১৫

কি আনন্দ কেবা জানে, আজি প্রকৃতির প্রাণে,

কমল কুমুদ কাঁপে বৃকের উপরি,

তরঙ্গে তরঙ্গে উঠিছে শিহরি ।

ডাহুক ডাহুকী সুখে বেড়িয়া বেড়ায়,

এখানে ওখানে সবে, মধুব মধুব রবে,

২০

## ত্রিধারা

মরালী কালেম পিপী কত নাচে গায় ।  
চপল ও কড়গাই, ওদের তুলনা নাই,  
উড়িতেছে পড়িতেছে ষোড়ায় ষোড়ায় !  
মরাল মরালী মনে, তেমনি পুলক মনে,  
কমল-কুমুদ-বনে ভাসিয়া বেডায় ।

২৫

চক্রবাক-চক্রবাকী, চঞ্চুতে চঞ্চুটি বাধি,  
কত কষ্ট জানাতেছে, লইতে বিদায়  
সরল পাখীর প্রাণ—আসন্ন-সন্ধ্যায় ।

সুশীতল সন্ধ্যাকালে,  
খুটিয়াছে তবে থরে কুমুদ কুসুম.

৩০

সুনীল গগনতলে, সহস্র হীরক জ্বলে,  
ভাসিয়াছে সুবশিশু তারকাব ঘুম ।  
অমর অধরে হাসি, অফুরন্ত সুধারানি,  
সমস্ত জগতে ওর লেগে গেছে ধুম,  
হাসিতেছে সুবশিশু, কুমুদ কুসুম ।

৩৫

পারে পাবে ঘাটে ঘাটে লইবারে জল,  
গ্রামের গৃহস্থ-বধু এসেছে সকল ।  
হারানো কুমুদ জ্ঞানে, ভাসে শশী অইখানে,  
না চিনিয়া মিছামিছি হাসিছে কেবল ।  
কলসীতে ঢেউ দিয়া, শশধরে খেদাইয়া,

৪০



সরলা গৃহস্থ-বধু ভরিতেছে জল,  
 ও-তরঙ্গ বিকম্পনে, কত যে পুলক মনে,  
 এক চন্দ্র শত হয়ে হাসিয়ে পাগল,  
 ভাবিয়া গৃহস্থ-বধু কুমুদ বিমল !  
 গ্রাম অভিমুখে অই চলেছে তরনী,—

৪৫

আকাশেতে ভাঙ্গা ভাঙ্গা মেঘ কয়খানি ।  
 কৃষক বাহিছে ধীরে, কৌমুদী মাখান নীরে,  
 বিলের বিমল বৃকে মৃদুলে ক্ষেপণী,  
 করিতেছে গ্রাম্য গান, জুড়ায় তাপিত প্রাণ,  
 শিথিতে অমরকণ্ঠে গায় প্রতিধ্বনি ।

৫০

সবুজ লহরীগুলি, স্রুখে করে কোলাকুলি,  
 এমন সলিল নৃত্য দেখিনি কখনি ।  
 এত মধু—মাদকতা, স্বর্গীয় এ সরলতা,  
 মিলে কি এমন আর খুঁজিলে অবনী ?  
 চাহিলে নয়ন কোণে, বারেক উহার পানে,

৫৫

পরাণ পাগল হয় আপনা আপনি,  
 গ্রাম অভিমুখে অই চলিছে তরনী ।  
 গ্রাম অভিমুখে যায় অই ক্ষুদ্র তরী,  
 চৈয়ের ভিতর থেকে, শরীর লুকায়ে রেখে,  
 চুপি দিয়ে চেয়ে আছে সরলা স্তম্বরী !

৬০

## ত্রিধারা

গগনের পূর্ণশশী, ভূতলে পড়েনি খসি,  
ফোটেনি কুমুদ নীল জল পরিহরি !  
এমনি মধুরে হেসে দাঁড়াইয়া তীর দেশে,  
কি দেখিছে গ্রামের ও “ঝিয়ারী বহুরী ?”  
আজি বহু দিন পরে, আসিছে বাপের ঘরে,

৬৫

শৈশবের সহচরী “নূহন নায়রী,”  
সারি দিয়ে দেখে তাই সরলা সুন্দরী ।  
কেমন পবিত্র ওই গ্রাম্য ভালবাসা,  
পরস্পরে সুখে দুখে, প্রীতির প্রসন্ন মুখে,  
কেমন সে মিলনের প্রথম জিজ্ঞাসা ।

৭০

কেমন সে গদগদ চল চল কোকনদ,  
কেমন সে আধফোটা মধুব সস্তাষা ।  
সংসারের দয়া মায়া— একত্রে রমণী-কায়া,  
সরলা রমণীমূর্তি পূজা করে চাষা !  
ইচ্ছা করে নিত্য সেবি, ও গ্রাম্য সরলা দেবী,

৭৫

সামান্য গৃহস্থ হযে মিটাই পিপাসা !  
কেমন পবিত্র ওই গ্রাম্য ভালবাসা ।  
দেখিছে দাঁড়ায়ে যেন—  
তীরে তীরে তরুগণ—কাতারে কাতার,  
পুণ্যের পবিত্র তীর্থ—বিল বরষার ।

৮০

## মা-মরা মেয়ে

দেখে বোধ হয় হেন, পুণ্য স্নান করে যেন,  
আকণ্ঠ মগন জলে হিজল উদার !  
অথবা মনের সুখে, শীতল সলিল বুকে,  
ঢালিছে অনন্ত দক্ষ প্রাণ আপনার !  
ইচ্ছা করে,  
অই বুকে বুক রাখি অমনি লুকায়ে থাকি,  
ভুলে যাই এ সংসার জ্বালা যন্ত্রণার,  
শত কষ্ট শত দুখ, এ অন্তর দক্ষবুক,  
নিবাই প্রাণের গুপ্ত জ্বলন্ত অঙ্গার,  
পুণ্যের পবিত্র তীর্থ—বিল বরষার !

৯০

—গোবিন্দচন্দ্র দাস

৩৯

## মা-মরা মেয়ে

মা-মরা ছুখিনী মেয়ে বড় যন্ত্রণার । :  
মা-মরা ছুখিনী মেয়ে, এ-ঘরে ও-ঘরে যেয়ে,  
খোঁজে নিতি পাতি পাতি জননী তাহার !  
শুধায় আসিয়া কাছে,—“বাবা গো, মা কোথা আছে ?” ৪  
পারি না উত্তর দিতে শিশু বালিকার !  
মা-মরা ছুখিনী মেয়ে ঘারে দেখে তারে যেয়ে  
মা বলে আঁচল ধরে টানে অনিবার ;  
কিন্তু চেয়ে মুখপানে ফিরে সে নিরাশ প্রাণে, ৮

## ত্রিধারা

সে দৃশ্য দেখিতে বিশ্ব দেখি অন্ধকার !  
মা-মরা দুখিনী মেয়ে থাকে শুধু পথ চেয়ে,—  
যে পথে চলিয়ে গেছে জননী তাহার !  
আসিতে চাহে না ঘরে, কাঁদিয়া পাগল করে, ১২  
হায় সে প্রাণের জ্বালা নহে বলিবার ।  
মা মরা দুখিনী মেয়ে বিছানাতে শুতে যেয়ে  
মায়েব লাগিয়া স্থান পাশে রাখে তার ;  
নিশীতে ঘুমের ঘোরে মা বলিয়ে গলা ধরে ; ১৬  
—কে জানে মা-মরা মেয়ে এত যন্ত্রণার !

—গোবিন্দচন্দ্র দাস

৭০

## শেষ বিশ্রাম

গভীর নিদ্রায় পান্থ নয়ন মুদিয়া,  
ধূ ধূ ধূ প্রান্তরে আছ একাকী পড়িয়া,  
কোথা তব দারাসুত প্রিয় পরিজন ?  
ভাবে কি গো মনে তা'রা এ ধূলি-শয়ন ?  
না—সুরম্য হস্য-মাঝে শুভ্র শয্যা'পরে  
বীজনী ব্যজনে নিদ্রা যায় অকাতরে ?  
মাঝে মাঝে তব চিন্তা দুঃস্বপ্নের মতো  
উদিয়া মানসে চিন্ত করে বিষাদিত ?

হে দীন, তোমার মতো আমিও এমন  
 ধূলির শয়্যার কবে করিব শয়ন ?  
 কবে যে পাইব ত্রাণ এ মরম-দাহে,  
 কবে মিশে যাবে অণু মৃতের প্রবাহে ?

১২

—গিরীজাযোহিনী দাসী

৭১

## সন্তান ও জননী

ফুটুটে জ্যোত্নায                      ধব্ধবে জাঙ্গিনায  
 একখানি মাহুর পাতিয়ে,  
 ছেলেটি শুয়ায়ে কাছে,              জননী শুইয়া আছে,  
 গৃহকাজে অবসর পেয়ে ।                      ৪

সাদা সাদা মুখ তুলি'                      জুঁই-শেফালিকাগুলি  
 উঠানের চৌদিকে ফুটিয়ে,  
 প্রাচীরেতে স্নশোভিতা                      রাখিকা যুগ্মকালতা —  
 দুলিতেছে চন্দ্রকরে নেয়ে' ।                      ৮

মুছ বুরু-বুক বায়                      বসন কাঁপায়ে যায়  
 ঝ'রে পড়ে কামিনীর ফুল ;  
 প্রশান্ত মুখের 'পরে                      কালো কেশ উড়ে' পড়ে ;  
 আলসেতে আঁখি টলটল ।                      ১২



প্রকাশ্য নিবাস-পথে, বাও পায় পায়—

স্বপ্নাভরে ফেলে ঝেড়ে কেবা না তোমায় ?

নিবত্তিমানিনি অযি । তবু কর স্থিতি

লুকায়ে গৃহের কোণে ; অযত্নপালিত—

দরিদ্র বালিকামত ধনীর ভবনে ;

১০

দীনেরো কুটীরে তুমি নহ সম্প্রানিতা ।

লো মলিনে । ওই তব মলিন বসনে

ঢাকা যে সৌন্দর্য্যরাশি, বিশ্বানুলেপন,

মোরা বিজ্ঞ, মোরা অজ্ঞ । চিনেও চিনিনে

জগৎ-জননীকপা । তোমারে সে চিনে

১৫

স্বভাবদীক্ষিত শিশু, মহানন্দ মনে

মাখে কায় নিবে তুলে অঞ্জলি অঞ্জলি ,

নগ্ন অঙ্গে কিবা শোভা ধর তুমি ধূলি ।

সর্ব্বাঙ্গে বুলায়ে কর দাও সাজাইয়া ,

নেহারি' সন্ন্যাসী নাগা মুগ্ধ হয় হিয়া ।

২০

বাল্যসখি, চিনি তব মধুর মুবতি—

করিয়াছি এক দিন সাদরে আরতি ।

আগ্ণিস্কন্ধকপিণি, তব মতিমা অশেষ

অবসান তোরি মাঝে সর্ব্ব-গর্ব্ব-লেশ ।

—গিরীশ্রমোহিনী দাসী

## ভুল-ভাঙ্গা

প্রভু, ভুল ভেঙ্গে দেও !

তুমি বিভূ অস্তুর্যামী,                      আমার প্রাণের স্বামী

তুমি ভিন্ন এ জগতে

নাহি মোর কেও !

প্রভু, ভুল ভেঙ্গে দেও !

৫

আমার খেলার সার্থী

দশ জনে মিলি !

করি মোর ষড়যন্ত্র,

কানে মোর দিয়া মন্ত্র,

ছয়টি দস্তার কাছে

নিয়া গেছে ঠেলি !

১

কাড়িয়া নিয়াছে তারা

যা ছিল সম্বল !

পাথের ভিখারী ক'রে

এখন দিয়াছে চে'ড়ে,

কি আছে আনার আর ?

—শুধু অশ্রুজল !

১৫

ভাই ভগ্নী স্মৃত দারা,

“দূর দূর” করে তারা,

কেউ না জিজ্ঞাসে মোরে

দুটি কথা বলি !

দিন ত চলিয়া গেল,

কালনিশি এ'ল এ'ল,

কে দিবে দেখায়ে পথ

যাব কোথা চলি !

২৫



চৌদিকে শত্রুর দল,                      করিতেছে কোলাহল,

আতঙ্কে হৃদয় কাঁপে

সঙ্গে নাহি কেও !

যে ভুলে তোমারে ভুলে'                      গিয়াছি মনের ভুলে,

আমার সে ভুল প্রভু

তুমি ভেঙ্গে দেও !

২৭

বাস্তবে ছাড়িয়া আমি

অবাস্তব পাছে

ঘুরিয়াছি নিশি দিন,                      এবে মোর তনু ক্ষীণ

তুমি ভিন্ন এ জগতে

কে আমার আছে ?

৩২

তুমিই আমার স্বামী,                      পথভ্রাস্ত পাপী আমি

হাত ধ'রে প্রভু তুমি,

কোলে তুলে নেও ।

৩৫

যে ভুলে তোমারে ভুলে,                      হীরা ফেলে কাঁচ তুলে

ভিখারী সেজেছি আমি—

—আমার সে ভুল প্রভু,

তুমি ভে'ঙ্গে দেও !

৩৯

—কায়কোবাদ

সুখ

নাই কি রে সুখ ? নাই কি রে সুখ ?

এ ধরা কি শুধু বিলাদময় ?

যাতনে জুলিয়া কাঁদিয়া মরিতে

কেবলই কি নর জনম লয় ?

কাঁদিতেই শুধু বিশ্ব রচয়িতা

৫

স্বপ্নে কি নরে এমন ক'রে ?

মায়ার চলনে উঠিতে পড়িতে

মাবব-জীবন অবনী 'পরে ?

বল্ ছিন্ন বীণে, বল্ উচ্চৈঃস্বরে—

না-না-না—মানবের তরে

১০

আছে উচ্চ লক্ষ্য, সুখ উচ্চতর,

না সৃজিতা বিধি কাঁদাতে নরে ।

কার্বাক্ষেত্র অই প্রশস্ত পড়িয়া,

সমর-অঙ্গন সংসার এই ;

ষাও বীরবেশে কর গিয়া রণ ;

১৫

যে জিনিবে, সুখ লভিবে সে-ই ।

পরের কারণে স্বার্থ দিয়া বলি,

এ জীবন মন সকলি দাও ;

তার মত সুখ কোথাও কি আছে ?

আপনার কথা ভুলিয়া যাও ।

২০

পরের কারণে মরণেও সুখ ;  
 'সুখ' 'সুখ' করি কেঁদ না আর ;  
 যতই কাঁদবে, যতই ভাববে,

ততই বাড়বে হৃদয়-ভার ।

“বিষাদ” “বিষাদ” “বিষাদ” বলিয়া

২৫

কেনই কাঁদবে জীবন ভ'রে ?

মানবের মন এত কি অসার ?

এতই সহজে নুইয়ে পড়ে ?

সকলের মুখ হাসি-ভরা দেখে

পার না মুছিতে নয়ন-ধার ?

৩০

পরহিত-ব্রতে পার না রাখিতে

চাপিয়া আপন বিষাদ ভার ?

আপনারে ল'য়ে বিব্রত রহিতে

আসে নাই কেহ অবনী পরে ;

সকলের তরে সকলে আমরা,

প্রত্যেকে আমরা পরের তরে

—কাশিনী রায়

## মধুর স্বপন

|      |                                                                                                                       |    |
|------|-----------------------------------------------------------------------------------------------------------------------|----|
| তোরা | শুনে গা আমার মধুর স্বপন,<br>শুনে যা আমার আশার কথা,                                                                    |    |
| আমার | নয়নের জল রয়েছে নয়নে<br>প্রাণের তবুও যুচেছে ব্যথা ।                                                                 | ৫  |
| এই   | নিবিড় নীরব অঁধারের তলে,<br>ভাসিতে ভাসিতে নয়নের জলে,<br>কি জানি কখন কি মোহন বলে,<br>ঘুমায়ে ক্ষণেক পড়িনু তথা ।      | ৮  |
| আমি  | শুনিমু জাকুবী যমুনার তীরে<br>পুণ্য দেবস্তুতি উঠিতেছে ধীরে,<br>কৃষ্ণা গোদাবরী নর্মদা কাবেরী,<br>পঞ্চনদকূলে একই প্রথা । | ১২ |
| আব   | দেখিমু যতেক ভাৱত-সন্তান,<br>একতায় বলী, জ্ঞানে গরীয়ান,<br>আসিছে যেন গো তেজে মূর্ত্তিমান,<br>অতীত স্মৃদিনে আসিত যথা । | ১৬ |
| শবে  | ভারত রমণী সাজাইছে ডালি,<br>বীর শিশুকুল দেয় করতালি,<br>মিলি যত বালা গাঁথি জয়মালা,<br>গাহিছে উল্লাসে বিজয় গাথা ।     | ২০ |

—কামিনী রায়

## পথ-ভোলা

পথ ভুলে গিয়েছিল, আবার এসেছে ফিরে,  
 দাঁড়ায়ে রয়েছে দূবে, লাজে ভয়ে নতশিরে ;  
 সমুখে চলে না পদ, তুলিতে পারে না আঁখি,  
 কাছে গিয়ে, হাত ধ'বে, ওরে তোরা আন ডাকি' । ৪

ফিরাসনে মুখ আজ নীরব ধিক্কার করি',  
 আজি আন স্নেহ-সুখা লোচন বচন ভবি' ।  
 অতীতে বরষি' ঘৃণা কিবা আর হবে ফল ?  
 আঁধার ভবিষ্য ভাবি' হাত ধ'রে ল'য়ে চল । ৮

স্নেহের অভাবে পাছে এই লঙ্ঘনত প্রাণ  
 সঙ্কোচ হাবায়ে ফেলে—আন, ওবে ডেকে আন ।  
 আসিয়াছে ধরা দিতে, শত স্নেহ-বাহু পাশে  
 বেঁধে ফেল্ , আজ গেলে আর যদি না-ই আসে । ১২

দিনেকের অনহেলা, দিনেকের ঘৃণা ক্রোধ,  
 একটি জীবন তোরা হাবাবি জনম-শোধ ।  
 তোরা কি জীবন দিবি ? উপেক্ষা যে বিম-বাণ,  
 দুঃখ-ভরা ক্ষমা ল'য়ে আন ওরে ডেকে আন । ১৬

—কামিনী রায়

## সুনীল সাগরে সোনার কমল

হে সুধাংশু, হরি' তব শোভা নিরুপম,

কি ভাব যে উথলে এ চিতে,

হায় গো বোঝাব সুখ-স্বপনের সম

বাক্যে তাহা নারি প্রকাশিতে ।

৫

সুনীল সাগরে তুমি সোনার কমল,

আনন্দ-নির্ঝরে তুমি শোভার উৎপল ।

তোমার সৌন্দর্য্য গৃহে বসি', সুধাকব,

প্রাণ ভবি' সুধা করি' পান

৮

জ্বালা তৃষ্ণা দূরে যায়, জুড়ায় অস্তুর,

ভরি' যায় দাবদগ্ন প্রাণ ।

ফলফুলময় মবি তরু-লতিকায়,

হে কহকি, কি কহকে ভুলালে আমায় ।

১২

সাধে কি কুমুদী হাসে হেরিয়া তোমায় ?

শিখী পুচ্ছে নাহি হেন রূপ ।

সাধে কি, হে স্বর্ণপদ্ম, তোমারেই চায়

শিশু-আঁখি ভ্রমব লোলুপ ?

১৬

মা'র কোলে শিশু হাসে, বাহু পসারিয়া ।

পিয়ে যাহ মনোসাধে অমিয়া ছানিয় ।

কি আনন্দ !—জলধির তবঙ্গ যেমন

নেচে উঠে হেরিয়া তোমায়,—

২০

## সুনীল সাগরে সোনার কমল

চন্দ্র, তব চন্দ্রমুখ করিয়া দর্শন,  
চিন্তে মোর হৃদ উথলায় !  
হে সুধাংশু, মম চিন্ত-বনরাজি-গায়  
তোমার ও জ্যোৎস্না-হাসি কি অপূর্ব ভায় ! ২৪

হে শশাঙ্ক, হেরি' আজ ও-মধুর রূপ  
কি বলিব ? কি বলিব আমি ?  
আমি যেন হেরিতেছি—একি অপরূপ !  
শতচন্দ্র !—অখিলের স্বামী ২৮

শতচন্দ্র রূপ ধরি', হাসিয়া হাসিয়া,  
দেহু মন চিন্ত বুদ্ধি লইলা কাড়িয়া ।  
আহা কি মধুর রূপ ! এই বেশে, শশী,  
এস নিত্য এ চিন্ত-আকাশে । ৩২

হৃদয়ের অন্ধকার গেল সব খসি',  
তোমার ও লাবণ্য-প্রকাশে !  
পাগল চকোর সম, উধাও তইয়া,  
পিব আমি, পিব আমি ওরূপ-অমিয়া । ৩৬

—দেবেন্দ্রনাথ সেন

## বর্ষাসুন্দরী

মুক্ত-মেঘ বা ত্রায়েনে বসি',  
এলোকেশী কে ঐ রূপসী ?  
জলযন্ত্র ধুরায়ে ঘুরায়ে  
জলরাশি দিচ্ছে ছড়ায়ে !

৪

রিম্ কিম্ কিম্ কিম্ করি'  
সারাদিন, সারারাত্রি, বারিরাশি পড়িছে ঝঝরি' ।  
চমকিল বিদ্বাৎ সহসা ।

এ আলোকে বুঝিয়াছি,                      এ নারীরে চিনিয়াছি ;    ৮

এ যে সেউ সতত-সরসা,  
ভুবনমোহিনী ধনা রূপসী বরষা !  
শ্যামাঙ্গী বরষা আজি                      বিহ্বলা মোহিনী সাজি'  
এলায়ে দিয়েছে তার মসীবর্ণ কালো কালো চুল ;    ১২

শ্রীকর্ণে পরেছে বালা                      অপরাজিতার মালা,  
দু'কর্ণে দোতুল দোলে নীলবর্ণ বুম্কার ফুল ।  
নীলাম্বরী সাজীখানি পরি'  
অপূর্ব মল্লার রাগ ধরেছে সুন্দরী !                      ১৬

অস্তু কেশরাশি হ'তে বেলফুল চৌদিকে ঝরিছে !  
কালো-রূপ কাটিয়া পড়িছে !  
যাই বলিহারি !

কে দেখেছে কবে ভবে হেন বরনারী ?                      ২০

—দেবেশনাথ সেন



## রাজা রামমোহন রায়

হে রাজেন্দ্র ! শ্বাস-হরা তমস্বিনী ঘোরা !  
 একটি নক্ষত্র নাই ! আজি এই বঙ্গে,  
 ভেসে যাই, ভেসে যাই, ভেসে যাই নোরা  
 লীলাময়ী লালসার চঞ্চল তরঙ্গে !  
 অপাঙ্গে মাধুরী-রাশি, চাতুরী ক্রভঙ্গে,  
 আহ্বানিছে নাস্তিকতা ! সুরা রক্তাকারা  
 পাত্রে ঢালে মুহুমূর্ছ ! হ'য়ে মাতোয়ারা  
 অধর্ম্য অঘোরপন্থী নাচে, হের, রঙ্গে !

হে রাজর্ষি ! ধ্যান-বলে, নারদী-কৌশলে,  
 আন, আন উষারূপ অনিন্দ্য সুন্দরী  
 ভকতিরে ! জ্ঞানারুণ উদয়-অচলে  
 ছড়াক্ আলোক রাশি ! পোহাক্ শর্কবরী !  
 অর্ধ্র কেশে, শুভ্র বেশে, আনন্দে ধরিয়  
 হরিপাদপদ্ম, বঙ্গ উঠুক হাসিয়া !

—দেবেন্দ্রনাথ সেন

## বঙ্গ-জননী

প্রণমি তোমারে আমি, সাগর-উখিতে,  
 ষড়ৈশ্বর্যাময়ী, অয়ি জননী আমার ।  
 তোমার শ্রীপদ-রজঃ এখনো লভিতে  
 প্রসারিছে করপুট ক্ষুর পারাবাব ।

৪

শত শৃঙ্গ-বাহু তুলি' হিমাদ্রি শিয়রে  
 করিছেন আশীর্বাদ—শিব-নেত্রে চাহি' ,  
 শুভ্র মেঘ-জটাজাল দুলে বায়ু ভরে,  
 স্নেহ-অশ্রু শতবারে বাবে বক্ষঃ বাহি' ।

৮

জ্বলিছে কীরিট তব—নিদাঘ তপন,  
 ছুটিছে দিকে দিকে দীপ্ত রশ্মি-শিখা ,  
 জ্বলিয়া—জ্বলিয়া উঠে শুক কশবন,  
 নদীতট বালুকায স্তবর্ণ-কণিকা ।

১২

গভীর সুন্দর-বনে তুমি শ্যামাজিনী  
 বসি' স্নিগ্ধ বটমূলে—নেত্র নিদ্রাকুল ।  
 শিবে ধরে ফণাচ্ছত্র কাল-ভুজঙ্গিনী,  
 অবহেলে পা দু'খানি আগ্রহে শার্দূল ।

১৬

নব-বরষার চূর্ণ-জলদ-বুস্তল  
 উড়িয়ে—ছড়িয়ে পড়ে শ্রীমুখ আবরি' !

- চাতকী ডাকিছে দূরে, শিখিনী চঞ্চল,  
মেঘচন্দ্রে কৃষকের চিত্ত যায় ভরি' । ২০
- বিস্তীর্ণ পদ্মার ভূমি ভগ্ন উপকূলে  
বসে' আচ্ছ মেঘস্তুপে অসিত-ঝরণা ।  
নক্রকুল নত-ভুগু পডি' পদমূলে,  
তুলি শুণ্ড করিযুথ কবিছে বন্দনা । ২১
- সরে মেঘ, ফুটে ধীরে বদন-চন্দ্রমা ।  
বিভোর চকোর উড়ে নযন-সোভাগে ,  
লুটে ভূমে শ্রীঅঙ্গের শ্যামল সুষমা,  
চরণ-অলক্তবাগ ভডাগে ভডাগে । ২২
- মৃষ্টিমতি হ'য়ে, সতী, এসো ঘবে ঘবে,  
বাগ' ক্ষুদ্র কপর্দকে বাঙ্গা পা দু'খানি ।  
ধান্য-শীর্ষ স্বর্ণ-ঝাঁপি লও রাঙ্গা করে—  
ভুলে' যাই—সর্বব দৈন্য, সর্ব দুঃখ গ্লানি । ২৩
- ছুটি ননোৎসাহে মাঠে ল'য়ে গাভীদলে,  
হিমসিক্ত ভগভূমি, শুদ্র পদ্মাদল ;  
হরিদ্র ধান্ধেব ক্ষেত্রে, পীত রৌদ্র ভলে  
বিছায়ে দিযেছ তব সুবর্ণ-অঞ্চল । ২৪
- কুষ্টি-সায়াক্লে হেরি—মৃগযুগ সাথে  
ছুটিছ নিৰ্ঝর-তীরে চকিতা চঞ্চলা ।

## ত্রিধারা

- মদির মধুক-বনে স্নান জ্যোৎস্না-রাতে  
ল'য়ে তুমি ঋক্ষশিশু ক্রীড়ায় বিহ্বলা ! ৪০
- নিস্তরু-জয়ন্তী-চূড়ে সাস্ত্র অক্ষকার,  
কণ্টকী লতায় গেছে গিরিভূমি ভরি' ;  
গহ্বরে গহ্বরে বন্য-বরাহ ঘৃৎকার,  
বহিছে উত্তর বায়ু শিহরি' শিহরি' । ৪৪
- হেরি'—তুমি সাস্ত্রনেত্রে, অবনত-শিরে  
পরিত্যক্ত গ্রামে গ্রামে ভ্রমিছ দুঃখিনী !  
ভয়স্তূপে, শিলাখণ্ডে, বিনষ্ট মন্দিরে  
খুঁজিছ পুত্রের কীর্তি—অতীত কাহিনী ! ৪৮
- অশোকে কিংশুকে গেছে ছাইয়া প্রান্তর,  
পিককর্ণ-কলতান উঠে দিকে দিকে ;  
চূত-মুকুলের গন্ধে মরুত মন্থর,  
এস হুৎ-পদ্মাসনে, সর্বার্থ-সাধিকে ! ৫২
- এস—চণ্ডীদাস গীতি, শ্রীচৈতন্যপ্রীতি,  
রঘুনাথ-জ্ঞানদীপ্তি, জয়দেব-ধ্বনি !  
প্রতাপ-কেদার-বাঞ্ছা, গনেশ স্কৃতি  
মুকুন্দ-প্রসাদ-মধু-বন্ধিম-জননী ! ৫৬

—অক্ষয়কুমার বড়াল

## মানব বন্দনা

নমি আমি প্রতি জনে,—আদ্বিজ চণ্ডাল,

প্রভু, ক্রীতদাস,

সিন্ধুমূলে জলবিন্দু, বিশ্বমূলে অণু

সমগ্রে প্রকাশ ।

নমি কৃষি, তপ্তজীবী, স্থপতি, তক্ষণ, ৫

কর্ম-চর্মকার,

অদ্রিভলে শিলাখণ্ড দৃষ্টি-অগোচরে

বহ অদ্রিভার ।

কত রাজা, কত রাজা গড়িচ নীরবে

হে পূজ্য, হে প্রিয়, ১০

একত্রে বরণ্য তুমি, শরণ্য এককে,—

আত্মার আত্মীয় ।

—অক্ষয়কুমার বড়াল

## প্রকৃতি জননী

প্রকৃতি-জননী—জননী !

করিয়া তোমার স্তনসুধাপান

পরানে জাগিছে নূতন পরাগ ;

স্তন শোণিত, নূতন নয়ান,

নূতন মধুর ধরণী ! ৫

## ত্রিধারা

কি গভীর স্মৃতি তোমাতে !  
উদার পরাগ, নাহি পর কেহ,  
উখলি' উছলি' বহিছে কি স্নেহ ।  
বিলায়ে ছড়িয়ে আপনারে দেহ,  
কত কুড়াইব তু' হাতে ।

১০

কি মধুর গন্ধ বাতাসে ।  
নিশা সর-সর, বন মর-মর,  
কাঁপিয়া কাঁপিয়া বহিছে নিঝর ;  
গ্রামে গ্রামে গ্রামে উঠে কুলস্বর,  
স্বপনের স্তব আকাশে ।

১৫

দেহ মন প্রাণ শিহরে ।  
তরল আঁধার চিবি চিবি চিরি,  
উষাব আলোক কাঁপে ধীরি ধীবি,  
স্থির মেঘচ্ছবি—হিমালয় গিবি,  
রজতের রেখা শিখরে ।

২০

নয়ন আব যে ফিরে না !  
ভুলে গেছে মন—আপনার কথা,  
আপনার দুখ, আপনার বাথা ;  
প্রাণ পায় যেন প্রাণের বারতা,  
বুকে যে স্বপন ধরে না ।

২৫

মিটেনা মিটেনা পিয়াসা !  
 ম্লান শনিকলা শ্বেত মেঘে পড়ি,  
 তরুণ অরুণে কি রঞ্জিয়া মরি !  
 গিরি-শির হ'তে পড়ে ঝরি' ঝবি'

তরুণ অলস কুয়াসা ।

৩০

দুলিছে দুালোক আলোকে ।

জ্বল জ্বল জ্বল ধবল শিখরী,  
 কত না স্বরগ লুকান ভিতরি ।  
 কত না অমর—কত না অমরী

ধরা পানে চায় পুলকে ।

৩৫

কি মধুর ধরা, আ-মরি !

দূরে দূরে গৃহ, চিত্রে যেন লেখা,  
 চুড়ায় চুড়ায় উঠে ধূম-শিখা ;  
 কুল-ভূমে নাচে বালক বালিকা,

ভূগ-ভূমে চরে চমরী ।

৪০

গগনে কি মেঘ-কাহিনী ।

বনছায়-ছায় উছলায় ধরা ;  
 তরুলতা গুল্ম ফলে ফলে ভরা,  
 স্বর্ণ-শীর্ষ ক্ষেত্র ।—দেছ যবে ধরা,

আর ছাড়িব না, জননী ।

৪৫

—অক্ষয়কুমার বসাল

## দূরন্তু আশা

মর্মে যবে মন্তু আশা সর্প-সম ফোঁসে  
 অদৃষ্টির বন্ধনেতে দাপিয়া বৃথা রোষে,  
 তখনো ভালোমানুষ সেজে,            বাঁধানো ছঁকা যতনে মেজে  
 মলিন তাম সজোরে ভেঁজে খেলিতে হবে ক'সে ।  
 অন্নপায়ী বঙ্গবাসী স্তম্ভপায়ী জীব,  
 জন-দশেকে জটলা করি তন্ত্রপোষে ব'সে ।            ৬

ভদ্র মোরা, শান্ত বড়, পোষ-মানা এ প্রাণ ।  
 বোতাম-আঁটা জামার নীচে শাস্তিতে শয়ান ।  
 দেখা হোলেই মিষ্ট অতি,            মুখের ভাব শিষ্ট অতি,  
 অলস দেহ ক্লিষ্ট-গতি, গৃহের প্রতি টান.  
 তৈল ঢালা স্নিগ্ধ তনু নিদ্রারসে ভরা,  
 মাথায় ছোট বহরে বড় বাঙালী-সন্ধান !            ১২

ইহার চেয়ে হতেম যদি আরব বেড়ুয়িন ।  
 চরণ-তলে বিশাল মরু দিগন্তে বিলীন,—  
 ছুটেছে ঘোড়া, উড়েছে বালি,            জীবন-স্রোত আকাশে ঢালি'  
 হৃদয়-তলে বহি জ্বালি' চলেছি নিশিদিন ;  
 বরশা হাতে ভরসা প্রাণে সদাই নিরুদ্দেশ—  
 মরুর বড় যেমন বহে সকল বাধাহীন ।            ১৮



বিপদ মাঝে কাঁপায়ে প'ড়ে শোণিত উঠে ফুটে,  
সকল দেহে সকল মনে জীবন জেগে উঠে ।

অন্ধকারে সূর্যালোকে সস্তুরিয়া মৃত্যুশ্রোতে

নৃত্যময় চিত্ত হ'তে মত্ত হাসি টুটে ।

বিশ্বমাঝে মহান্ যাহা, সঙ্গী পরাণের,

ঝঙ্কারমাঝে ধায় সে প্রাণ সিন্ধুমাঝে লুটে ।

২৪

দাম্পত্যে হাস্যমুখ, বিনীত জোড় কর,

প্রভুর পদে সোহাগ-মদে দোহুল কলেবর ।

পাটুকাতলে পড়িয়া লুটি'

ঘৃণায়-মাথা অন্ন খুঁটি'

ব্যগ্র হ'য়ে ভরিয়া মুঠি যেতেছ ফিরি' ঘর ।

ঘরেতে ব'সে গর্ব করো পূর্বপুরুষের,

আর্য্য-তেজ-দর্পভরে পৃথী থর থর :

৩০

হেলায়ে মাথা, দাঁতের আগে মিস্ত্রহাসি টানি'

বলিতে আমি পারিব না তো ভদ্রতার বানী ।

উচ্ছ্বসিত রক্ত আসি'

বক্ষতল ফেলিছে গ্রাসি'

প্রকাশহীন চিত্তারাশি করিছে হানাহানি ।

কোথাও যদি ছুটিতে পাই কাঁচিয়া বাই তবে,

ভব্যতার গঙ্ঘিমাঝে শান্তি নাহি মানি ।

৩৬

—স্বর্গেশ্বর ঠাকুর

৮৪

## বধ

“বেলা যে প’ড়ে এল’, জল্কে চল্!”—

পুরাণো মেই সুরে                      কে যেন ডাকে দূরে

কোথা সে ছায়া সখি, কোথা সে-জল,

কোথা সে বাঁধা-ঘাট, অশথ-তল ।

ছিলাম আনমনে                      একেলা গৃহকোণে,

কে যেন ডাকিল রে “জল্কে চল্!”

কলসী ল’য়ে কাঁখে পথ সে বাঁকা,

বামেতে মাঠ শুধু                      সদাই করে ধু ধু,

ডাঙিনে বাঁশবন হেলায়ে শাখা ।

দীঘির কালো জলে                      সাঁঝের আলো ঝলে,

ছু’ধারে ঘন বন ছায়ায় ঢাকা ।

গভীর থির নীরে                      ভাসিয়া যাই ধীরে,

কোকিল ডাকে তীরে অমিয়-মাথা ।

আসিতে পথে ফিরে,                      আঁধার তরু-শিরে

সহসা দেখি চাঁদ আকাশে আঁকা ॥

অশথ উঠিয়াছে প্রাচীর টুটি’

সেখানে ছুটিতাম সকালে উঠি’ ।

শয়তে ধরাতল                      শিশিরে ঝলঝল,

করবী খোলো খোলো রয়েছে ফুটি ।

প্রাচীর বেয়ে বেয়ে                      সবুজে ফেলে ছেয়ে

বেগুনী ফুলে-ভরা লতিকা দুটি ।

ফাটলে দিয়ে আঁধি                      আড়ালে ব'সে থাকি

আঁচল পদতলে পড়েছে লুটি ॥

২৩

মাঠের পবে মাঠ, মাঠের শেষে

সুদূর গ্রামখানি আকাশে মেশে ।

এধারে পুরাতন

শ্যামল তালবন

সঘন সারি দিয়ে দাঁড়ায় বেঁসে ।

বাঁধেব জলরেখা

ঝলসে যায় দেখা,

জটলা করে তীরে বাখাল এসে ।

চলেছে পথখানি

কোথায় নাহি জানি,

কে জানে কত শত নতন দেশে ।

৩১

ভায়নে রাজধানী পাষণ-কায়া ।

বিরাট মূর্তিতলে

চাপিছ দৃঢ়বলে,

ব্যাকুল বালিকারে, নাহিকো মায়া ?

কোথা সে গোলা মাঠ,

উদার পথ ঘাট,

পাখীর গান কই, বনেব ছায়া !

কে যেন চারিদিকে দাঁড়িয়ে আছে;

খুলিতে নারি মন শুনিবে পাছে ।

হেথায় বৃথা কাঁদা,

দেয়ালে পেয়ে বাধা

কাঁদন ফিরে আসে আপন কাছে ।

৪০

## ত্রিধারা

আমার আঁখিজল কেহ না বোঝে ।

অবাক হয়ে সবে কারণ খোঁজে ।

“কিছুতে নাহি ভোষ,                    সেও তো মহাদোষ  
গ্রাম্য বালিকার স্বভাব ও যে !

স্বজন প্রতিবেশী                    এত যে মেশামেশি  
ও কেন কোণে ব'সে নয়ন বোজে ?”

কেহ বা দেখে মুখ কেহ বা দেহ,

কেহ বা ভালো বলে, বলে না কেহ ।

ফলের মালাগাছি                    বিকাতে আসিয়াছি,  
পরখ করে সবে, করে না স্নেহ ।

সবার মাঝে আমি ফিরি একেলা ।

কেমন ক'রে কাটে সারাটা বেলা !

ইঁটের পরে ইঁট                    মাঝে মানুষ-কীট,  
নাইকো ভালোবাসা নাইকো খেলা ।

কোথায় আছ তুমি কোথায় মাগো ?

কেমনে ভুলে তুই আছিস্ হাঁগো !

উঠিলে নব শশী,                    ছাদের 'পরে বসি'  
আর কি রূপকথা বলিবি না গো !

হৃদয়-বেদনায়                    শূন্য বিছানায়  
বুনি মা, আঁখিজলে রজনী জাগো !

কুসুম তুলি' ল'য়ে                    প্রভাতে শিবালয়ে

প্রবাসী জনয়ার কুশল মাগো ! ✓

হেথাও ওঠে চাঁদ ছাদের পারে ।

প্রবেশ মাগে আলো ঘরের দ্বারে ।

আমারে খুঁজিতে সে                      ফিরিছে দেশে দেশে

যেন সে ভালোবেসে চাহে আমারে !

নিমেষ তরে তাই আপনা ভুলি’

বাকুল ছুটে যাই ছয়ার খুলি’ ।

অম্নি চারিধারে                      নয়ন উঁকি মারে,

শাসন ছুটে আসে ঝটিকা তুলি’ ।

৭০

দেবে না ভালোবাসা, দেবে না আলো !

সদাই মনে হয়                      আঁধার ছায়াময়

দীঘির সেই জল শীতল কালো,

তাহারি কোলে গিয়ে মরণ ভালো ।

ডাকলো ডাক তোরা,                      বললো বল—

“বেলা যে পড়ে এল’, জল্কে চল্ ।”

কবে পড়িবে বেলা,                      ফুরাবে সব খেলা,

নিবাবে সব জ্বালা শীতল জল,

জানিস যদি কেহ আমায় বল !

৭১

—রবীন্দ্রনাথ ঠাকুর

## পদ্মা

আজি মেঘযুক্ত দিন, প্রসন্ন আকাশ  
 হাসিছে বন্ধুর মতো, সুন্দর বাতাস  
 মুখে চক্ষে বক্ষে আসি লাগিছে মধুর,  
 অদৃশ্য অঞ্চল যেন সুপ্ত দিগধর  
 উড়িয়া পড়িছে গায়ে । ভেসে যায় তরী ৫  
 প্রশান্ত পদ্মার স্থির বক্ষের উপরি  
 তরল কলোলে । অর্দ্ধমগ্ন বালুচর  
 দূরে আছে পড়ি, যেন দীর্ঘজলচর  
 রোদ্র পোহাইছে । ভাঙ্গা উচ্চতীর,  
 ঘনচ্ছায়াপূর্ণ-তরু প্রচ্ছন্ন কুটীর, ১০  
 বক্র শীর্ণ পথখানি দূর গ্রাম হতে  
 শস্যক্ষেত্র পার হয়ে নামিয়াছে শ্রোতে  
 তৃষ্ণাক্ত জিহ্বার মতো । গ্রামবধূগণ  
 অঞ্চল ভাসায়ে জলে আকণ্ঠ-মগন  
 করিছে কোতুকালাপ । উচ্চ মিষ্ট হাসি ১৫  
 জলকলস্বরে মিশি পণিতেছে আসি  
 কণে মোর । বসি এক বাঁধা নৌকা পরি  
 বৃদ্ধ জেলে গাঁথে জাল নতশির করি'  
 রোদ্রে পিঠ দিয়া । উলঙ্গ বালক তার  
 আনন্দে কাঁপায়ে জলে পড়ে বারম্বার ২০

কলহাস্তে, ধৈর্যময়ী মাতার মতন  
 পদ্মা সহিতেছে তার স্নেহজ্বালাতন ।  
 তরী হতে সম্মুখেতে দেখি দুই পার,  
 স্বচ্ছতম নীলাভ্রের নির্মল বিস্তার,  
 মধ্যাহ্ন-আলোক-প্লাবে জলে স্থলে বনে ২৫  
 বিচিত্র বর্ণের রেখা । আতপ্ত পবনে  
 তীর-উপবন হতে কভু আসে বহি'  
 আশ্রমুকুলের গন্ধ, কভু রহি রহি  
 বিহঙ্গের শ্রান্ত স্বর ।

— রবীন্দ্রনাথ ঠাকুর

৮৬

## বঙ্গমাতা

পুণ্যপাপে দুঃখে স্তখে পতনে উত্থানে  
 মানুষ হইতে দাও তোমার সন্তানে  
 হে স্নেহান্ত বঙ্গভূমি, নব গৃহক্রোড়ে  
 চিরশিশু করে আর রাখিয়ো না ধরে ।  
 দেশদেশান্তুর মাঝে যার যেথা স্থান  
 খুঁজিয়া লইতে দাও করিয়া সন্ধান ।  
 পদে পদে ছোট ছোট নিষেধের ডোরে  
 বেঁধে বেঁধে রাখিয়ো না ভাল ছেলে করে । ৮

১৪৫

## ত্রিখান্ডা

প্রাণ দিয়ে, দুঃখ স'যে, আপনার হাতে  
সংগ্রাম কবিত্তে দাও ভালোমন্দ সাথে ।  
শৌর্ন শান্ত সাধু তব পুত্রদেব ধ'বে  
দাও সবে গৃহছাড় লক্ষ্মাছাড়া ক'রে ।  
সাত কোটি সন্তানেবে, তে মুক্ত জননী,  
রেখেছ বাঙালী ক'বে, মানুষ করো নি ॥

১৪

—ববীন্দ্রনাথ ঠাকুর

৮৭

## পূজারিণী

নৃপতি বিম্বিসার

নমিয়া বুদ্ধে মাগিয়া লইলা

পান-নং-কণা তাঁব ।

স্বাপিয়া নিভৃত প্রাসাদ-কাননে

ভাঙবি উপরে বচিলা যতনে

অতি অপকৃপ শিলাময় স্তূপ

শিল্লশোভার সার ।

সন্ধ্যাবেলায় শুচিবাস পরি'

বাজবধ রাজবালা

আসিতেন, ফুল সাজায়ে ডালায়,

স্তূপপদমূলে সোনার থালায়

আপনার হাতে দিতেন ছালায়ে

কনক প্রদীপমালা ।

১৩



অজাতশত্রু রাজা হ'লো যবে  
 পিতার আসনে আসি'  
 পিতার ধর্ম শোণিতের স্রোতে  
 মুছিয়া ফেলিল রাজপুরী হ'তে  
 সঁপিল যজ্ঞ-অনল-আলোতে  
 বোধশাস্ত্ররাশি ।

১৯

কহিল ডাকিয়া অজাতশত্রু  
 রাজপুরনারী সবে—  
 “বেদ ব্রাহ্মণ রাজা ছাড়া আর  
 কিছু নাই ভবে পূজা করিবার,  
 এই ক'টি কথা জেনো মনে সার—  
 ভুলিলে বিপদ হবে ।”

২৫

সেদিন শারদ-দিবা অবসান,  
 শ্রীমতী নামে সে দাসী,  
 পুণ্যশীতল সলিলে নাহিয়া,  
 পুষ্প প্রদীপ থামায় বাহিয়া,  
 রাজমহিষীর চরণে চাতিয়া,  
 নীরবে দাঁড়াল আসি'

৩১

শিহরি' সভয়ে মহিষী কহিলা—  
 “একথা নাহি কি মনে  
 অজাতশত্রু করেছে রটনা,  
 স্তূপে যে করিবে অর্ঘ্যরচনা

## ত্রিধারা

শূলের উপরে মরিবে সে জনা

অথবা নির্বাসনে ?”

৩৭

সেখা হ’তে ফিরি’ গেল চলি’ ধীরে

বধু অমিতার ঘরে ।

সম্মুখে রাখিয়া স্বর্ণ-মুকুর,

বাঁধিতেছিল সে দীর্ঘ চিকুর,

আঁকিতেছিল সে যত্নে সিঁদূর

সীমন্ত-সীমা পরে ।

৪৩

শ্রীমতীরে হেরি’ বাঁকি’ গেল রেখা

কাঁপি’ গেল তার হাত,—

কহিল, “অবোধ, কী সাহস-বলে

এনেছিস্ পূজা, এখনি যা চ’লে,

কে কোথা দেখিবে, ঘটিবে তাহ’লে

বিষম বিপদপাত !”

৪৯

অস্ত-রবির রশ্মি-আভাষ

খোলা জানালার ধারে

কুমারী শুক্লা বসি’ একাকিনী,

পড়িতে নিরত কাব্য-কাহিনী,

চমকি’ উঠিল শুনি’ কিক্কিনী

চাহিয়া দেখিল দ্বারে ।

৫৫

শ্রীমতীরে হেরি’ পুঁথি রাখি’ ভূমে

ক্রতপদে গেল কাছে ।

## পূজারিণী

কহে সাবধানে তাঁর কানে কানে,—

“রাজার আদেশ আজি কে না জানে,  
এমন ক’রে কি মরণের পানে

ছুটিয়া চলিতে আছে !”

১১

ঘর হ’তে ঘরে ফিরিল শ্রীমতী

লইয়া অর্ধাখালি ।

“হে পুরবাসিনী,” সবে ডাকি কয়,—

“হ’য়েছে প্রভুর পূজার সময়”—

শুনি’ ঘরে ঘরে কেহ পায় ভয়,

কেহ দেয় তা’রে গালি ।

১২

দিবসের শেষ আলোক মিলালো

নগর-সৌধপরে ।

পথ জনহীন আঁধারে বিলীন,

কলকোলাহল হ’য়ে এলো ক্ষীণ,

আরতি ঘণ্টা শ্বনিল প্রাচীন

রাজ-দেবালয় ঘরে ।

১৩

শাবদ নিশির স্বচ্ছ তিমির,

তারা অগণ্য জ্বলে ।

সিংহদুয়ারে বাজিল বিষাগ,

বন্দীরা ধরে সঙ্ক্যার তান,

“মন্ত্রণাসভা হ’লো সমাধান”—

ঘারী ফুকরিয়া বলে ।

১৪

## ত্রিধারা

এমন সময়ে হেরিলা চমকি”  
প্রাসাদে প্রহরী যত—  
রাজার বিজন কানন মাঝারে  
স্তূপপদমূলে গহন আঁধারে  
জ্বলিতেছে কেন, যেন সারে সারে  
প্রদীপমালার মতো ।

৮৫

মুক্তকৃপাণে পুররক্ষক  
তখনি ছুটিয়া আসি’  
শুধাল—“কে তুই ওরে দুর্মতি,  
মরিবার ভরে করিস্ আরতি !”  
মধুর কণ্ঠে শুনিল—“শ্রীমতী  
আমি বুকের দাসী !”

৯১

সেদিন শুভ্র পাষণ ফলকে  
পড়িল রক্ত-লিখা ।  
সেদিন শারদ স্বচ্ছ নিশীথে  
প্রাসাদ-কাননে নীরবে নিভূতে  
স্তূপপদমূলে নিবল চকিতে  
শেষ আরতির শিখা ।

৯৭

—রবীন্দ্র নাথ ঠাকুর.

## ভারত-তীর্থ

|                                                                                                     |    |
|-----------------------------------------------------------------------------------------------------|----|
| হে মোর চিত্ত, পুণা তীর্থে<br>জাগে রে ধীরে,<br>এই ভারতের মহা-মানবের<br>সাগর-তীরে ।                   | ৪  |
| হেথায় দাঁড়িয়ে দু-বাহু বাড়ায়ে<br>নমি নর-দেবতারে,<br>উদার ছন্দে পরমানন্দে<br>বন্দন করি তাঁরে ।   | ৮  |
| ধান-গস্তীর এই যে ভূধর,<br>নদী-জপমালা ধৃত প্রান্তর,<br>হেথায় নিহা হেরে গণিত<br>ধরিত্রীরে,           | ১২ |
| এই ভারতের মহা-মানবের<br>সাগর-তীরে ॥                                                                 |    |
| কেহ নাহি জানে কার আস্থানে<br>কত মানুষের ধারা,<br>দুর্বার স্রোতে এল কোথা হ'তে,<br>সমুদ্রে হ'ল হীরা । | ১৬ |
| হেথায় আৰ্য্য, হেথা অনাৰ্য্য<br>হেথায় দ্রাবিড়, চীন,                                               | ২০ |

## ত্রিধারা

শক ছন-দল পাঠান মোগল

এক দেহে হ'ল লীন ।

পশ্চিমে আজি খুলিয়াছে দ্বার,

সেথা হ'তে সবে আনে উপহার,

২৪

দিবে আর নিবে, মিলাবে মিলিবে

যাবে না ফিবে,

এই ভারতের মহা মানবের

সাগর-তীরে ॥

২৮

রণধারা বাহি' জয়গান গাহি'

উন্মাদ কলরবে

ভেদি' মরুপথ গিরি-পর্বত

যারা এসেছিল সবে,

৩২

তা'রা মোর মাঝে সবাই বিরাজে—

কেহ নহে নহে দূর,

আমার শোনিতে রয়েছে ধ্বনিতে

তা'র বিচিত্র সুর ।

৩৬

হে রুদ্রবীণা, বাজো, বাজো, বাজো,

ঘুণা করি' দূরে আছে যারা আজো,

বন্ধ নাশিবে, তা'রাও আসিবে,

দাঁড়াবে ঘিরে,

৪০

এই ভারতের মহা-মানবের

সাগর-তীরে ॥

|                                                    |    |
|----------------------------------------------------|----|
| হেথা একদিন বিরামবিহীন<br>মহা ওঙ্কাবধ্বনি,          | ৪৪ |
| হৃদয়তন্ত্রে একের মস্ত্রে<br>উঠেছিল রণরনি' ।       |    |
| তপস্যা-বলে একের অনলে<br>বহুরে আছতি দিয়া,          | ৪৮ |
| বিভেদ ভুলিল, জাগায়ে তুলিল<br>এ রুটি বিরাট হিয়া । |    |
| সেই সাধনার সে আরাধনার<br>যজ্ঞশালায় খোলা আজি ঘর,   | ৫২ |
| হেথায় সবারে হ'বে মিলিবারে<br>আনত শিরে,            |    |
| এই ভারতের মহা-মানবের<br>সাগর-তীরে ॥                | ৫৬ |
| সেই হোমানলে হেরো আজি স্বলে<br>দুখের রক্তশিখা,      |    |
| হবে তা সঙ্ঘিতে মর্ষে দহিতে<br>আছে সে ভাগো লিখা ।   | ৬০ |
| এ দুখ বহন করো মোর মন,<br>শোনো রে একের ডাক,         |    |
| যত লাজ ভয় করো করো জয়<br>অপমান দূরে থাক ।         | ৬৪ |

## ত্রিধারা

দুঃসহ ব্যথা হ'য়ে অবসান  
জন্ম লভিবে কী বিশাল প্রাণ !  
পোহায় রজনী, জাগিছে জননী  
বিপুল নীড়ে,

এই ভারতের মহা মানবের  
সাগর-তীরে ॥

এসো হে আর্ষা, এসো অনাৰ্ষা,  
হিন্দু মুসলমান,

এসো এসো আজ তুমি ইংরাজ,  
এসো এসো খৃষ্টান !

এসো ব্রাহ্মণ, শুচি করি' মন  
ধরো হাত সনাকার,

এসো হে পণ্ডিত, হোক অপনীত  
সব অপমানভার ।

মা'র অভিষেকে এসো এসো স্বরা  
মঙ্গলঘট হয়নি যে ভরা,  
সবার পরশে পবিত্র-করা  
তীর্থ-নীরে ।

আজি ভারতের মহা-মানবের  
সাগর-তীরে ॥

— স্ববীন্দ্রনাথ ঠাকুর



৩৯  
বিদায়

তবে আমি যাই গো তবে যাই,  
ভোরের বেলা শূন্য কোলে  
ডাকবি যখন খোকা বলে,  
বলব আমি—নাই সে খোকা নাই ;  
মাগো যাই ।

হাওয়ার সঙ্গে হাওয়া হ'য়ে  
যাব মা তোর কুকে ব'য়ে,  
ধ'রতে আমায় পারবিনে তো হাতে ।  
জলের মধ্যে হব মা চেউ,  
জানতে আমায় পারবে না কেউ,  
স্নানের বেলা খেলব তোমার সাথে ।

১১

বাদলা যখন পড়বে ঝরে  
রাতে শুয়ে ভাববি মোরে,  
ঝরঝরানি গান গাব ঐ বনে ।  
জানলা দিয়ে মেঘের থেকে  
চমক্ মেরে যাব দেখে,  
আমার হাসি পড়বে কি তোর মনে ?

১৭

খোকার লাগি' তুমি মাগো  
অনেক রাতে যদি জাগো  
তারা হ'য়ে বলব তোমায়, “ঘুমো” ;

## প্রিথান্না

তুই ঘুমিয়ে পড়লে পরে  
জ্যোৎস্না হয়ে ঢকব ঘরে,  
চোখে তোমার খেয়ে যাবো চুমো ॥ ২৩

স্বপন হ'য়ে আঁখির ফাঁকে,  
দেখতে আমি আসব মাকে,  
যাব তোমার ঘুমের মধ্যখানে,  
জ্বগে তুমি মিথ্যে আশে,  
হাত বুলিয়ে দেখবে পাশে,  
মিলিয়ে যাব কোথায় কে তা জানে ॥ ২৯

পূজোর সময় যত ছেলে  
আঙিনায় বেড়াবে খেলে,  
ব'লবে—খোকা নেই-যে ঘরের মাকে ।  
আমি তখন বাঁশির সুরে  
আকাশ বেয়ে ঘুরে ঘুরে  
তোমার সাথে ফিরব সকল কাজে ॥ ৩৫

পূজোর কাপড় হাতে ক'রে  
মাসী যদি শুধায় তোরে,  
“খোকা তোমার কোথায় গেল চ'লে ?  
বলিস, খোকা সে কি হারায় ;  
আছে আমার চোখের তারায়,  
মিলিয়ে আছে আমার বুকে কোলে ॥ ৪১

রবীন্দ্রনাথ ঠাকুর

## শারদ প্রভাতে

গিরি-বন-নদী রঞ্জিয়া রবি

ফুটায়ে ধরায় সুহাসি ।

হেরি' সে ফুল প্রভাতের ছবি

আমার চিত্ত উদাসী ।

৪

প্রবাসের বাসে মানস-নেত্রে

নেহারি তোমাতে, বঙ্গ !

সমতল ভূমে ধাগ্য-ক্ষেত্রে

অতুল শ্যামল অঙ্গ ।

৮

নাহিক এমন তটিনী সেথায়

উপলে হরিত চরণা ;

ভূধরে চরণে তরুর ছায়ায়

নাচে না এমন ঝরণা ।

১২

নাহি ত সেথার নিবিড় বিজ্ঞান

নিশান বনের গরিমা ।

তবু ভালবাসি, বঙ্গ ভুবন,

তোমার শারদ প্রতিমা ।

১৬

## ত্রিধারা

- ভূষহ পদ্যে কুমুদে অঙ্গ  
হে সর, হরষে বসে ;  
কাদামাথা জলে তোল তরঙ্গ  
বঙ্গ-পাবনি গঙ্গে ! ২০
- দুলাও ধরণী ; হরিৎ বসন,  
গাহ বিহঙ্গ প্রভাত  
শেফালি-গন্ধে আমোদি ভবন  
এস উৎসব ধরাতে । ২১
- গ্রামে গ্রামে আর নগরে নগরে  
জাগ রে সুখ আনন্দ !  
হেথায় পবন, নথিয়া আন রে  
দূর উৎসব-গন্ধ । ২২
- রঞ্জি প্রবাস, ওগো কল্পনে,  
মানস-আলোক-প্রভাতে,  
বহ্নের শোভা এ দূর ভবনে  
বিকাশ শারদ প্রভাতে । ৩২

—বিজয়চন্দ্র মজুমদার

## ভারতবর্ষ

যেদিন সুনীল জলধি হইতে উঠিলে জননি ! ভারতবর্ষ !  
 উঠিল বিশ্বে সে কি কলরব, সে কি মা ভক্তি, সে কি মা হর্ষ !  
 যেদিন তোমার প্রভায় ধরার প্রভাত হইল গভীর রাত্রি ;  
 বন্দিল সবে, “জয় মা জননি ! জগন্তারিণি ! জগদ্ধাত্রি !”  
 ধন্য হইল ধরণী তোমার চরণ-কমল করিয়া স্পর্শ ; ৫  
 গাহিল, “জয় মা জগন্মোহিনি ! জগজ্জননি ! ভারতবর্ষ !”  
 সত্যঃ-স্নান-সিক্ত-বসনা চিকুর সিঙ্কুশীকর-লিপ্ত ;  
 ললাটে গরিমা বিমল হাশ্বে অমলকমল-আনন দীপ্ত ;  
 উপরে গগন ঘেরিরা নৃত্য করিছে—তপন-তারকা-চন্দ্র ।  
 মন্ত্রমুগ্ধ চরণে ফেনিল জলধি গরজে জলদ-মন্দ্র । ১০  
 শীর্ষে শুভ্র ভূষার-কিরীট, সাগর-উর্ষি ঘেরিয়া জলদা :  
 বক্ষে ছলিছে মুক্তার হার—পঞ্চসিঙ্কু, যমুনা, গঙ্গা ।  
 কখন মা তুমি ভীষণ দীপ্ত তপ্ত মরুর উষর দৃশ্যে :  
 হাসিয়া কখন শ্যামল শশ্বে, ছড়ায়ে পড়িছ নিখিল বিশ্বে ।

\* \* \*

জননি ! তোমার বক্ষে শান্তি, কণ্ঠে তোমার অভয় উক্তি, ১৫  
 হস্তে তোমার বিতর অন্ন, চরণে তোমার বিতর মুক্তি ;  
 জননি ! তোমার সম্মান তরে কত না বেদনা কত না হর্ষ !  
 জগৎপালিনি ! জগন্তারিণি ! জগজ্জননি ! ভারতবর্ষ !

--দ্বিজেন্দ্রলাল রায়

## সমুদ্র

আবার সে গস্তীর গর্জন ; চারি ধার  
 সেই নীল জলরাশি ; দিগন্ত প্রসার  
 বারি-বন্ধ ; সেই অন্ধ মত্ত আশ্ফালন ;  
 সেই ক্রীড়া ; সেই উচ্চ হাস্য ; সে ক্রন্দন ;  
 উত্তাল তরঙ্গ সেই ; উদ্দাম উচ্ছ্বাস ;  
 সেই বীর্য্য ; সেই দর্প ; সেই দীর্ঘশ্বাস ! ৬  
 হে সমুদ্র ! সপ্ত বর্ষ পরে এ সাক্ষাৎ  
 তোমার আমার সঙ্গে । ঘাত প্রতিঘাত  
 গিয়াছে বহিয়া কত আমার হৃদয়ে ;  
 বয়ে গেছে বঙ্কা কত, শোকে দুঃখে ভয়ে,  
 নৈরাশ্যে ;—এ সপ্ত বর্ষে জীবনে আমার ।  
 মুইয়া দিয়াছে সেই সপ্ত-বর্ম-ভার  
 জীবনের মেরুদণ্ড ; করি' খর্ব্বতা'র  
 উদ্দাম, উল্লাস, তেজ, গর্ব্ব প্রতিভার । ১৪  
 কিন্তু তুমি চলিয়াছ দর্পে—সেই মত  
 কল্লোলিয়া । কাল করে নাই প্রতিহত  
 তোমার প্রভাব ; রেখা আনে নাই দেহে ;  
 শুধে নেয় নাই মজ্জা—সেইরূপ ধেয়ে  
 উত্তাল-তরঙ্গ-ভঙ্গে, মেঘমস্ত্রে বারি-  
 বন্ধ, বীরদর্পে দিক্‌দিগন্ত প্রসারি'

তুমি চলিয়াছ। উর্ধ্বে অনন্ত আকাশ ;  
 নিম্নে চলিয়াছে তব একই ইতিহাস ।  
 এত তুচ্ছ করেছিলে মানব-জীবন  
 পরমেশ ! এই ক্ষুদ্র ক্ষীণ আয়োজন ;  
 তাও এত বিবর্তনশীল ! যেই মত  
 সন্ধ্যার প্রাক্কালে, বর্ণ ভিন্ন হয় যত—  
 রক্ত, পীত, পিঙ্গল, ধূসর, পরিণত  
 শেষে কৃষ্ণে ; মানব জীবনে, সেই মত,  
 আসে বালা, যৌবন, বার্দ্ধক্য ; পরে হায়,  
 সব শেষে সেই কৃষ্ণ মরণে মিশায় !

সপ্ত-বর্ষ পরে আজি, সমুদ্র, আবার  
 দেখিতেছি আন্দোলিত সে মহা প্রসার ;  
 শুনিতেছি সে কল্লোল ; করিতেছি স্পর্শ  
 তোমার শীকর-পৃক্ত বায়ু ।—এ কি হন ;  
 কি উল্লাস ! মুদ্রা-লুক্ক সার্থপূর্ণ হৃদি,  
 ছাড়ি' নীচ ক্রয় ও বিক্রয়,—জলনিপি,  
 মিশিয়াছে নিখিলের সঙ্গে যেন 'আসি',  
 হেরি' তব অসীম বিস্তৃত জলরাশি ।

আমি দেখিতেছি গুরুপক্ষ প্রথমার  
 নিশীথে, নিস্তরু দ্বিপ্রহরে, পারাবার !  
 তোমার এ মন্ত ক্রীড়া । যখন অবনী  
 ঘুমায়, উঠিছে ঐ হাহাকার ধ্বনি ;

৩০

৩১

## ত্রিধারা

চলেছে ও আশ্ফালন । হৃদয়ে তোমার  
বহিছে ঝটিকা যেন ;—প্রবল ঝঞ্ঝার  
নিষ্পেষণে মূলমূলঃ মেঘ-মন্দ্র সম  
উঠে মহা আর্তনাদ ; বিদ্যুদামোপম  
জ্বলে উঠে রেখায়িত ফেনা সমুচ্ছাসি'  
পিঙ্গল আলোকে দীপ্ত করি' জলরাশি ।  
কি প্রকাণ্ড অপচয় এ বিশ্বস্থিতির—  
এই নীল বারিরাশি ; এ নিত্য অস্থির  
সমুচ্ছাস—শক্তির কি নিরর্থক বায় ;  
এ গর্জ্তন, আশ্ফালন, ব্যর্থ সমুদয় ।  
কিংবা চলিয়াছ সিন্ধু ! গর্জিত, আর্তনাদি',  
সেই চিরন্তন প্রশ্ন—“কোথা ? কোথা আদি ?”  
কোথা অন্ত ? কোথা হ'তে চলেছি কোথায় ?”  
উৎক্ষেপিয়া উন্মিরশি আঁকড়িতে চায়  
অনন্তেরে ; নিজ ভাবে পরে নেমে আসে ।  
আবার ছড়ায় পড়ে, গভীর নিশ্বাসে,  
প্রকাণ্ড আক্ষেপে,—বৃক্ষ'পরি আপনার,  
বার্থ বিক্রমের ক্ষুদ্র অবসাদ ভার ।  
উপরে নিশ্চল ঘন নীলাকাশ স্থির,  
কোটি কোটি নক্ষত্রে চাহিয়া জলধির  
নিষ্ফল চীৎকার, ক্ষুদ্র আশ্ফালন 'পরে  
রহে সে গভীর গাঢ় অনুকম্পাভরে ।

৪৮

৬০



দেখে পিতা যেমতি পুত্রের উপদ্রব ;  
 ঈশ্বর দেখেন যথা করুণা-নীরব  
 গাঢ় স্নেহে,—মানুষের দস্ত অভিমান ;  
 —আছে সে চাহিয়া ফুক জলধির পানে ।  
 কি গাঢ় ও নীলাকাশ ! কি উজ্জ্বল, স্থির !  
 নক্ষত্র বেষ্টিয়া চতুঃপ্রাস্ত জলধির ।  
 যাহা ধ্রুব, সত্য ; যাহা নিত্য ও অমর ;  
 তাহা বৃদ্ধি এরূপই স্থির ও ভাস্বর ।

৭২

-দ্বিজেন্দ্রলাল রায়

৯৩

## হ'তে পাত্তেম

দেখ, “হ'তে পাত্তেম” নিশ্চয় আমি মস্ত একটা বীর  
 কেবল—ঐ গোলাগুলির গোলে কেমন মাথা রয় না স্থির ।  
 আর ঐ বারুদটার গন্ধ, তেমন করিনে পছন্দ,  
 আর সঙ্গীন খাড়া দেখলেই মনে লাগে একটু ধন্দ ;  
 খোলা তলোয়ার দেখলেই ঠেকে মনে শিরোহীনের স্কন্দ ।  
 ভাই বাক্যেই বীর রয়ে গেলাম আমি চ'টে মোটেই ত ।  
 তা নইলে খুব এক বড়—হাঁ তা বটেই তো, তা বটেই তো ॥” ৭

## ত্রিধারা

“দেখ, হ’তে পান্তেম নিশ্চয় একটা প্রত্নতত্ত্ববিদ  
কিন্তু গবেষণা শূন্যেই হয় আতঙ্ক উপস্থিত !  
আর দেশটাও বেজায় গরম, আর বিছানাও বেশ নরম  
আর তাও বলি, নিদ্রাদেবীর টানটুকু চরম ;  
আর তারই চর্চা কল্পে একটু কাজও দেখে বরং ;  
তাই নিদ্রা-তত্ত্ব নিয়ে রইলেম চ’টে মোটেই তো ।”

“হাঁ তা বটেই তো, তা বটেই তো ।”

১৪

“দেখ, হ’তে পান্তেম নিশ্চয় একটা উঁচুদরের কবি,  
কিন্তু লিখতে বল্লিই অক্ষরগুলো গরমিল হয় যে সবই,  
আর ভাষাটাও তা ছাড়া, মোটে বেঁকেনা, রয় খাড়া ;  
আর ভাবের মাথায় লাঠি মারলেও দেয়নাকো সে সাড়া  
হাজারি পা’ছুলাই, গোঁফে হাজারি দিই চাড়া ;  
তাই নীরব কবি হ’য়ে রইলেম চ’টে মোটেই তো ।

তা নইলে খুব এক উঁচু”, —“তা বটেই তো, তা বটেই তো ।” ২১

“দেখ ক্ষমতাটা,—তা ছিলনাক অমন্দ বিশেষ,

কেবল প্রথম একটা ধাক্কা পেলেই চলে যেতাম বেশ ;

হতাম পেলে স্বেযোগ, এ, ও, বুঝি একটা ষেও সেও,

কেস্ট, বিস্টুর মধ্যে আমি হ’তেম নিঃসন্দেহ,—

কিন্তু প্রথম সে ধাক্কাটা আমায় দিলনাক কেহ ;

তাই যা ছিলাম তাই রয়ে গেলাম চ’টে মোটেই তো ।

তা নইলে বুঝলে কিনা”—“হাঁ তা বটেই তো, তা বটেই তো ॥” ২৮

—বিজয়লাল রায়

## সেথা আমি কি গাহিব গান

- সেথা আমি কি গাহিব গান ?  
 যেথা, গভীর ওকারে, সাম-ঝকারে,  
 কাঁপিত দূর বিমান ।
- যেথা, সুরসপ্তকে বাঁধিয়া বীণা,  
 বাণী শুভ্রকমলাসীমা, ৫  
 বোধি' তটিনী-জল-প্রবাহ,  
 তুলিত মোহন তান ।
- যেথা, আলোড়ি' চন্দ্রালোক শারদ,  
 করি' হরিগুণগান নারদ,  
 মন্ত্রমুগ্ধ করিত ভুবন, ১০  
 টলাইত ভগবান্ ।
- যেথা, যোগীশ্বর-পূণাপরশে,  
 মূর্ত্ত রাগ উদ্ভিল হরষে ;  
 মুগ্ধ কমলাকান্ত-চরণে  
 জাহ্নবী জনম পান । ১৫
- যেথা, বৃন্দাবন-কেলিকুঞ্জে  
 মুরলী-রবে পুঞ্জ পুঞ্জ,  
 পুলকে শিহরি' ফুটিত কুসুম,  
 বমুনা যেত উজ্জান ।  
 আর কি ভারতে আছে সে যন্ত্র, ২০  
 আর কি আছে সে মোহন মন্ত্র,  
 আর কি আছে সে মধুর কণ্ঠ,  
 আর কি আছে সে প্রাণ ?

—রজনীকান্ত সেন

## জাগরণ

তব, চরণ-নিম্নে, উৎসবময়ী শ্যাম-ধরণী সরসা :

উর্ধ্বে চাহ, অগণিত-মণি-রঞ্জিত-নভোনীলাঞ্চলা,

সৌম্য মধুর-দিবাসনা, শান্ত-কুশল-দরশা ।

দূরে হেম চন্দ্র-কিরণ-উদ্ভাসিত গঙ্গা,

নৃত্য-পুলক-গীতি-মুখর-কলুষহর-তরঙ্গা ;

৫

ধায় মত্ত-হরষে, সাগরপদ-পরশে,

কূলে কূলে করি' পরিবেষণ মঙ্গলময় বরষা ।

ফিরে দিশি দিশি মলয় মন্দ, কুম্ভ-গন্ধ বহিয়া,

আযাগরিমা কীর্তিকাহিনী মুগ্ধ জগতে কহিয়া,

হাসিছে দিগ্বালিকা, কণ্ঠে বিজয়মালিকা,

নবজীবন-পুষ্পবৃষ্টি করিছে পুণ্য-হরষা ।

১১

ওই হের, স্নিগ্ধ সবিভা উদিছে পূর্ব-গগনে,

কান্তোজ্জ্বল কিরণ বিতরি', ডাকিছে সৃষ্টি-মগনে ;

নিদ্রালস-নয়নে, এখনও র'বে কি শয়নে ?

জাগাও বিশ্ব পুলক-পরশে, বক্ষে তরুণ ভরসা ।

১৫

—রজনীকান্ত সেন

## বাণিজ্যে বসতে লক্ষ্মীঃ

গঙ্গাসাগরের স্নানে পুণ্য বাঞ্ছা করি'  
মহামূল্য হীরকের অলঙ্কার পরি',  
নামিলেন শেঠ-পত্নী সাগরের জলে,  
অকস্মাৎ অলঙ্কার পড়ে' গেল তলে ;

কঁাদি' শেঠ-পত্নী কহে, "তুমি রত্নাকর,  
ভূষণ ফিরায়ে দেহ করুণা-সাগর !"  
সিন্ধু কহে, "সিন্ধু-পোতে উঠি' তব স্বামী  
দূরে থাক্, লক্ষগুণ ফিরে দিব আমি ।"

—রজনীকান্ত সেন

## আমি যাহা চাই

আমি চাই মহতের মহৎ পরাণ ।  
মুকুতা মানিক নিধি                      আমারে দিওনা বিধি !  
চাইনে এ জগতের রাজত্ব-সম্মান' ;  
বাহিত্ত পরাণ পেলে,                      প্রাণটুকু দিয়া ঢেলে'  
মেগে' নেব মনুষ্যত্ব—শ্রেষ্ঠ উপাদান ।  
প্রাণের সাধক আমি, সাধনীয় প্রাণ ।

## ত্রিধারা

আমি চাই শিশু-হেন উলঙ্গ পরাগ,—  
মুখে মাথা সরলতা, কয়না সাজানো কথা,  
জানেনা যোগাতে মন করি' নানা ভান ;  
প্রাণ খোলা, মন খোলা, আপনি আপনা-ভোলা,  
আর স্নেহ প্রীতি সবি হৃদয়ের টান ।  
আমি চাই স্বরগের উলঙ্গ পরাগ । ১২

আমি চাই মনোহর সুন্দর পরাগ,  
পবিত্র—উষার রবি, কোমল—ফুলের ছবি,  
মধুর—বসন্ত-বায়ু, পাপিয়ার গান ;  
আনন্দে—শারদ ইন্দু, গাম্ভীর্যে—অতল সিঁদু,  
পূর্ণ—বয়ষার বিল ভরা কানেকান,—  
আমি চাই মনোহর সুন্দর পরাগ ! ১৮

আমি চাই বীরহের তেজস্বী পরাগ ।  
পায়ে ঠেলে তোষামোদ, নীচতার অনুরোধ ;  
তার ব্রত—সত্যরক্ষা সত্যানুসন্ধান ;  
চাহেনা নিজের ইচ্ছা, অতুল কর্তব্যনিষ্ঠ  
ধরা প্রতিকূল হ'লে নহে কম্পমান ;  
জীবন-সংগ্রামে নিত্য বিজয়ী তাহার চিত্ত,  
অনন্তে উড়িছে তার বিজয়-নিশান ।  
আমি চাই বীরহের তেজস্বী পরাগ । ২৬

## আমি যাহা চাই

আমি চাই জিতেন্দ্রিয় বিশ্বাসী পরাগ,—

ছিঁড়িয়াছে মোহপাশ,                      ছয় রিপু চির দাস,—

নরনারী ভাই বোন, নাহি অশ্রুজ্ঞান ;

চাহিতে মুখের পানে                      সঙ্কোচ আসে না প্রাণে,

কি যেন দেবত্ব মাথা সে পূত বয়ান !

আমি চাই জিতেন্দ্রিয় বিশ্বাসী পরাগ ।

৩২

পরে সদা ভালবাসে,

পরের সুখের আশে

চির আত্ম বিসর্জন, চির আত্মদান ।

বাধিতে পড়িলে মনে

ধারা বয় ছনয়নে,

সুদৃষ্টিতে সদা চলে প্রেমের তুফান ।

সে নয় সতত্ব কেহ,—

বিশ্বই তাহার গেহ,

সে সাধে আপনা দিয়ে ভবের কল্যাণ ।

আমি চাই প্রেমিকের প্রেমিক পরাগ ।

৪০

আমি চাই বিশোধার উদার পরাগ,

অভেদ গ্রীষ্মান হিন্দু,

দ্বेष নাই এক বিন্দু,

নিরখে জগৎ-ভরা এক ভগবান্ :

জ্ঞান সত্য নীতি পূজে,

দলাদলি নাহি বুঝে,

সে জানে সকলে এক মায়ের সন্তান ।

মরমে মহত্বপূর্ণ,

হীনতা করেছে চূর্ণ,

সুদয়ের ভাব সব উদার মহান্ ;

## ত্রিধারা

শ্যাম-তরে প্রিয়ভাগী,                      প্রীতিতে পরানুরাগী,  
সমাদরে রাখে জ্ঞানী-গুণীর সম্মান ;                      ৪২  
অমৃতপ্ত-অশ্রুধার                      কখনো সহেনা তার,  
অমৃতাপী পাপী পেল পুণ্য করে দান ,  
বিশ্বের উন্নতি-আশা,                      বিশ্বময় ভালবাসা,  
বিশ্বের মঙ্গল সাধে করি' আত্মদান,  
মরতে সে দেবোপম                      উপাস্ত্য নমস্ত্য মম,  
বসুধা কৃতার্থা তারে কোলে দিয়ে স্থান,  
আমি সাধি সাধনা সে দেবতার প্রাণ ।                      ৫৬  
—মানকুমারী বসু

৯৮

## চাতক

সহিছে আঁধার কালো,  
উষার নবীন আলো  
দেখাইছে জগতের আধ আধ ছবি ;  
এত ভোরে কোন্ পাখী !  
গাহিছ ! আকাশে থাকি,  
জাগাইয়া ধরাতল মাতাইয়া কবি ?                      ৬  
মধুর কাকলী মুখে,  
খেলিছ মনের সুখে,  
হেরি ও মধুরী মরি নয়ন জুড়ায় !



সুন্দর গগন-কোলে,  
কাঞ্চনের ফোঁটা দোলে !

সজ্জ ব কুমুম যেন পবনে উড়ায় !

১২

কি জানি কি যোগ-বলে

স্বরগে যেতেছ চলে,

দেখি যেন থেকে থেকে জলদে লুকাও ;

দেবতার শিশুগুলি

খেলে যেথা হেলি ছলি,

কে তুমি তাদের সনে খেলিবারে মাও ?

১৮

চিনেছি চিনেছি আমি

ওই যে চাতক তুমি,

প্রভাতী কিরণ মেখে কর ঝলমল ;

নাচিছ তপন আগে,

জাগাইছ জীব-ভাগে,

স্বললিত গানে মরি মাগারে ভূতল ।

২৪

শুনি ও অমৃত গীতি

কার না জনমে প্রীতি ?

কে যেন অমৃত ধারা চালিছে ধরায় ;

ছুটিছে অমৃতরাশি,

অমৃত-হিল্লোলে ভাসি,

অমৃত তুফানে যেন মন ভেসে যায় ।

৩০

## ত্রিধারা

হেন গান কোথা ছিল ?  
কে তোমারে শিখাইল ?  
কহরে চাতক ! মোরে সেই সমুদয় ;  
আমি ত বুঝেছি এই,  
জগত-জননী যেই,  
তঁাহারি শিখানো গীত, আর কারো নয় !

৩৬

যে সাজায় রামধনু,  
যে ভাসায় শশী ভানু,  
অমল কমল যেই সলিলে ভাসায় ;  
যাঁহার কৌশল বলে  
গ্রহ তারা শূন্যে চলে,  
তোমারে এহেন গীতি সেইরে শিখায় !

১২

অমন মধুরে পাণি ।  
তঁারেই ডাকিছ নাকি  
স্বরগ-দুয়ারে উঠি পরাণ খুলিয়া ?  
ভুমি রে ! ডাকিছ যঁারে,  
আমি সদা ডাকি তঁারে,  
আমি ডাকি ধরাতলে হৃদয় ভরিয়া !

২৮

—মানকুমারী বসু

## উষার জাগরণ

কখন জাগিলে তুমি, হে সুন্দরী উষা !  
 রজনীর পাশে ছিলে স্বপন-মগন—  
 কখন করিলে তুমি স্বর্গ-বেশ-ভূষা ?  
 ললিত রাগিনী দিয়ে রঞ্জিলে গগন !

৪

তোমারে আবারি' ছিল যে যোর রজনী  
 তিমির-কুন্তল তার বাধিলে যতনে ;  
 অধরে ভাতিছে হাস্য বিমল বরণী,  
 সরল নির্মল সুখ কমল-নয়নে !

৮

কোমল চরণে আসি' শিয়রে আমার  
 বুলাইলে আঁখি-পরে কুসুমিত কেশ ;  
 চকিতে চাহিয়া দেখি অধর তোমার  
 আরক্ত আনন্দ-ভরা,—রজনীর শেষ !  
 পরশিয়া দেহে তব আলোক-অঞ্চল  
 নিদ্রাতুর হৃদি মোর পুলক-চঞ্চল !

১৪

—চিন্তুরঞ্জন দাশ

## প্রত্যাবর্তন

ওরে পাখি, সন্ধ্যা হ'ল আয় রে কুলায় !

সমস্ত গগন ভ'রে

অঁধার পড়িছে ঝ'রে,

ওরে পাখি, অন্ধকারে নীড়ে ফিরে আয় !

বন্ধ কর পক্ষ তোর আয় রে কুলায় ।

যতক্ষণ ছিল আলো মেটেনি কি আশ ?

ওরে সারা দিন মান

তুই করেছিস্ পান

যত মধু ছিল ভরি' গগন আকাশ ;

এবে আলো সাস্ হ'ল মেটেনি পিয়াস ?

ওরে আয়, ফিরে আয়, আপনার মাঝে,

ওরে বন্ধ কর পাখা,

অপূর্ব আলোক-মাথা

অনন্ত গগনতল হেথায় বিরাজে !

ওরে আয়, ফিরে আয়, আপনার মাঝে ।

১৫

—চিত্তরঞ্জন দাশ

## নীরস শীতের গৃহে আজি কে গাইল গান

নীরস শীতের গৃহে আজি কে গাইল গান,  
 মেলিয়া অলস অঁখি চমকি' উঠিল প্রাণ !  
 নম্ব কিসলয়ে সাজি পরাণে উচ্চাস ব'য়ে  
 তরুকুল উঠে জাগি বিচিত্র নিশান ল'য়ে ;

শীতল মলয় বায়

সুধীবে বহিয়া যায়,

নিশ্বাসে নিশ্বাসে করে ভূতলে সুরভি দান—

নীরস শীতের গৃহে আজি কে গাইল গান ।

৮

অলস শয়ন ত্যজি পাখীরা জাগিল সব,  
 কোথা হ'তে ভেসে এল কত-কি যে সুধারব ,

নন্দনের পথ ভুলে

সমীরণে ছলে ছলে

স্বপনে ভাসিয়ে এল কোকিলের কুহতান—

নীরস শীতের গৃহে আজি কে গাইল গান ।

১৪

সুদূর নিকুঞ্জ হ'তে শুনি যে এ কা'র বাঁশী,  
 আলো করি বনালয় ফোটে ফুল রাশি রাশি ;

## ত্রিধারা

স্বাসে মোহিত অলি  
ফুলে ফুলে পড়ে চলি,  
প্রজাপতি করে সুখে ফুলে ফুলে মধুপান—  
নীরস শীতের গৃহে আজি কে গাইল গান ! ২৫

তুলিল কমল-মুখ, নলিনী হরষ মাখি' ;  
নবীন তৃণের বনে হরিণী সঁপিল অঁাখি ;  
তটিনী গাহিল ধীরে,  
জোচনা হাসিল নীরে,

চাঁদের বদন হ'তে হিমছায়া অবসান—  
নীরস শীতের গৃহে আজি কে গাইল গান ! ২৬

নীরস শীতের 'গৃহে আজি কে গাইল গান,  
মেলিয়া অলস অঁাখি চমকি উঠিল প্রাণ !

আকাশে নবীন রবি,  
প্রান্তরে নবীন ছবি,  
নবীন নবীন সবি', নবীনে ডুবিল প্রাণ—  
নীরস শীতের গৃহে আজি কে গাইল গান ! ৩২.

— নবকৃষ্ণ ভট্টাচার্য্য

## ভাবপতঙ্গ

মনোবাতায়ন-তলে                      উড়ে আসে দলে দলে  
 ভাবরাশি পতঙ্গের প্রায়,  
 অশোক কিংশুক রাঙা                      ইন্দ্রধনু ভাঙা ভাঙা  
 বরণের বিচিত্র ছটায়,  
 স্বচ্ছ ক্ষীণ পক্ষ মেলি'                      কাঁপিয়া পড়িয়া হেলি'      ৫  
 এসে শুধু দেখা দিয়ে যায়—  
 ধরিতে, রাখিতে নারি হয় !

ওগো বাতায়ন-তলে                      হেন কি আলোক জ্বলে,  
 যার লাগি' আস বারবার ?  
 দেখা যদি দাও এসে,                      একাকী ফেলিয়া শেষে      ১০  
 ফিরে তবে কেন যাও আর ?  
 নয়ন, অধর, মম                      কক্ষ, বক্ষ—শিশুসম  
 এসো সবে কর' অধিকার,  
 নাহি ভয় অনল-শিখার !  
 —প্রিয়ম্বদা দেবী





শত চুম্বনে মেলে না নয়ন,—  
চুরি গেছে মোর আঁচলের ধন !  
অভাগী বিহগী দারুণ আহত  
মরণ-শ্যেনের পক্ষে ।

৮

স্তন-ক্ষীরধার                      অধরে বাহার  
আজ কি লাগিছে তিক্ত ?  
রসনা-প্রসূন                      কোন পরসাদ—  
মধুরসে পরিষিক্ত !

১২

মুখচম্পকে মরুর বর্ণ,  
শুষ্ক অধর-কমল-পর্ণ ;—  
কি পাপে আমার প্রাণের ইন্দু  
সুধার বিন্দু-রিক্ত ?

১৬

অমরা-মাধুরী                      আধ আধ কুলি ;  
কুন্দ বৃন্ত-ছিন্ন,  
দন্ত-রুচিতে                      কই সে কাঙ্ক্ষি  
পুণ্য-হাসির চিহ্ন ?

২০

জানি, প্রভু, তব পাণির পরশে,  
নীর পুতলি জাগিবে হরষে !  
কোন্ পাষাণের বিষমাখা বাণে  
এ নয়ন-মণি ভিন্ন ?

২৪

## ত্রিধারা

কানন হয়েছে                      আমার ভুবন  
সুখশশী রাহুগ্রস্ত,  
ধাই দিশেহারা—                      রোদনের রোলে  
ধ্বনিয়া উদয়-অস্ত ।                      ২৮

যে দিকে তাকাই, বাছা মোর নাই ।  
প্রাণ দিলে যদি প্রাণ ফিরে পাই—  
উড়িয়া উড়িয়া শ্মশানের ছাই  
ভরিল বিকল হস্ত ।                      ৩২

প্রভু, অবনীর এই                      পদ্য-বেদীতে  
হরিলে ত্রিতাপ-দুঃখ,  
যাত্রা করেছ,                      ছুরগম পথ  
ক্ষুর-ধাব সম সূক্ষ্ম ।                      ৩৬

দিলে তপোবল, মহানির্ব্বাণ  
কুমারে আমার কর প্রাণদান—”  
লুটায় যুবতী বুদ্ধ-চরণে  
আলু থালু কেশ রক্ষ ।                      ৪০

চাহেন শুদ্ধ                      সৌম্য, শাস্ত  
গৌতম ধ্যান-ভঙ্গে  
অখিল-পাবন                      করুণা-জ্যোৎস্না  
বরষি' বালক-অঙ্গে.—                      ৪৪

- নিমেষের তরে মেলিবে কি চোখ ?  
 উখলি' অরুণ-পুলক-আলোক,  
 নিবাবে আগুন কিসা-গোতমীর  
 শিশুহারা উৎসঙ্গে ? ৪৮
- কহেন বৃদ্ধ, "কুমার তোমাব  
 নীরব-সমাধি-মগ্ন,  
 বরণ করেছে চিরসুন্দর  
 মরণের মহালগ্ন ; ৫২  
 থাকে যদি কোথা অশোক আলায়,  
 ভিখ্, মাস্তি' আন সর্ষপ-চয়,  
 পরশে তাহার দুলিয়া উঠিবে  
 পরাণ-মৃগাল ভগ্ন ।" ৫৬
- বিশাল পুরীর দ্বারে দ্বারে ঘুবে,  
 কেহ নাহি দেয় শিক্ষা ;  
 নিবেদিল শেষে গুরুপদে এসে,—  
 "শিখাইলে শেষ শিক্ষা ; ৬০  
 জিয়াতে চাহি না তনয়ে আমার,  
 ভবনে ভবনে উঠে হাহাকার—  
 হর জগতের বিরহ-আঁধার  
 দাও গো অমৃত-দীক্ষা ।" ৬৪

—করুণানিধান বন্দ্যোপাধ্যায়

## আজকে রে মন ঘোমটা খোল

বন-কোকিলের ডাকের জবাব

দেয় শোনো ওই হরুবোলা ;

মেঘের কোলে তরল-তর

‘অ্যাম্বারে’ রি রঙগোলা !

পথের পাশে সবুজ ধানে

স্তরে স্তরে পাহাড়-পানে

ঢেউ চলেছে, মন গলেছে,

ছন্দে ভাষায় দেয় দোলা !

কাঁপছে ভোরের একতারাতে

রিনি বিনি সুর কোমল !

ছপুর-বেলা দীপক জ্বালে

কমল হীরের অমল দল ।

সাঁঝ-রূপসী চুপে চুপে

প্রণমে কোন বিরাট রূপে,

গালিয়ে সোনা শৈল-কোণে

অঞ্জলি দেয় ঝরণা-জল ।

দুখ-ভোলানো বোল ফুটেছে,

উঠছে তারি মৌন রোল,

লাজ-হরা এই বিজন পথে

আজকে রে মন ঘোমটা খোল !

ঘুগে ঘুগের বিস্মরণে

চিনেছি মোর প্রিয়জনে,

তা’রি হাসি তা’রি বাঁশী,

সেই করেছে প্রাণ-পাগল !

—করণানিধান বন্দোপাধ্যায়

## চির নবীনতা

বছরের ফুল বাসি হয়ে গেল, চৈত্র-পাপড়ি পড়িল খসি',  
 রিক্ত-শস্য শূন্য ধরণী সন্ধ্যা-হাওয়ায় উঠিল খসি' ;  
 মহাকাল গলে পদ্মবীজের মালা-গুটিকা জপের শেষে  
 মুদ্রিত-আঁখি রুদ্র তাহার পূজাব অর্ঘ্য লভিল ত্রসে । ৪

যে ফুল কুড়ায়ে সাজায়েছি ঘব, যে ফুলে যতনে ভরেছি ডালা,  
 যে ফুল তুলিয়া আপন খেয়ালে মনের মতন গেঁথেছি মালা,—  
 সে ফুল ঝরেছে ; সূত্রটি তাবি গন্ধমাখা যা' ছুলিছে গলে,  
 বাসনার তীরে বাসি' আজি তারি তর্পণ কবি নয়নজলে । ৮

কত সুখসাধ কত অপরাধ কত আশা কত মধুর স্মৃতি  
 ডোরের মাঝারে বন্ধন হয়ে বন্ধে কেবলি বাজিছে নিতি ,  
 যত-না পরশ যত-না গন্ধ যত রূপ যত বর্ণ ফুলে—  
 সবি কি স্পন্দ সকলি কি মোহ—বন্ধনি শুধু সবার মূলে ৭ ১২  
 নয় নয়, ওগো নয় তাহা নয়, বন্ধন যাহা মুক্তি তাই,  
 বৈশাখী বীজে শঙ্কর নিজে ফলায় তাহারই সত্যটাই ।

নূতন গন্ধে ভবে যে ভুবন, নূতন বর্ণে যে ফুল ফুটে,  
 নবীন হরষে প্রাণের পরশে মায়ে ফিরি' তা ভরিয়া উঠে । ১৬  
 পিঙ্গল আঁখি কালবৈশাখী যতই হানুক' ভ্রান্তি ভয়,  
 অতীতের বল—হয় তা সফল তারি মাঝে করি মৃত্যু জয় ;  
 নূতনের ফুল আজি যা মুকুল—উঠে তা ফুটিয়া মেলিয়া দল,  
 অর্ঘ্যের সাজি করে সে আবার লভি বেদনার অশ্রুজল । ২০

## দ্বিধারা

বছরের ফুল বাসি হয় যাহা, মহাকাল গলে লভিয়া ঠাই  
পদমালার গুটিকারই মত আবার ফিরিয়া আসিবে তাই ।  
আশা-নিরাশায় হরষে-বাথায় ফুটে যার লীলা কমল-দলে  
ভাল বা মন্দ, দ্বিধা ও দ্বন্দ্ব অর্পিণু তাঁরি চরণতলে । ২৪  
—যতীন্দ্রমোহন বাগচী

১০৭

## আমার স্বর্গপুরী

ঐ যে গাঁ-টি যাচ্ছে দেখা 'আইরি' ক্ষেতের আড়ে  
প্রান্তটী যার অঁধার-করা সবুজ কেয়াঝাড়ে,  
পূর্বের দিকে আম-কাঠালের বাগান দিয়ে ঘেরা,  
জটলা করে যাহার তলে রাখাল-বালকেরা—

ঐটি আমার গ্রাম—আমার স্বর্গপুরী,

ঐখানেতে হৃদয় আমার গেছে চুরি !

৬

বাঁশ বাগানের পাশটি দিয়ে পাড়ার পথটি বাঁকা,  
পথের ধারে গলাগলি সজ্জনে গাছের শাখা,  
গোরুর গাড়ীর চাকায় পথে শুকায়নাক কাদা,  
কোথাও বা তার বেড়ার পাশে আবর্জনার গাদা ;—

তবু আমার জন্মভূমি স্বর্গপুরী,

বিশ্ব-শোভা ঐখানেতে গেছে চুরি !

১২

যত দেশের যত পাখী ঐ গাঁয়ে কি আছে !

ঝোপে-ঝাড়ে বেড়ায় উড়ে' বাসার কাছে কাছে ;

## আমার স্বর্গপুরী

পথের পাশে গাছেব ডগা লুইয়ে পড়ে গায়ে  
চলতে গেলেই শুকনো পাতা মাড়াই পায়ে-পায়ে ;—

বনে-ভরা এমনি আমার স্বর্গপুরী

তবু আমার চিত্ত সেথায় গেছে চুরি ! ১৮

পদ্মদীঘি কোথায় পা'ব—পদ্ম নাইক মোটে,  
চৈৎ-বোশেখে শুকিয়ে ওঠে, জলটুকু না জোটে !

পানায়-মরা ডোবায় ভরা, সিঙ্কি গাছে ছাওয়া,  
ভাঁট-পিঠিলির জঙ্গলেতে হাঁপিয়ে বেড়ায় হাওয়া—

এমনি আমার স্বর্গছাড়া স্বর্গপুরী,

স্বর্গশোভা তবু সেথায় গেছে চুরি । ২৪

পাঠশালাটিও নাইক গাঁয়ে—নাই কোনো ডাকঘর,  
কোথায় বদ্দি, যদিও কন্মতি নয়ক বড় জ্বর ,

রাজার প্রাসাদ নাইক সেথা, ধনীর দেবালয়,  
সজ্জাহীনের লজ্জা নাইক, দারিদ্র্যে নাই ভয় ;—

স্বষ্টিছাড়া এমনি আমার স্বর্গপুরী

সকল অভাব তবু সেথায় গেছে চুরি ! ৩০

তবু ওঠে কুমোর-পাড়ায় কদমতলার ধারে  
সঙ্কীর্ণনের মধুর-গীতি সঙ্কো অঙ্ককারে ;

সবাই যেন স্বাধীন সুখী, বাধা-বাঁধন-হারা—

আবাদ করে, বিবাদ করে, সুবাদ করে তারা ;

এমনি আমার সাদাসিধে স্বর্গপুরী

তাইত আমার মনটি সেথায় গেছে চুরি ! ৩৬

## ত্রিধারা

শোভা বল', 'স্বাস্থ্য বল'—আছে বা না আছে,  
বুকটি তবু নেচে উঠে এলে গাঁয়ের কাছে,  
ঐ খানেতে সকল শান্তি, আমার সকল সুখ—  
বাপের স্নেহ, মাঘের আদর, ভায়ের হাসিমুখ ;—

তাইত আমার জন্মভূমি স্বর্গপুৰী,

যেথায় আমার হৃদয়খানি গেছে চুরি ।

৪২

—যতীন্দ্রমোহন বাগ্‌চী

১০৮

## মাটি

এই যে মাটি—এই যে মিঠা—এই যে চির চমৎকাব,—  
চরণে লীন, এই যে মলিন—এই যে আধার নিরাধার,—  
এই মাটি গো, এই পৃথিবী—এই যে তৃণ-গুন্মময়,—  
তারার হাতে মাটির ভাঁটা,—তাই ব'লে এ তুচ্ছ নয় । ৬  
মাটি তো নয়—জীবন কাঠি,—কণায় কণায় জীবন তার,—  
মাটির মাঝে প্রাণের খেলা,—মাটিই প্রাণের পারাবার !  
মাটি তো নয়—মায়ামুকুর—এক পিঠে তার লীলার খেল,  
হার একটি দিক্ অন্ধ-অসাড়, রশ্মিঘাতে অনুদ্বেল ! ৮  
মাটিই আবার মরণ-কাঠি, মাটির কোলে উদয়-লয়,  
যে মাটিতে ভাঁড় গড়ে রে তাতেই মানুষ মানুষ হয় !  
মাটির মাঝে যা' আছে গো সূর্যোও তার অধিক নেই,  
তড়িৎ-সূতার লাটাই মাটি, জীবন-ধারার আধার সেই ! ১২

—সত্যেন্দ্রনাথ দত্ত



হায় !

বসন্ত ফুরায় !

মুগ্ধ মঘু মাধবের গান

ফল্গু সম লুপ্ত আজি, মুহাম্মান প্রাণ ।

অশোক নির্মাল্য-শেষ, চম্পা আজি পাণ্ডু হাসি হাসে,  
ক্লান্ত কণ্ঠে কোকিলের যেন মূলমূল্য কুলধ্বনি নিবে নিবে আসে !  
দিবসের হৈম জ্বালা দীপ্ত দিকে দিকে, উজ্জ্বল জাজ্বল-অনিমিত্ত  
নিঃশ্বসিছে নিঃশ্ব হাওয়া, হতাশে মূর্চ্ছিত দশদিক !

রৌদ্র আজি রুদ্ধ ছবি, আকাশ পিঙ্গল,

ফুকারিছে চাতক বিহ্বল,—

খিন্ন পিপাসায় ;

হায় !

১২

হায় !

আনন্দ ধরায়

নাহি আজ আনন্দের লেশ,

চতুর্দিকে ক্রুদ্ধ আঁধি, চারিদিকে ক্লেশ ।

সংবর ও মূর্ত্তি, ওগো একচক্র-রথের ঠাকুর !

অগ্নি-চক্ষু অশ্ব তব মূর্চ্ছি বুকি পড়ে,—তায় সে ছুটাবে কত দূর ?

## ত্রিধাম্বা

সপ্ত, সাগরের বারি সপ্ত অশ্বে তব করিছে শোষণ তৃষ্ণাভরে,

তবু নাহি তৃপ্তি মানে, পিয়ে নদ, নদী, সরোববে ;—

পঙ্কিল পঙ্কলে পিয়ে গোম্পদে ও কৃপে,

পুষ্পে রস—তাও পিয়ে চূপে ।

তৃপ্তি নাহি পায় ।

হায় ।

২৪

হায় !

সাস্ত্রনা কোথায় ?

রৌদ্রের সে রুদ্র আলিঙ্গনে

জগতের ধাত্রী ছায়া আছে উদ্ভা-মনে ;

আশাহত ক্ষুক লোক,—আকাশের পানে শুধু চায়,

ময়ূরের বর্ষ সম ময়ূখের মালা বহ্নিতেজে চৌদিকে বিছায় !

হর্ষাতলে, জলে, স্থলে, স্নিগ্ধ পুষ্পদলে আজ শুধু অগ্নি-কণা করে

হাতে মাথে ধুনী জ্বালি' বসুন্ধরা কৃচ্ছ্র ব্রত করে ;

ওঠে না অনিন্দ্য চরু অমোঘ প্রসাদ,—

দেবতার মূর্ত আশীর্ব্বাদ,—

দীর্ঘ দিন যায়,

হায় ।

৩৬

হায় !

হৃদয় শুকায় !

নাহি বল, নাহিক সম্বল,

অস্তুরে আনন্দ নাই, চক্ষে নাহি জল !

মূক হ'য়ে আছে মন, দীর্ঘশ্বাসে অবসান গান,

বিস্মৃত স্মৃতির স্মাদ হৃদি অমুৎসুক,—ধুক্ ধুক্ করে শুধু প্রাণ ।

কে করিবে অমুযোগ ? দেবতার কোপ ; কোথা বা করিবে অমুযোগ ?

চারিদিকে নিরুৎসাহ, চারিদিকে নিঃস্ব নিরুদ্‌যোগ !

নাহি বাষ্প-বিন্দু নভে,—বরষা সূদূর ,

দক্ষ দেশ তৃষ্ণায় আতুর,

ক্লাস্ত চোখে চায় ;

হায় !

৪৮

—সত্যেন্দ্রনাথ দত্ত

১১০

## ফুল-শির্ষি

গুগ্‌গুলু আর গুলাবের বাস মিলাও ধূপের' ধূমে !

সত্যপীরের প্রচার প্রথমে মোদেরি বঙ্গভূমে ।

পূর্ণিমা রাতি ! পূর্ণ করিয়া দাও গো হৃদয় প্রাণ ;

সত্যপীরের হুকুমে মিলেছে হিন্দু মুসলমান ॥

৪

## ত্রিধারা

পীর পুরাতন,—নূর নারায়ণ,—সত্য সে সনাতন ;  
হিন্দু মুসলমানের মিলনে তিনি প্রসন্ন হ'ন্ ।  
তাঁরি ইশারায় মিলিয়াছি মোরা হৃদয়ে জ্যোৎস্না জ্বালি' ;  
তাঁহারি পূজায় সাজায়ে এনেছি ফুল-শির্গির ডালি । ৮

পুলকের ফেনা সফেদ্ব বাতাসা শুভ্র চামেলি ফুল,—  
হৃদয়ের দান প্রীতির নিদান আলাপের তাম্বুল !  
নিলন-ধর্ম্মী মানুষ আমরা মনে মনে আছে মিল্,  
খুলে দাও খিল, হাঙ্গুক নিখিল দাও খুলে দাও দিল্ ! ১২

হিন্দু-মুসলমানে হ'য়ে গেছে উষ্ণীষ-বিনিময়,  
পাগড়ী-বদল-ভাই—সে আদরে সোদর-অধিক হয় ।  
তুফি-বৈষণবে করে কোলাকুলি আমাদের এই দেশে !  
সত্যদেবের ইঙ্গিতে মেশে বাউলে ও দরবেশে ! ১৬

বাহারে মিলায়ে বসন্ত রাগ, সিন্ধুর সাথে কাফি,—  
এক মার কোলে বসি' কুতূহলে মোরা দৌহে দিন যাপি ।  
মিলন-সাধন করিছে মোদের বিশ্বদেবের আঁখি,  
তাঁর দৃষ্টিতে হ'য়ে গেল ফুল-শির্গিতে মাখামাখি ! ২০

গুগুণ্ডলু জ্বালি' ধূপের ধোঁয়ায় মিলায়ে দাও গো আজি,  
বাণী-মন্দিরে বীণার সঙ্গে সিতার উঠেছে বাজি' !

—সত্যেন্দ্রনাথ দত্ত

## ছিন্ন মুকুল

সব চেয়ে ছোটো পীড়ি খানি

সেই খানি আর কেউ রাখে না পেতে,  
ছোটো খালায় হয় নাকো ভাত বাড়ি,

জল ভরে না ছোটো গেলাসেতে ;  
বাড়ীর মধ্যে সব চেয়ে ছোটো

খাবার বেলায় কেউ ডাকে না তাকে,  
সবচেয়ে যে শেষে এসেছিল

তারি খাওয়া ঘুচেছে সব আগে ।  
সব চেয়ে যে অল্পে ছিল খুসী—

খুসী ছিল ঘেঁষাঘেঁষির ঘরে,  
সেই গেছে হায়, হাওয়ার সঙ্গে মিশে  
দিয়ে গেছে জায়গা খালি ক'রে ;

ছেড়ে গেছে, পুতুল, পুঁতির মালা,  
ছেড়ে গেছে মায়ের কোলের দাবী,  
ভয়-ভরাসে ছিল যে সব চেয়ে

সেই ধুলেছে আঁধার ঘরের চাবী !

সব চেয়ে যে ছোটো কাপড়গুলি

সে গুলি কেউ দেয় না মেলে ছাদে,  
যে শয্যাটি সবার চেয়ে ছোটো

আজকে সেটি শূন্য প'ড়ে কাঁদে ;  
সব চেয়ে যে শেষে এসেছিল

সেই গিয়েছে সবার আগে স'রে  
ছোটো যে জন ছিল রে সব চেয়ে

সেই দিয়েছে সকল শূন্য ক'রে ।

—

—সত্যেন্দ্রনাথ দত্ত

১১২  
দেয়ালি

মঙ্গলকোটে                      বিজয় শেঠের  
সমান ছিল না ধনী,  
কাজি খোন্দকার                      মোল্লা সাহেব  
সবে তার কাছে ঋণী ।  
কত জমিদারী,                      আয়মা মহল                      ৫  
স্বদের দেনায় তার,  
ভিখারী করিয়া                      বড় বড় বাড়ী  
হয়ে গেছে ছারখার ।  
গ্রামের ভিতর                      আলি নওয়াজ  
দয়াশীল জমিদার,                      ১০  
কতই হিন্দু,                      কত মোস্লেম,  
রূপায় পালিত তাঁর ।  
তাঁহার নিমক                      খায়নি যাহারা  
অল্লই ছিল সেখা,  
বিজয়ের কাছে                      তিনিও যে ঋণী                      ১৫  
অন্যের কিবা কথা !  
গ্রামে কাণাকানি,                      শীঘ্রই শেঠ  
নিলামে লইবে কিনে,  
তাঁর জমিদারী,                      আয়মা যে সব  
বন্দক আছে ঋণে ।                      ২০

শুনিয়া একথা                      বিষম ব্যথিত  
 গ্রামের গরিব দুখী,  
 কেবল ক'জন                      আত্মীয় তাঁর  
 হয়েছিল কিছু সুখী ।

আলি নওয়াজ                      নীরবে সহেন                      ২৫  
 মরমের ব্যথা মনে,  
 অশ্রু ট তাঁর                      গভীর বেদনা  
 জানে শুধু এক জনে ।

চাহিয়া পাঠালে                      কত আত্মীয়  
 শুধে লয় ঋণভার,                      ৩০  
 আলি নওয়াজ                      করিবে কি নত  
 উন্নত শির তার ?

সে যে মোখাদিম্                      নহে ত বেতস  
 দুখবেগে হবে নত,  
 দাঁড়িয়ে পুড়িবে                      বড়-আগুনে                      ৩৫  
 ভীম তালতরু মত ।

আলি নওয়াজ                      করিলেন স্থির  
 আল্লা করেন যাহা,  
 ঋণ শোধ দিয়ে                      মদিনা যাবেন  
 কাটায়ে দেশের মায়া ।                      ৪০

## ত্রিধারা

হ'ল যদি হয়                      ফলছায়াহীন  
বিশাল বিটপী হেন,  
পথিকের দয়া                      লইতে এখানে  
দাঁড়ায়ে রহিব কেন ?

\*                      \*                      \*

পুড়িছে পটাকা                      উড়িছে হাউই                      ৪৫

খেলিছে আকাশ-বাজি,

ঘরে ঘরে শত                      জ্বলিতেছে দীপ

হিঁড়র দেয়ালি আজি !

অগ্নে আরোহি'                      নওয়াজ সাহেব

দেখিতে গেলেন ঘটা,                      ৫০

অঁধার হৃদয়ে                      আসিয়া পড়িল

খর আলোকের ছটা ।

ফিরালেন ঘোড়া                      দেখিলেন দূরে

বিজয় দাঁড়ায়ে আছে,

চমকি' উঠিল                      হৃদয় তাঁহার                      ৫৫

কোন কথা বলে পাছে ।

আভূমি আনত                      সেলাম কবিল

আসি' শেঠ তাড়াতাড়ি ।

বলিলেন আলি                      সেলাম শেঠজী,

এই আপনার বাড়ী ?                      ৬০



বিজয় বলিল, “হুজুর, আজিকে  
এসেছেন এই পথে,  
ছাড়িয়া দিব না, আমার গৃহেতে  
পদধূলি হবে দিতে।”

বুঝিলেন আলি, ঋণের কথাই ৬৫  
গোপনে বলিতে একা,  
চতুর বিজয় গৃহে লয়ে যাবে,  
করিতে এসেছে দেখা।

যা হ'ক নামিয়া বিজয়ের সাথে ৭০  
গেলেন ভবনে তাঁর,  
কি জানি কি বলে— এই ভাবি' যদি  
কাঁপিল যে কতবার।

সজ্জিত গৃহে চারু কেদারায় ৭৫  
বসায়ৈ তাঁহারে হেসে,  
বিনয়ের সাথে বিজয় বসিল  
জানু পাতি' ভূমে এসে।

যুগ্ম নওয়ারাজ হেরিয়া বিনয়  
দেখেন আলোকরাজি,  
মাগেন বিদায়, শেষ হ'ল যবে  
পোড়ানো আতসবাজি। ৮০

## ত্রিধারা

বিজয় বলিল,                      দেখিলেন বাহা  
এ সব তবু ত ফাঁকি,  
মোর হাতে গড়া                      রিঙ্‌বাতি আলো  
দেখাতে রয়েছে বাকি ।

এত বলি' ধীরে                      বাক্স তইতে                      ৮৫  
গুটানো কাগজখানি,  
প্রদীপে ধরিয়া                      পোড়াতে পোড়াতে  
স্বমুখে ধরিল আনি ।

কি কর, কি কর-!                      বাতি নয়, ও-ষে  
আমারি সে তমসুক !                      ৯০

জানি আমি তাহা,                      বলিল বিজয়  
পুলক-মাখানো মুখ ।

আপনার স্নেহে                      জনক পালিত  
শুনিয়াছি বহু দিন,

শুভ আগমনে                      করিলাম তাই                      ৯৫  
এই রোশ্‌নাই ক্ষীণ ।

আজিকে আমার                      সুখের দেয়ালি  
বিজয় বলিল হাসি',

আলি নওয়াজের                      বিশাল নয়ন  
শুধু জলে গেল ভাসি' ।                      ১০০

—কুমুদরঞ্জন মল্লিক

## পল্লীরাগী

জড়ানো শ্যাম শ্যাম-লতাতে নদীতীরের গুল্মগুলি  
স্বচ্ছ তরল মুকুর পানে হর্ষে চেয়ে উঠছে ছুলি' ;  
ওই যেথা ওই শশক চরে শঙ্কাবিহীন হৃষ্ট মনে,  
মিশ্ছে নদীর কলধ্বনি মোমাছিদের গুঞ্জরণে ;

ঝরা পাতার আসন পাতা, গাছটি ভরা মল্লিকাতে,  
আস্ছে ভেসে ফুলের পরাগ শীতল শীকর-সিক্ত-বাতে,  
প্রকৃতির ওই নশ্ব-গৃহে, শোভার প্রমোদ-ভবন-মাঝে,  
মোদের রাণীর মৌন মুখর মধুর বীণা নিত্য বাজে ।

ওই যে বিশাল হর্ষা ভাঙা, জঙ্গলেতে পূর্ণ বাড়ী,  
চঞ্চলা তাঁর পেচক রাখি' অনেক দিবস গেছেন ছাড়ি' ;  
পড়্ছে ঝরি' চূণাবালি সব, জীর্ণ কবাট বন্ধ থাকে,  
ভগ্ন পূজার আঙ্গিনাতে দিন দুপুরেই শৃগাল ডাকে ;

রুগ্ণ বালক-পৌত্র ল'য়ে হোথায় থাকে একলা বুড়ী,  
করবীর ওই ক্ষীণ শাখাতে একটি হের ফুলের কুঁড়ি ;  
অতীত সুখের পাষণ-লিপি ধরার মাঝে বড়ই দীনা,  
ওই বাড়ীতে মোদের রাণীর বাজে করুণ মধুর বীণা !

## ত্রিধারা

শশ্যশ্যামল মাঠের মাঝে ওই দেখ ওই অশথ-ছায়ে  
গল্পীবাসীর ভক্ত রাখাল কতই গীতি নিত্য গাহে,—  
কোন্ যুগে কোন্ অতীত দিনে মাঠে গেল ফসল মারা,  
পঙ্গপালে শশ্য-সকল ক'রেই গেল ছন্নছাড়া ! ২৫

কোন্ যুগে কোন্ জমিদারের মারা গেছে তনয় বুঝি,  
রাখালগণের কণ্ঠগীতি আজো তারে বেড়ায় খুঁজি' !  
অতীত দিনের ক্ষুদ্র কথা, দুঃখ সুখ ও কান্না হাসি,  
মোদের রাণীর মৌন মুখের বীণার স্বরে উঠছে ভাসি' ! ২৪

ঠেলে রেখে কাজের বোঝা, বন্ধ ক'রে বইর পাতা  
মায়ের বিজন মন্দিরেতে এসো, তোমায় ডাকছি ভ্রাতা !  
আজকে শ্যামল মাঠ যে আলো বেগুনী ওই মসনে ফুলে,  
মেঠো ঝিঙার সতেজ লতা পড়ছে বুলে নদীর কূলে ; ২৮

বেগুন-ক্ষেতের কুটার হ'তে মিঠা মেঠো আসছে গীতি,  
নূতন আমের মঞ্জরীতে আনছে টেনে সুদূর স্মৃতি !  
পল্লীরানীর শান্ত গৃহে পল্লীরানীর স্নিগ্ধ ছবি  
দেখতে সবায় ডাকছি আমি—এস ভাবুক—ভক্ত—কবি ! ৩২

—কুমুদবর্জন মল্লিক

## স্নেহের দাগ

|                                                                                                        |    |
|--------------------------------------------------------------------------------------------------------|----|
| ঘুরে ঘুরে বুড়ী জীর্ণ শীর্ণ<br>ভিক্ষা করিয়া খায় ;                                                    | ৪  |
| ‘রাজেশ্বরী’ এ অদ্ভুত নাম<br>কে দিয়াছে তারে হায় !                                                     | ৪  |
| খণ্ড কুজ্জ অতি কুৎসিত<br>বয়স ষাটের পার,<br>বুঝিতে পারিনে মদন নামটি<br>রাখিল কেমনে তার !               | ৮  |
| সুখের মূর্তি দেখেছিল কিনা<br>জানার উপায় নাই,<br>“সুখলাল” নাম বাগদীর-ঘরে<br>কে রেখেছে তার ভাই ।        | ১২ |
| সদাই দুঃখ অতি জরাতুরা—<br>ছাড়ে না যাহারে ব্যাধি,<br>তাহার নামটি রাখিয়া গিয়াছে—<br>কোন্ জন আহ্লাদী ? | ১৬ |
| নামের সহিত চেহারা মিলায়ে<br>বসে বসে ভাবি আমি,<br>চক্ষু ছাপায়ে দর দর ধারে<br>বারি-ধারা করে নামি ।     |    |

## ত্রিধারা

- জনক জননী স্বজনের স্নেহে  
শত আদরের কথা ;  
স্মরাইয়া দেয়, বুকেতে আমার—  
জাগায়ে দাক্ষণ ব্যথা । ২৪
- ভান্সা নৌকার সিঁদূরের দাগে  
হেরি উৎসব তার,  
বুড়া বকুলের জীর্ণ বেদিতে  
পুলক প্রতিষ্ঠার । ২৮
- মোছা এলুনের লক্ষ্মীর পাঁজে  
কমলায় খুঁজি বৃথা  
ভগ্ন প্রদীপ স্মরায় আমরা—  
রজনী দীপাশ্রিতা । ৩২
- নামের খেয়াল স্মরি' অনুক্ষণ  
কভু কাঁদি কভু হাসি,  
অস্বাভাবের বেদনা ভুলায়  
অন্ন প্রশ্ন আসি । ৩৬
- দৈন্তের মাঝে নয়নের জলে  
গৌরব হেরি নিতি,  
'পুরীর' শুষ্ক 'কেয়ার' ঠোড়ায়—  
রথ-যাত্রাব স্মৃতি । ৪০
- কুমুদরঞ্জন যন্ত্রিক

## আশা

বল, বল, বল সবে, শত বীণা-রেণু-রবে  
ভারত আবার জগৎ-সভায় শ্রেষ্ঠ আসন লবে ।

ধর্ম্মে মহান্ হবে, কর্ম্মে মহান্ হবে,  
নব দিনমণি উদিকে আবার পুরাতন এ পূর্বে !

আজও গিরিরাজ রয়েছে প্রহরী,

৫

ঘিরি' তিন দিক্ নাচিছে লহরী,

যায় নি শুকায়ে গঙ্গা গোদাবরী,

এখনো অমৃতবাহিনী ।

প্রতি প্রাস্তর, প্রতি গুহা-বন,

প্রতি জনপদ, তীর্থ অগণন,

১০

কহিছে গৌরব কাহিনী ।

বিদূষী মৈত্রী, খনা, লীলাবতী,

সতী, সাবিত্রী, সীতা অরুন্ধতী,

বহু বীরবাল্য বীরেন্দ্র-প্রসূতি,

—আমরা তাঁদেরি সন্ততি ।

১৫

অনলে দহিয়া রাখে যারা মান,

পতি-পুত্র তরে স্মখে ত্যজে প্রাণ

আমরা তাদেরই সন্ততি ।

ভোলেনি ভারত ভোলেনি সে কথা ;

অহিংসার বাণী উঠেছিল হেথা ;

২০

## ত্রিধারা।

নানক নিমাই করেছিল ভাই,

সকল ভারত-নন্দনে,

ভুলি ধর্ম, ঘৃণ, জাতি-অভিমান,

ত্রিশ কোটি দেহ হবে এক প্রাণ ;

এক জাতি প্রেম-বন্ধনে ।

২৫

বল, বল, বল সবে, শত বীণা বেণু-রবে

ভারত আবার জগৎ-সভায় শ্রেষ্ঠ আসন লবে ।

ধর্মো মহান্ হবে, কর্মো মহান্ হবে,

নব দিনমণি উদিকে আবার পুরাতন এ পবনে ।

২৬

—অতুলপ্রসাদ সেন

১১৬

## ভারত-ভানু

ভারত-ভানু কোথা লুকালে ?

পুনঃ উদিকে কবে পূর্ব-ভালে ?

হা রে বিধাতা ! সে দেব-কান্তি

কালের গর্ভে কেন ডুবালে ?

আছে অঘোষা—কোথা সে রাঘব !

৫



আছে কুরুক্ষেত্র—কোথা সে পাণ্ডব !

আছে নৈরঞ্জনা—কোথা সে মুক্তি !

আছে নবদ্বীপ—কোথা সে ভক্তি !

আছে তপোবন—কোথা সে তপোধন !

কোথা সে কালা কালিন্দী-কূলে ! ১০

পুরুষ অবরুদ্ধ আপন দেশে ;

নারী অবরুদ্ধ নিজ নিবাসে ;

কোথা সে বীরেন্দ্র শূর দানবারি ;

কোথা সে বিদুম্বী তাপসী নারী ;

সিংহের দেশে বিচরিছে শিবা, ১৫

বীরা-বিড়ম্বিত খল কোলাহলে ।

নানক, গৌরান্দ্র শাক্যের জাতি,

নাহিক সাম্য, ভেদে আত্মঘাতী ;

ধর্মের বেশে বিহরে অধর্মী ।

কোথা সে ত্যাগী, প্রেমী ও কর্মী ? ২০

কোথা সে জাতি যাহারে বিশ্ব

পূজিত কালের প্রভাত-কালে ?

—অতুলপ্রসাদ সেন

## চাষীর দুঃখ

বাজার পাইক বেগার ধ'রেছে,

ক্ষেতে যাওয়া বন্ধ হল আজ ;  
পরের কাজে কাটবে সারাদিন,

রৈল প'ড়ে ঘরের যত কাজ ।

আষাঢ় মাসে চাষের ক্ষেতে,

খাটছে সবে দিনে ও রোতে,

শেষ জোয়ে'তে 'রুই'ব বলে

বেরিয়েছিলাম আজ—

হঠাৎ প'ল রাজার বাড়ী কাজ ।

৯

লোকের ক্ষেতে নুতন চারাগুলি

সবুজ—ষেন টিয়ে পাখীর পাখা ;

পাটের ডগা লকলকিয়ে উঠে,

মাকের গাঁয়ের বাজার দিল ঢাকা ।

গাঙের জল বানের টানে

আসল খেয়ে গ্রামের পানে,

পল্লীপথ গরুর খুরে

হ'ল যে কাদামাথা ;

শশুভারে পড়ল চড়া ঢাকা ।

১০

উপর-বরণ দারুণ এ বাদলে

‘জীর্ণ আমার কুটীর ভাসে জলে ;  
মোড়লের বি ভাবছে অধোমুখে,  
ছেঁড়া কাঁথায় কাঁদছে দু’টি ছেলে ।  
‘শ্যামলা’ আমার দুঃখ বুঝে  
উঠান কোণে দাঁড়িয়ে ভেজে,  
দেনার দায়ে দাদাঠাকুর—

গোয়াল ভেঙ্গে নিলে ।

সামলে নিতাম আজকে রু’তে পেলে ।

২৭

জীর্ণ চালে হ’ল নাকো দেওয়া

কোথাও দুটি পচা খড়ের গুঁজি ;—

রাজার কাজে বেগার দিতে লোক

মিল্ল না কি পল্লীখানি খুঁজি !

সারা সনেব অন্ন ছাড়ি’

যেতে হবে রাজার বাড়ী,

স্বর্ণচূড়ার বর্ণ সেথা

মলিন হ’ল বুঝি !

মিল্ল না এই গরীব ছাড়া পুঁজি ।

৩৬

—যতীন্দ্রনাথ সেনগুপ্ত

## ১১৮ হাট

- দূরে দূরে গ্রাম দশবারো খানি,  
মাঝে একখানি হাট ;  
সন্ধ্যায় সেথা জ্বলে না প্রদীপ,  
প্রভাতে পড়ে না কাঁট । ৫
- বেচা-কেনা সেরে বিকাল বেলায়  
যে যাহার সবে ঘরে ফিরে যায় ;  
বকের পাখায় আলোক লুকায়  
ছড়িয়ে পূবের মাঠ ; ৮
- দূরে দূরে গ্রামে জ্বলে ওঠে দীপ—  
আঁধারেতে থাকে হাট ।  
নিশা নামে দূরে শ্রেণীহারা একা  
ক্লান্ত কাকের পাখে ; ১২
- নদীর বাতাস ছাড়ে প্রশ্বাস  
পার্শ্বে পাকুড় শাখে ।  
হাটের দো-চালা মুদিল নয়ান,  
কারো তরে তার নাই আহ্বান ; ১৬
- বাজে বায়ু আসি' বিজ্রপ-বাঁশি  
জীর্ণ বাঁশের ফাঁকে ;  
নির্জল হাটে রাত্রি নামিল  
একক কাকের ডাকে । ২০

দিবসেতে সেথা কত কোলাহল

চেনা-অচেনার ভিড়ে ;

কত না ছিন্ন চরণ-চিহ্ন

ছড়ানো সে ঠাই ঘিবে' ।

২৪

মাল চেনাচিনি, দর জানাজানি,

কাণাকড়ি নিয়ে কত টানাটানি ;

হানাহানি ক'রে কেউ নিল ভ'বে

কেউ গেল খালি ফিরে ।

২৮

দিবসে থাকেনা কথার অন্ত

চেনা-অচেনার ভিড়ে ।

কত কে আসিল, কত বা আসিছে,

কত না আসিবে হেথা ;

৩২

ওপারের লোক নামালে পসরা

ছুটে এ পাবের ক্রেতা ।

শিশির-বিমল প্রভাতের ফল,

শত হাতে সহি' পবথের চল—

৩৬

বিকাল বেলায় বিকায় হেলায়

সহিয়া নীবব ব্যথা ।

হিসাব নাহি রে— এল আর গেল

কত ক্রেতা-বিক্রেতা ।

৪০

নূতন করিয়া বসা আর ভাঙা

পুরানো হাটের মেলা ;

## ত্রিধারা

দিবস রাত্রি নূতন যাত্রা  
নিত্য নাটের খেলা ।  
খোলা আছে হাট মুক্ত বাতাসে  
বাধা নাই ওগো—যে যায় যে আসে,  
কেহ কাঁদে, কেহ গাঁটে কড়ি বাঁধে  
ঘরে ফিরিবার বেলা ।  
উদার আকাশে মুক্ত বাতাসে  
চিরকাল একই খেলা ।

—যতীন্দ্রনাথ সেনগুপ্ত

১১৯

## বঙ্গলক্ষ্মী

ইতিহাসে খুঁজি তোমা, স্বপ্ন-সুধমায়  
গ'ড়ে তুলি অপরূপ মোহিনী মূৰ্তি—  
মনোময়ী প্রতিমাব করি যে আরতি  
বসে, বর্ষে, কোজাগর লক্ষ্মী-পূর্ণিমায ।  
জ্যোৎস্না-রাতে পদচিহ্ন রাখিলে কোথায়—  
খুঁজিয়াছি তরী বেয়ে সারা ভাগীরথী,  
হেরি শুধু ভাঙা-ঘাট বিজন বসতি—  
প্রয়াণের পথ-বেথা নদী-সিকতায় !

গেছে কপ, ছায়া তবু ভাসে যেন চোখে ;  
 হেমস্তের মায়ামৃগ—স্বর্ণ-মবীচিকা—  
 ধায় আজো শশ্য-শীষে , চম্পকে অশোকে  
 বসন্ত বিদায় মাগে ; আজো মালবিকা  
 চেয়ে থাকে অনিমিত্ত নব মেঘালোকে—  
 কবির অমব শ্লোকে লভে জয়টীকা ।  
 উপবাসী চাষী কাঁদে শূন্য আঙিনায়,  
 শরতের পীত-রৌদ্রে দাঘ জ্বব-জ্বালা ।  
 কে গাঁথিবে তকমূলে শফালিব মালা—  
 অর্চিবে কমল তুলি' কমলাসনায ?  
 তুমি লক্ষ্মী ছিলে কবে ? আড় কল্পনায ,  
 নাই কাঁপি, আছে শুধু নৈবেদ্যের থালা,  
 নিতাপূজা-অভিনয়ে —বৃথা দেয নানা  
 গৃহদ্বারে আলিপনা প্রতি পূর্ণিমায ।  
 ছিলে যবে হে জননী সারা দেশ ভবি'  
 তখন করেছি পূজা গৃহদেবী-কপে ,  
 আজ তুমি গৃহে নাই, তাই চুপে চুপে  
 সমগ্র দেশের কপে মূর্ত্তিখানি গডি ।  
 লক্ষ্মীরে চাহি না বটে দীপে আর পূপে—  
 বঙ্গলক্ষ্মী । সেও যে বে ছায়া ধরাধরি ।

২২

২৮

—মোহিতলাল মজুমদার

## রবীন্দ্র-বরণ

যে সুরে সাধিল গীত একদা সে অজয়ের কুলে,  
 আঙিনায় একা বসি', হেরি' মেঘে মেঘুর অম্বর,  
 যে রস অমৃত-বিষে মুরছিয়া মরমের মূলে  
 দ্বিজ-কবি করেছিল এ জাতিরে গানে জাতিস্বর—  
 সেই রসে, সেই সুরে, এতকাল পরে তুমি, কবি, ৫  
 মুক্তবেণী মুক্ত করি' বহাইলে হৃদয়-জাহ্নবী  
 বাঙালার : এই জল, এই মাটি, এই চায়ালোক,  
 গুঞ্জরিল স্নন্দরের স্বপ্নময় স্নেহের কাহিনী !  
 এ জীবনে এত শোভা ! নহে শুধু শ্মশান-বাহিনী—  
 এ নদীর উভ-কূলে বারাগসী—ভুলোকে ছালোক ! ১০  
 মোদের কুটীর-দ্বারে দাঁড়াইয়া দেখেছি তাহারে—  
 গ্রামান্তের বনরেখা-অন্তরালে, সায়াহ্ন-ধূসর  
 সীমন্ত-গুণ্ঠনবাসে ঢাকি' আঁখি, তিত্তি' অশ্রুধারে,  
 খুঁজিয়া যে লয় নিতি বিস্মৃতির তিমির-বাসর ।  
 তুমি তারে ফিরাইলে অন্ত হ'তে উদয়ের পানে— ১৫  
 সে মুখে পড়িল আলো, তব গীত-অভিষেক-স্থানে  
 মোহভঙ্গে দাঁড়াইল দেশ-লক্ষ্মী রাজরাজেশ্বরী !  
 স্তম্ভক-মণি গিরে, অঙ্গে বাস হরিত-হিরণ,  
 বাণীর মঞ্জীর-বাঁধা দুইখানি রাতুল চরণ,  
 ধরি' আছে বক্ষে তবু করপক্ষে নীবার-মঞ্জরী ! ২০



সেই রূপখ্যান-শেষে করি আমি তোমাতে বরণ,  
 হে বরণ্য বঙ্গ-কবি, জাতি-দেশ-ভাবার দিশারী !  
 আজ তুমি বিশ্ব-কবি—সেই গর্ব জানি অকারণ,  
 যা' দিয়েছ বিশ্বে তুমি, আমি তার নহি যে তিথারী ।  
 নিখিলের নীলাকাশে আছে শুধু মহা মরুপথ, ২৫  
 নাই সেথা স্নেহ-শ্যাম ছায়া-তরু, নীড়ের জগৎ ।  
 রচিয়াছ যেই নীড় স্তনিবিড় হর্ষে শিহরিয়।—  
 ভুঞ্জিয়াছি শুধু মোরা যে নবায় অমৃত-সমান,  
 যে আনন্দ-অধিকাবে বিদেশীর বৃথা অভিমান—  
 তারি গর্বেই সমর্পিমু এই অর্থা অঞ্জলি ভরিয়া । ৩০

—মোহিতলাল মজুমদার

১২১

## বেলা যায়

একদা পল্লীতে কোন রক্তকের ঘরে  
 ডাকিছে বালিকা এক সোঠাগের স্বরে,  
 নিদ্রিত পিতারে, 'ওঠ বাবা, বেলা যায় !'  
 অস্তুমান সাক্ষা নূর্য্য অস্তুর্জিত প্রায় ।  
 বালিকার কম্পকণ্ঠে চঞ্চল পবনে ৫  
 সঞ্চারিল স্তব্ধভায়, শিবিকারোহণে  
 অদূরে গৃহের পথে ফিরেছেন যথা

২১১

## ত্রিধারা

লালাবাবু কন্ম্বুল হ'তে, দু'টি কথা  
চলে গেল সেখা ।

নিম্বুক শিবিকা হ'তে

১০

'থামাও থামাও'—প্রোট বলে মধ্য-পথে,—

'ও বেলা যায় ।' বিস্মিত বাহকগণ

রাখিল শিবিকা । লালা কল্পিত-চরণ,

দাঁড়াইয়া জীবনের প্রশান্ত সন্ধ্যায়

আপনাবে উঠিলা ডাকিয়া,—'বেলা যায়' ।

১৫

বহুমুলা বেশ-বাস ফেলিলেন ধুলে,

ভৃত্যগণে দিলেন বিদায় । বক্ষে 'পুলে'

লইলেন জীবনের কু আটিকা হ'তে

প্রজ্ঞাব আলোক ।

অ দোসর, বিশ্বস্রোতে

২০

ঝাপায়ে পড়িল বেগে । ফলে শু শশন

ছলছল নেকপ্রান্তে , কি জানি দাতন

অনুতপ্ত উচ্চ হৃদয়েব । উড়ে চাতি'

নিঃশাসিলা । কোথা হ'তে উঠিলা কে গাতি'

সেই দুটি কথা—'বেলা যায় ।' 'বেলা যায় ।'

২৫

বিশাল অনন্ত ধ্রুবি' গন্তীব সন্ধ্যায় ।

সাবধানী তিরস্কার, মঙ্গল-শাসন

স্নেহ-বোষে ইঞ্জিতে কি জানাল গগন ?

তু তু করি' সাক্ষ্য বাধু ফেলিয়া নিঃশাস

নেমে এল শূন্য হ'তে ; ত্যজি' দিবা বাস, ৩০  
 মহাবেগে ব্যোমচর ধাইছে অম্বরে,  
 অকিঞ্চন রশ্মিলেশ কম্পিত অম্বরে  
 যাইতেছে হারাইয়া !

কোথা গেল রবি

দিগন্তের প্রান্তে নেমে' ? মুছে' গেছে ছবি ৩৫  
 দীপ্ত দিবসের ! ফিরে' আসে গাভীগুলি  
 অর্দ্ধভুক্ত তৃণ ফেলি' ; হেরিয়া গোধূলি  
 কস্ম্যবাস্তু কমাণেরা লইল বিদায়  
 ধান্যপূর্ণ ক্ষেত্র-পাশে রুদ্ধ বেদনায় !  
 হেরিলা অদূরে প্রৌঢ়, চারিদিক ভরা ৪০  
 কেবল বিদায়যাত্রা, মুক্ত, মায়াহারা  
 ভাগেঃ ঘোষণা !

ছুটিলা তৃষিত মনে,

কার ছদ্ম করুণার শুভ আকর্ষণে !  
 লক্ষ কোটি নভ-অঁখি সাক্ষী হ'ল তা'র, ৪৫  
 নীরবে দেখাল পথ নাশি' অন্ধকার !  
 পুরাতন, পরিচিত, বহু-উচ্চারিত  
 'বেলা যায়'—এই দুটি কথা রোমাঞ্চিত  
 অম্বরের অম্বঃকর্ণে লাগিলা শুনিতে  
 সম্মোহন কণ্ঠে কণ্ঠে ধ্বনিত নিশিতে ! ৫০

—প্রবন্ধনাথ রায় চৌধুরী

## লালাবাবুর দীক্ষা

সিত মস্মরে খচি'                      বিরাট দেউল রচি'

অর্ন্ত আতুর তরে খুলি দানসত্র,

গড়িয়া অনাথশালা,                      সার করি কোলামালা,

ভক্তগণের নামে লিখি দান-পত্র,

লালাবাবু বৈরাগী,—                      গুরুকরণের লাগি,

সারা পথ ভরি ভেট-উপহারপুঞ্জ,

বাবাজী কৃষ্ণদাস                      যেখানে করেন বাস

একদা এলেন সেই নির্ভৃত্ত-নিকুঞ্জে ।

সাধুমুখে নাম গান                      শুনিয়া জুড়াল প্রাণ

বাজিয়া উঠিল তাঁর হৃদয়ের যন্ত্র,

সাধুর চরণে ধরি'                      ক'ন লালা, "কৃপা করি

এ অধমে দি'ন তরী,—তরণের মন্ত্র ।"

১২

সাধু ক'ন স্নেহভরে                      "এবে ফিরে যাও ঘরে,

এখনো আসেনি তব দীক্ষার লগ্ন,

নিজে যাবো, এলে দিন                      রবোনাক উদাসীন ।"

এত কহি আঁখি মুদি পুন জপে মগ্ন ।

লালাবাবু যা'ন ফিরে                      বুক ভাসে আঁখিনীরে,

ভেট দক্ষিণা সাথে ধিকারে ক্ষুণ্ণ,

ভাবেন, "হায় রে কবে                      যশইকিনেছি ভবে,

পারের কড়ির খলি একেবারে শূন্য ?

## লালাবাবুর দীক্ষা

পুণ্যের আহরণে                      এখনো মনের কোণে,  
ছায়ারূপে বিরাজিছে অভিমান দম্ব,  
ছাড়িয়া বিষয়-মায়ী                      সে বুঝি ধরেছে কায়া,  
বাহিবে তাহার কপ,—মঠ, বেদী, স্তম্ভ ।                      ২৪

এই ভাবি সব ছাড়ি                      মন্দির মঠ বাড়ী,  
চলিলেন লালাবাবু ফুলি লয়ে স্কন্ধে,  
পথে পথে ব্রহ্মধামে                      জয় শ্যাম রাধা নামে,  
মাধুকরী কবি সদা যিরেন আনন্দে ।  
ব্রহ্মবাসিগণ তায়                      সবে পিছু পিছু ধায়,  
লাগপতি ভিখ মাগে 'বলি বাধাক্ষয়',  
দীন ভিক্ষুক যারা                      দুই পাশে বেদে সারা,  
দু'ধারে ভবনগুলি চাতিছে স্তম্ভ ।  
ভাণ্ডার খালি ক'বে                      জানে থালী ডালি ভ'রে  
দিতে রাজভিখারীরে,— - ছুটে সবে ব্রহ্ম,  
ভিখারী লয় না কিছু                      বদন করিয়া নীচ,—  
মুষ্টি ভিক্ষা তরে পাতে এক হস্ত ।                      ৩৬

মাস-ছয় গেল চ'লে                      গুরুর চরণ তলে  
জানালেন লালাবাবু পুন সঙ্কল্প,  
হেসে তারে গুরু ক'ন,                      "দেবী নাই, স্তম্ভগন  
নিকটে এসেছে বাছা,—বাকী আছে অল্প ।"  
সারা পথ আঁখি-জলে                      তিতাইয়া মালা চলে,  
নয়নে নাহিক নিদ—রুচে না ক' অল্প,

## ত্রিধারা

শেঠেদের বাড়ীটার পাশ দিয়ে যেতে তাঁর  
জাগিল সহসা চিতে নব-চৈতন্য । ৪৪

সহসা ভাবেন খামি, “কি ধন পেলাম আমি,  
কে করিল করাঘাত হৃদয়-মৃদঙ্গে ?

এই শেঠেদের বাড়ী, বেশারেশি আড়া আড়ি,  
চলিয়াছে কতদিন—ইহাদের সঙ্গে,  
ব্রত দান খয়রাতে কতই এদের সাথে,  
প্রতিযোগিতায় আমি ছিনু রজ্জোদৃপ্ত,  
পণ্যা-পণ্যা তরে দর-ডাকাডাকি ক’রে,  
যশ-পিপাসারে মোর করিয়াছি তৃপ্ত ।

মনের কুত্তর মাঝে আজো অভিমান রাজে,  
ভায়, ভায়, অধমের হলো না ক’ শিক্ষা,  
এ ব্রজের দ্বার-দ্বার :গেছি আমি বারবার,  
পারি নাই এ দুয়ারে মাগিবারে ভিক্ষা ।” ৪৬

এত ভারি একেবারে শেঠের তোরণ-দ্বারে,  
হাঁকিলেন লালাবাবু, “রাধে গোবিন্দ ।”

শেঠেদের ঘরে ঘরে সে ধ্বনির সাড়া পড়ে,  
ছুটে আসে পরিচর-পরিজনবৃন্দ ।

কাঁদিল প্রহরী দ্বারী,— কেঁদে উঠে ভাগুরী,—  
দেওয়ান কাঁদিয়া চুমে পদধূলিপঙ্কে,  
শেঠজী ছুটিয়া আসে বাঁধে তাঁরে বাহুপাশে,  
নারীরা ফুঁপায়ে কাঁদে ফুকানিয়া শাখে !



## প্রকৃত লক্ষণ

মুখ হাসে যাহে, হাসেনাক' চোখ, তার নাম নয় হাসি  
 বুক না কাঁদিলে হয় কি কান্না, চোখে শুধু জলরাশি ?  
 কণ্ঠ গাহিলে হয় নাক গান, নাহি গায় যদি প্রাণ,  
 আত্মা না দিলে শুধু হাতে-করে-দেওয়ারে কে বলে দান ? ৬

—কালিদাস রায় ( কবিশেখর )

## বৈশ্বানর

বিশ্বনবের আত্মস্বরূপ নমি তোমা দেব হব্যবহ,  
 সপ্তরসনা-অঞ্জলিপুটে মম বাহ্য অঘ্য লহ ।  
 হে গৃঢ় চেতনা, হও আজি মম ধোয়ান-নেত্রে পরিস্ফুট,  
 মর্শ্বকোষের বাঁধন দহিয়া জীবনে আমার জ্বলিয়া উঠ । ৪  
 মকতে জ্বলিছ মৃগভৃষণ্য মেরুতে জ্বলিছ অবোরা-কপে,  
 জাগিছ ধরাব জ্বায়ুর মাঝে জ্বলিতেছ জ্বালামুখীর কূপে ।  
 জ্বলিতেছ তুমি সমরকুণ্ডে রুধির-মজ্জা-সর্পি লভি,  
 জ্বলিতেছ তুমি সাক্ষ্য চিতায় পশ্চিমমেঘে পিঙ্গলবি । ৮  
 হিংসায় প্রতিহিংসায় তব লক-লক শিখা নিয়ত যুঝে,  
 কোপ-ঘূর্ণিত রক্তলোচনে ধ্বক্ ধ্বক্ জ্বলি অাহতি খুঁ  
 পাপীর পরাণে অনুশোচনার তুষানলে জ্বলি দগ্ধ কর,  
 বিরহকুণ্ডে ধিকি ধিকি জ্বলি প্রেম-কনকের শ্যামিকা হর' । ১২



মম শীতজড় হৃদিশিলাতলে কত দিন আর হবে গো বল ?  
 এ চিত্ত-অরণি অরণ্য মাঝে হিরণ্যরেতা জ্বল গো জ্বল' ।  
 ব্যথীর পাঁজর-সমিধে জ্বলিয়া জীবনযজ্ঞে বিতর শুভ,  
 ঋষির বচনে যোগীর নয়নে হে অনল, তব আসন ধ্রুঘ । ১৬  
 জ্বালাও তাতাও মাতাও আমায় কব দেব মোরে অর্চিময়,  
 মম অবসাদ দৈন্য জড়তা কুণ্ঠা লজ্জা করিয়া ক্ষয় ।  
 নিষ্ঠাক কর নিশ্চল কর হে পাবক মোরে শুদ্ধ করি,  
 চিত্তা ছেলে রেখে সম্মুখে যেন জীবন-সমরে যুদ্ধ করি । ২০  
 জীর্ণ দেহটি দগ্ধ করিয়া মুক্তি আমায় দিবে গো যবে  
 আপনার-দেহ ভস্ম মাখিয়া আত্মা আমার বিবাগী হবে ।  
 তাহাবেও যদি কব গো দাহন হে দহন মোর শুভের লাগি  
 নির্বাণ তরে হে চিব-বুদ্ধ তবে আমি তব শরণ মাগি । ২৪

—কালিদাস রায় ( কবিশেখর )

১২৩

## কেয়ামত রাত্রি

যাত্রীরা রাত্তিরে হ'তে এল খেয়া পার ;  
 বজ্রেরি তুর্য্যে এ গর্জ্জছে কে আবার ?  
 প্রলয়েরি আহ্বান ধ্বনিল কে বিষাগে !  
 বাধা ও ঘন দেয়া স্বনিল রে ঈশানে !

৪

## ত্রিধারা

নাচে পাপ-সিন্ধুতে তুঙ্গ তরঙ্গ,  
মৃত্যুর মহানিশা রুদ্র উলঙ্গ !  
নিঃশেষে নিশাচর গ্রাসে মহাবিশ্বে,  
ত্রাসে কাঁপে তরণীর পাপী যত নিঃশ্বে ।

তমসাবৃত্তা ঘোরা 'কেয়ামত' রাত্রি,  
খেয়া-পারে আশা নাই ডুবিল রে যাত্রী !  
দমকি দমকি দেয়া হাঁকে কাঁপে দামিনী,  
শিঙ্গার ছুঁকারে খরখর যামিনী !

লজ্জি এ সিন্ধুরে প্রলয়ের নৃত্যে  
ওগো কার তরী ধায় নির্ভীক চিত্তে,  
অবহেলি' জলধির ভৈরব গর্জ্জন  
প্রলয়ের ডঙ্কার ওঙ্কার তর্জ্জন !

পুণ্য-পথের এ যে যাত্রীরা নিষ্পাপ,  
ধর্মের বর্ষে সু-রক্ষিত দিল্-সাক্ষি ।  
নহে এরা শঙ্কিত বজ্র-নিপাতে-ও  
কাণ্ডারী আহ্মদ তরী ভরা পাথেয় !

আবুবকর উস্মান উমর আলী হায়দর  
দাঁড়ী যে এ তরণীর, নাই ওরে নাই ডর !  
কাণ্ডারী এ তরীর পাকা মাঝি মালাঁ,  
দাঁড়ি-মুখে সারি-গান—“লা শরীক আল্লাহ্” !

## বাদল দিনে

‘শাফায়ত্’-পাল-বাঁধা তরণীর মাস্তুল,  
‘জাম্নাত্’ হ’তে ফেলে ছরী রাশ্ রাশ্ ফুল !  
শিরে নত স্নেহ-আঁখি মঙ্গল-দাত্রী,  
গাও জোরে সারি-গান ও-পারের যাত্রী !

২৮

বৃথা ত্রাসে প্রলয়ের সিন্ধু ও দেয়া ভার,  
ঐ হলো পুণ্যের যাত্রীরা খেয়া পার !

—কাজি নজরুল ইসলাম

১২৬

## বাদল দিনে

ঐ নীল-গগনের নয়ন-পাতায়  
নাম্নো কাজল-কালো-মায়া !  
বনের ফাঁকে চম্কে বেড়ায়  
তারি সজ্জল আলো ছায়া ॥

৪

ঐ তমাল-তালের বুকের কাছে  
ব্যথিত কে দাঁড়িয়ে আছে—  
দাঁড়িয়ে আছে !

ভেজা পাতায় ঐ কাঁপে তার  
আঁচুল ঢলঢল কায়া ॥

৮

## ত্রিধারা

যার শীতল হাতের পুলক-ছোঁয়ায়  
কদম-কলি শিউরে উঠে ;  
যুঁই-কুঁড়ি সব নেতিয়ে পড়ে,  
কেয়া-বধূর ঘোমটা টুটে !

১২

আহা ! আজ কেন তার চোখের ভাষা  
বাদল-ছাওয়া ভাসা-ভাসা—

জলে-ভাসা ?

১৬

দিগন্তরে ছড়িয়েছে সেই

নিতল আঁখির নীল আব্ছায়া॥

ওকাব ছায়া দোলে অতল কালো

শাল-পিয়ালের শ্যামলিমায় ?

২০

আম্লকী-বন থাম্লো ব্যথায়,

ঘাম্লো কাঁদন গগন-সীমায় !

আজ তার বেদনাই ভরেছে দিক্—

ঘর-ছাড়া হয় এ কোন্ পথিক—

২৪

এ কোন্ পথিক ?

একি স্তব্ধ তারি আকাশ-জোড়া

অসীম-রোদন-বেদন-ছায়া !

কাজি নজরুল ইসলাম

## সত্যেন্দ্র-স্মরণে

চল-চঞ্চল বাণীর ছলল এসেছিল পথ ভুলে',

ওগো এই গঙ্গার কূলে ।

দিশাহারা মাতা দিশা পেয়ে তাই

নিয়ে গেছে কোলে তুলে'

ওগো এই গঙ্গার কূলে ॥

৫

চপল চারণ বেণু-বীণে তা'র

স্বর বেঁধে শুধু দিল ঝঙ্কার,

শেষ গান গাওয়া হ'লনাক তা'র

উঠিল চিত্ত ছলে'

তারি ডাক-নাম ধ'রে ডাকিল কে যেন

১০

অস্ত-তোরণ-মূলে

ওগো এই গঙ্গার কূলে ॥

শুঁরে এ ঝোড়ো হাওয়ায় কারে ডেকে যায়

এ কোন্ সর্বনাশী,

বিষাগ কবির গুমরি' উঠিল,

১৫

বেসুরো বাজিল বাঁশী !

## ত্রিধারা

আঁথির সলিলে বলসালো আঁথি,  
কূলে কূলে ভ'রে উঠে থাকি' থাকি'  
মনে পড়ে কবে আহত এ পাখী

মৃত্যু-আফিম-ফুলে,

২০

কোন ঝড়-বাদলের এমনি নিশীথে  
পড়েছিল ঘুমে ঢুলে',  
ওগো এই গঙ্গার কূলে ॥

তাঁর ঘরের বাঁধন সছিল না সে যে

চির-বন্ধন-হারা,

২৫

তাঁই ছন্দ-পাগলে কোলে নিয়ে দোলে

জননী মুক্তধারা !

ও সে আলো দিয়ে গেল আপনারে দহি'

অমৃত বিলালো বিষ-জ্বালা সহি'

শেষে শান্তি মাগিল বাথা-বিদ্রোহী

৩০

চিতার অগ্নি-মূলে !

পুনঃ নব-বীণা-করে আসিবে বলিয়া

এই শ্যাম তরুণুলে ।

ওগো এই গঙ্গার কূলে ॥

—কাজি নজরুল ইসলাম

## হাজী মহম্মদ মহসীন

পুণ্য-শ্লোক, দানবীর, মহাপ্রাণ, হে হাজী মহসীন !

কে বলে মরেছ তুমি ? হে অমব, আছ চিরদিন !

আজ্ঞো তাই যাও নাই বেহেশ্বের নন্দন-কাননে,

আজিও ঘুরিছ তুমি বাথিতের কুটার প্রান্তরে ।

৪

অনাহারে কে রয়েছে, কাঁদিত্তেছে কোন্ ব্যথাভুব,

শোকে দুঃখে লাঞ্ছনায় আজি কার অশ্রুব বিধুর ?

কে রয়েছে ঘুমাইয়া অজ্ঞানাব নিবিড শ্রমিবে,

আলোকের যাত্রা-পথে দৈন্যাত্ত ৩ কা'বা গামে ফিরে ?—

৮

আজিও ফিরিছ তাই পথে পথে কবিয়া সঙ্কান,

অন্ধজনে করিত্তেছ দ্বাবে দ্বারে জ্ঞানালোক দান ।

সবার আত্মায় ছিলে, বন্ধু ছিলে, তে মৌনা ভ্রামস ।

জ্ঞানাপ্তন -শলাকায় বুচাযেছ অজ্ঞান-ভ্রামস ।

১২

মানুষ সে, পর হোক—তবু সে সে আপনার ভাই,

একথা তোমার মতো আর কেও কভু বঝে নাই ।

বঙ্গের 'হাতেম' তুমি, 'নব-কণ', হে যুগ-পাবন,

আবুবকরের মত বিলাইলে সবদয় আপন ।

১৬

আপন সম্পদ দিলে বিলাইয়া পবের লাগিয়া,

দৈন্যের কলঙ্কখানি নিলে তুমি আপনি মাগিয়া ।

হে মহসীন ! তব তরে মণি-মুক্তা-সীবক-খচিত

নূতন এমামবাড়া স্বর্গ-লোকে হেতেছে রচিত ।

২০

রোজ-কেয়ামৎ-শেষে সে বিরাট মস্মর-প্রাসাদে

দীন দুঃখী আর্ন্তগণে যাবে কি গো নিয়ে তব সাথে ?

—গোলাঘ মোস্তাফা

কবর

এইখানে তোর দাদীর কবর ডালিম-গাছের তলে,  
 তিরিশ বচর ভিজায়ে রেখেছি দুই নয়নের জলে ।  
 এতটুকু তারে ঘরে এনেছি নু সোনার মতন মুখ,  
 পুতুলের বিয়ে ভেঙ্গে গেল ব'লে কেঁদে ভাসাইত বুক । ৪

এখানে ওখানে ঘুরিয়া ফিরিতে ভেবে হইতাম সারা,  
 সারা বাড়ী ভরি এত সোনা মোর ছড়াইয়া দিল কারা !  
 সোনালী উষায় সোনামুখ তার আমার নয়ন ভরি'  
 লাঙল লইয়া ক্ষেতে ছুটিতাম গাঁয়ের ও-পথ ধরি । ৮

যাইবার কালে ফিরে ফিরে তারে দেখে লইতাম কত,  
 এ কথা লইয়া ভাবী-সা'ব মোরে তামাসা করিত শত ।  
 এমনি করিয়া জানি না কখন জীবনের সাথে মিশে,  
 ছোট-খাট তার হাসি বাথা মাঝে হারা হয়ে গেলু দিশে । ১২

বাপের বাড়ীতে যাইবার কালে কহিত ধরিয়া পা,  
 “আমারে দেখিতে যাইও কিন্তু উজান-তলীর গাঁ ।”  
 সাপলার হাতে তরমুজ বেচি দু'পয়সা করি দেড়ী,  
 পুঁতির মালার একছড়া নিতে কখনও হ'ত না দেরী । ১৬

দেড় পয়সার তামাক এবং মাজন লইয়া গাঁটে,  
 সন্ধ্যা বেলায় ছুটে যাইতাম শশুর বাড়ীর বাটে !  
 হেস না—হেস না—শোন দাদু, সেই তামাক মাজন পেয়ে,  
 দাদী যে তোমার কত খুশী হ'ত দেখতিস্ যদি চেয়ে ! ২০



নথ নেড়ে নেড়ে কহিত হাসিয়া, “এতদিন পরে এলে,  
পথ পানে চেয়ে, আমি যে হেণায় কেঁদে মরি আঁখি জলে।”  
আমারে ছাড়িয়া এত ব্যথা যার কেমন করিয়া হয়,  
কবর-দেশেতে ঘুমায়ে র’য়েছে নিঝুম নিরালায় ! ২৪  
হাত জোড় ক’রে দোয়া মাঙ্ দাছ, “আয় খোদা ! দয়াময়,  
আমার দাদীর তরেতে যেন গো ভেস্তু না জেল হয়।”

\* \* \* \* \*

তাব পর এই শূন্য জীবনে যত কাটিযাছি পাড়ি  
যেখানে যাহারে জড়ায়ে ধরেছি সেই চলে গেছে ছাড়ি। ২৮  
শত কাফনের শত কবরের অঙ্ক হৃদয়ে আঁকি’  
গনিয়া গনিয়া ভুল ক’রে গনি সারা দিত-রাত জাগি।  
এই মোর হাতে কোদাল ধরিয়া কঠিন মাটার তলে,  
গাড়িয়া দিয়াছি কত সোনামুখ নাওয়ায়ে চোখেব জলে। ৩২  
মাটারে আমি যে বড় ভালবাসি, মাটাতে মিশায়ে বুক,  
—আয়—আয় দাছ, গলাগলি ধরি কেঁদে যদি হয় দুখ।  
এইখানে তোর বাপ্জী ঘুমায়ে, এইখানে তোর মা,  
কাঁদুছিস্ তুই ? কি করিব দাছ পরাণ যে মানে না। ৩৬  
সেই ফাল্গুনে বাপ তোর এসে কহিল আমারে ডাকি,  
“বা-জান, আমার শরীর আজিকে কি যে করে থাকি থাকি !”  
ঘরের মেঝেতে ‘সপ্’টি বিছায়ে কহিলাম, বাছা শোও—  
সেই শোয়া তার শেষ শোওয়া হবে তাহা কি জানিত কেউ ? ৪০

## ত্রিধারা

গোরের কাফনে সাজায়ে তাহারে চলিলাম যবে ব'য়ে,  
তুমি যে कहিলা—“বা-জান্‌রে মোর কোথা যাও দাছু লয়ে?”  
তোমার কথাৰ উত্তর দিতে কথা থেমে গেল মুখে,  
সারা দুনিয়ার যত ভাষা আছে কেঁদে ফিরে গেল' দুখে । ১৪  
তোমার বাপের লাঙ্গল-জোয়াল দু'হাতে জড়ায়ে ধরি  
তোমার মায়ে যে কতই কাঁদিত সারা দিনমান ভরি ,  
গাছের পাতারা সেই বেদনায় বুনো পথে যেত ঝ'রে'  
ফাল্গুনী হাওয়া কাঁ দয়া উঠিত শূন্য-মাঠখানি ভ'রে । ১৮  
পথ দিয়া যেতে গেঁয়ো-পথিকেরা মুছিয়া যাইত চোখ,  
চরণে তাদের কাঁদিয়া উঠিত গাছের পাতার শোক ।  
আখালে দুইটি জোয়ান বলদ সারা মাঠ পানে চাহি',  
হাস্মা রবেতে বুক ফাটাইত নয়নের জলে নাহি' ! ৫২  
গলাটি তাদের জড়া'য় ধরিয়া কাঁদিত তোমার মা,  
চোখের জলের গভীন সায়রে ডুবায়ে সকল গাঁ ।  
উদাসিনী সেই পল্লী-বালার নয়নের জল বুকি,  
কবর দেশের আঁধার ঘরে পথ পেয়েছিল খুঁজি' ৪৬  
তাই জীবনের প্রথম বেলায় ডাকিয়া আনিল সাঁঝ,  
হায় অভাগিনী আপনি পরিল মরণ-বিষের তাজ ।  
মরিবার কালে তোরে কাছে ডেকে कहিল, “বাছারে, যাই,  
বড় ব্যথা রো'লো দুনিয়াতে তো'র মা বলিতে কেহ নাই ; ৬০  
দুলাল আমার, যাদুরে আমার, লক্ষ্মী আমার ওরে, :  
কত ব্যথা মোর আমি জানি বাছা, ছাড়িয়া যাইতে তোরে !”

ফোঁটায় ফোঁটায় দুইটি গণ্ড ভিজায়ে নয়ন জলে,  
 কি জানি আশীষ ক'রে গেল তোরে মরণ-ব্যথার ছলে । ৬৪  
 ক্ষণ পরে মোরে ডাকিয়া কহিল,—“আমার কবর গায়  
 স্বামীর মাথার ‘মাথাল’ খানিরে বুলাইয়া দিও বায় ।”

\* \* \* \* \*

সেই সে মাথাল পচিয়া গলিয়া মিশেছে মাটির সনে,  
 পরাণের ব্যথা মরেনাক সে যে কেঁদে উঠে ক্ষণে ক্ষণে । ৬৮  
 জোড় মাণিকেরা ঘুমায়ে র'য়েছে এইখানে তরু-ছায়,  
 গাছের শাখারা স্নেহের মায়ায় লুটায় প'ড়েছে গায় ।  
 জোনাকী মেয়েরা সারারাত জাগি' জ্বলাইয়া দেয় আলো'  
 ঝিঁঝিঁবা বাজায় ঘুমের নুপুর কত যেন বেসে ভালো । ৭২  
 হাত জোড় ক'রে দোয়া মাও্ দাছু “রহমান খোদা ! আয়  
 ভেস্তু নাজেল কবিও আজিকে আমার বাপ ও মায় ।”

\* \* \* \* \*

ওই দূর বনে সন্ধ্যা নামিছে ঘন আবীরের রাগে,  
 অমনি করিয়া লুটায় পড়িতে বড় সাধ আজ লাগে । ৭৬  
 মজীদ হইতে আজান হাঁকিছে বড় সঙ্করণ সুর,  
 মোর জীবনের রোজ কেয়ামত ভাবিতেছি কত দূর ?  
 জোর হাতে দাছু মোনাজাত কর, “আয় খোদা ! রহমান,  
 ভেস্তু নাজেল করিও সকল মৃত্যু-ব্যথিত-প্রাণ !” ৮০

— জসিম্ উদ্দিন

## পুল-স্নেহ

রাত থম থম, স্তব্ধ নিবুম, ঘোর-ঘোর—অঁধাব,  
 নিশ্বাস ফেলি, তাও শোনা যায়, নাই কো সাড়া কার,  
 কণ্ঠ ছেলের শিষবে বসিয়া একেলা জাগিছে মাতা,  
 ককণ চাহনি ঘুম-ঘুম যেন, ঢুলিছে চোখের পাতা, ৪  
 শিষরের কাছে নিবু নিবু এক দীপ কেঁপে কেঁপে জ্বলে,  
 তারি সাথে বিরঙা মাযেব একেলা পরাণ দোলে।  
 ভন্ ভন ভন জমাট বেধেছে বুনো মশকের গান,  
 এঁদো ডোবা হ'তে বহিছে তীর পচানি পাতার স্রাণ। ৮  
 ছোট কঁড়েঘব, বেডাব ফাঁকেতে আসিছে শাতের বায়ু—  
 শিষরে বসিয়া মনে মনে মাতা গণিছে ছেলের আয়।  
 ছেলে কয় মা'বে—“কত রাত আছে, কখন সকাল হবে ?  
 ভাল যে লাগে না, এমন কবিয়া কেবা শুয়ে থাকে কবে ?” ১২  
 মা কয়—“বাছা রে। চুপটি কবিয়া ঘুমো ত একটি বাব।”  
 ছেলে বেগে কয়—ঘুম যে আসে না, কবিব কি আমি তার ?”  
 পাণ্ডুর গালে চুমো খায় মাতা, গাযেতে বুলাষ হাত,  
 পারে যদি বুকে যত স্নেহ আছে ঢেলে দেয় তাবি সাথ। ১৬  
 নামাজের ঘবে মোমবাতি মানে, দবগায মানে দান,  
 “ছেলেরে আমার ভাল ক'রে দাও”—কাঁদে জননী'ব প্রাণ।  
 “ভাল ক'রে দাও আল্লা বসুল, ভাল ক'রে দাও পীর,—”  
 কহিতে কহিতে মুখখানি ভাসে বহিয়া নয়ন-নীর। ২০

বাঁশ-বনে বসি' ডাকে কাণা-কুয়ো রাতের অঁধার ঠেলি,  
বাছুড়-পাখাব বাতাসেতে পড়ে সুপারীর বন হেলি' ।

চলে বুনো পথে জোনাকী-মেয়েরা কুয়াসা-কাফন ধরি' ।—

দূর ছাই । কিবা শঙ্কায় মা'ব পরাণ উঠিছে ভরি' । ২৭

যে কথা ভাবিতে পবাণ শিহরে তাই ভাসে হিষা-কোণে,

“বালাই বালাই, ভাল হবে ষাদু”—মনে মনে জাল বোনে ।

ছেলে কয়,—“মা গো, কালকেই আমি হ'য়ে যাই যদি ভাল,

করিমের সাথে খেলিবাবে গেলে দিবে না ত তুমি গালও ? ২৮

আচ্ছা মা বলো, এমন হয় না—-রহিম-চাচাব ঝাড়া

এখনি আমারে এত রোগ হ'লে কবিত্তে পারে না খাড়া ?”

মা কেবল বসি' কয় ছেলের মুখ পানে অঁখি মেলে'

ভাসা-ভাসা তাব যত কথা যেন সারা প্রাণ দিয়ে গেলে । ৩০

“শোন মা । আমার লাটাই কিন্তু রাগিও যতন ক'রে ,

রাখিও ট্যাপের মোয়া বেঁধে তুমি সাতনরি শিকা ভ'বে ।

খেজুবে' গুডেব নয়া পাটালীতে হুডুমেব কোলা ভরি'

বি-শিকা সাজাইয়া বেখো আমাব সমুখ 'পবি ” ৩৬

ছেলে চুপ করে, মা-ও ধীরে ধীরে মাথায় বুলায় হাত ,

বাহিরেতে নাচে জোনাকী-আলোয় থমথম্ কালো বাত ।

রুগ্ন ছেলেব শিযবে বসিয়া কত কথা পড়ে মনে ।—

কোন দিন সে মে মায়েরে না ব'লে গিবাছিল দূর বনে । ৪০

সাঁঝ হয়ে গেল, তবু আসে নাকো, আইতাই মা'র প্রাণ ।

হঠাৎ শুনিল আসিছে দুলাল হর্ষে করিয়া গান,

## ত্রিখারা

এক কোঁচ ভরা বেথুল তাহার কুমুর-কুমুর বাজে ।—

“ওবে মুখপোড়া কোথা গিয়াছিলি এমনি একালি সাঁঝে ?” ৪৪

কত কথা আজ মনে পড়ে মা'ব গরীবের ঘর তার ;

ছোটখাট কত বায়না ছেলের—পারে নাই মিটাবার ।

আড্ডেব দিনে পুতুল কিনিতে পয়সা জোটে নি, তাই

বলেছেন,—“মোবা মোসলমানের আড্ড দেখিতে নাই ! ৪৮

“করিম সে গেল ? আজি জ চলিল ?” এমনি প্রশ্নমালা

উত্তর দিতে দুঃখিনী মাযেব দ্বিগুণ বাড়িত জ্বালা ।

আজও বোগে তার পথা জোটে নি, ওমুখ হয়নি আনা ;

ঝড়ে কাঁপে যেন নীডেব পাখীটি জডায়ে মাযেব ডানা । ৫২

ঘবেব চালাতে ভুতুম ডাকিছে ; অকলাগ এই সুর ;

মবণের দূত এল বুদ্ধি হায, ঠাঁকে মায—দূর দূর ।

পচা ডোবা হ'তে বিরহিণী ডা'ক ডাকিতেছে বুবি' বুবি'—

কৃষ্ণাণ ছেলেবা কাল্কে তাহার বাচ্চা কবেছে চুরি । ৫৬

ফেবে ভনভন মশা দলে দলে, বডো-পাতা ঝবে বনে ,

ফোঁটায় ফোঁটায় পাতা-চোঁয়া জল ঝবিছে তাহার সনে ।

রুগ্ন ছেলেব শিয়বে বসিয়া একেলা জাগিছে মাতা,

সন্মুখে তার ঘোব কুছাটি মহাকাল রাত পাতা ।

পার্শ্বে জ্বলিয়া মাটির প্রদীপ বাতাসে জমায খেল,

আঁধাবেব সাথে যুকিয়া তাহার ফুরায়ে এসেছে তেল । ৬২

—জসীম উদ্দিন

## কোকিলের প্রতি

কে তুমি বসন্তসনে আসিয়াছ নবীন অতিথি,  
অমিশ্র-আনন্দ-গন সঞ্চারিণী শরীরিণী গীতি,

কোন্ গান শুনাতে ধরায় ?

করোজ্জ্বল কুসুমিত পল্লবিত ফুল তরলোকে  
তুলিয়া পুলকপুষ্প সঙ্গীতের স্বপন কুহকে

কি অমৃত ঢালিছ হিয়ায় ?

ভুলোক দ্যালোক মরি ! কণ্ঠ তব করিছে মুখর,—  
যেমতি নিশ্চল করে মেঘ-ঢাকা স্নিগ্ধ শশধর

বিপ্লাবিত করে দশ দিশি ;

কিংবা যেন ইন্দ্রধনু-বিমণ্ডিত জলদ তরল ।

বিন্দু বিন্দু বারিধারে বিগলিয়া পিপাসা-বিহ্বল

ধরা-বক্ষে ধীরে যায় মিশি' !

কম্পিত ভ্গের মুখে বরমার প্রথম চুম্বন,

কিংবা নব বারিপাতে কুসুমের মৃদু জাগরণ

যেন ওই স্বরে বিজড়িত !

শীতল শিশির-মাথা শ্যামপত্রে ঢাকি' কলেবর

যে মৃদু কিরণ ঢালে হীরাতনু খচোৎ সুন্দর,

স্বরে তব তা' যেন মিশ্রিত !

## ত্রিধারা

হরিৎ পল্লবে ঢাকা গোলাপের স্নিগ্ধ পরিমল

মাতাইয়া মধুচোর মলয়েরে করে যে পাগল,

২০

চুরি করি, মুচ্ছনা তোমার ;

লুকাইয়া ভাবলোকে কবি-কণ্ঠ তুলে যে বঙ্কার,

যে গানের সুরে সুরে নরহৃদে পুলক-সঞ্চার,

লভে যে তা' তোমারি মাঝার !

কোথা সে স্ববর্ণ-ক্ষেত্র ? কোথা সেই মধুরী-নির্ঝর ? ২৫

কোথা সে গোপন-সিন্ধু—বক্ষে যার ও শুধা-লহর

নিরন্তর সতুলীলা-রত ?

স্রগের কোন্ স্বপ্ন, মরতের কোন্ মধুরিমা

জলে স্থলে বিতরিছে সঞ্জীবনী ও স্র-পূর্ণিমা

মনপ্রাণ করিয়া পূর্ণিত ?

৩০

পুষ্প-শয্যা 'পরে শুয়ে শুনি ওই কৃতক সঙ্গীত,

মনে হয়, ধরা যেন নহে আর পাষণ-নির্মিত,

মানবের কস্ম-কারাগার ;

অনন্ত-সৌন্দর্যাময়ী কায়াহীন আনন্দ-নিলয়

এ ধরণী, নাহি হেথা কামনার ক্ষণ পরিচয়,

৩৫

ভব নহে ভোগের আগার ।

নিস্তরু মধ্যাহ্নে যবে রহে পড়ি' নিবুম ধরণী,

দূরে স্বার্থ-কোলাহল পড়ে ঘুমি' আপনা-আপনি,

চিত্তে যবে ইন্দ্রিয় নিশ্চল,



## কোকিলের প্রতি

তখনি শ্রবণে মম অকস্মাৎ পশে তব ধ্বনি ; ৪০

শুনি' তাহা ভাবি মনে—চিদাত্মার মূঢ় প্রতিধ্বনি

মর্মে যেন জাগিছে কেবল !

শুনি ও সঙ্গীত তব, মনে হয় অতীতের মত,

আবার এ ধরণীতে সত্যলোক হবে সমাগত,

দ্বেষ হিংসা পাইবে বিলয় ; ৪৫

না রবে শোণিত-তৃষ্ণা, মিথ্যাভাষ, দানব-আচার,

মানব দেবতা হবে ভুলি তুচ্ছ স্বার্থ আপনার,

বিশ্বপ্রীতি পূরিবে হৃদয় ।

প্রেমের আকাশ-গঙ্গা ওই সুধা-সঙ্গীত মতন

মানবের ধূলিগ্লান চিত্তভূমে বহিবে তখন, ৫০

লুপ্ত হবে কাম ভোগবতী ;

এক ধর্ম্য, এক মর্ম্য, এক কর্ম্য, এক মন্ত্র ধরি'

বহুতার বহুরূপ বহু ব্যথা যাবে সে পাশরি'

বিশ্বাত্মারে করিতে আরতি ।

— ভৃঙ্গঙ্গনর রায় চৌধুরী •

## নব বসন্ত

নব বসন্ত ইঙ্গিতে কার ফুটাল ফুলের কলিকা,  
 মধুপের দল গুঞ্জরি তোলে বন-বীথিকার গীতিকা ।  
 রক্ত কমল নব অনুরাগে ফুটিয়া উঠিল তড়াগে ;  
 বনপথতল হইল পিছল আত্মমুকুল-পরাগে । ৪

বকুলের রাশি করিয়া পড়িল মৃদুল দখিনা বাতাসে,  
 সত্কার-শাখে জাসিল মাধবী, কি যেন বলিছে কথা সে !  
 অশোকের মুখ রাঙা হ'ল লাজে না জানি কি কথা স্মরি যে,  
 কোকিলের গানে বিশ্ব-ভুবন বসন্তে লয় বরি সে ! ৮

শুর ভরা বাঁশী দূর হ'তে আসি আকুল করিল এ-হিয়া,  
 জাগে শোক-গাথা, হৃদে বাজে ব্যথা, আঁখি উঠে জলে ভরিয়া ।  
 বসন্ত কি আসে বরষের শেষে জাগাতে ভুলানো স্মৃতিটি ?  
 দিকে দিকে জাগে ফাগুনের ফাগে কার মধুমাখা প্রীতিটি ? ১২

—সালেমা খাতুন

## পান্থশালা

বিরস বদনে দরবারে আসি' বসিলা বলখপতি,  
 গত রজনীতে ঘটেছে ব্যাপার বিস্ময়কর অতি ।  
 দ্বিয়াম যামিনী, স্তব্ধ ধরণী, নিদ্রিত নৃপ ঘরে,  
 সহসা বিষম শব্দ হইল প্রাসাদের শিরোপরে !

ভাঙ্গিল সৃষ্টি, 'সুধান্ নৃপতি বজ্রকঠোর স্ববে, ৫

“কে তুমি কোথায় ? কি কাজে গিয়েছ বাত্রি দ্বিপ্রহরে ?”

বিনয়-বচনে কহিল, “বাজন ! উষ্ট্রাচালক আমি ;

• হাবায়েছে উট, খু জিতে তাহাবে যি বিতেছি ভ্রমি ভ্রমি ।”

ক্রুদ্ধ ভূপাল কহিলা, “মূর্থ ! উষ্ট্র কি ছাদে আসে ?

কহিল বাথাল, “তবে কি বাজন ! এমন বিলাস-বাসে ১০

সুখের শযনে স্তম্ভ বহিলে মিলে সে সর্বেশ্বর ?

তোমাব আমাব কা'ব কাজ বল অধিক হাস্যকর ?”

ক্ষুদ্ধ নৃপতি উঠিয়া বসিলা, মবমে জাগিল বাথাল,

চিত্তেব মাঝে ধ্বনিল তাহার কত না গোপন কথা ।

পোহাল রজনী, গাছে গাছে পাখী গাহিল ভজন গান, ১৫

তখনো ভূপাল শয্যায় বসি' চিন্তায় মিয়মাণ ।

ভাবিতে ভাবিতে দরবারে গিয়া বসিলেন মহাবাজ,

বিক্ষত প্রাণ কহিল কাঁদিয়া—“ছাড এ তখত কাজ ।

বিশ্বেব পথে বাহিবিয়া যাও, তবে তো পাতবে দেখা,

ধনেব অথো তুমি নহে সে, প্রাণ চায় প্রাণসং । ২০

ত্যাগে পবা দেয়, বিলাসে পলায়, এমনি সঁতার গা'ব,

অসাব লইয়া মজিয়া রহিলে, কেমনে পাঠবে সাব ?”

মবমেব কথা মবমে গুমরি বাহিব তউতে চায়,

বুক ফাটে দুখে, কে বুঝে পবাণে কি কাড বহিয়া যায় ।

সতসা সেথায় পশিল অচেনা সন্ন্যাসী এক আসি, ২৫

নযনে তাঁহার বিদ্যাৎ-ছটা, মুখখানি হাসি-হাসি

## ত্রিধারা

দারী দ্বারপথে রহিল দাঁড়ায়ে কাষ্ঠপুতুল প্রায়,  
সভাজন যত মৌন-মোহিত, এ উহার পানে চায় ।  
সম্মুখে নমি' কহিলা ভূপতি, “হে পূজা তাপসমণি ।  
কোন দ্রব্যে তব কহ আকিঞ্চন, দিব তাই হুঁরা আনি ।” ৩০  
কক্ক'শ ভাষে কহে মহাজন “দ্রব্যে কি মোর কাজ ?  
বিশ্রাম-আশে আসিয়াছি এই পান্থশালায় আজ ।”  
যুডি' দুই পানি কহিলা নৃমণি, “এ নহে পথিকাবাস ;  
ভুল ক'রে প্রভু, এসেছেন হেথা, এ গৃহে আমাব বাস ।”  
“বটে” “বটে” বলি' হাসিলা তাপস, সুধাইলা আববাব, ৩৫  
“তোমাব পূর্বের এই গৃহমাঝে বসবাস ছিল কা'ব ?”  
বাদশা বলেন, “পূর্বপুরুষ ছিলেন আমার হেথা ,”  
সাপু ক'ন, “বাছা, ভেবে দেখ তবে এখন আমাব কথা—  
কেহ এই গৃহে কবে নাই বাস চিরদিন একভাবে ;  
একজন পবে তাব একজন এসেছে, গিয়েছে, যাবে । ৪০  
তুমি চ'লে গেলে আসিবে অন্য, থাকিবে সে এই গৃহে ;  
কবে কেন বল, তব গৃহ ইহা,—“পথিক-নিবাস” নহে ?”  
প্রাণেব ক্ষতটি দ্বিগুণ করিয়া সাধু গেল পথে চলি',  
বাদশা ভাবেন, স্বর্গের দূত গেল বুঝি তাবে চলি' ।

—লেখ ফজলুল করিম

## স্বর্গ ও নরক

কোথায় স্বর্গ, কোথায় নরক ? কে বলে তা' বহুদূর ?

মানুষেরি মাঝে স্বর্গ নরক,—মানুষেতে সুরাসুর !

রিপুর তাড়নে যখনি মোদের বিবেক পায় গো লয়,

অত্মগানির নরক-অনলে তখনি পুড়িতে হয় ।

৪

প্রীতি-প্রেমের পুণা-বাঁধনে যবে মিলি পরস্পরে,

স্বর্গ আসিয়া দাঁড়ায় তখন আমাদেরই কুঁড়ে-ঘরে ।

—সেগ ফজলুল করিম

## খোদেজা বিবির প্রতি

ঘন ঘোর অন্ধকারে আরব-গগন

যবে সমাচ্ছন্ন, দেবি, আরব সন্তান

কু-আচারে ব্যভিচারে ঘোর নিমগ্ন,

সে সময়ে যে বীরেন্দ্র, মানব প্রধান,

৪

জ্ঞানের বিমল জ্যোতি করি' বিতরণ

নাশিল তিমিররাশি, সকলের আগে

## ত্রিধারা

চিনিলে তাঁহারে তুমি । করিয়া যতন  
শত ভালবাসা দিয়া শত অনুরাগে  
বরিলে সে বরবপু, একাগ্র অস্তুরে  
স্থাপিলে বিশ্বাস দেবি, ইসলাম-উপরে ।

৮

কত যুগ মিলাইল কালের প্রবাহে,  
তবু দেবি, তব কথা মোসলেমের গেহে  
ভক্তিতে নবোৎসাহে তয় উচ্চারিত  
প্রতিদিন, শত শত ভক্ত-রসনায় :

১২

তোমার কাঙ্ক্ষিত গায়, করি' বিমোহিত  
প্রতি মোসলেমের প্রাণ । প্রত্যেক ত্রিয়ায়

১৬

যাচে বর— কণ্ঠা জায়া হউক তাহার  
তব মতো পতিপ্রাণা, সত্যের আধার,  
তব মতো দম্বে তার হোক স্থির অতি,  
তব মতো প্রতিকম্বে দম্বে থাক মতি ।

২০

তোমারি মতন তারা পতি-বুকে থাকি',  
প্রকৃত কন্মের পথে নিক তাঁরে ডাকি' ।

—সৈয়দ্ এম্দ্াদ্ আলী

১৩৬

## ঈদ

কুহেলি তিমির সরায়ে দূরে  
তরুণ অরুণ উঠিছে ধীরে  
রঙ্গিয়া প্রত্যেক তরু-শিরে

আজি কি হর্ষ-ভরে !

আজি প্রভাতের মৃদুল বায়  
রঙ্গে নাচিয়া যেন ক'য়ে যায়,—  
“মোস্লেম-জগতে” আজি একতায়

দেখ কত বল ধরে !

হের আজি সবে শুভ লগ্নে মিলি'  
দ্রেষ-হিংসা সব দূরে ঠেলি ফেলি  
ভাই ভাই বলি করে কোলাকোলি ;

সে দৃশ্য কি মধুময় !

আজিকে যেন রে আসিছে ভাসি,—  
নন্দন-কুসুম-গন্ধ-রাশি,  
আমারি পরাণে জাগায়ে তাসি,—

আশার লহরীচয় !

আমি প্রভাতের স্তম্ভিত বায়,  
নিশা শেষে লভি' জনম হায়,  
যুগ যুগ ধরি বিপুল ধরায়,

উত্থান-পতন হেরি,

## ত্রিধারা

কত সখ্য-ঐক্য-প্রীতির কথা,  
কত সুরকবির হৃদয়ের বাথা  
কত বীরেন্দ্রের তেজোময়ী গাথা,  
শুনিনু শ্রবণ ভরি' ।

২৪

কিন্তু গো সকলি মানে পরাজয়  
সে দৃশ্যের কাছে, যে দৃশ্যনিচয়  
হেরে'ছি মোস্লেম-জগৎময়,  
আজি পুণোর পুলকে ।

সব গেছে তবু সে ধম্ম-বন্ধন  
আজিও অটুট রয়েছে তেমন,  
হেমনি করিয়া মোস্লেম-জীবন

ভাসে সে আশার আলোকে !

৩২

কত নিদ্রিত হায় জাগি' হবে,  
নেচে ছুটে যায় জীবন-তাহেদে ;  
মোস্লেম শুধু পড়িয়া রহিবে

অনন্ত আদার ঘোরে ?

সে কি জাগিবে না, সে কি হাসিবে না ?

দিনেকের এই অক্ষম চেতনা  
সক্ষম করিয়া, উন্নতির পথে

যাবে না সে বেগ-ভরে ?

—সৈয়দ এমদাদ্ আলী



## চণ্ডীদাস

প্রণাম তোমারে, হে আদি উৎস,  
বঙ্গভাষার অগ্রদূত !

বঙ্গভারতী তোমারি কণ্ঠে

স্বষ্টি লভিল কি অদ্বুত !

৪

সহজ ভাষায় সহজ ভাবের

ওতে সর্জিয়া সহজ-প্রাণ !

তব সঙ্গীত-নির্ব্বারে হ'ল

বঙ্গবাণীর প্রথম স্নান !

৮

না ছিল দেউল, না ছিল আসন,

না ছিল মন্ব অর্চনার ;

তুমি পল্লবে রচিলে কুটার,

ভৃগু-বেদী দিলে আসন মা'র ।

১২

নব উৎপল তুলি 'সর' হাতে

রাখিলে মতনে বেদীর পাশ ;

উপচার শুধু তব কণ্ঠের

আবেগ-পূরিত গাঁতোচ্ছ্বাস ।

১৬

দীনের কুটারে দীনত-নাশিনী

রূপময়ী যেন উমার বনি,

শ্বেত-বাস-পরা শ্বেতভুজা বাণী

আসিল তোমার স্বপন-ছবি ।

২০

## ত্রিধারা

- তৃণ-বেদী' পরে বসিলা জননী,  
বীণা শোভে তাঁর অতুল করে ;  
স্থাপিলা কোমল কমল-চরণ  
তব তোলা সেই কমল' পরে । ২৪
- তুমি গাহ গান, দেবী শোনে বসি ;—  
ঝরে ঝর-ঝর সুধার ধারা ;  
হে সহজ, তব সহজ পূজনে  
মুগ্ধা সে দেবী উদাস পারা । ২৮
- তখনও দেবীর কুঞ্জ মুখরি'  
গাহেনিকো শ্যামা, গাহেনি পিক ;  
তুমি এলে সেথা উষারও অগ্রে  
ঝঙ্কারে ভরি' সুপ্ত দিক্ । ৩২
- তোমার প্রাচীন সে ভাষা আজিও  
নহেক প্রাচীন, নবীন অতি ;  
আজিও বাঙ্গালীর কণ্ঠে সে ভাষা  
নাচে উল্লাসে ছড়িয়ে জ্যোতি । ৩৬
- শুধু প্রেমরীতি, হে মহাপ্রেমিক  
শিখাইলে তুমি প্রেমিকগণে ।  
শিখালে—“মানুষ সবার উপরে,  
ভালবাসা দিও জনে ও জনে ।” ৪০
- প্রেমিক, সাধক, অতুল গায়ক,  
আদি কবি তুমি মানব-মিতা ;  
আদি তুমি তবু অনাদি নূতন,  
প্রণাম, বঙ্গভাষার পিতা । ৪৪

—শ্রীপ্যারীমোহন সেনগুপ্ত

১৩৮

## গৃহবধু

দূর গ্রামে মেটে-ঘরে সখী মোর থাকে,  
একবার গিয়েছিলু দেখিতে তাহাকে ;  
কী মধুর শাস্তি ল'য়ে ছিলু তা'র কাছে,  
আজো যেন সেই স্মৃতি বুক ভ'রে আছে ।

৪

বুড়ো স্বামী, তার চেয়ে আরো কত বুড়ী  
মরণ-দুয়ার-ঘেঁসা স্থবির শাশুড়ী,  
ক্লান্তিহীন সেবা দিয়ে যেন দু'জনায়,  
রেখেছে আড়াল করি, আপন ছায়ায় ।

৮

যতনে রোপিত গাছ, গাভী দুটো তা'র  
কত যে স্নেহের ধন নয় বলিবার ।  
শাশুড়ী-স্বামীর তবু পায় সে কি মন ?  
তিলেক ক্রটীতে কত সহ্যে যে শাসন !  
সর্ব্বতাপহরা তবু হাসিমুখ তা'র ;  
আপন অন্তরে সে কি পায় পুরস্কার ?

১৪

—উমা দেবী

১৩৯  
মেনি

মোদেরি ঘরের ওই সমুখের পথে—  
এক ধারে ছেঁড়া পাটি পেতে কোনো মতে—  
রোজ দেখি বসে এক মেয়ে গোলগাল,  
সাজায়ে পুতুল আর ঘটা বাটি খাল ।

৫

আঁটসাঁট বাঁধা চুল, পিছে দোলে বেণী,  
তাই নিয়ে খেলা করে তা'রি পোষা মেনি ;  
সেদিকে খেয়াল নেই, আপনার মনে  
“বেনে-বউ” পুতুলেরে সাজায় যতনে ।

৮

একদা শুনিমু—তা'রে “চাঁপা” “চাঁপা” বলি'  
দূর হ'তে কে ডাকিল,—ছুটে গেল চলি' ।  
সে সুযোগে মেনি তা'র পুতুলের ঝুড়ি  
ভেঙ্গে চুরে দিয়ে মহা খেলা দিল জুড়ি' ।  
চাঁপা এসে কেঁদে ওঠে দেখে এই দশা,  
মেনিরে মারিতে গিয়ে চুমিল সহসা ॥

১৪

—উষা দেবী

আকবর

হে সম্রাট, ব'সে আছি আজি তব সমাধির পাশে,  
একান্ত বিজন ।

দূর হ'তে অরণোর অন্ধকার ভেদি' ভেসে আসে  
বিহগ-কৃজন ।

৪

নীরব মধ্যাহ্ন-বেলা, শব্দহীন নিঃসাড় ভূখন,  
কেহ কোথা নাই ;

অকস্মাৎ মন্দিরিল তরুশাখে মন্দির পবন  
চমকিয়া চাই ।

৮

জীবনের গতি হেথা আসিয়াছে মন্দ হ'য়ে ধীরে,  
নাহিক স্পন্দন ;

বন্দী হ'য়ে কেঁদে ফিরে সমাধির পাষাণ-প্রাচীরে  
স্মৃতির ক্রন্দন !

১২

কত দিবসের ব্যথা জীবনের আবেগ উত্তাল  
গিয়াছে নিভিয়া ;

স্মৃতির কন্দরে মম শতাব্দীর অন্ধকার-জাল  
উঠে শিহরিয়া ।

১৬

তোমার হৃদয় ভরি' জেগেছিল কি মহা স্বপন !—  
এ ভারতভূমি,

## ক্রিয়াক্সি

এক ধর্ম, এক রাজ্য, এক জাতি, একনিষ্ঠ মন,  
বেঁধে দিবে তুমি ! ২০

সমাজ-আচার-ভেদ, মর্মেভেদ ভুলে যাবে সবে ;  
রহিবে স্মরণ—  
এক মহাদেশে বাস, চিরদিন একসাথে হবে  
জীবন মরণ ! ২৪

হায় ! স্বপ্ন টুটে যায় কঠিন ধরার ধূলা লাগি' !  
দেখি আঁখি মেলি'—  
ক্রুর সর্প-সম হিংসা হিয়া-তলে রহিয়াছে জাগি',  
উঠিছে উদ্দেশি' ২৮

বিদ্রোহ, সমুদ্র সম আশ্ফালিয়া করিয়া গর্জন  
ছাইয়া হৃদয় ;  
নীরব আকাশ-তলে প্রতি পলে বাজিছে ক্রন্দন,  
রক্তধারা বয় ! ৩২

ধরণীর শ্যাম শোভা ক্রিষ্ট আজি রক্তের ধারায়,  
ভা'য়ের শোণিতে ;  
আকাশের শাস্ত সৌম্য নীরবতা সূধু ভেঙ্গে যায়  
সংগ্রাম-ধ্বনিতে ! ৩৬

স্বার্থে স্বার্থে দ্বন্দ্ব লাগে, রক্ত ঝরি' পড়ে অহর্নিশি,  
উঠে শূন্য-পানে

- ক্রন্দন-গর্জন-রোল, অভিশাপ-হাহা কার মিশি',  
 কাহার সন্মানে ? ৪০
- তোমার সমাধি-পাশে বসি' আজি পড়ে মোর মনে  
 তোমার কীর্তি ;
- নিখিল ভারত ভরি' উঠেছিল ধ্বনিয়া গগনে  
 মিলনের গীতি ! ৪৪
- তোমার মহৎ হিয়া পুনর্ব্বার আশুক ফিরিয়া  
 আমাদের মাঝে ;
- আত্মদ্বন্দ্ব-সর্বনাশ আমাদের রেখেছে ঘিরিয়া  
 অপমান লাজে ! ৪৮
- হে মহৎ, তব বাণী নিখিল ভারত ভরি' আজি  
 জাগ্রুক আবার ;
- উঠুক মিলন-মন্ত্র সাম্যবাদে কন্মুকণ্ঠে বাজি'  
 টুটিয়া আঁধার ! ৫২
- হিংসা-দ্বেষ—মন্ত্রশাস্ত ভূজঙ্গের মতো—শঙ্কাতরে  
 হোক শাস্ত হোক ;
- আঁধারের প্রাণী যত ফিরে যাক আঁধার বিবরে,  
 নামুক আলোক ! ৫৬

—হুমায়ূন কবীর

১৪১  
সাথী

আজি মোর মনে পড়ে একদিন ভেবেছিলুম মনে  
রচিব এ ধরনীতে আপনার লাগি' সযতনে  
নিরালা বিরাম-কুঞ্জ । সংসারের সংগ্রামে যুঝিয়া  
ঘটনার নিত্যঘাতপ্রতিঘাত পরিশ্রান্ত হিয়া  
সেথায় টানিয়া লন বিশ্রামের লাগি । স্বগোপনে ৫  
ঝরিবে অমৃতধারা, দিবানিশি বরষিবে মনে  
স্নেহের সান্দ্রনাবাগী । উৎসবের বাঁশী দিবারাতি  
বাজিবে সেথায় মৃদু—সেই স্বথগৃহে হবে সাথী  
পরিজন স্নেহপ্রীতি, চিন্তাহীন বাধাহীন হাসি ।

আজি আর সেই স্বপ্ন নাহি মম নয়নের আগে ১০  
চন্দ্রানিশীথের মায়া নিদাঘের দীপ্ত রবিরাগে  
মিলাইল অকস্মাৎ, প্রভাতের পুষ্পের অস্তুরে—  
নিশির শিশিরবিন্দু দিনসের রত্ন সূর্য্যকরে—  
শুকায় যেমন করি' । আজি যবে দেখি' অঁখি মেলি  
তরঙ্গিত সিন্ধুসম এ জীবন উঠিছে উদ্বেলি' ১৫  
সংগ্রামের আবাহনে, নাহি সেথা স্নেহপ্রীতিমায়া,—  
সকলের নয়নের অস্তুরালে নাহি স্নিগ্ধ ছায়া,—



সেথা মুক্ত নভোতলে বাঁধা ধহে দিবসরজনী  
 অনাবৃত নগ্নপথে চলিয়াছে পুরুষ রমণী—  
 অন্তরের দীপখানি সযতনে জ্বালি' । পথ ভরি' ২০  
 কণ্টকিত তরুলতা, অন্ধকারে উঠিছে গুমরি  
 হিংস্র সর্প ফণা মেলি' । ক্ষণে ক্ষণে উঠিছে নিশ্বসি'  
 দুর্মদমাতাল বায়ু, মেঘপুঞ্জ-তিমির ঝলসি'  
 শাণিত বিদ্যুতরেখা ! সে পথে যে হবে মোর সাথী  
 তাহারে চলিতে হবে কণ্টকিত পথে দিবারাতি । ২৫  
 তাহারে দাঁড়াতে হবে এ ভুবনে নগ্ন উচ্চশিরে—  
 নিঃশঙ্ক অন্তরে পথ চলিবারে নিবিড় তিমিরে,  
 বিপদ আঘাত সহি' শঙ্কাকুল পথে হাত ধরি',--  
 চাহি একে অপরের মুখপানে মরণ উত্তরি'  
 দিবসরজনী হবে স্থির-আঁখি—চলিতে সম্মুখে । ৩০

---ছমায়ন কবীর

## তাজের স্বপ্ন

“চোখের দৃষ্টি হ’য়ে আসে ক্ষীণ,  
দেহে কমে আসে বল ।

ধীরে ধীরে হায় দীপ নিভে যায়—

অঁধার ভূমণ্ডল !

৪

গত যৌবন, আজি দেহমন

জরার বিজয়-ভূমি,

দরদী আমার, দুর্দিনে আজ

কোথা মমতাজ তুমি !

৮

এপারেতে এই দুর্গ-বারোখা, ওপারে কবর ভোর !

মাঝে নীল জল, যমুনা উচ্চল ! অশ্রু দরিয়া মোর !

ওপারেতে ওই স্বপনের প্রায়

আধ-আলো-অঁধিয়ারে

১২

কালো পাথরের সমাধি ফুটেছে

সবুজ ঘাসের আড়ে ।

সেথা মোর প্রেম ধরি’ তৃণরূপ

জনমি’ নিত্য নব

১৬

সাজাইতে চায় সবুজ শোভায়

কঙ্কালগুলি তব !

এখনো নিবিড় হয়নি তিমির,  
এখনো দেখিতে পাই ২০

সজল, ডাগর অঁখিতে তোমার  
ওপারে নিদ্রা নাই !

এপারের এই চোখেতে কখন নামিবে অন্ধকার !  
ওই ছোট দু'টি শিলার সমাধি দেখিতে পাবো না আর ! ২৪

“রাজার তন্ত্রে বসিয়াছি যবে  
পরম পুণ্যবলে  
রাজ-প্রেয়সীরে দেবো না ডুবিতে  
বিস্মরণীর জলে ! ২৮

যতদিন আছে চোখের দৃষ্টি,  
রয়েছে সিংহাসন,  
তোমাতে মহিষি, অমর করিতে  
করিব পরাণ পণ ! ৩২

তোমার ও-কালো সমাধির 'পরে  
দুধিয়া পাথর দিয়ে  
অপরূপ এক রূপ-নিকেতন  
গড়িয়া তুলিব প্রিয়ে ! ৩৬

খুঁজিয়া খুঁজিয়া তামাম দুনিয়া  
শিল্পী আনিব ডেকে,

## ত্রিধারা .

অপরূপ তাজ দিবে, মমতাজ,  
সমাধি তোমার ঢেকে ।

৩০

দিন-দিনান্ত, যুগ-যুগান্ত, বাহি' অনন্তকাল,  
বিশ্ব-মানব বিশ্বয়ে চাহি' হেরিবে তাজমহাল !

“কোটি ক্রোশ হ'তে কোটি কোটি লোক  
মিলিবে হেথায় এসে,

৪৪

কোটি প্রেমিকের মিলন-তীর্থ  
হ'বে এ কবর শেষে !

এক সুরে মিলে উঠিবে হেথায়

একটি প্রেমের গান,

৪৮

লভিবে সে সব সঙ্গীত রব

একটি সুরগে স্থান !

মম্বব দেহে প্রাণ দিব আমি র'বে না পাষণ স্তূপ—:

নির্মিলের লোকে দেখিবে ইহার নিত্য নূতন রূপ !

৫২

“গবে মোর শেষ দিবসের আলো

জ্ঞান হবে অঁখিপুটে

সে দিন নয়নে যেন তাজখানি

সুমুখে ভাসিয়া উঠে ।

৫৬

কি জানি অঁধার ভাগ্যে আমার

কি আছে লিখন শেষে,

বুড়া শাজাহান নিহত হ'বে কি  
বাঁচিবে বন্দী-বেশে ! ৬০

যদি মোর ছেলে রাজ্যের লোভে  
আমারে বন্দী করে,  
ভিক্ষা করিয়া ল'ব একটুকু  
ঠাই, এ দুর্গ-প'রে ; ৬৪

সেথা নিশিদিন বসিয়া রহিব চাতিয়া তাজের দিকে  
বেদনা যাতনা মধু হ'য়ে যা'বে বিষ হ'য়ে যা'বে ফিকে !  
“যদি অঁাখিতারা হয় জ্যোতিহারা সেই অঁাখি দু'টি ল'য়ে  
ওই তাজপানে ফিরাইয়ে মুখ রহিব ভুঁট হ'য়ে ! ৬৮  
যদি তার পর হয়ে যায় শেষ, যেন এ দেহটি মোর  
ধীরে ধীরে দেয় তাজের তলায় শোয়ায়ে পাশ্বে তোর !

—ব্রাহ্মেন্দু দত্ত

## শীতের শেষে

শীতের শেষে' ভীকুর মত

কে এলি তুই, বল ?

শিশির ফোঁটায় ঐ যে টোপায়

তোরি চোখের জল ।

৪

তুই এলি মোর কুঞ্জ বনে

ফাঙ্কনে আজ সঙ্গোপনে,

অমনি ফুটে উঠলো আমার

ফুল-কলিদের দল !

৮

ঘুমিয়েছিল আমার নিখিল

আঁধার কুয়াশায়

স্বপন মাঝে তোমায় পাবার

বিপুল দুঃশায়,

১২

আজ ভোরে তার ঘুম ভাঙালে ;

দখিন হাওয়া গন্ধ ঢালে,—

তোমায় হেরি

কানন ঘেরি,

ফুলেরা চঞ্চল ।

১৬

রামেন্দু দত্ত

১৪৪  
কবির বীণা

আমার হাতে তুলিয়া দেছ

এই যে বীণাখানি

স্বরের লীলা তাহার সাথে

চলিছে না সে জানি ।

ছন্দ-তলে লুকিয়ে আছে

বিপুল ঘন বাথা,

ইন্দ্রধনুর অন্তরালে

মেঘের বাকুলতা ।

এই যে আলো-হাসির মাঝে

ছায়ার ঘন কাদন বাজে—

শুনিতে পেনু উভার মাঝে

বিপুল তব বাণী ।

তুলিয়া দিলে এই যে বীণা

কঠিন মম হাতে,

গুঞ্জরিতে মোহন ধ্বনি

সকল দিনে-রাতে ;

বাজাতে এরে নাই-বা যদি

জানি গো প্রিয়তম,

আপন গুণে সরম-লাগা

সকল ক্রটি ক্ষমো ।

ঘর-ছাড়ানো এই সে বীণা

অনেক ঘেন কালের চিনা,

জনম হতে জনম ব্যাপি

ফিরেছে মোর সাথে ।

—বন্দে আলী মিশ্র

## শারদলক্ষ্মী

বাতাসে বাজে নূপুর এমন বেলা  
 এলো কে ভাসিয়ে নভে মেঘের ভেলা ?  
 সবুজ ঘাসের পরে জ্বলিছে নীহার  
 সফেদ শেফালী হলো কণ্ঠের হার ;— ৪  
 কাশের ফুলেতে তাঁর চামর দোলে  
 মেঘেতে মেঘেতে ঘন মৃদঙ্ বোলে ।  
 সোনালি জরির বাস আলোক লতা  
 টগর শাখায় জাগে চঞ্চলতা, ৮  
 পাপড়ি মেলিয়া ডাকে কুমুদ কুঁড়ি  
 আল্পনা আঁকে মাঠ আঙ্গন জুড়ি  
 বকুলে চাঁপায় গেছে কানন ছেয়ে  
 তার পরে পদ রাখি কে আসে মেয়ে ? ১২  
 যে আসে মোদের ধরায় একা একা—  
 ভুবন ভরিয়া তার পেয়েছি দেখা ।

—বন্দে আলী মিরান



## অন্ধের ব্যথা

- আকাশের আলো দেখি নাই আমি,  
 অরুণ আমারে দিয়েছে ফাঁকি ;  
 অকরুণভরে চিরতরে মোরে  
 বিধাতা আঁধারে রেখেছে ঢাকি ! ৪
- দিন গুণি শুধু দিন গুণি ;  
 সুখ-স্বপনের জাল বুনি  
 মনের খেয়ালে নিশিদিন ধ'রে  
 রঙ্গের তুলিতে ছবি আঁকি ; ৬
- আশার কুহকে মরীচিকা রচি  
 হতাশার জ্বালা জুড়িয়ে রাখি !  
 দেখিনি শিশুর উল্লাস গতি  
 কলরোল শুধু ভাসিয়া আসে, ১২
- তারা কি আমার অন্ধতা হেরি  
 বিক্রম করি এমন হাসে ?  
 মা'র হাসি ওগো মা'র ছবি,  
 আঁকা আছে মোর হৃদে সবি, ১৬
- কেমনে জানাব কি যে শিহরণ  
 তোলে জননী'র ব্যথিত শ্বাসে ;  
 সামালিয়া হায় রাখিতে যে নারি—  
 বুক ঠেলে মোর কান্না আসে। ২০

## ত্রিধারা

কুসুমের শোভা জানি না কেমন,  
সৌরভ তবু হৃদয় করে ;  
উদাসী পবন পথ ভুলে বৃষ্টি  
অন্তরে মোর লুটায় পড়ে ! ২৪

বিফল-জীবন একা বহি,  
কেমনে সনার কাছে রহি ?  
চারিদিক হতে সুরের পরশ  
আমারে যে এসে পাগল করে ! ২৮

বাধন যতই টুটিবারে চাহি  
ধরণী ততই আঁকড়ি ধরে !  
করণায় গলি আসে বৃষ্টি সবে  
মিতালি করিতে আমার সাথে ; ৩২

কত ব্যথা তুর মমতা-মধুর  
সুনিবিড় ডোরে আমারে গাঁথে ।  
এত সুখ আমি কোথা রাখি,  
দীনতা আমার কিসে ঢাকি ?— ৩৬

স্নেহের সুধায় বুক ভ'রে যায়,  
হৃদয় আমার উলসি মাতে !  
নয়ন-পাতায় পাইনি যাহায়—  
দেখি সে যে আছে পরাণ-পাতে ! ৪০

—শ্রীপতিপ্রসন্ন ঘোষ

## প্রতিশোধ

স্বর্ণা করি আমায় যারা

ব্যথাই হানে নিতি,

আজকে পাঠাই তাদের তরে

মোর হৃদয়ের প্রীতি,

বন্ধু নহে, শত্রু যারা, ৫

চক্ষে বহায় অশ্রুধারা,

পলায় দূরে, অস্তরেতে

ভীষণ সায়ক হানি'

আজকে ভালবাসব তাদের

বক্ষে লব টানি' । ১০

করল যে জন কৃতঘ্নতা

“মারীচ” সম আসি'

ছল করি যে জানায় মুখে—

“বড়ই ভালবাসি,”

চতুর সাজি আমায় যারা, ১৫

চায় ভুলাতে কথার দ্বারা,

পাঠাই শুভ-কামনা মোর

তাদের লাগি' আজি,

চাই ধোয়াতে নয়ন-জলে

সবার চরণ-রাজি । ২০

## ত্রিধারা

ফুল বলি যে কণ্ঠে দিল

কণ্ঠকেরি মালা.

আজকে রে মন তাহার লাগি'

প্রাণের প্রদীপ জ্বালা,

গান্ গেয়ে তুই চল্ পুলকে

২৫

ভুলোক ভরি প্রেম-আলোকে,

বল "প্রতিশোধ দিবই আজি

কৃতঘ্নতার তরে,

প্রেম দিয়ে জয় সবার হৃদয়

করব সোহাগ ভরে।"

৩০

—কাদের নওরাজ

১৪৮

## বিধাতার ভিক্ষা

হাশরের দিন বিচারে বসিয়া

সুখাবে জগৎ স্বামী

"তুমি তো আমার কর নাই সেবা

রুগ্ন ছিলাম আমি!"

৪

কহিবে মানব, "তব সেবা হয়

ওগো নিখিলের প্রভু,

সাধা কি মোর ? নারিনু বুঝিতে।"

কহিবে তখন বিভু—

৮

২৬২

- “ভৃত্য আমার রুগ্ন আছিল  
সে কথা কি মনে আছে ?  
সেবিলে তাহারে মোর দেখা তবে  
পাইতে তাহার কাছে ।” ১২
- আবার বিধাতা স্তম্ভাবে তখন,  
“আদমের সন্তান,  
স্বুধায় কাতর অন্ন চেয়েছি,  
করনি অন্ন দান ।” ১৬
- কহিবে মানব, “রাজ্যাক, ওগো  
তুমি নিখিলের স্বামী,  
তোমাতে কেমনে অন্ন দিতাম  
নারিনু বৃষ্টিতে আমি ।” ২০
- কহিবে আল্লা, “বান্দা আমার  
অন্ন চাহিল দান,  
যদি তাতে দিতে, আজি হেথা তবে  
পেতে তার প্রতিদান ।” ২৪
- আবার কহিবে, “আদম তনয়,  
চাহিলাম আমি জল,  
পিপাসায় বারি দাওনি আমায়  
এত ছিলে বিহ্বল ?” ২৮
- কহিবে সেক্সন, “তুমি পরমেশ,  
তুমি চেয়েছিলে বারি ?

## ত্রিধারা

তোমার পিপাসা, অখিলের প্রভু,  
আমি কি মিটাতে পারি ?” ৩২

আল্লা কহিবে, “বান্দা আমার  
মাগিল তুমার জল,  
দাওনি তাহারে, দিতে যদি তবে  
পেতে আজি তার ফল ।” ৩৬

—আবুল হাসেম

১৪৯

## পিতা স্বর্গ

নীল আকাশের কোন্‌খানে ঐ

নীল আকাশের কোন্‌ কোণে,  
পরীরা সব করছে খেলা পারিজাতের ফুলবনে ?  
মিথ্যে অলীক কল্পনা—

কামধেনু আর কল্প লতার ছলনাতে ভুলব না ! ৫

তুমি আমার স্বর্গ পিতা, তুমিই আমার দেবতা গো !

দাও চরণের পুণ্য ধূলি—নাও হৃদয়ের পুষ্পার্ঘ্য !

হোম আরতি ঘি়ের বাতি তপ-তপস্কার আড়ম্বর,  
জপ্ব না নাম, শ্রাস প্রাণায়াম কর্বনাকো অতঃপর ।

কাজ কি মিছে জঞ্জালে ! ১০

কি হবে মোর চক্ষু বুজে আসন পেতে বাঘছালে ?

তুমিই আমার তপ-তপস্যা, তুমিই আমার দেবতা গো !

দাও চরণের পুণ্য ধূলি—নাও হৃদয়ের পুষ্পার্ঘ্য !

জানিনিকো শৈশবে, আর মানিনিকো যৌবনে,

পাপ করেছি হাজার হাজার আদেশ-নিষেধ-লঙ্ঘনে । ১৫

অপরাধ আর দোষ ক্রটী

ক্ষমা করো, ভিক্ষে মাগি জোড় ক'রে মোর হাত দুটি ।

ঠেকিয়ে মাথা তোমার পায়ে আর মাগি এই ভিক্ষা গো—

দাও চরণের পুণ্য ধূলি—নাও হৃদয়ের পুষ্পার্ঘ্য !

তোমার অতল স্নেহ-শীতল পরশখানি মোর প্রাণে ২০

বুলিয়ে দে' যায় শাস্তি-সুখের কি অমৃত কে জানে ?

মনে মনে হয় ধোঁকা—

আজো আমি তেমনি তোমার ছোট্ট কচি সেই খোকা !

আড়াল ক'রে আগলে আছ যা-কিছু ঝড় ঝঞ্ঝা গো !

দাও চরণের পুণ্য ধূলি—নাও হৃদয়ের পুষ্পার্ঘ্য ! ২৫

—কিরণধন চট্টোপাধ্যায়

## চাষী

ওরে আমার গাঁয়ের চাষী !

ওরে আমার দুঃখী ভাই !

সবার লাগি' অশ্রু ঝরে,

তোর দুখে মোর অশ্রু নাই !

৪

কে জানে কোন্ কুটীর-তলে

অজানা কোন্ পল্লী-বাটে,

না জানি হয় ! দুঃখে সুখে

কেমনে তোর জীবন কাটে,—

৮

কেমনে তোর জোটে, ও ভাই,

দুবেলা দুই অন্ন-মুঠি,

প্রিয়ার শতছিন্ন শাড়ী,

মেয়ের হাতের কাঁকণ দু'টি !

১২

সজল চোখে ছেলের পানে

চেয়ে থাকিস আপন ভুলে,

পারিস্নি তাই কপ্নি ছাড়া

দিতে কিছু অঙ্গে তুলে ;

১৬

কুটীরখানি পড়-পড়,

মহাজনের রক্ত-আঁখি,



- খেটে খেটে শীর্ণ, তবু  
জমিদারের খাজনা বাকি । ২০
- পিতল কাঁসা বাউটি তাগা  
পেটের দায়ে বাঁধা আছে,  
কান্না চাপিস্ প্রিয়া যখন  
রিক্ত-দেহে দাঁড়ায় কাছে । ২৪
- ভাবিস্ কভু, সেবার কবে  
বিশ বছরের লায়েক ছেলে  
মহামারীর করাল গ্রাসে  
কেমন ক'রে দিলি তুলে ;— ২৮
- পারিস্নিকো একটি ফেঁটা  
ওষুধ দিতে শুক মুখে,  
ডালি দিয়ে সোনার দেহ  
ফিরে এলি ভান্সা বুকে ! ৩২
- অঁকি তবু রঙীন ক'রে  
কল্পনাতে তুলি দিয়া,—  
অঁকি তোরে সোনার চাষী,  
কলসী-কাঁখে চাষীর প্রিয়া, ৩৬
- চলচল অঙ্গ-শোভা  
ঘোমটা-আড়ে কাজল-অঁখি ;—

## ত্রিধারা

- কত মধুর প্রেমের ছবি  
নিত্য নূতন বর্ণে অঁকি ! - ৪০
- হেরি তোরে সকাল-সাঁঝে  
খানের ক্ষেতে কান্তে হাতে,—  
চেউ তুলে যায় পাগল হাওয়া  
মেঠো সুরের মূর্ছনাতে ; ৪৪
- পল্লী-মায়ের শ্যামল বুক,  
নদীর তীরে, তরুর মূলে,  
কবির চারু কল্পনাতে  
হেরি তোরে হৃদয়-ভূলে । ৪৮
- কে বুঝে তোর দুঃখ ও ভাই ?  
কে শোনে তোর দীর্ঘশ্বাস ?  
কে জানে তোর অর্দ্ধাহারে  
দিন কাটানো বর্ষ মাস ? ৫২
- তুষায় কোথা লভিস বারি,  
ক্ষুধায় কোথা অন্ন জোটে,—  
আপন মনে কাব্য রচি,  
সে খোঁজ আমার নাইকো মোটে ! ৫৬
- অনশনে দিবস যাপি'  
যোগাসু আমার অন্ন-খালা,

## কবির কামনা

আমার দেহ-সজ্জা তোরি

নগ্নদেহের শোণিত-ঢালা !

৬০

হোক সে ;—তবু কল্পনাতে

আঁকি তোরি মোহন ছবি ;

ক্ষুধায় যদি মরিস্, তবু

কাব্যে তো তুই অমর হবি !

৬৪

—পরিমলকুমার ঘোষ

১৩১

## কবির কামনা

অসীম সমুদ্রমানে ক্ষুদ্র বারিকণা,

মিলাইতে চাই আমি সবার মাঝার,

দেখি যদি পারি আজ হারাতে আপনা,—

উন্মুক্ত করেছি তাই গদয়-দুয়ার !

৪

আপনার মাঝে বাস সে শুধু বাঁহনা,—

শুকায় একটি বিন্দু একেলা অসার !

আত্মমুখী ক্ষুদ্র তুষ্টি আর চাহিব না,—

সবে আসে বৃকে, বাড়ে বৃকের প্রসার !

৮

২৬৯

## ত্রিধারা

ওগো জন-পারাবার, আজ প্রাণ জুড়ে'  
তোমার মহিমা ভাসে, সঙ্গীত উথলে !  
আর আমি তীরে তীরে রহিব না দূরে,  
তলাইতে চাই আজ তোমার অতলে,—  
লও মোরে ছিন্ন ক'রে সকল বন্ধন,  
তোমার রহস্যমাঝে করিয়া মগন !

১২

—সুশীলকুমার দে

১৩২

## আদার ব্যাপারী

পুরাকালে এক আদার ব্যাপারী অতি বড় উজ্জ্বল,  
জাহাজের না কি খবর জানিতে হয়েছিল উৎসুক ;  
তাই শুনে নাকি কোন্-এক বিজ্ঞ অতীব সমজদার  
ব্যাপারী ভায়াকে দিয়েছিল এক ধমক চমৎকার !  
চমৎকার যে ধমকটা তাঁর প্রমাণ তা' সেটা হয়, ৫  
সে ধমকানির চমক এখনো রয়েছে দেশটায়।  
দেশ জুড়ে যত আদার ব্যাপারী আদা নিয়ে আছে সুখী,  
জাহাজের কথা ভুলেও তাদের মনেতে মারে না উঁকি ।  
কত পাল তুলে কত না জাহাজ আসে যায় অপরূপ,  
পৌরাণিক সে ধমকের চোটে ব্যাপারীরা সব চূপ ! ১০

—বলাইচাঁদ মুখোপাধ্যায়

## সূচনা

বিদ্যাপতি হইতে আরম্ভ করিয়া বনকুল পর্য্যন্ত সুদীর্ঘ যাত্রাপথ তোমরা এইবার অতিক্রম করিয়াছ। বহু কবিতার সহিত তোমাদের পরিচয় হইল। কখনও তোমাদের সম্মুখে তুলিয়া ধরিয়াছি কোন বৃহৎ কাব্যের খণ্ডিত অংশ, কখনও স্বয়ং-সম্পূর্ণ কোন গীতি-কবিতা। যাহা কিছু তোমরা পাইয়াছ, তাহা ভাবে, ভাষায় ও সুরে বিভিন্ন হইলেও তাহাদের মধ্যে একটী বিষয়ে সাধন্যা রহিয়াছে। সেই সাধন্যা বা সাক্ষাত্য-বন্ধনে তাহারা এক ;—তাহারা কবিতা অর্থাৎ কবিকৃতি।

কবিতা কাহাকে বলে তাহার সংজ্ঞা-নির্দেশ কখনও একরূপ হয় নাই। এ বিষয়ে নানা মূনির নানা মত। কিন্তু তোমরা একটু নিবিষ্ট হইয়া পাঠ করিলেই কবিতা ও অকবিতায় যে প্রভেদ তাহা সহজেই ধরিয়া ফেলিতে পারিবে। মনে রাখিবে, কোন প্রকারে অক্ষরে অক্ষরে মিল দিয়া, কোন বিশেষ বক্তব্য বিষয়কে, যে কোন ভাষায়, মনে কর, গগ্নাত্মক ভাষায়, প্রকাশ করিলেই কবিতা হয় না। আমার এই তিনটী কথা ভাল করিয়া বুঝিবে—(১) অক্ষরে অক্ষরে মিল, (২) বক্তব্য বিষয়, (৩) গগ্নাত্মক ভাষা।

প্রথম,—‘মিল’ কবিতার কোন অপরিহার্য লক্ষণ নয়। তৃতীয় প্রবাহের (৪১) কবিতাটী পড়িয়াই তাহা বেশ বুঝিতে পারিয়াছ। মিলের বন্ধন ছিন্ন করিয়াও ঐ অংশটী কেমন রসোত্তীর্ণ কবিতা হইয়া উঠিয়াছে।

দ্বিতীয়, কবিতায় কবি যাহা বলেন তাহা বক্তব্য বিষয় মাত্র নয়, তদতিরিক্ত অণু কিছু। কবিতার মধ্যে কোন প্রকার মনোহর ভাববস্তু বা কল্পনাটক প্রকাশ করাই কবির উদ্দেশ্য ; কেবল বক্তব্যবিষয় জ্ঞাপনমাত্র নহে। কোন এক প্রাচীন রস-সমালোচনা গ্রন্থে ‘রমণীয়ার্থ প্রতিপাদন’কেই কবি-কর্ম্য বলা হইয়াছে। এই প্রতিপাদন বা প্রকাশ-ব্যাপারে কবির নানা উপায় ও উপকরণের শরণাগত হইতে হয়। কেবল মাত্র বক্তব্য বিষয় যাহা, তাহা সহজভাবেই বলা গেলে, কবিকে বলিত হয় নানা প্রকার “ছলাকলা”র সাহায্যে। ভাববস্তুকে

## ত্রিধারা

মূর্ত্ত করিয়া না তুলিলে, স্পষ্ট করিয়া অনুভূতির বিষয়ীভূত না করিতে পারিলে, কবির চলে না। তাই ভাবের মূর্ত্তিনিশ্চানে কবি কত উপমা-অনুপ্রাস, কত লক্ষণা-ব্যঞ্জনার আশ্রয় গ্রহণ করিয়া থাকেন। সুতরাং বুদ্ধিতে পারিতেছ কবিতা বক্তার বক্তব্যমাত্র নয়, ইহা স্রষ্টার সৃষ্টি।

এইবার গঢ়াঅক ভাষার কথা। কোন একটা ভাল কবিতা মনোযোগের সহিত পাঠ করিয়া দেখিবে কবির শব্দচয়নে, শুধু শব্দচয়নে নয়, শব্দনিশ্চানে কি অদ্ভুত নৈপুণ্য রহিয়াছে। ঐ বিশিষ্ট শব্দগুলির সার্থকতা অর্থপ্রতিপাদনেই নিঃশেষ হয় না। ঐ শব্দগুলির যেন এক প্রকার নিজস্ব সঙ্গীত আছে। সুন্দরভাবে আবৃত্তি করিলে সেই সঙ্গীত বাজিয়া উঠে। ইহার নাম দেওয়া যাইতে পারে শব্দসঙ্গীত বা melody of words. সমালোচকগণ বলিয়া থাকেন শব্দ সঙ্গীত কবিতার এক সম্পদ। শুধু তাহাই নহে, অর্থের অনুরোধেও এমন সব শব্দ কবি প্রয়োগ করেন যাহাকে আর পরিবর্তিত করা চলে না। বিশেষ শব্দের বিশেষ একপ্রকার অর্থ বুঝাইবার শক্তি থাকে, যাহাকে ব্যঞ্জনা-শক্তি বা power of suggestion বলা হয়। এইভাবে সঙ্গীত-গৌরবে বা অর্থ-গৌরবে শব্দ এবং অর্থের একরূপ সূচারু সন্মেলন হইয়া থাকে। সুতরাং কবিতার শব্দ শুধু শব্দমাত্রই নয় তাহা কবির অন্তর হইতে আহিত এবং গীত-রস-সিক্ত। গঢ়াঅক ভাষা কবিতায় অচল। কবিতার ভাষা হইবে সঙ্গীতাত্মক বা melodious এইবার একটা উদাহরণ দিতেছি,—

“নিখিল চিত্ত-হরষা

ঘনগৌরবে আসিছে মত্ত বরষা।”

“নিখিল-চিত্ত-হরষা”র মধ্যে যে সঙ্গীত বাজিয়া উঠিয়াছে, তাহা সমার্থক অন্ত শব্দসমষ্টিতে ব্যাহত হইত। “নিখিল-চিত্ত-হরষা”—ইহার মধ্যে কথাগুলি যেন পরস্পর পরস্পরের সহিত চারুবন্ধনে আবদ্ধ। কবিতা-বাখ্যায় আমি তোমাদিগকে এইরূপ শব্দগুলি দেখাইয়া দিব।

আশা করি, কবিতার সংস্কার সহিত তোমাদের পরিচয় না হইলেও এইবার তোমরা খাঁটি কবিতা চিনিয়া লইতে পারিবে এবং কোন বিশেষ গুণে কোনটা উৎকৃষ্ট কবিতা হইয়া উঠিয়াছে তাহাও বুঝিতে পারিবে। তোমাদিগকে এই বিষয়ে সাহায্য করিবার জন্তই পরবর্তী অংশ, অবতরণিকার আয়োজন করিয়াছি।

# অবতরণিকা

## প্রথম প্রবাহ

**বিদ্যাপতি**—চতুর্দশ শতাব্দীর কবি; মিথিলার রাজা শিবসিংহের ছিলেন ইনি সভাসদ। ইনি দীর্ঘজীবী ছিলেন। বহু গ্রন্থের রচয়িতা বলিয়া তাঁহার প্রসিদ্ধি আছে। সেই সব গ্রন্থে তাঁহার পাণ্ডিত্য এবং কবি প্রতিভা আত্মপ্রকাশ করিয়াছে; কিন্তু তাঁহার রাধাকৃষ্ণের প্রেমলীলাবিষয়ক পদাবলীই তাঁহাকে বঙ্গদেশের রসিক ও রসজ্ঞ সমাজে সুপ্রতিষ্ঠিত করিয়াছে। মিথিলায় ছিল কবির বাস; সেখানে অত্যাপি তিনি “মৌপল কোকিল” বলিয়া প্রসিদ্ধ; কিন্তু একধা স্মরণ রাখিতে হইবে এই “মৌপল কোকিলের” উপর বাঙ্গালীর দাবী চিরদিন ছিল—এখনও আছে। সেইজন্য আমরাও আমাদের কবিতা-সংগ্রহ পুস্তকে তাঁহার জন্ম স্থান রাখিয়াছি। বাঙ্গালী গায়ক ও পদকর্তা তাঁহার পদাবলীর মাধুর্য্য মুগ্ধ হইয়া তাঁহার রচনার আদর্শ গ্রহণ করিয়াছে। বাঙ্গালীর মধ্যে মৌপল কবির আদি ভাষা যুগে যুগে রূপান্তরিত হইতে আসিয়াছে। জ্ঞাতসারে বা অজ্ঞাতসারে বাঙ্গালী গায়ক মূল পদাবলীর উপর এমন প্রক্ষেপ দিয়াছে যে, বর্তমানে মনে হয়, যেন আদি মৌপল বিদ্যাপতির পাশে সম্পূর্ণ এক পৃথক্ বিদ্যাপতি উদ্ভূত হইয়াছে।

**আত্মনিবেদন [ ১ ]**—বিদ্যাপতির প্রার্থনা-পদগুলি ভাব-সমৃদ্ধিতে অতুলনীয়। প্রাণের নিগূঢ় ভক্তিরসে প্রত্যেকটী কথা সঞ্জীবিত। এই কবিতায় ভগবানের নিকট ভক্তের এক আবেগময় আত্মসমর্পণের তাব সুস্পষ্ট হইয়া উঠিয়াছে।

তাতল সৈকতে.....(৮—১১) এই পংক্তি কয়েকটির মধ্যে আছে  
অনুতাপানে দগ্ধ হৃদয়ের হাহাকার।

## ত্রিধারা

সেই তুলসীতিল.....(২০—২১) তিল ও তুলসীদ্বারা যে দান, সে দান  
নিঃশেষ করিয়া দান—পুনঃপ্রাপ্তির আশাশূন্য দান ।

তুহুঁ জগন্নাথ.....(২৪—২৫) তুমি জগন্নাথ; সমস্ত জগৎ তোমার ।  
আমি তো জগতের বাহিরে কেহ নই, জগতের মধোই একজন ; সূত্রাং  
আমিও তোমার । ইহা কট তর্ক হইলেও ভক্তিরসে সিক্ত বলিয়া তর্কের  
নীরস রূপ পরিহার করিয়াছে ।

তুষাপদপল্লব.....(৩২---৩৩) ভবসিদ্ধুতরণে তোমার পদরূপ পল্লবই  
ভেলা । কপকের মধ্যে আর একটা রূপক বাঞ্জনা-বোধ্য হইয়া  
রহিয়াছে ।

মরণক বেরি---মরণের বেলা সমাওত---প্রবেশ করে । জন্ম---যেন  
না । কহায়সি---কহাও ।

কম্মবিপাক---কম্মপরিণতি অর্থাৎ কম্মফল । কম্মফলই অদৃষ্টরূপে  
পরিণত হয় এবং এই অদৃষ্টই ভাবি-জন্ম নিয়ন্ত্রিত করে ।

করম---কর্ম । পরসঙ্গ---প্রসঙ্গ ।

ঋতুরাজ [ ২ ]—ছন্দ ও সঙ্গীত ঝঙ্কারে বিদ্যাপতির পদ এক বিশিষ্ট  
বাণীমূর্ত্তি ধারণ করে । এই পদটী তাহারই নিদর্শন । বাসন্তী শ্রীর  
রূপ-নিষ্কাশন-দক্ষ কবির সঙ্গীতও যেন উচ্ছ্বসিত পঞ্চমস্বরে বাধা । এই  
বিশেষ ঋতু বসন্তের সঙ্গে যেন বিদ্যাপতির কবিহৃদয়ের একটা যোগসূত্র  
আছে । কবির কল্পনায় বসন্তের আবির্ভাব হইয়াছে রাজ বেশে । সমস্ত  
পদটির মধ্যে বসন্তের একটা রাজকীয় মহিমা ফুটিয়া উঠিয়াছে । প্রথম  
পংক্তিতে বসন্তঋতুকে রাজা বলা হইয়াছে এবং পদটির বাকী অংশ  
তাহার সেই রাজ-রূপ সমর্থনের জন্ত রচিত হইয়াছে ।

দিনকর.....পয়গণ্ড—সূর্য্যের কিরণ শৈশব অতিক্রম করিয়া  
'পোগণ্ড' অবস্থা প্রাপ্ত হইল ; অর্থাৎ কিঞ্চিং বর্দ্ধিত ও প্রবল হইয়া উঠিল ।



## অবতরণিকা

কেশর-কুম্ব.....কেশর কুম্বের মধ্যস্থিত দণ্ডটী দীর্ঘ হইয়া স্বর্ণদণ্ডের মত দেখিতে হইল ;

পীঠল—(১) পাটলা, (২) পাটলি ।

অলিকুলযন্ত্র—অলিকুল বাণ্যযন্ত্রের কায়া করিতেছে ।

আন বিজকুল.....অনু পক্ষীগুণি আশীর্বাদ মন্ত্র পড়িতেছে । তাহারা যেন রাজার আশীর্বাদে নিরত ব্রাহ্মণ ।

পাটলতৃণ—পাটল ফুলগুণি দেখিতে তৃণের মত ।

**চণ্ডীদাস**—চণ্ডীদাস-সমস্তা সাংগীতিক ও ঐতিহাসিক মহলে আকণ্ড অনীমাংসিত রাহিয়াছে । বড় চণ্ডীদাসনামধেয় কবির অশুদ্ধ পঞ্চদশ শতাব্দীতে মনুষ্যমত হইয়াছে এবং তাঁহাকেই বাণ্ডলাভাষার আদি গীতিকবির জয়মালা দেওয়া হইয়াছে । তাহা ছাড়াও এক বা একাধিক চণ্ডীদাস ছিলেন । তিনি বা তাঁহারা সম্ভবতঃ কে.চ. কে.চ. এ বিষয়ে (মঃসন্দেহ) পবিত্রতন্ত্র যুগের কবি । চণ্ডীদাস, দ্বিজ চণ্ডীদাস বা দীন চণ্ডীদাস প্রিন্সিপাল পদগুলির রচয়িতা যে উচ্চতরের গীতিকবি তাহাতে বসন্ত পাঠক-সমাজ একমত ।

**ভুবন-মোহনশ্যাম [ ৩ ]**—পদগীতে শ্যামের ভুবনমোহনমূর্তি শকরেশ্বর অতি উজ্জলভাবে অঙ্কিত হইয়াছে । সে চিত্রে অঙ্গপত্রাঙ্গ এবং বর্ণলাবণ্য অত্যন্ত স্পষ্ট ও জীবন্ত হইয়া উঠিয়াছে ।

নয়ন-চকোর মোর.....(৩—৪) রূপ যেন চন্দ্র । রূপ যুক্ত আমার চক্ষু যেন চন্দ্রিকালুক চকোর । নিমেষালস দৃষ্টিতে যে রূপ-দর্শন, তাহা শুধু দর্শনমাত্র নয়, যেন রূপসুধা পান করা ; নয়ন দুইটী যেন হৃৎগর্ভ, স্তত্রাং তাহারা শ্যামের রূপ পান করিতেছে । কবির ব্যাকুল দর্শন-চক্ষুকে প্রকাশ করিবার উপযুক্ত ইহা হইতে জোরাল কোন ভাষা নাই ।  
তুলনীয়—“পপৌ নিমেষালস-পঙ্গ-পংক্রিরূপোষিতাভ্যামিব লোচনাভ্যাম্ ।”  
—রঘুবংশ ২য় সর্গ ১৯ শ্লোক ।

## ত্রিধারা

ভাঙ্ ধনুভঙ্গিঠাম.....(২) জোড়া ক্র দুইটী যেন বাঁকা ধনু, তাহজে  
কটাক্ষ হইতেছে তীক্ষ্ণ বাণ ।

অগুন—কাজল । নিমিখ—নিমেষ । ‘ঘ’ এর ‘খ’ উচ্চারণ লক্ষ্য  
করিবে । ভাঙ্—ক্র । বুলে—ভ্রমণ করে, ঘুরিয়া বেড়ায় । দর্পণাকার—  
দর্পণের মত উজ্জল ও মসৃণ । মঞ্জীর—নূপুর ।

বিরহিণী রাধা [ ৪ ]...বিগ্ধাপতির পদগুলিতে শব্দ-গৌরব অধিক  
পরিমাণে আছে । চণ্ডীদাসের পদে বিশেষ করিয়া লক্ষিত হয় অনুভূতির  
প্রগাঢ়তা । নির্ধাচিত অংশে রাধার যে রূপ দেখা যাইতেছে তাহা  
ভাবতন্ময়, বিগ্ধাপতির রাধার মত লীলাচঞ্চল নহে ।

শ্রীমদর্শনে রাধার পূর্বরাপের কথা এখানে বলা হইয়াছে—মেঘে  
রুক্ষের রূপচ্ছবি আছে বলিয়া “সদাই ধেয়ানে চাহে মেঘপানে” ।

বিরতি আহারে....(৬—৭) “দৃঙ্ মনঃ সঙ্গসংকল্পো জাগবঃ কৃশতারতিঃ ।  
হীত্যাগোন্মাদমূর্ছান্তা ইতি স্মর-দশা দশ ।” দর্শন, মনন, সঙ্গসঙ্কল্প,  
জাগরণ, কৃশতা, অরতি, লজ্জা-পরিতাগ, উন্মাদ, মূর্ছা এবং মৃত্যু এই  
দশটি স্মরদশা বা কামাবস্থা । এই দশ কামাবস্থার মধ্যে ষষ্ঠ দশাটী  
‘অরতি’ ( কিছু ভাল না লাগা ) এখানে সূচিত হইয়াছে ।

রাঙাবাস—যোগিনীর বেশ ।

উচাটন—অধীর ও অস্থির ।

উহাতে অশ্রমনস্বভাবে বুঝা যাইতেছে । বিরতি—বিরাগ ।

জ্ঞানদাস—চৈতন্যদেবের আবির্ভাবে সারা বাঙ্গালায় যে একটা বৈষ্ণবভাবের প্লাবন  
আসিয়াছিল তাহাতে শুধু ধনুক্ষেত্রে নহে, বাঙ্গালার সাহিত্যক্ষেত্রেও নবজাগরণের  
সুসংস্কার হইয়াছিল । এই কাল বিভাগে যে সমস্ত বৈষ্ণব কবির নাম বিশেষভাবে  
স্মরণ-যোগ্য তাহারা জ্ঞানদাস, গোবিন্দদাস, বলরামদাস প্রভৃতি ।

## অবতরণিকা

জ্ঞানদাসের জন্ম হয় ১৫৩০ খৃষ্টাব্দে বর্ধমান জেলার কাটোয়া মহকুমার অন্তর্গত কাঁদড়া গ্রামে। ইনি তাঁহার পূর্ববর্তী কবি চণ্ডীদাসের ভাবশিষ্য ছিলেন। চণ্ডীদাসের পদগুলির মতই ইঁহার পদাবলী অতিশয় প্রাঞ্জল ও মনোমুগ্ধকর।

**আক্ষেপানুরাগ [৫]**—এই পদটীতে প্রেমের দুঃখ বর্ণিত হইয়াছে। আশাহতার উক্তিটী পড়িয়া অমর কবি Shakespeare-এর একটি কথা মনে পড়িবে—“The Course of true love never did run smooth.”

### *Mid Summer Night's Dream.*

অমিয়া—অমৃত। মূল শব্দের ‘খ’ কারের ‘ই’ কারে পরিণতি লক্ষ্য করিবে। সিনান—স্নান। গরল—বিষ। উচল—উচ্চ। উচ্চস্থান বলিয়া আচলে উঠিলাম, কিন্তু দেখি বহু নিরে অগাধ জলে পড়িয়া গিয়াছি। অচল—পর্কত। ভেল—হইল। লছমী—লক্ষ্মী, স্তুরাং সম্পদ, শ্রী, সমৃদ্ধি। ‘ক্ষ’ এর ‘ছ’ উচ্চারণ লক্ষ্য কর। বেটল—বাড়িল। মূল ‘বৃদ্ধি’ কথাটার ‘দধ’ ‘ডু’ হইয়া চ বা চ হইয়াছে। ঠাঁই আধুনিক ভাষায় হইবে ড। যেমন বৃদ্ধ—বুড়ু—বুঢ়া—বুড়া। পিয়াস—ভূষণ ;—হিন্দী প্যাস। জলদ—জলদান করে যে অর্থাৎ মেঘ। বজর—বজ্র।

**বলরাম দাস**—পদাবলীসাহিত্যে চণ্ডীদাস, বিজ্ঞাপতি, গোবিন্দদাস ও জ্ঞানদাসের পর যদি পঞ্চম স্থান কাহারও জন্ত নির্দেশ করিতে হয় তবে তাহা বলরাম দাসের। এই সমস্ত বৈষ্ণব-কবিকে কবি আপ্যায়না দিয়া মহাজন আপ্যায়িত হইয়াছেন। প্রকৃতই তাঁহার মহাজন। ঋষিদের বেদগাথা শ্রবণে, যেমন মনে হয় তাঁহার তাঁহাদের দেবতাদিগকে প্রত্যক্ষ করিয়া মন্ত্র-সঙ্গীত রচনা করিয়াছেন, ঠিক তেমনই এই সমস্ত মহাজন পদাবলী পড়িয়া কেবলই মনে হয়, তাঁহার তাঁহাদের আরাধ্য দেবতার লীলাসের সাক্ষাৎ জ্ঞান, লীলা প্রত্যক্ষ করিয়াই যেন তাঁহারা গাহিতেছেন।

## ত্রিধারা

মাতৃস্নেহ [ ৬ ]—বাংসলারসের নিৰ্মাণ-কৌশল বিশেষভাবে আছে এই কবি বলরামদাসের। পদাবলী সাহিত্যকে দুইটা যুগ-বিভাগে বিভক্ত করা যায় (ক) প্রাক্-চৈতন্য যুগ ও (খ) পর-চৈতন্য যুগ। এই দুইটা যুগের মধ্যে ভাষা ও ভাববস্তুর বিভিন্নতা দৃষ্ট হইয়া থাকে। প্রথম কথা এই যে, ব্রজবুলি নামক এক প্রকার কৃত্রিম সাহিত্যিক ভাষা পরচৈতন্য যুগের সামগ্রী; তাহার সৰ্বশ্রেষ্ঠ কবি গোবিন্দদাস কবিরাজ। (৭নং কবিতা দ্রষ্টব্য)। দ্বিতীয় কথা হইতেছে, মধুরসাম্রাজ্যক পদাবলীর প্রাচুর্য্য প্রাক্-চৈতন্য যুগে থাকিলেও তথায় সখা ও বাংসল্য রসের অভাব পরিলক্ষিত হয়। পরচৈতন্য যুগের সাহিত্যে এই সখা ও বাংসল্য রসের উচ্চল প্রকাশ রহিয়াছে। আলোচ্য কবিতাটীতে মাতা যশোদার স্নেহ-কাণ্ডের হৃদয়ের ছবি বড় সুন্দরভাবে অঙ্কিত হইয়াছে।

(৩—৪) শঙ্কর দুইটা কারণ; প্রথম, তোমাদের গোচারণবন অতি দূরবর্তী; দ্বিতীয়, তাহাতে যে নবতৃণ ও কুশাকুর রহিয়াছে তাহাতে চরণ বিদ্ধ হইতে পারে।

(৭—৮) বিপদের সম্ভাবনা বাস্তবিক না থাকিলেও মায়ের শঙ্কাকুল মন সেই বিপদে সেখানে আবিষ্কার করিয়া লইতেছে। কালিদাসের কথায় “স্নেহঃ পাপশঙ্কী”।

(১১—১২) বিধাতা গোপজাতি করিয়া আমাদিগকে সৃষ্টি করিয়াছেন; জীবিকার জন্তই আমাদিগকে বাধা হইয়া ঘরের ছেলেকে গোচারণভূমিতে পাঠাইতে হয়।

বিধি—বিহি। স্বরমধ্যস্থ মহাপ্রাণ বর্ণের (এখানে ‘ধ’ এর) ‘হ’ ধ্বনিত্তে পরিণতি লক্ষণীয়।

(১৩—১৬) কোমল রাগা চরণের বাধা অপসারিত করিতে যাহা কিছু প্রয়োজন হয় তাহার ব্যবস্থা আমরাই করিব। বলরাম দাস ভাবতন্ময়

## অনন্তরগিকা

দৃষ্টিতে নন্দরাণীকে যেন চোখে দেখিতেছেন ; সেইজন্য নন্দরাণীকে সম্বোধন করিয়াই কথাগুলি বলা হইয়াছে ।

**গোবিন্দ দাস**—জ্ঞান দাসের সমসাময়িক কবি । উপাধি কবিরাজ । চৈতন্যদেবের পরবর্তী বৈষ্ণব পদকর্তাদিগের মধ্যে সর্বশ্রেষ্ঠ বলিয়া ইনিই বিবেচিত হইয়া থাকেন । ব্রজবুলি নামক একপ্রকার মিশ্র সাহিত্যিক ভাষায় পদরচনা করিয়া ইনি অনন্তরগিকা নামক কৃতিত্ব অর্জন করেন, ইহা পূর্বেই বলা হইয়াছে । পদরচনায় জ্ঞানদাস যেমন চণ্ডীদাসের অনুসরণ করিয়াছেন, গোবিন্দ দাস তেমনই বিদ্যাপতির পদ্যক অনুসরণ করিয়াছেন । ইনি চৈতন্য সহচর চিরঞ্জীব সেনের পুত্র । শ্রীনিবাস আচায়াচার্য ইনি বৈষ্ণব ধর্মে দীক্ষিত হন । জন্মকাল ১৫৩৭ খৃষ্টাব্দ ও মৃত্যুকাল ১৬১২ খৃষ্টাব্দ বলিয়া স্বীকৃত হইয়া থাকে ।

**ঝর ঝর জলধর-ধার [ ৭ ]**—উক্ত পদটি একটি শব্দচিত্র । ধ্বনি-গোরবে সমস্ত বর্ষার বর্ষণ-মুখর রূপ অতি স্পষ্ট হইয়া উঠিয়াছে । তাহাতে বাহিরের চাক্ষুষ রূপ অন্তরের অনুভূতির কক্ষে গিয়া উপস্থিত হইয়াছে । বহিঃপ্রকৃতির জুর্যোগের সহিত অন্তঃপ্রকৃতির যে যোগ রহিয়াছে তাহাও কবিতাটিতে বিশেষভাবে লক্ষ্য করিতে হইবে ।

বিধার—বিস্তার ।                      বামরি— কাল বা মলিন ।                      ঝুট—মিথ্যা ।  
ঝুরত—অশ্রুবর্ষণ করিতেছে ।                      বজর নিশান—বজ্রনিঃস্বন ।  
ঝাঁপি রহত—বন্ধ করিয়া আছে                      ঝিঙ্কি-ঝঙ্কর—ঝিঁ ঝিঁ ঝঙ্কার-ঝঙ্করত ।  
ঝঙ্ক—ঝঙ্কট ।

**সৈয়দ মর্ন্তুজা**—সৈয়দ মর্ন্তুজার জন্মকাল খৃষ্টীয় ষোড়শ শতাব্দীর শেষভাগ বলিয়া অনুমিত হইয়াছে । ইহার রচিত অনেক পদ বৈষ্ণব পদসংগ্রহ-পুস্তকগুলিতে পাওয়া যায় । ইহার সম্বন্ধে প্রবাদ এই যে, ইনি মুর্শিদাবাদ শহরের অনতিদূরে জঙ্গীপুর বাগিচাটার জন্মগ্রহণ করেন । বৈষ্ণবসঙ্গীতে বাঙলা সাহিত্যের শ্রীবৃদ্ধির কথা পূর্বেই উল্লিখিত

## ত্রিখান্না

হইয়াছে। বৈষ্ণবগীতি-মাধুর্য্যে আকৃষ্ট হইয়া বহু মুসলমান কবি ঐরূপ সঙ্গীত রচনা করিয়া গিয়াছেন। নিরপেক্ষ বিচারকের নিকট তাঁহাদের রচনার সাহিত্যিক মূল্য সামান্য নহে। তাঁহাদের কবিতা ভাবসমৃদ্ধিতে ও ভাষা-সৌষ্ঠবে আজিও রমণীয় হইয়া আছে।

**আত্মবিলোপ [ ৮ ]**—উচ্চতম প্রেমতন্ময়তা কবিতাটিকে বৈশিষ্ট্য দান করিয়াছে। যে প্রেমসাধনায় প্রেমসাধক ও প্রেমোদ্दिষ্টের মধ্যে ভেদ-বুদ্ধি লুপ্ত হইয়া যায়, সেই প্রেমসাধনার মৰ্ম্ম-কথা এই কবিতাটিতে ব্যক্ত হইয়াছে।

**কৃত্তিবাস**—কবির উপাধি ওঝা। ওঝা শব্দটি উপাধায় শব্দ হইতে নিস্পন্ন হইয়াছে। কৃত্তিবাস ওঝা নরসিংহ ওঝার বংশধর। এই নরসিংহ ওঝা নদীয়া জেলার অন্তর্গত গঙ্গাতীরবর্তী ফুলিয়াগ্রামে আসিয়া বাস স্থাপন করেন। কৃত্তিবাসের জন্ম-তারিখ লইয়া ঐতিহাসিকগণের মধ্যে যথেষ্ট মতভেদ দেখা যায়। প্রচলিত মত এই যে, কৃত্তিবাস পঞ্চদশ শতাব্দীতে জন্মগ্রহণ করিয়াছিলেন এবং ‘দম্বুজমর্দন’ উপাধিধারী গৌড়েশ্বর রাজা গণেশের রাজ সভায় সমাদৃত হইয়া তাঁহারই নির্দেশে রামায়ণ রচনা করিয়া ছিলেন। তাঁহার রচিত রামায়ণই এক্ষণে ‘কৃত্তিবাসী-রামায়ণ’ আখ্যা প্রাপ্ত হইয়াছে। এই গ্রন্থে একথা স্মরণ রাখা কত্তব্য যে, কৃত্তিবাসের মূল রচনা বহু বিকৃতি প্রাপ্ত হইয়াছে। ভাষার ত কথাই নাই, কথা-বস্তুও নানা বিকার প্রাপ্ত হইয়াছে। ঢাকা বিশ্ববিদ্যালয়ের অধ্যাপক লক্ষপ্রতিষ্ঠ প্রত্নতত্ত্ববিৎ ডক্টর নলিনীকান্ত ভট্টশালী মহাশয় বহু হস্তলিখিত পুঁথি মিলাইয়া কৃত্তিবাসী রামায়ণের আদিকাণ্ডের একখানা প্রামাণিক সংস্করণ বাহির করিয়াছেন। উহাতে বুঝা গিয়াছে, যুগে যুগে কত কবি তাঁহাদের নিজেদের রচনা কৃত্তিবাসের রচনার মধ্যে প্রক্ষিপ্ত করিয়া গিয়াছেন।

**ভ্রাতৃভক্তি [ ৯ ]**—হিতে বিপরীত হইল ভাবিয়া কৈকেয়ী শঙ্কাকুলা। তাঁহার বিমূঢ় অবস্থা উপভোগ্য। কৃত্তিবাসের সমস্ত রচনার অন্তরালে তাঁহার বাঙ্গালী প্রাণের সাড়া পাওয়া যায়। তিনি যে চিত্র বা যে চরিত্র সম্মুখে আনেন তাহাই বাঙ্গালীবেশে আবির্ভূত হয় দেখিয়া আমরা একপ্রকার কৌতুক অনুভব করি।

## অবতরণিকা

আঘাত লাগিলে ঘায়ে—(১৫—১৬) উপমাটী কেমন সহজ ও স্বাভাবিক  
তাহা লক্ষ্য করিতে হইবে। বাগাড়ম্বর নাই, অথচ বর্ণনা কেমন স্পষ্ট ও  
তীক্ষ্ণ।

বাথানে—বাখ্যা করে, বর্ণনা করে। ব্যাথান—বাথান। ভকত—  
ভক্ত। ইহার পূর্বেও এইরূপ একটা আগন্তুক স্বরধারা ভগ্ন শব্দ কয়েকটা  
পাওয়া গিয়াছে। যথা—করম, পরসঙ্গ (কবিতা ১); বজর (কবিতা ৫)।  
এইরূপ পদগুলি শুধু কবিতার ভাষারূপে ব্যবহৃত হইতে পারিবে। গণ্ডে  
ইহারা অচল। ঘটাইলে বন—বন এখানে বনবাস। তিনকুল—পিতৃকুল,  
মাতৃকুল এবং শশুরকুল।

ভরত-মিলন [ ১০ ]—ভ্রাতৃপ্ৰীতির একখানা পবিত্র আলেখ্য।  
কৃষ্ণিবাসের চরিত্রগুলির প্রত্যেকটির একটা স্বকীয় মহিমা আছে।  
কবিতাটিতে লক্ষ্য করিতে হইবে বশিষ্ঠ, রাম ও ভরত যেমন পৃথক পৃথক  
চরিত্র, ঠিক তেমনই নিজ নিজ বৈশিষ্ট্যের অনুরূপ তাঁহাদের মুখের  
কথাগুলি। ভরতের ও রামের চরিত্র-মাধুর্য্য ও ঔদার্য্য কেমন কয়েকটি  
কথায় উজ্জ্বল হইয়া উঠিয়াছে।

বামাজাতি—স্ত্রীজাতি। নারীজাতি বা ঐরূপ কোন শব্দ প্রয়োগ  
না করিয়া বামা শব্দপ্রয়োগের বিশেষ উদ্দেশ্য রহিয়াছে। বামা কথার  
কৈকেয়ীর কপটহৃদয়ের প্রতি ইঙ্গিত করা হইয়াছে। বামা—বক্রস্বভাবা;  
ইহাই এই শব্দের ব্যঞ্জনা।

পাট—সিংহাসন। রাজপাট, পাটরাণী প্রভৃতিতে এই পাট শব্দ  
রহিয়াছে।

নন্দীগ্রাম—রামায়ণ-প্রসিদ্ধ এই স্থানেই, রামের বনবাসকালে, ভরত  
রামের পাটকা প্রতিনিধি করিয়া রাজকার্য্য পরিচালনা করেন।

## ত্রিধারা

**শ্রীরামের বিলাপ [ ১১ ]**—সীতাহারা রামের অসহায় অবস্থার চিত্র এই কবিতাটি। ইহার মধ্যে দুই চারিটি পংক্তির ভাষা গুরুতররূপে আলঙ্কারিক হইয়া উঠিয়াছে ; যথা—পদ্মালয়া পদ্মামুখী...ছহিতা (১১—১৪) পুনশ্চ, সৌদামিনী.....ভিমির আমার (১৯—২৫)। এই কয়েকটি স্থানে রামের মুখে কবি যে কথাগুলি দিয়াছেন তাহা তাঁহার মানসিক অবস্থার অনুরূপ হয় নাই। কবিতার অবশিষ্টাংশ কেমন সুন্দর ও স্বাভাবিক হইয়াছে তাহা প্রণিধানযোগ্য। এই সহজ স্বাভাবিকতার গুণেই কৃত্তিবাস অমর কবির আসন পাইয়াছেন।

দিবাকর নিশাকর..... ভিমির আমার (২৩—২৫) ইহারা তমোহর হইলেও শোকাক্রমকার দূর করিবার সামর্থ্য ইহাদের নাই। নৈশ অন্ধকার হইতে শোকাক্রমকার বড়—ইহাই কবি দেখাইতেছেন।

চিন্তামনি—বাহিত ফলপ্রদ মনি। যাহা চিন্তা করা যায় তাহাই এই মনিদ্বারা প্রাপ্ত হওয়া যায়, এইরূপ প্রসিদ্ধি আছে। চিন্তামনির মতই শ্রেষ্ঠরত্নস্বরূপা জানকী। সীতাকে পাইয়া রামের সমস্ত অভিলাষই পূর্ণ হইয়াছিল তাই সীতা 'চিন্তামনি'।

পঞ্চবটী—অশ্বখ, বিষ্ণু, বট, অশোক, আমলকী—এই পঞ্চবটের সমাহার। দক্ষিণ ভারতের বিশাল দণ্ডকারণ্যভাগের অংশবিশেষ পঞ্চবটী।

**মৃত্যু-বাণ [১২]**—কবিতাশেষে ত্রিভুবন-বিজয়ী রাবণের মৃত্যু বর্ণিত হইয়াছে। রাবণ দুর্কর্ষ ও অপরাজেয়, তাই তিনি দেব-নর-ত্রাস। একটা মাত্র বাণ মন্দোদরীর নিকট সুরক্ষিত ছিল, তাহাই রাবণের মৃত্যুবাণ। হনুমান্ কৌশলে সেই বাণ আনিয়া রামকে প্রদান করে। ভয়ঙ্কর রাবণের মৃত্যু বাণও ভীষণদর্শন।



মহাকোপে.....অস্থির (৬—৭)—রাবণের বীরত্ব বর্ণনায় রাবণ-নিহতা রামের বীরত্বই অধিক ফুটিয়াছে। প্রতিনায়কের বীরত্ব ও গুণাবলী বর্ণনা করিয়া নায়কহস্তে সেই প্রতিনায়কের পরাজয় দেখাইবে এবং তাহাতে নায়কের ঐশ্বর্যই সমধিক ফুটিয়া উঠিবে। ইহাই ছিল প্রাচীন অলঙ্কারশাস্ত্রের নির্দেশ। সমস্ত প্রাচীন কাব্যই এই আদর্শ রক্ষা করিয়া আসিয়াছে। যে শক্তি কিছুই মানে নাই, সেই দুর্জয়শক্তির পতনে যে একটা বিরাট্ বিষয়-গৌরব আছে তাহার মহিমায় মুগ্ধ কবির হৃদয়োচ্ছ্বাসের সম্ভাবনা এ যুগে ছিল না। বর্ণনাটী চিত্রাচরিত-পন্থায় সম্পূর্ণ গতানুগতিকভাবে করা হইয়াছে। Classical সাহিত্যের ইহা একটা লক্ষণ।

**কবিকল্পণ মুকুন্দরাম চক্রবর্তী**—মুকুন্দরাম চক্রবর্তী বর্তমানের

অন্তর্গত দানুয়াগ্রামে (ব্রহ্মপুত্র নদের তীরে) জন্মগ্রহণ করেন। কবি ব্রহ্মপুত্র নদের কথা বলিয়াছেন "পদ্মাসনস্থানস্থল, তোমার চরণজল পান কৈলু শিশুকাল তৈতে"। কবির পিতার নাম জদয়মিশ্র। তদানীন্তন ডিহিদারের অত্যাচারে মুকুন্দরাম নিজবাসভূমি পরিত্যাগ করিয়া মেদিনীপুর জেলার আড়রা গ্রামের রাজার আশ্রয়ে গমন করেন এবং রাজপুত্র রঘুনাথের শিক্ষক নিযুক্ত হন। রঘুনাথের অনুরোধে কবি চণ্ডীমঙ্গলকাব্য রচনা করেন। মুকুন্দরাম যখন নিজ আশ্রয় পরিত্যাগ করেন তখন মানসিংহ ছিলেন মুর্শাবাদার সুবাদার; গ্রন্থ-মধ্যে তাহার প্রমাণ রহিয়াছে। সুতরাং ঐতিহাসিক প্রমাণবলে বলা চলে মুকুন্দরাম ষোড়শ হইতে সপ্তদশ শতাব্দীতে বর্তমান ছিলেন; যেহেতু মানসিংহ ১৫৮৯—১৬০৪ খৃষ্টাব্দ পর্য্যন্ত ঐ সুবাদার পদে নিযুক্ত ছিলেন।

ষোড়শ শতাব্দী হইতে আরম্ভ করিয়া ভারতচন্দ্রের আবির্ভাব পর্য্যন্ত এই সুদীর্ঘ কালের মধ্যে আখ্যান-কাব্যের কবি হিসাবে মুকুন্দরামের সমকক্ষ কোন কবি বাঙ্গালাদেশে জন্মগ্রহণ করে নাই—ইহা নিঃসংশয়ে বলা যাইতে পারে। তাহার দৃষ্টিশক্তি তীক্ষ্ণ এবং রচনা অত্যন্ত বাস্তবধর্মী। এই কাব্যে আর একটা বিশেষত্ব আছে। কবি যাহা কিছু বর্ণনা করিয়াছেন, তাহা স্বর্গের হটক অথবা পৃথিবীর হটক, সমস্ত কিছুই বাঙ্গালার দেশের নিজস্ব বলিয়া

## ত্রিধারা

মনে হয়। বাঙ্গালা দেশের পল্লীগুণি তাঁহার অঙ্কন-কৌশলে প্রত্যক্ষ ও জীবন্ত হইয়া উঠিয়াছে। শব্দসম্ভারে, ভাবের গাভীরো, ভাষার মীলাময় সহজতায় এবং সর্বোপরি চরিত্রের নিপুণচিত্রণে মুকুন্দরামের চণ্ডীমঙ্গলকাব্য মধ্যযুগসাহিত্যে এক বিশিষ্ট স্থান অধিকার করিয়া আছে। চণ্ডীমঙ্গল কাব্যখানি বাঙ্গালা ভাষার এক অজস্র শব্দ ভাণ্ডার হইয়া রহিয়াছে। প্রচলিত, অপ্রচলিত যে কোন শব্দ হটক—কবি নির্বিচারে তাহাদিগকে আপন কাব্য-মালায় গাঁথিয়া গিয়াছেন। এমনও হইতে পারে ঐ সমস্ত শব্দের সকলগুলিই তৎকালে প্রচলিত ছিল; মুকুন্দরামের চণ্ডীমঙ্গল কাব্যের অধিকাংশ অংশ কলিকাতা সংস্কৃতকলেজের ভূতপূর্ব অধ্যক্ষ E. B. Cowell সাহেব ইংরেজীতে অনুবাদ করেন।

**কালকেতুর শৈশব [ ১৩ ]**—চণ্ডীমঙ্গল কাব্যের নায়ক অলঙ্কার-শাস্ত্র-নির্দিষ্ট কুলীন, তাগী, সুশ্রী, মহাগুণোপেত নায়ক নহে; একেবারে নিম্নশ্রেণীর—ব্যাধের সম্মান। কিন্তু অলঙ্কারের দুর্লভা শাসন-লজ্জনে মুকুন্দরাম কোন প্রকার রোমাঞ্চিক মনোভাবের পরিচয় দেন নাই; ব্যাধ তাঁহার কাব্যের নায়ক, যেহেতু মুকুন্দরাম প্রচলিত পল্লীকাহিনী ( তাঁহার সংস্কৃত শিক্ষা সত্ত্বেও ) অতিক্রম করিয়া যান নাই। তিনি ব্যাধকে ব্যাধই রাখিয়াছেন। তাহার “গলায় জালের কাঁঠি” এবং “দুই বাছ লোহার শাবল” মন্তব্যে “অঙ্গে রাক্ষা ধুলি মাখে” এবং “যার সঙ্গে করে খেলা তার হয় জীবন সংশয়।” মুকুন্দ তাঁহার চরিত্রগুলিকে জীবন্ত মানুষরূপে গড়িয়াছেন।

সভার—সবার। উচ্চারণের মহাপ্রাণতার জন্ত অল্পপ্রাণ ‘ব’ মহাপ্রাণ ‘ভ’ হইয়াছে, অথবা সভা—জন-সমষ্টি। ত্রিবলী—উদরের তিনটা ভাঁজ। ইহা ঐস্থানের সৌন্দর্য্য প্রকাশ করে। দীঘল—দীর্ঘ—দীঘল হইয়া দীঘল হইয়াছে। বর্ণ-বিপর্যায় লক্ষ্য করিবে। পাতি—পংক্তি। মূলশব্দে অনুনাসিকবর্ণ ( nasal sound ম, ন, ণ, ঙ, ঞ, এবং ) থাকিলে তাহা

হইতে নিম্ন শব্দে (৬) চন্দ্রবিন্দু দিতে হইবে ; যথা—হাঁস, বাঁশ, চাঁপা, চাঁদ ইত্যাদি। এই কবিতায় এবং পরবর্তী দুইটি কবিতায় বহু বিচিত্র শব্দের সঙ্গে পরিচয় হইবে। এইরূপ শব্দ-সংগ্রহের কারণ কবিপরিচয় প্রসঙ্গে উল্লেখ করা হইয়াছে।

**ফুল্লরার দুঃখ [ ১৪ ]**—মুকুন্দরামের কবি-মানসের যে বাস্তব অনুরাগের উল্লেখ পূর্বে করিয়াছি তাহার নিদর্শন মিলিবে বিশেষ করিয়া এই কবিতায়। ফুল্লরার সংসার তাহার সমস্ত দীনতা লইয়া অপূর্ণ হইয়া উঠিয়াছে। কথাগুলি বলিতেছে ফুল্লরা, কালকেতু ব্যাধের স্ত্রী ; যাহাকে বলা হইতেছে তিনি এক রূপসী রমণী। ইনি ছদ্মরূপিনী চণ্ডী—প্রসন্ন হইয়া কালকেতুর কুটারে আসিয়াছেন। ফুল্লরা কিন্তু চিন্তিতা—পাছে এই রূপ দেখিয়া, স্বামী এই রমণীর প্রতি অনুরক্ত হইয়া তাহার প্রতি বিমুগ্ধ হয়। তাই সংসারের দুঃখদারিদ্র্যের কথা বলিয়া তাহাকে বিদায় করিবার এত আয়োজন। সমস্ত বৃত্তান্ত যাহার অবগত, সেই পাঠকের কাছে মুকুন্দরাম এই করুণকাহিনীর অন্তরালে একটা প্রচ্ছন্ন কোতুকোজ্জল হৃদয়ের ফল্গুধারা বহাইয়াছেন।

মুকুন্দরামের সূক্ষ্ম কবিদৃষ্টিতে খুঁটিনাটি বিষয়গুলির নানারূপ সৌন্দর্য ধরা পড়িয়াছে। সামাজিক এবং গার্হস্থ্যজীবনের কাহিনী বর্ণনায় কবির অসামান্য শক্তি লক্ষ্য করিবার বিষয়।

পসরা—দোকান।                      খুণ্ডার বসন—কর্কশ অল্পসূতার কাপড়।  
বেঙ্চের ফল—বৈচি ফল।                      সিতাসিতপক্ষ—গুরু ও কৃষ্ণপক্ষ।  
উধার—উদ্ধার, ঋণ।                      ধার—কর্জ।                      হরিণের ছত—হরিণের চামড়া।  
তুলি, পাড়ি, পাছুড়ি—ভুলার লেপ, পাতিয়া শয়ন করিবার তোষক এবং গায়ের আবরণ।                      উড়িতে—গারে দিতে।                      এই প্রসঙ্গে 'ওড়না' শব্দটি মনে করিবে।                      আখেটা—মৃগয়াকারী, ব্যাধ।

## ত্রিধারা

চালু সেরে বাস্কা দিগু.....বিগ্গমান (৫২—৫৪)—এক সের চা'লের জন্ত মাটিয়া পাথরা খানা বাধা দিয়াছি, আমার ডঃখের কথা শোন ; এমন-কোন পাত্র নাই যাহাতে করিয়া পাস্তাভাতের জল খাওয়া চলে। সেই জন্ত মাটিতে গর্ভ করিয়া রাখিয়াছি, তাহা হইতে খাইতে হয়। অন্যভাবে আমানি খাই ; তাহা রাখিবার কোন মাটির পাত্রও নাই। ফুল্লরা এই চরম তর্কণার ইঙ্গিত করিতেছে।

মাটিয়া পাথরা—পাথরের পাত্র মৃত্তিকানিশ্চিত হইতে পারে না। পাথরা শব্দটার এখানে অর্থপ্রসার ঘটিয়াছে। পাথরা পাথরের পাত্র না বুঝাইয়া সাধারণ পাত্র বুঝাইতেছে। কাজেই 'মাটিয়ার' সহিত অন্যয়ে আর কোন বাধা থাকিতেছে না। অর্থ হইতেছে মেটে পাত্র। শব্দের এইরূপ অর্থপ্রসার ও অর্থসংকোচ লক্ষ্য করিবার বিষয়। আমি একটা মাত্র উদাহরণ দিব। গাও শব্দটা গঙ্গা হইতে নিস্পন্ন হইলেও ইহা বিশেষ নদী না বুঝাইয়া সাধারণ নদী বুঝাইয়া থাকে।

কমলে কামিনী | ১৫ |—চণ্ডীমঙ্গলকাবোর মধ্যে দুইটা কাহিনী বিবৃত হইয়াছে। প্রথম কালকতু বাধের কাহিনী, দ্বিতীয় ধনপতি বণিকের কাহিনী। নিক্রাচিত অংশে ধনপতি সাধুর সিংহল যাত্রা এবং পশ্চিমধ্যে কমলে কামিনী দর্শনের বৃত্তান্ত বিবৃত হইয়াছে। মুকুন্দরামের রচনায় যে একটা নীলাম্বর অনায়সত্রী ফুটিয়া উঠে তাহারই দৃষ্টান্ত মিলিবে এই স্থানে। কবিতাটির কত্ৰাপি কবির শ্রমবিন্দুও পরিলক্ষিত হয় না। সমস্ত বর্ণনাটা প্রাচীনকালের জলপথের একটা স্পষ্ট ছবি তুলিয়া ধরিতেছে এবং আমাদের মনে একটা ভৌগোলিক কৌতুহল উদ্ভিক্ত করিতেছে।

ইন্দ্রাণীর ঘাট—ইন্দ্রাণী পরগণা বর্ধমান জেলার উত্তরাংশে। ইহা তৎকাল প্রসিদ্ধ স্থান। কাশীরাম দাস আত্ম-পরিচয় প্রসঙ্গে বলিয়াছেন—

## অবতরণিকা

“বারোঘাট, তেরো হাট, তিনচণ্ডী, তিনেশ্বর ।

যে জন বলিতে পারে তার ইন্দ্রানীতে ঘর ।”

অজয়—রাঢ়দেশস্থ নদ ।

ধৌত-হরিপদবন্দা অলকানন্দ — বিষ্ণুপাদোদ্ভবা গঙ্গা ।

গীতনাট—গীত এবং নৃত্য ।

ত্রিবেণী—গঙ্গার দক্ষিণ তটে গঙ্গা-যমুনা-

স্বরস্বতী নদীর মূক্তবেণীর স্থান ।

মগরা—মকরালয় সমুদ্র ।

সেই কালীনহ.....খঞ্জনলোচনা

( ২৫---২৮)—ইনিই কমলে

কামিনী, চণ্ডীদেবীর মায়া । আমরা ধীরে ধীরে কৌতূহলের পথ বাহিয়া  
এক মহাবিশ্বয়ের রাজ্যে উপনীত হইলাম । কবি এই বিশ্বয়ের মধ্যেই  
কবিতা শেষ করিয়াছেন । এখানে অদৃত রসের বাজনা রহিয়াছে ।

**সৈয়দ আলি আলী**—সৈয়দ আলি আলী নব্বদশ শতাব্দীর কবি । করিমপুর জেলার  
অনুগত জালালপুর কবির সগ্রাম । কবি সফল এবং তাঁহার পিতা পার্শ্বগৌড় জলদস্যুকর্তৃক  
একদা আক্রান্ত হন । পিতা নিহত হইলেন, কবি কোন ক্রমে আত্মরক্ষা করিয়া  
আরাকান রাজ্যের প্রধান অমাত্য মাগন ঠাকুরের শরণাপন্ন হন । মাগন ঠাকুর মুসলমান  
ছিলেন । কবি এই প্রধান অমাত্যের নির্দেশে মতস্যদ জয়সী প্রণীত হিন্দী কাব্য ‘পদ্মাবৎ’  
এর বাঙ্গালা অনুবাদ করেন । এই অনুবাদ গ্রন্থের নাম পদ্মাবতী । আলি আলীর শুধু  
কবিতা-রচনায় নৈসর্গিক প্রতিভা ছিল তাহা নয়, তাঁহার ছিল বহুশিক্ষিতা, গভীর পাণ্ডিত্য  
ও চরিত্রের উদারতা । কবিরচিত বহু বৈষ্ণবপদ আছে । কবি মেস্তাবে মড়্, ঋতুর  
বর্ণনা ও বয়ঃসন্ধির বর্ণনায় কৃতিত্ব প্রদর্শন করিয়াছেন এবং সামাজিক রীতিনীতির নিখুঁৎ  
চিত্র উদ্ঘাটন করিয়াছেন তাহাতে মনে হয় তাঁহার পাণ্ডিত্য, কবিত্ব এবং অভিজ্ঞতা  
সমস্তই অনন্যসাধারণ ছিল । তাঁহার শকচয়ন-নৌষ্ঠব ও বর্ণনা মাধুর্য্য তাঁহাকে সেই  
যুগের কবিদের মধ্যে একটা বিশিষ্ট স্থান প্রদান করিয়াছে ।

**প্রণাম [ ১৬ ]**—ঈশ্বর-প্রণাম প্রসঙ্গে কথাগুলি বলা হইয়াছে ।  
যিনি বন্দিত হইয়াছেন তিনি মুসলমানের অধিতীয় ভগবান্ হইলেও

## ত্রিধারা

ঠাহার মহিমা—মহিম্নঃ স্তোত্রের ঠৈখর-মহিমার মতই মনে হয়। যতবিক্ত  
নবগ্রহ.....নাহি হয় ( ২৭—৩২ )। তুলনীয়—

“অসিতগিরিসমং স্রাং কজ্জলং সিন্ধুঃ পাত্রম্

সুরতরুবরশাখা লেখনী পত্রমুর্বা।

লিখতি যদি গৃহীত্বা সারদা সর্ককালং

তদপি তবগুণানামীশ পারং ন য়তি ॥”

আলাওলের কবি-মানসে এইরূপ কল্পনাই বোধ হয় স্বাভাবিক।

এতেক সৃজিতে...(১১) সৃষ্টি কার্যে ভাগবতী ইচ্ছাই কারণ। তুলনীয়—

“In the beginning God created the heaven and the earth.  
And the earth was without form and void ; and darkness  
was upon the face of the deep. And God said—Let there  
be light and there was light.

—*The Bible Genesis.*

স্থানে স্থানে আলাওল জয়সীর কাবোর আক্ষরিক অনুবাদ করিয়াছেন  
যথা—

সেই এক ধনপতি (১৩—১৪).....ধনপতি বহী জেহক সংসার

সব দেত হনিত ঘটত ভণ্ডারু—পদ্মাবৎ ।

পুনশ্চ,

প্রথমে প্রণাম (১—২).....সুমিরো আদি এক করতারু ।

জে জীব দীর্ঘ কীরু সংসারু ॥

—পদ্মাবৎ ।

অন্তরীক্ষ—শূন্য-লোক ।

অকথা—অনির্কনীয় ।

নবগ্রহ—নবহার বিশিষ্ট মানবদেহ ।

স্ততিএ—স্ততিদ্বারা ।

**কাশীরাম দাস**—খৃষ্টীয় ষোড়শ-সপ্তদশ শতাব্দীর কবি। বর্ধমান জেলার কাটোয়া

মহকুমার অন্তর্গত সিঙ্গি গ্রামে কাশীরামের জন্ম হয়। ইহার অমরকীর্তি মহাভারতের

## অবতরণিকা

অনুবাদ। কৃত্তিবাসের প্রতিভা-সূর্যের প্রথর কিরণে যেমন অশ্রুস্ত রামায়ণ-রচয়িতার গ্রন্থগুলি নিম্প্রভ হইয়া গিয়াছে, তেমনই কাশীরাম দাসের মহাভারতও অপরাপর মহাভারত-রচয়িতাদের যশঃ হরণ করিয়াছে। ইনিই ধারাবাহিকভাবে মহাভারতের শ্রেষ্ঠ অনুবাদক। এই অনুবাদ দ্বারা বাস-রচিত মহাভারতের ছায়ানুবাদ বৃক্ষিতে হইবে, আকরিক অনুবাদ নহে। প্রয়োজনমত বহু পুরাণ ও উপপুরাণ হইতে উপাদান সংগ্রহ করিয়া কবি তাঁহার মহাভারতের কলেবর বৃদ্ধি করিয়াছেন। এই গ্রন্থ কৃত্তিবাসী রামায়ণের মতই বাঙ্গালার নগ্নে নগ্নে পঠিত হইয়া থাকে। প্রকৃতই এই দুইখানা গ্রন্থ বাঙ্গালা সাহিত্যে কালনিভয়ী হইয়া বিরামমান রহিয়াছে।

**একলব্যের গুরুদক্ষিণা [ ১৭ ]**—কাশীরাম দাসের মহাভারতে একলব্যের গুরুদক্ষিণাবৃত্তান্ত পরম গুদার্য্য ও তাগে মহীয়ান্। সমাজ ব্যবস্থায় নীচজাতির উচ্চতর বিদ্যায় অধিকার না থাকিলেও সেই নীচজাতি আত্মশক্তিতে ও মনের একাগ্রতায় সময় সময় যে সিদ্ধিলাভ করিয়া থাকে, তাহা উচ্চজাতিরও শক্তির বাহিরে। অধ্যবসায়, চরিত্রের অদম্য শক্তি ও উত্তমদ্বারা মানুষ সব কিছুই আয়ত্ত করিতে পারে,—গুরু উপলক্ষ্য মাত্র। ইহাই এই কবিতার মঙ্গলকথার এক দিক্। অতীতকালে অজ্ঞানের ভীতি এবং দ্রোণাচার্য্যের শিষ্য-স্নেহ দেখান হইয়াছে। সে স্নেহে যতই নীচতা থাক্ তথাপি তাহা স্নেহ। সর্বোপরি একলব্যের চরিত্রের গুদার্য্য এই কাবিতাটিকে মহিমোজ্জ্বল করিয়া তুলিয়াছে।

কোড়র—কুমার। স্বরমধ্যস্থিত ‘ম’ ধ্বনির ‘ঙ’ ধ্বনিতে পরিণতি মধাবাঙ্গালার বিশেষত্ব। রা—রাব, শব্দ।

**পরার্থ [ ১৮ ]**—জতুগৃহ-দাহের পর পাণ্ডবগণ বারণাবত হইতে প্রচ্ছন্নভাবে পলায়ন করিয়া, অবশেষে দুঃখ-কষ্ট ভোগ করিয়া, অবশেষে একচক্রা নগরীতে উপস্থিত হন। তথায় এক দরিদ্র ব্রাহ্মণ তাঁহাদিগকে আশ্রয় দিলেন। পাণ্ডবগণ তথায় ছদ্মবেশে বাস করিতেছিলেন। সেই

## ত্রিধারা

সময়ে এই ঘটনা আসিয়া উপস্থিত হয়। কবিতাটির মধ্যে ভীম সামান্য একটু স্থান অধিকার করিয়া আছে; কুন্তীদেবী “বৃকোদরে জনাইল সব বিবরণ” আর অমনি মায়ের বচন শুনি “ভীম কৈল অঙ্গীকার।” অক্ষয়-মাত্রায় তাহার স্থান সামান্য হইলেও আমাদের হৃদয়রাজ্যে তাহার স্থান অসামান্য হইয়া উঠিয়াছে। দেহের শৌর্যাবীর্য্যই যে কেবল পাণ্ডব-দিগকে বড় করিয়া তুলিয়াছিল, তাহা নহে, তাঁহাদের চরিত্রের মাহাত্ম্যও তাঁহারা সবার উপরে ছিলেন। নিজের জীবন-বিসর্জনে যে অকুণ্ঠিত ব্যবহার তাহার মধ্যে একটা কঠিন চরিত্রশক্তি ও নৈতিক সাহস আছে।

লোকের বেদনা.....সহিব কেমন ( ৩৫—৩৬ ) কুন্তীর মত জননীর সম্মান বলিয়াই পাণ্ডবগণ এইরূপ চরিত্রশক্তির অধিকারী হইয়াছিলেন।

রাক্ষস সংহার.. (৪২) রাক্ষসের সঙ্গে শত্রুপরীক্ষা আমার পুত্রের হইয়া গিয়াছে। ভীমের সহিত হিড়িম্ব রাক্ষসের যুদ্ধ এবং ভীমহস্তে তাহার নিধন—এই পূর্বতন ঘটনার উল্লেখ কুন্তীদেবী এইস্থানে করিতেছেন।

ভীষ্ম [ ১৯ ]—ভয়ঙ্কর প্রতিজ্ঞা করার জন্তই দেবব্রত ‘ভীষ্ম’ নাম প্রাপ্ত হইয়াছেন। ‘ভীষ্মের প্রতিজ্ঞা’ বাঙ্গালা ভাষার প্রবাদ বাক্য হইয়া দাঁড়াইয়াছে। দেবব্রতের পিতা শান্তনু ধীবর রাজকন্যা সত্যবতীকে বিবাহ করিবার জন্ত ইচ্ছাপ্রকাশ করিয়াছিলেন। দেবব্রত ধীবর-রাজের নিকট পিতার জন্ত সত্যবতীকে দাখলা করিতে যান। ধীবররাজের ভয় হইল—নিজ কন্যার পুত্র হইলে তাহার সিংহাসনের আশা নাই, যেহেতু ধর্ম্ম-শাস্ত্রানুসারে শান্তনুর জ্যেষ্ঠপুত্র দেবব্রতই সিংহাসনের উত্তরাধিকারী। দেবব্রত প্রতিজ্ঞা করিলেন, তিনি সিংহাসনের দাবী করিবেন না। তাহাতে ধীবর-রাজের শঙ্কা দূর হইল না : যেহেতু দেবব্রতের বংশধর কেহ সিংহাসন দাবী করিতে পারে। দেবব্রত তখন কঠিন প্রতিজ্ঞা করিলেন ; প্রতিজ্ঞা করিলেন যে তিনি জীবনে বিবাহ করিবেন না।



## অবতারণিকা

**রামপ্রসাদ সেন**—ভারতচন্দ্র রায়গুণাকরের সমকালবর্তী কবি। কবির জন্ম হয় চক্ৰিশপরগণা জেলার অন্তর্গত কুমাবহট্ট গ্রামে আনুমানিক ১৭২৩ খৃষ্টাব্দে। বর্তমান সময়ে ঐ স্থানের নাম তালিমহর। রামপ্রসাদ তান্ত্রিক শক্তি উপাসক ছিলেন। এ সাধনার তাহার একটা বৈশিষ্ট্য ছিল। এই সাধকটির ধ্যাননয়নে করালবদনা, মৃত্যুকেশী, ভয়ঙ্করী দেবী শুধু বরাভয়মূর্তিতে দেখা দিয়াছিলেন। রামপ্রসাদ যেন কঠোর শাক্তধর্মকে একটা কোমলমধুর শ্রী প্রদান করিয়া গিয়াছেন। বাঙ্গালার শাক্তধর্মের এখন তাহাটী বিশেষত্ব হইয়া দাঁড়াইয়াছে। রামপ্রসাদ বিজ্ঞানসন্দেহ কাব্য, কালীকীর্তন, কৃষ্ণকীর্তন, শিবকীর্তন প্রভৃতি গল্প এবং বহু সঙ্গীত রচনা করিয়া গিয়াছেন। তাহার রচিত গল্পগুলি সুপ্রচারিত হয় নাই। কবি নিজের একদিন বলিয়াছিলেন “গ্রন্থ যাবে গড়াগড়ি গানে ভব মত্ত।” সত্যই তাহার সঙ্গীত তাহাকে অমর করিয়াছে। গানগুলি তাহার প্রাণের অন্তস্থল তটতে উৎসারিত হইয়া ভাবরসে অতুণনীয় হইয়া উঠিয়াছে। এই গানগুলি একটা বিশিষ্টশ্রেণী পাওয়া যায়, সে শ্রেণীর নাম “রামপ্রসাদী সুর”। এই রামপ্রসাদী সুর ভিন্ন রামপ্রসাদের গানের মাদুর্য উপলব্ধি করা যায় না। সমস্ত বাংলা দেশ একদা এই সঙ্গীতে মাতা দিয়াছিল।

**ভূঃখের বড়াই** [ ২০ — রামপ্রসাদের একটি শ্রীমানসঙ্গীত। প্রত্যেকটি সঙ্গীত কবির অন্তরের নিগূঢ় ভক্তিরসে সিক্ত বলিয়া অতি সহজেই প্রাণস্পর্শী হইয়া উঠে। কবির নিজের ব্যক্তিগতজীবনের অন্তর্ভুক্তি যদিও তিনি এই সব সঙ্গীতগুলিতে প্রকাশ করিয়াছেন তথাপি তাহার মন্ববাণীর সহিত কোন ধর্মের, কোন সম্প্রদায়ের বিরোধ হইতে পারে না। এইদিকে বিচার করিলে ইহা একপ্রকার Universal Prayer। মহাপুরুষগণ ভূঃখেরই পূজা করিয়া আসিয়াছেন। জগতের ইতিহাসে মানুষের পরমপূজাগণ ভূঃখেরই অবতার, আরামে লালিত লক্ষীর ক্রীতদাস নহে”— এই কথা স্মরণ রাখিলেই কবিতাটির মর্মকথা বুঝিতে বেগ পাইতে হইবে না। ভূঃখের নিকষ-পাবাগেই হয় খাঁটি মনুষ্যত্বের পরীক্ষা। মানুষ মহাসম্পদ বাহ্য কিছু লাভ করে তাহা ভূঃখদ্বারাষ্ট লাভ করে।

## ত্রিধারা

সুতরাং দুঃখের একটা গোরব আছে। ভক্তকবি রামপ্রসাদ সেই দুঃখের বড়াই করিতেছেন।

বোঝা নামাও... (৮) দুঃখ হইতে অব্যাহতি লাভের জন্য উৎকর্ষা নছে, অনন্ত জন্মশ্রোত হইতে মুক্ত হইবার জন্য আকুল ক্রন্দন।

ব্রহ্মময়ী—ব্রহ্মন্ + ময়ট্ (স্ত্রী) ব্রহ্মময়ী। অর্থ ব্রহ্মস্বরূপিণী; স্বরূপ অর্থে ময় (ট্) প্রত্যয়। উপনিষদে যিনি সচ্চিদানন্দস্বরূপ ব্রহ্ম, মাতৃভাবতন্ময় কবির নিকট তিনিই ব্রহ্মময়ী। উভয়ের কোন ভেদ নাই। তুলনীয়—

“তারা আমার নিরাকারা—

শ্রীরামপ্রসাদ রটে—মা বিরাজে সর্কধটে,

ওরে আঁখি অন্ধ! দেখ মাকে, তিমিরে তিমিরহরা!

উমার বাল্যলীলা [ ২১ ]—উমার শৈশবের একখানা চারু চিত্র। শিশুমনের বাসনার অন্ত নাই, সেখানে সাধ্যাসাধ্যের বিচার নিষ্ফল। শিশু “গগনের চাঁদ চায়—না পেলে রোদন।” ব্যাহত অভিমানের ছবিটি কি সুন্দর ও স্বাভাবিক “ভূষণ ফেলিয়া মোরে মারে”। এই বর্ণনার মধ্যে একটা মনোহর স্বাভাবিকতা এবং কোতুকাবহ সৌন্দর্য্য ফুটিয়া উঠিয়াছে। এখানে যে রসব্যাঞ্জনা রহিয়াছে তাহা বাৎসল্য।

মুকুরে হেরিয়া মুখ... (১৭—১৮) উমার মুখে চাঁদের সৌন্দর্য্য হইতেও অধিক সৌন্দর্য্য আছে। সৌন্দর্য্যবিষয়ে জগতে যাহা উপমান হইয়া আছে উমার মুখের কাছে তাহার কি শোচনীয় পরাজয়।

মানসপূজা [ ২২ ]—কবি বাহু আড়ম্বরপূর্ণ, মহা সমারোহের পূজা হইতে প্রকৃত ভক্তের নীরব ধ্যানকে শ্রেয় বলিয়া কীর্তন করিতেছেন। ধ্যাননয়নে দেবতার যে মানসপ্রত্যক্ষ হয় উহাই শ্রেষ্ঠ প্রতিমা। ভক্তি-সেখানে নৈবেদ্য। মনের ছয়টি অসৎ প্রবৃত্তি ( কামাদি ) ত্যাগ করাই সর্বশ্রেষ্ঠ বলিদান।

## অবতরণিকা

**ভারতচন্দ্র রায়**—হাবড়া আমতার সন্নিকটে পেঁড়োবসন্তপুর গ্রামে ১৭১২ খৃষ্টাব্দে ব্রাহ্মণ জমিদার বংশে ভারতচন্দ্রের জন্ম হয়। ভাগ্যবিপর্যয়ে ভারতচন্দ্র নিজগৃহ পরিত্যাগ করিতে বাধ্য হন এবং নানা স্থান ঘুরিয়া অবশেষে কৃষ্ণনগরের মহারাজ কৃষ্ণচন্দ্রের আশ্রয় লাভ করেন। কৃষ্ণচন্দ্র পূর্বেই ভারতচন্দ্রের কবি-প্রতিভার পরিচয় পাইয়াছিলেন। মহারাজের আদেশে কবি তাঁহার অপূর্ব কাব্য অন্নদামঙ্গল রচনা করেন। তাঁহার ৪০ বৎসর বয়সে ১৭৫২ খৃষ্টাব্দে এই গ্রন্থ সমাপ্ত হয়। কবি ইহার পর আর দীর্ঘ দিন বাঁচিয়া থাকেন নাই। ১৭৫৭ খৃষ্টাব্দে বাঙ্গালার ভাগ্যাকাশে যে তুমুল ঝড় উঠিয়াছিল, তাহার ঠিক তিনবৎসর পর, ১৭৬০ খৃষ্টাব্দে কবি তাঁহার ইহলীলা সংবরণ করিয়াছিলেন।

ভারতচন্দ্র মধ্যযুগের বঙ্গসাহিত্যের মুকুটমণি। মঙ্গলকাবোর তিনি এক রমণীয় আদর্শ পথের নির্দেশ করিয়া গিয়াছিলেন; কিন্তু এ পথে আর যাত্রী চলিল না। বাঙ্গালার রাষ্ট্র-বিক্ষোভ সমস্ত কিছু ওলট পালট করিয়া ফেলিল। কাব্যসাহিত্যে ভারতচন্দ্র একজন স্বয়ং-সিদ্ধ শিল্পী। তাঁহার অসাধারণ বাগ্‌বৈদগ্ধ্য ও ছন্দোবৈচিত্র্য তাঁহাকে বঙ্গদেশে চিরস্মরণীয় করিয়া রাখিয়াছে। শব্দার্থের যে মণিকাঞ্চন-সংযোগের অধিকার ভারত কবির ছিল তাহা সেই যুগের বা তৎপূর্ববর্তী যুগের কোন কবির মধ্যে পরিলক্ষিত হয় না। ভারতচন্দ্রের অধিকাংশ উক্তি একটা অমর বাণীমূর্তি ধারণ করিয়াছে। তাঁহার বিশেষ করিয়া সেই গুণ ছিল যাহাকে ইংরেজীতে বলে "Gift of phrasemaking!"

**শিবের তিষ্কাযাত্রা** [২৩]—কবি নিপুণ চিত্রকরের মত একখানি চমৎকার ছবি আঁকিয়াছেন। পৌরাণিক শিব-চরিত্রের আদর্শ ভারতচন্দ্রের শিবে রক্ষিত হয় নাই। এই শিব একেবারে বাঙ্গালীর ঘরের দেবতা, ক্ষুৎপিপাসায় কাতর—“ওদিন ওদন বিনা জল লাগে নাই।” বাঙ্গালীর উৎসব ও আনন্দের দিনে যে শিবের গীত প্রসিদ্ধ ছিল, সেই লৌকিক শিবের মূর্তিই যেন আমরা এই কবিতাটিতে দেখিতে পাইতেছি। বাঙ্গালীর মানসলোকে যে চিরকালের শিবটি আসন পাতিয়া আছেন এ তাঁহারই মূর্তি। শিব দারিদ্র্য-তুঃখে গৃহস্থের কাছে কৃষিকার্য্য শিখিতে যান,

## ত্রিধারা

ভাঙপোস্ত আফিং খান এবং ভবানীর কোন্দলে অস্থির হইয়া, মনে  
হুঃখে—নন্দীরে ডাকিয়া কন—“বৃষ আন, যাইব ভিক্ষায়” ।

**বিশেষণে সবিশেষ [ ২৪ ]**—অন্নপূর্ণা যাত্রা করিয়াছেন ভবানন্দ  
মজুমদারের গৃহে । এই ভবানন্দ মজুমদার মহারাজ কৃষ্ণচন্দ্রের আদিপুরুষ ।  
দেবী ভবানন্দের ভক্তিতে প্রীতা হইয়া তাঁহার গৃহে প্রতিষ্ঠিতা হইতে  
চান । যাত্রাপথে পড়িল এক নদী—গাঙ্গনী নদী ; “সেই ঘাটে খেয়া দেয়  
ঈশ্বরী পাটনী ।”

অন্নপূর্ণার রহস্যপ্রিয়তা ও ঈশ্বরী পাটনীর সরল মধুর ভাব দৃশ্যটিকে  
মনোহর করিয়া তুলিয়াছে, অন্নপূর্ণা পাটনীর নিকট একটা বিশেষণে  
সবিশেষ পরিচয় দিলেন তাহাতে একদিকে কার্যসিদ্ধি অন্তদিকে আত্মগুপ্তি  
হইল । যাহা কিছু তিনি বলিলেন তাহাতে নিন্দাচ্ছলে হইল পতির স্তুতি ।  
সেই জন্ত বিশেষণ এবং বাক্যগুলি সমস্তই দুইটি করিয়া অর্থ প্রকাশ  
করিতেছে । ইহাই এই কবিতায় বিশেষভাবে লক্ষ্য করিবার বিষয় ।

**কৈলাসভূধর [ ২৫ ]**—কবিতাটি সুন্দর এক স্বভাব-বর্ণনা । তাকে  
ইহাতে একটা বৈশিষ্ট্য আছে । কৈলাসভূধরের যে রূপ আমরা দেখিতেছি  
তাহাতে ভারতচন্দ্রের বস্তুনিষ্ঠা ও কবিকল্পনা মিশিয়া গিয়া এক অপূর্ব  
সৌন্দর্য্য-লোকের সৃষ্টি করিয়াছে । কৈলাসের অবস্থিতি আমাদেরই  
বাস্তব লোকে সেখানকার ভূচর-খেচরও আমাদের পরিচিত । তথাপি  
কবিকল্পনা আমাদের পরিচিত পৃথিবী হইতে বহুদূরে  
সরাইয়া লইয়া গিয়াছে । আমরা গিয়াছি এমন এক কল্পলোকে যেখানে  
জরা মৃত্যু নাই অপরূপ ঠাই, কেবল সুখের মূল ।

(২৮—৩২) কবির রোমান্টিক কল্পনা কতদূর গিয়াছে তাহা লক্ষ্য  
করিতে হইবে । এ যেন এক সৌন্দর্য্যের কল্প-লোক, “কামনার  
মোক্ষধাম” ।

শিবের রুদ্ররূপ [২৬]—পূর্ববর্তী (২৩) কবিতায় যাহাকে দেখিয়াছি তিনি শিব; অন্তরে বাহিরে তাঁহার কোথাও যেন উত্তাপ বা জ্বালা নাই। সেই শিবের এক মহাভয়ঙ্কর রূপ এই কবিতায় ফুটিয়া উঠিয়াছে। তিনি ভীষণ-মধুর। মধুর বলিয়াই তিনি শিব—মঙ্গলময়। আবার ভীষণ বলিয়াই তিনি রুদ্র—ভয়ঙ্কর। দক্ষযজ্ঞে সতী পতিনিন্দা সহিতে না পারিয়া দেহ ত্যাগ করিয়াছেন। সেই সংবাদে শিব ক্রোধে দীপ্ত বহির মত জলিয়া উঠিয়াছেন। মাথায় গঙ্গা উচ্ছল প্রবাহে টলমল করিয়া উঠিয়াছে, দেবভূষণ সর্প গর্জন করিতেছে, ললাটবহিঃ ধব্ধব্ধ করিয়া জলিয়া উঠিয়াছে। প্রমথগণ সহ রুদ্রমহেশ্বর চলিয়াছেন দক্ষযজ্ঞনাশ করিতে।

ভারতচন্দ্র যে কতবড় শব্দশিল্পী তাহার পরিচয় পাওয়া যাইবে এই কবিতায়। সংস্কৃত ভূজঙ্গপ্রয়াত ছন্দের প্রবাহে কবি তাঁহার শব্দগুলিকে ছাড়িয়া দিয়াছেন। তাহাতে মনে হয় যেন একটা শব্দের উত্তাল তরঙ্গ হেলিয়া, ছলিয়া, নাচিয়া, ছুটিয়া চলিয়াছে। কবিতায় দীর্ঘ বর্ণগুলিকে (আ, ই, উ, এ, ঐ, প্রভৃতি এবং সংযুক্তবর্ণের পূর্ব অক্ষর) টানিয়া টানিয়া দীর্ঘ করিয়া পড়িতে হইবে; তাহা হইলেই সমস্ত কবিতাটির অপূর্ব সঙ্গীত-শ্রী উপলব্ধি করা যাইবে।

ছলচ্ছল.....(৪) তিনটি ধ্বন্যাত্মক শব্দ—ছলচ্ছল টলটল ও কলকল। এই তিনটি শব্দে গঙ্গা-প্রবাহের স্পষ্ট তিনটি গুণ বা অবস্থার ইঙ্গিত করা হইয়াছে। ছলচ্ছল দ্বারা প্রবাহের উচ্ছল গতি, টলটল দ্বারা তাহার নির্মলতা ও কলকল দ্বারা প্রবাহধ্বনি সূচিত হইতেছে। ভারতচন্দ্রের শব্দগুলির এইরূপ একটা যাদুশক্তি আছে।

## দ্বিতীয় প্রবাহ

**স্বামিনিধি গুপ্ত**—নিধুবাবু নামেই ইনি সমধিক পরিচিত। ১৭৪১ খ্রীষ্টাব্দে হুগলী জেলার চাপতা গ্রামে ইঁহার জন্ম হয়। নিধুবাবু ছোটকাল হইতেই সঙ্গীতপ্রিয় ছিলেন। যখন তিনি ছাপরায় প্রবাসী ছিলেন তখন বড় ওস্তাদের নিকট ওস্তাদিগান শিক্ষা করেন। ইহাই তাঁহাকে সঙ্গীত রচনায় প্ররোচিত করে।

১৭৬০ খ্রীষ্টাব্দে ভারতচন্দ্রের মৃত্যু হইতে আরম্ভ করিয়া ১৮৩০ খ্রীষ্টাব্দে ঈশ্বরচন্দ্র গুপ্তের সংবাদ প্রভাকরের প্রকাশ পর্য্যন্ত যে কাল, তাহাকে বাঙ্গালা সাহিত্যের 'গীতি-যুগ' বলা যায়। কবি, যাত্রা, পাঁচালী, গেউড়, হাপআখড়াই—এইসব গানের যুগেই নিধুবাবু তাঁহার টপ্পাগান বঙ্গসাহিত্যভাণ্ডারে দান করিয়াছেন। সহজ সরলভাবের ক্ষুদ্র ক্ষুদ্র প্রেমগীতি বাঙলা সাহিত্যে এই প্রথম দেখা দিল। নিধুবাবুর পূর্ববর্তী দুইটি শ্রেষ্ঠ কবির মধ্যে ( ভারতচন্দ্র ও রামপ্রসাদ ) কেহই তাঁহার উপর কোন প্রভাব বিস্তার করিতে পারেন নাই। ভারতচন্দ্রের প্রেমের নামে পঙ্কিলতা ও রামপ্রসাদের ভক্তিনিষ্ঠা, উভয় হইতেই দূরে সরিয়া, তিনি একটি সম্পূর্ণ পৃথক্ ভাবরাজ্যে বিচরণ করিলেন। বৈষ্ণব-পদাবলীও প্রেমগীতি বলিয়া প্রসিদ্ধ। কিন্তু বৈষ্ণবপদাবলীর মত নিধুবাবুর সঙ্গীতে কোথাও কোন প্রকার রূপক-কল্পনা নাই। নিধুবাবু উপলব্ধি করিলেন যে, মর্তবাসী নরনারীর প্রেমও সাহিত্যের বিষয়বস্তু হইতে পারে। তাই তিনি সাধারণ মানব-মানবীর মিলন-বিয়হ, অনুরাগ সোহাগ লইয়া তাঁহার গান রচনা করিলেন। বাঙ্গালা সাহিত্যে গীতিকবিতার একটা স্পষ্ট প্রাণ লক্ষণ স্পন্দিত হইয়া উঠিল।

**স্বদেশী ভাষা [ ২৭ ]**—প্রেমসঙ্গীত ছাড়াও নিধুবাবু বহু সঙ্গীত রচনা করিয়াছেন। তিনি ছিলেন প্রকৃত মাতৃভাষা ও মাতৃভূমির একনিষ্ঠ সেবক। তাঁহার স্বদেশ ও স্বভাষা-প্ৰীতি প্রকাশিত হইয়াছে এই ক্ষুদ্র গানটির মধ্যে। মাতৃভাষার জন্ত তৃষ্ণা চাতকের জলধারা-পিপাসার মত। কবি তাঁহার কবিতা একটি দৃষ্টান্ত অলঙ্কারে প্রতিষ্ঠিত করিয়াছেন। দৃষ্টান্তটি আবার কবিপ্রসিদ্ধিমাত্র। ধরাপৃষ্ঠের জল চাতক-চাতকীর অপেষ ;

তাহারা পান করিবে শুধু বৃষ্টিধারার জল তাহাও মাটিতে পড়ার পূর্বে ।  
তাহাদের এই জলপান-কোশল উল্লেখ করিয়া কবি কালিদাস তাহাদিগকে  
বলিয়াছেন “অস্তোবিন্দু-গ্রহণনিপুণাঃ” ।

মনের অনল [ ২৮ ]—কবিতাটী নিধুবাবুর একটা উৎকৃষ্ট প্রেম-  
সঙ্গীত । প্রেমাস্পদের প্রাপ্তিতেই প্রেমানল নির্কাপিত হয়—নয়নের জল  
বা সাগরের জল তাহাকে নিভাইতে পারে না ; ইহাই গানটার মর্মার্থ ।  
আবার সেই চাতকীর দৃষ্টান্ত । দ্রষ্টব্য (২৭) কবিতা ।

**হরু ঠাকুর**—নিধুবাবুর পরিচয়-প্রসঙ্গে আমরা যে গীতিযুগের উল্লেখ করিয়াছি সেই  
গীতিযুগের একজন কবিওয়াল। কবিওয়ালারা ছিলেন দাঁড়াকবি । সভায় দাঁড়াইয়া  
প্রতিপক্ষের সঙ্গে লড়াইয়ের জন্য ইহাদের গানগুলি রচিত হইত । ইহাদের রচনা  
পাঠকের উদ্দেশ্যে নয়, শ্রোতার উদ্দেশ্যে হইত । সুতরাং এই গানগুলি রক্ষা করার কোন  
উপায় ছিল না । তাহা ছাড়া, এক ঈশ্বরচন্দ্র গুপ্ত ব্যতীত উনবিংশ শতাব্দীর প্রত্যেক  
শিক্ষিত ব্যক্তি, বিশেষতঃ ইংরেজী শিক্ষিত সম্প্রদায় এই কবি গানগুলিকে ঘৃণার চক্ষে  
দেখিয়াছেন । কাজেই গানগুলিকে রক্ষা করিবার কোন বিশেষ আয়োজনই হয় নাই ।  
ঈশ্বরচন্দ্র গুপ্ত কতকগুলি গান সংগ্রহ করিয়া তাঁহার সংবাদ প্রভাকরে প্রকাশ  
করিয়াছিলেন : তাই আমরা কবিগানের কিছু কিছু জানিতে পারিয়াছি ।

হরু ঠাকুরের প্রকৃত নাম ছিল হরেকৃষ্ণ দীর্ঘাক্ষী । তিনি ব্রাহ্মণ ছিলেন বলিয়া লোকে  
সম্মান করিয়া তাহাকে হরু ঠাকুর বলিত । ১৭৩৮ খৃষ্টাব্দে কলিকাতার সিমলা পাড়ায়  
তাহার জন্ম হয় । শৈশবেই তিনি সঙ্গীতপ্রিয় হইয়া উঠেন এবং ক্রমশঃ তাঁহার এই  
গুণের উন্মেষ হইতে থাকে । দীর্ঘদিন বাঙ্গালার একজন শ্রেষ্ঠ কবিওয়াল। বলিয়া  
বিখ্যাত থাকিয়া ৭৬ বৎসর বয়সে তাঁহার মৃত্যু হয় । তাঁহার বহু কবিশিষ্ট ছিল ;  
তন্মধ্যে ভোলা ময়রার নাম উল্লেখযোগ্য ।

প্রতীক্ষা [ ২৯ ]—...কবিগানমাত্রই ঘৃণার বস্তু ছিল না । আমরা শুধু  
ইহাই বলিতে পারি যে, সৃষ্টি-নিয়মের ব্যতিক্রম কবিগানে হয় নাই ।

## ত্রিধারা

গানগুলি ভাগমন্দ উভয় প্রকারেরই ছিল। এই গানটীতে কবির একটা আবেগময় তীব্র অনুভূতি প্রকাশিত হইয়াছে; সেই অনুভূতি নিতান্ত ঐন্দ্রিয়ক (sensuous)। অতুলীয়—

“But I am tied to very thee  
By every thought I have ;  
Thy face I only care to see  
Thy heart I only crave.”

*Sir C. Sedley*

**রামবসু**—গীতিবৃগের আর একজন কবি। ১৭৮৭ খৃষ্টাব্দে হাওড়ার নিকট শালিখা গ্রামে তাঁহার জন্ম হয়। রামবসু বাল্যকালেই পাঠশালায় বসিয়া বসিয়া কলাপাতায় গান লিখিয়া ফেলিতেন। এই বয়সেই তাঁহার কবি-প্রতিভা দেখিয়, সকলে মুগ্ধ হইয়া পড়ে। উত্তরকালে ইনি একজন শ্রেষ্ঠ কবিওয়ালা বলিয়া প্রসিদ্ধ হন। বিরহবর্ণনাতেই এই কবির কৃতিত্ব বেশি ফুটিয়াছে। তাঁহার ভাষা সরল, আবার কখনও কখনও আড়ম্বরপূর্ণ—কিন্তু সর্বদাই তাহা প্রাণস্পর্শী। ঈশ্বরচন্দ্র গুপ্ত বালিয়াছেন, “যেমন সস্মৃত কবিতায় কালিদাস, বাঙ্গালা কবিতায় রামপ্রসাদ ও ভারতচন্দ্র, সেইরূপ কবিওয়ালাদিগের কবিতায় রামবসু।”

**ভিখারীর পরিবর্তন [ ৩০ ]**—রামবসু শুধু রাধাকৃষ্ণ-বিষয়ক গান রচনা করেন নাই। তিনি কতকগুলি উমা সঙ্গীতও রচনা করিয়াছেন। তাঁহায় একটা উমাসঙ্গীত আমরা এখানে উদ্ধৃত করিলাম। এই উমাসঙ্গীত-গুলি মেহরসে উদ্বেলিত। বিবাহের পর স্বামীর ঘর হইতে নবপ্রত্যাগত কন্যার কাছে শঙ্কাকুলা জননীর ইহাই চিরন্তন ব্যাকুল প্রশ্ন—

“কও দেখি, উমা, কেমন ছিলে মা?”

কিন্তু এখানে প্রশ্নটী আরও ভয়াবহরূপ ধারণ করিয়াছে। তাহার কারণও আছে যথেষ্ট। আমরা এই কবিতার অবতরণিকারূপে রামবসুর আর একটা গান তুলিয়া দিতেছি—



## অবতরণিকা

“তুমি যে ক’য়েছো আমার গাররাজ, কতদিন কত কথা। সে কথা আছে শেলসম হৃদয়ে গাঁথা। আমার লছোদর নাকি, উদরের জাগায় কেঁদে কেঁদে বেড়াতে। হ’য়ে অতি ক্ষুধাৰ্ত্তিক, সোণার কাণ্ডিক ধুলায় প’ড়ে লুটাত।”

সুতরাং জননীৰ প্রশ্নের সঙ্গত কারণ আছে। উমার উত্তর কুল লক্ষ্মীর উপযুক্ত বটে।

**গোবিন্দ অধিকারী**—কবিওয়ালার পরিচয় শেষ করিয়া আমরা সেই যুগের একজন শ্রেষ্ঠ যাত্রাওয়ালার নাম উল্লেখ করিতেছি। তিনি গোবিন্দ অধিকারী। যাত্রার দলের অধিকারী বলিয়া তাঁহার উপাধি অধিকারী হইয়া গিয়াছে। হুগলী জেলার জঙ্গিপাড়া গ্রামে বৈরাগী বংশে তাঁহার জন্ম হয়। তাঁহার লেগা-পড়া ছিল অতি সামান্য; কিন্তু তাঁহার নৈসর্গিক প্রতিভা ছিল। এই প্রতিভাবলেই তিনি শ্রেষ্ঠ গায়ক ও পদ-রচয়িতা বলিয়া প্রসিদ্ধ হইয়া গিয়াছেন। ঊনবিংশ শতাব্দীতে সমস্ত বাঙ্গালা দেশে তাঁহার নাম ছড়াইয়া পড়িয়াছিল। খুব সম্ভবতঃ ১৭৯৮ খৃষ্টাব্দে তিনি জন্মগ্রহণ করেন এবং বিশেষ পরিণত বয়সে ১৮৭০ খৃষ্টাব্দে পরলোক গমন করেন।

**শুক-সারী-সংবাদ [৩১]**—শুক—টিয়াপাথী। সংবাদ—কথোপকথন।

শুক এবং সারিকার অস্পষ্টাকারে মানুষের মত কথা বলিবার ক্ষমতা আছে এবং এই সত্য-প্রসঙ্গেই উহারা নানাভাবে প্রাচীনসংস্কৃত সাহিত্যে কবি কল্পনার বিষয়ীভূত হইয়াছে। এখানে কল্পনার একটু মৌলিকত্ব আছে। শুকসারী শুধু কথা বলিতেছে না, তাহাদের মধ্যে রীতিমত বাগ্‌যুদ্ধ চলিতেছে; বিষয় হইতেছে রাধা-ও কৃষ্ণের মধ্যে কে বড়। বিষয়ের এই অভিনবত্বের জন্ত একদা এই সঙ্গীত সমস্ত বাঙ্গালার পথে ঘাটে ছড়াইয়া পড়িয়াছিল। গানটি পড়িয়া শেষ করিলে মনে হয় তর্কযুদ্ধে সারীরই জয় হইয়াছে, সুতরাং রাধিকাই বিজয়িনী। কিন্তু শুকসারী জানে না, উচ্চতম

## ত্রিধারা

প্রেমের রাজ্যে বড় ছোটর প্রশ্ন উঠে না, দুই সত্তা এক হইয়া প্রেম সার্থক হয় ; সেখানে অহং-চেতনার অবকাশ নাই।—তুলনীয়—

“Love took up the harp of life ; and smote on  
All the chords with might ;  
Smote the chord of Self, that, trembling,  
Passed in music out of sight.”

—Tennyson, *Locksley Hall* 1. 33.

**দাশরথি রায়**—খ্রীষ্টাব্দে দাশরথি রায়ের জন্ম হয়। বর্ধমান জেলার কাটোয়া মহকুমায় বাঁদমুড়া নামে গ্রাম আছে, তাহাই কবির জন্মস্থান। কবি মাতুলশ্রমে প্রতিপালিত ও শিক্ষিত হন। নীলকুঠিতে তিনি কিছুদিন কেরণার কাজ করেন। এই কর্মে শীঘ্রই পরিত্যাগ করিয়া তিনি ওস্তাদীকবির দলে গান বাঁধিয়া দিতে আরম্ভ করেন তারপর তিনি নিজেই একটি পাঁচালীর দল গঠন করিয়া ফেলিলেন। দাশরায়ের পাঁচালী একদা সমস্ত বঙ্গদেশময় বিখ্যাত হইয়া উঠিয়াছিল। পালা গান ছাড়াও তিনি বহু ক্ষুদ্র ক্ষুদ্র গান রচনা করিয়া গিয়াছেন। এই সমস্ত গানও তাঁহাকে সেই যুগে যশের মুকুট পরাইয়া দিয়াছিল। রসিকতাপূর্ণ তীক্ষ্ণ ব্যঙ্গকবিতা রচনাতেও কবি নিপুণ ছিলেন। ১৮৫৭ খ্রীষ্টাব্দে এই কবির মৃত্যু হয়।

**হৃদয় বৃন্দাবন [ ৩২ ]**—কবি-পরিচয়ে বলিয়াছি দাশরথি রায় অনেক ক্ষুদ্র ক্ষুদ্র সঙ্গীত রচনা করেন। হৃদয়-বৃন্দাবন তাঁহার একটি উৎকৃষ্ট বৈষ্ণব সঙ্গীত।

কামাদি ছয় কংসচরে.....(১১—১২) কাম, ক্রোধ, লোভ, মোহ, মদ, মাৎসর্য—যনের এই ছয়টি কু-প্রবৃত্তিই কংসচর। ষড়্‌রিপুই ছয় শত্রু। এবং তাহারাই বিনাশযোগ্য।

তিষ্ঠসদা.....(১৫—১৬) সদয়ভাবে.....বসতি (১৯—২০) দাশরথি রায়ের শকালকারপ্রিয়তা লক্ষণীয়। ঠ এবং ঠ তথা ( ১৯—২০ ) ‘স’ এর বহুব্যবহার আবৃত্তিতে অনুপ্রাসের সৃষ্টি হইয়াছে।

## অবতরণিকা

সমস্ত কবিতার মধ্যে সাঙ্‌ ঘটিকভাবে একটি ভাবমাধুর্য্য ফুটিয়া উঠিয়াছে, কিন্তু সেই ভাব-মাধুর্য্য প্রয়াসলব্ধ শব্দবন্ধারে অনেকাংশে নষ্ট হইয়া গিয়াছে। এই আড়ম্বর দাশরথি রায়ের প্রিয় এবং তৎকালীন জনসাধারণ কর্তৃক সমাদৃত হইয়াছিল।

**ভুষণে ভুষণ [ ৩৩ ]**—কবিতাটির মধ্যে শুধু শব্দচাতুর্য্য এবং বন্ধন-কৌশল লক্ষ্য করিতে হইবে। তথাপি ইহাতে একটা অনায়াসত্রী ফুটিয়া উঠিয়াছে। কবিতার সমস্ত কথাগুলি কৌশলে বাধিয়া একটা সুন্দর ‘একাবলী, অলঙ্কার গাঁথিবার প্রয়াস করা হইয়াছিল, কিন্তু তাহা ১—২ এবং ৬—৭ চরণ ছাড়া কোথাও সম্ভবপর হয় নাই।

দাশরথির লেখনী যে অবিশ্রান্ত ও অত্যন্ত ক্ষিপ্রগতি তাহার পরিচয়ও এখানে পাওয়া যাইবে। বাহিরের জগতের বিভিন্নপ্রকারের দৃশ্যগুলি যেন কবির মানসলোকে একটা গতিবেগের সৃষ্টি করিয়াছে; কবি অবিরাম ছুটিয়া চলিয়াছেন, ইহার যেন শেষ নাই।

**দাশরথির প্রার্থনা [ ৩৪ ]**—( ৩২ ) ও ( ৩৩ ) হইতে সম্পূর্ণ ভিন্ন প্রকৃতির একটা সঙ্গীত। এখানে শব্দাডম্বর-প্রিয় চঞ্চল কবিটী সহসা যেন ভাব-গম্ভীর হইয়া পড়িয়াছেন। সেইজন্য এই গান আছে আন্তরিকতা ও অকৃত্রিম আবেগ। ( ৩৩ ) কবিতার মত এখানে কোন প্রকার কৃত্রিম গতিবেগ নাই।

মানবদেহ পঞ্চভূতনির্মিত। মৃত্তিকা, জল, অগ্নি, বায়ু এবং আকাশ ইহারাই পঞ্চভূত। কবির আরাধ্যা দেবীরও এই পঞ্চভূত প্রিয় সামগ্রী। সেইজন্য খণ্ডাকাশস্থলেই ( যেখানে দেবীর মন্দির উহা অনন্ত শূন্যস্থানের এক অংশ তো বটে ) দেবীর মন্দির, মৃত্তিকাই দেবীপ্রতিমার উপাদান, চামরব্যজন দেবীর প্রিয়, হোমায়িতে তাঁহার প্রীতি এবং পাদজলে তাঁহার আনন্দ। কবির মরণান্তে তাঁহার দেহের উপাদান পঞ্চভূত যেন এই পঞ্চস্থলে

## ত্রিধারা

মিলাইয়া যায়—ইহাই দাশরথির প্রার্থনা। প্রকৃত ভক্তের মৃত্যু-চিন্তার ভীতি নাই, আছে পরম শান্তি।

**কৃষ্ণকমল গোস্বামী**—কৃষ্ণকমল গোস্বামীর জন্মস্থান নদীয়া জেলার ভাজন ঘাট ; জন্মকাল ১৮১০ খ্রীষ্টাব্দ। কবির জন্মস্থান নদীয়া হইলেও কৰ্মস্থান ছিল ঢাকানগরী। এই ভক্তকবিরচিত গ্রন্থগুলির মধ্যে স্বপ্নবিলাস ও দিব্যোন্মাদ বা রাই উন্মাদিনী গ্রন্থ দুইটি সমধিক প্রসিদ্ধ। সমস্ত চৈতন্যচরিতামৃতগানি এবং পদাবলী সাহিত্যের রস নিংড়াইয়া : কবি তাঁহার গ্রন্থ রচনা করেন। কবি স্বয়ং যাত্রার অভিনয় করতেন। তাঁহার অভিনয় প্রণালী অনেকটা প্রসিদ্ধ যাত্রাওয়ালার গোবিন্দ অধিকারীর আদর্শে হইত। কবির অভিনয়ে রাধার উন্মাদনা, চৈতন্যদেবের ভাবোচ্ছ্বাস এবং দিব্যোন্মাদের কথা শ্রোতৃমণ্ডলীকে স্মরণ করাইয়া দিত। কবি ছিলেন স্বয়ং ভাব বিহীন বৈষ্ণব ভক্ত ; তাই তাঁহার অভিনয় এত চিত্তাকর্ষক হইত। সমস্ত পুস্তকান্তে তিনি বড় গোসাঁই নামে প্রসিদ্ধ ছিলেন। ১৮৮৮ খ্রীষ্টাব্দে ৭৭ বৎসর বয়সে চুঁচুড়ার গঙ্গাতীরে এই ভক্ত কবির জীবনান্ত হয়।

**শ্যামসুন্দর** [ ৩২ ]—খণ্ড সঙ্গীতটীর মধ্যে ভাষার দুইটি রূপ রহিয়াছে। কৃষ্ণকমল ছিলেন সংস্কৃত ভাষায় বাৎপন্ন পণ্ডিত। আবার এই পণ্ডিতই, বাঙ্গালার চলিত ভাষার খনির মধ্যে যে ঐশ্বরী লুকাইয়া আছে—তাহা আবিষ্কার করিয়াছিলেন। বঙ্গভাষার প্রকৃতিগত বৈশিষ্ট্যের প্রতি ইহার অন্তর্দৃষ্টি অত্যন্ত প্রখর ছিল। গানটী ৮ চরণে সমাপ্ত হইয়াছে। প্রথম চারিটা চরণে কবি অনুপ্রাসবহুল সংস্কৃতানুগ ভাষার শ্যামসুন্দরের যে মধুর মূর্তিতে বিশ্বয় প্রকাশ করিয়াছেন অবশিষ্টাংশে খাচী চলিত ভাষায় তাহার ব্যাখ্যা করিতেছেন। গানটী যেন একাধারে সুত্র ও ভাষ্য।

দলিত কাজলের মত উজ্জল শ্যামের রূপ বর্ষার জল-ভরা কালো মেঘের মত সুন্দর। কালো মেঘে বলাকার মত গুহ্র তাহার কণ্ঠের মুক্তামালা ; সেই মেঘের মধ্যে ইন্দ্রধনুর মত চিত্রিত তাহার চুড়ার শিখণ্ড ; পরিধানে তাঁহার পীতবসন, যেন মেঘের কোলে সৌদামিনী।

## অবতরণিকা

**বাউল**—দেহতত্ত্বের উপাসক এক সম্প্রদায় বাঙলা ভাষার প্রথম উন্মেষকাল হইতেই তাঁহাদের সাধন-কথা বাঙলা গানের ভিতর দিয়া শুনাইয়া আসিতেছিলেন। বাউলগণও ঐরূপ এক সম্প্রদায়, তাঁহারা দেহতত্ত্বের উপাসক ও সহজ সাধনের পক্ষপাতী। বাউলেরা সত্যের পূজারী : সেই সত্যকে লাভ করিতে তাঁহাদের দৃষ্টি বহিমুখী নহে। অস্তমুগীন হয়। তাঁহারা মনে করেন সত্যস্বরূপ যিনি, তিনি মানুষের অন্তর্যামী। মানবদেহই তাঁহার মন্দির এবং এই মন্দিরেই আছে মানবের “মনের মানুষ”। বাউল শব্দের এক অর্থ পাগল। তাঁহাদের আচরণ ভগবতের কোন মানুষের আচরণের তুল্য নহে, লোকে তাহাদিগকে পাগল বলে। বাউল সম্প্রদায়ের আচার ব্যবহারও ঐরূপ, তাঁহারা বাউল বা ক্লেপা।

**আকর্ষণ [ ৩৬ ]**—ভক্ত বাউল কবি এখানে অজ্ঞাত অন্তর্যামীর আকর্ষণ অনুভব করিয়াছেন। সেই অন্তর্যামী পুরুষ অন্তহীন কুমার আধার : স্মৃতিরূপে তিনি দরদী বা বাথার বাথী। কবি তাঁহার সমস্ত মনপ্রাণ লইয়া ছুটিয়া চলিয়াছেন তাঁহার হৃদয় আকর্ষণে। এ যেন ঠিক সাগরের আকর্ষণে ভাঁটীসোতে ভাটারি গড়ানের মত উদ্দাম ছুটিয় চলা। নদীর স্রোতের সে চলার মধ্যে কোন আনন্দ আছে কিনা বলা যায় না, কিন্তু বাউলের এ মানস-যাত্রী আনন্দে অনুপ্রাণিত। তাহাতে “মনের গরল অনূত হইয়ে যায়।”

**সেখ মদন বাউল**—অনুমান করা হয়, ইনি পুন্সবঙ্গবাসী একজন বাউল। এই সম্প্রদায়ের কথা “বাউল” শীর্ষক পুন্সবর্তী আলোচনায় দ্রষ্টব্য। পাঠ-সৌকর্যের দৃষ্টি আমরা তাঁহার গানটির ভাষা স্থানে স্থানে একটু পরিবর্তিত করিয়া দিয়াছি।

**সাধন বিষয় [ ৩৭ ]**—বাউলদের মত এই যে, অন্তরের সহজ ধম্মকেই উপাসনা করিবে; দেব-প্রতিমা, ঠাকুর-মন্দির, খোদার মস্জিদ প্রভৃতি কোন প্রকার প্রতীক বা বাহ্যচারের কোন প্রয়োজন নাই। যত মত তত পথ। নানা গুরুর নানা উপদেশ। আমি কোন্ পথে যাইব? কাহার উপদেশ শুনিব? বাহিরে তাকাইলেই সম্মুখে দেখি পথের বাধা,

## ত্রিধারা

সাধন-বিয়। পুরাণ, কোরাণ, তস্বী, মালা—সব কিছুতেই সাধন-পথের  
বিয় দেখিতেছি। বাউলের এই বিলাপের সঙ্গে তুলনীয়—

“Our little systems have their day  
They have their day and cease to be,  
They are but broken lights of Thee  
And Thou, O Lord, art more than they.

*Tennyson In Memoriam.*

সাঁই—বাউল কবি তাঁহার গুরুকে উদ্দেশ্য করিয়া কথাগুলি  
বলিতেছেন। সহজিয়াদের চারিটা সম্প্রদায় প্রসিদ্ধ (১) আউল (২) বাউল  
(৩) সাগ্রী ও (৪) দরবেশ। বিখ্যাত লালন ফকিরের গুরুও ছিলেন এইরূপ  
একজন সাঁই—তাঁহার নাম “সেরাজ সাঁই।”

ডুবে যাতে—(৪—৬) বাউল পরিদৃশ্যমান জগতের সমস্ত স্থানেই  
ঈশ্বরকে প্রত্যক্ষ করেন। রূপজগতেই অরূপের প্রকাশ রহিয়াছে ; ইহার  
উপলক্ষিকেই বলে অভেদ-সাধন। সেই রূপমাগরে ডুবিতে হইবে।  
রবীন্দ্রনাথ বলিয়াছেন, “রূপমাগরে ডুব দিয়েছি, অরূপ রতন আশা করি।”  
কিন্তু মানুষ রূপজগৎকে রূপাতীত হইতে পৃথক দেখে। তাহারাই  
রূপপিপাসা দিয়া জগৎ পোড়ায়। তাহাদের রূপতৃষ্ণা হয় কাম, জগৎ  
তাতে দগ্ধ হয় ; স্বয়ং তাহারাও পুড়িয়া মরে। অতঃ আর একটা  
বাউলের গান আছে— “ডুবতে কি গো সবাই পারে ?”  
রূপ-মাগরের তরঙ্গতে যায় রে ভেসে !”

**ঈশ্বরচন্দ্র গুপ্ত**—আমরা রামনিধি গুপ্তের পরিচয়প্রসঙ্গে বাঙ্গালা সাহিত্যে যে একটা  
বিশেষ গীতি-যুগের নির্দেশ করিয়াছি, সেই গীতিযুগের শেষ করিতেছি ঈশ্বরচন্দ্র গুপ্তের

## অবতরণিকা

সঙ্গে। তিনিও কবির দলে গান বাঁধিয়া দিতেন। এই যেমন তাঁহার পরিচয়ের এক দিক, তেমনই তাঁহার পরিচয়ের আর একটা দিক আছে, তাহা তাঁহার রচনায় নবযুগের শুভসূচনার লক্ষণের মধ্যে। এইভাবে বিচার করিলে তাঁহাকে যুগসন্ধির কবি বলিতে হয়। তাঁহার রচনামধ্যে অশ্লীলতা ভারতচন্দ্রের যুগের কথা স্মরণ করাইয়া দেয়; আবার নানা বিষয় অবলম্বন করিয়া ক্ষুদ্র ক্ষুদ্র কবিতা-রচনার মধ্যে তাঁহার আধুনিক ভাব লক্ষ্য করা যায়। কবির জন্ম হয় নদীয়া জেলার কাঁচড়াপাড়া গ্রামে ১৮১২ খৃষ্টাব্দে। শৈশব হইতেই তাঁহার অযত্নলব্ধ কবিতাপ্রতিভার পরিচয় পাওয়া যায়। তাঁহার প্রাতিষ্ঠিত “সংবাদ প্রভাকর” সংবাদপত্র বাঙ্গালদেশে যুগান্তর আনিয়াছিল। এই পত্রিকাতেই পরবর্তীকালের বিখ্যাত সাহিত্যিক দীনবন্ধু, বঙ্কিমচন্দ্র প্রভৃতি সাহিত্যের প্রাথমিক সেবা আরম্ভ করেন।

ঈশ্বরচন্দ্রের কবিতার মধ্যে কোথাও কোন জটিল বা উচ্চ ভাব নাই। কল্পনার কল্পলোকেও তিনি বিচরণ করেন নাই। তাঁহার নিকট শুধু জগতের অস্তিত্ব ছিল, তাহা তাঁহার চারিপাশের স্থূল প্রত্যক্ষ জগৎ। তিনি তাহাই দেখিয়াছেন এবং আপন ইচ্ছামত কখনও ভক্তিরূপে আপ্ত হইয়াছেন, কখনও বা কঠিন ব্যঙ্গবিদ্রোপের মালায় সমাজকে অস্থির করিয়া তুলিয়াছেন। তাঁহার কবিতাবলীতে আছে হাশুরসের অবিশ্রাস্ত দান। তাহাতে কোথাও বা তিনি নিস্পৃহ উদাসীন ভাবে হাশুরস বিতরণ করিতেছেন, আবার কোথাও বা মর্মান্তিক বিদ্রোপের কশাঘাত করিতেছেন। এই সমস্ত লইয়াই ঈশ্বরচন্দ্র সেই যুগে বাঙ্গালী-সমাজে প্রিয় হইয়া উঠিয়াছিলেন। বাঙ্গালী পাঠক তাঁহার সংবাদ প্রভাকরের জন্ম তুমার্ত চাতকের মত চাতিয়া থাকিত।

।ম [ ৩৮ ]—ঈশ্বরচন্দ্র গুপ্ত ছিলেন প্রকৃত স্বদেশ-ভক্ত। স্বদেশের রীতিনীতি ও আচার ব্যবহার তাঁহার ভাল লাগিত। দেশের যাহাতে কল্যাণ হয়, তাঁহার নিয়ত ছিল সেই চিন্তা। যে তীর স্বদেশ-প্রেম তাঁহাকে “বিদেশের ঠাকুরকে” ঠেলিয়া ফেলিয়া ‘স্বদেশের কুকুরকে’ ভালবাসিতে শিখাইয়াছিল তাহা যে কত বড় স্বদেশ-প্রেম সেই কথা ভাবিয়া বর্তমানযুগে বিস্মিত হইতে হয়। এখানে কবির মাতৃভূমির প্রতি প্রেম ও মাতৃভাষা-নিষ্ঠা ব্যক্ত হইয়াছে।

## ত্রিধারা

সুশোভিত [ ৩৯ ]—পূর্ববর্তী কবিতা দ্রষ্টব্য। সমস্ত ভারতবর্ষ লইয়া কবির জাতীয়তা-বোধ জাগিয়াছে। দেশবাসীর নিশ্চেষ্টতায় কবি ক্ষুব্ধ হইয়া তাহাদের জাগরণী গাহিতেছেন।

পৌষ পার্বণ [ ৪০ ]—ঈশ্বরচন্দ্র যে খাঁটি বাঙ্গালা কথায় বাঙ্গালীর মনের ভাব প্রকাশ করিতেন তাহারই পরিচয় আছে এই কবিতায়। বঙ্কিমচন্দ্রের কয়েকটি কথা মনে হয়—“আজিকার দিনের অভিনব এবং উন্নতির পথে সমাক্রান্ত সৌন্দর্য্যবিশিষ্ট বাঙ্গালা সাহিত্য দেখিয়া অনেক সময় বোধ হয়—হোক সুন্দর, কিন্তু এ বুঝি পরের—আমাদের নহে। খাঁটি বাঙ্গালী কথায়, খাঁটি বাঙ্গালীর মনের ভাব ত খুঁজিয়া পাই না।... বাঙ্গালীর মনে পৌষপার্বণে যে একটা সুখ আছে, বৃত্রসংহারে তাহা নাই। পিঠাপুলিতে যে একটা সুখ আছে শচীর বিশ্বাস প্রতিবিস্মিত সুধায় তাহা নাই।”

পৌষ পার্বণ কবিতার মধ্যে চমৎকার এক উৎসবানন্দ ফুটিয়া উঠিয়াছে। চিত্রগুলি কেমন realistic তাহা লক্ষ্য করিতে হইবে। এই বাস্তব চিত্রের সঙ্গে সঙ্গে দেখিতে হইবে কবির পরিহাসপ্রিয় মনোভাব। এই দুই মিলিয়া কবিতাটিকে চমৎকারভাবে আশ্বাদযোগ্য করিয়া তুলিয়াছে। এই গুণেই ঈশ্বরচন্দ্র বাঙ্গালা সাহিত্যে অতুলনীয়।



## তৃতীয় প্রবাহ

**মাইকেল মধুসূদন দত্ত**—১৮২৪ খৃষ্টাব্দে যশোর জেলার সাগরদাঁড়ি গ্রামে

এক প্রসিদ্ধ, সম্পন্ন ও অভিজাত বংশে কবির জন্ম হয়। শৈশবে তিনি মাতার নিকট রামায়ণ, মহাভারত ও পুরাণ-পাঠ শ্রবণ করিতেন এবং এই সময়েই তিনি আবৃত্তির কণ্ঠ ও সঙ্গীতের অনুরাগ লাভ করিয়াছিলেন। কৈশোরে মধুসূদন হিন্দু কলেজে শিক্ষা লাভ করেন। প্রথম-ইংরেজী-শিক্ষার রূঢ় আলোকে তখন নব্য শিক্ষার্থীদের চক্ষু ধাঁধিয়া গিয়াছে। স্বদেশের সমাজ ও আচার-সংস্কারে কিছুমাত্র সত্য নাই, বাঙ্গালা ভাষা ও সাহিত্যেও গৌরবের কিছু নাই—নবীন শিক্ষিত বাঙ্গালী তাহাই বুঝিয়াছিল—মধুসূদনও তাহাই বুঝিলেন। ১৮৪৩ খৃষ্টাব্দে খৃষ্টধর্ম গ্রহণ করিবার পর তিনি বিশপস্ কলেজে যোগদান করেন। এই সময় তিনি যত্নসহকারে গ্রীক্ লাটিন, সংস্কৃত প্রভৃতি বহু ভাষা শিক্ষা করিতেছিলেন। বিশ্বসাহিত্যের মধু আহরণ করিয়া গৌড়জনের জন্ত তিনি সে মধুচক্র নিষ্কাশন করিয়া যাটবৈন ভাষাশিক্ষার এই ঐকান্তিকনিষ্ঠার মধ্যে অলঙ্কিতভাবে যেন তাহার আয়োজন চলিতেছিল। ইহার পরবর্ত্তী ঘটনা মধুসূদনের মাদ্রাজ প্রবাস ও তথা হইতে ১৮৫৬ খ্রীষ্টাব্দে দেশে প্রত্যাগমন। এই সময় হইতে ১৮৬২ খৃষ্টাব্দ মধ্যে তাহার সর্বশ্রেষ্ঠ কবিকীর্ত্তিগুলি প্রকাশিত হইয়াছে। তাহার নাটক—শশ্বিদা ও পদ্মানভী কাব্য—তিলোত্তমা সম্ভব, প্রহসন—একেই কি বলে সভ্যতা ও বৃড় শালিকের যাড়ে রো, মহাকাব্য—মেঘনাদবধ, গীতিকাব্য—ব্রজাঙ্গনা, বিয়োগান্ত নাটক—কৃষ্ণকুমারী, পুত্রকাব্য—বীরঙ্গনা এই সময়কার রচনা। ১৮৬২ খৃষ্টাব্দে তিনি বিলাতমাত্রা করেন এবং বহু ছুঃখ-হৃদিশার মধ্য দিয়া ব্যারিষ্টারী পরীক্ষায় উত্তীর্ণ হইয়া দেশে ফিরেন। এই বাবসারে তাহার কোন উন্নতি হয় নাই। পৈতৃক রিক্ধরূপে প্রাপ্ত অমিতন্যায়িতা ও বিলাসিতার ফলে ক্রমশঃ তিনি ঋণসাগরে ডুবিয়া গেলেন এবং অচিরেই ভগ্নস্বাস্থ্য হইয়া আলিপুর দাতব্যচিকিৎসালয়ে দেহত্যাগ করিলেন।

উনবিংশ শতাব্দীতে পাশ্চাত্যসাহিত্যের ভাবপ্রবাহ আনিয়া যখন আমাদের দেশের গতানুগতিক সাহিত্যরূপের জীর্ণতটে আঘাত করিতেছিল তখন মধুসূদন এক অগস্ত্য

## ত্রিধারা

পিপাসা লইয়া তাহাকে আয়সাং করিয়াছিলেন। বাঙ্গালা সাহিত্যের যেখানে যে অভাব তাহার দৃষ্টিগোচর হইয়াছে—তিনি তাহাই মোচন করিতে অগ্রসর হইয়াছেন। বাঙ্গালা নাটককে সংস্কৃত নাটকের অন্ধ অনুকরণ হইতে তিনি মুক্ত করিয়াছেন। অমিত্রাক্ষর ছন্দ বাঙ্গালা সাহিত্যে প্রবর্তিত করিয়াছেন, চতুর্দশপদী কবিতাবলীর অভাব মোচন করিয়াছেন, বিয়োগান্ত নাটকের পথপ্রদর্শন করিয়াছেন। ১৮৫৬—১৮৬২ খৃষ্টাব্দ—এই ক্ষুদ্র পরিসর সময়টুকুর মধ্যে, যিনি মাতৃভাষা বিন্মতপ্রায় হইয়াছিলেন, সেই মধুসূদনের হাত হইতে আমরা পাইয়াছি বঙ্গবর্ণীর পরিপূর্ণ অর্ঘ্যপাত্র। এই অনন্তন সম্ভব হইবার একমাত্র কারণ এই কবির ছিল নৈসর্গিক প্রতিভা, বিপুল অধ্যবসায় এবং ভাষা আয়ত্ত করিবার আশ্চর্য্য নৈপুণ্য।

**সমুদ্রের প্রতি রাবণ [ ৪১ ]**—মধুসূদনের মেঘনাদ-বধ কাব্য হইতে গৃহীত। সীতা উদ্ধারের জন্ত রাম সমুদ্রের উপর শিলার সেতু নির্মাণ করিয়া লক্ষ্মায় আসিয়াছেন। মহাবল সমুদ্র কেন এই তুচ্ছ শৃঙ্খল পড়িয়া আছে, রাবণ তাহা বন্ধিতে পারে না। তাই তাহার এই তিরস্কার। এখানে লক্ষ্মা করিতে হইবে সমুদ্রকে সজীব কল্পনা করিয়া তিরস্কার করার মধ্যে রাবণের দুঃখবোধ ও ছন্দে ও হৃদয়াবেগের সূচনা রহিয়াছে।

অমিত্রাক্ষর ছন্দে ভাবসমাপ্তির সঙ্গে যতি বা বিরাম পড়িবে—তাহা বুঝিয়া কবিতাটি পড়িতে হইবে। কবি এখানে যে শব্দগুলি ব্যবহার করিয়াছেন তাহার বাঞ্ছনাশক্তি হৃদয়ঙ্গম করিতে হইবে নতুবা কবিতাপাঠ নিফল হইবে।

কি সুন্দর (১) সুন্দর নয়, অত্যন্ত কুৎসিত। সুন্দর কথাটির মধ্যে যে বাঞ্ছনা রহিয়াছে তাহাতে এই প্রকার বিপরীতার্থের আতিশয্য বুঝাইতেছে।

জলদলপতি (২) ক্ষুদ্র জলাশয়ের উপর সেতু নির্মিত হইতে পারে কিন্তু জলাধিপতির উপরে নয়।

রত্নাকর (৫) এখানে সাগর বা সমুদ্র বলিলে চলিত না। রত্নের আকর যে, তাহার কালো কুৎসিত শিলার মালা শোভা পায় না।

## অবতরণিকা

কলঙ্করেখা (১৯) প্রশস্ত ললাটে সামাগ্র এই জাঙ্গাল কলঙ্কের  
রেখামাত্র; কিন্তু তথাপি সে তোমার অনাবৃত ললাটে আছে অরণ  
করিও; দৃষ্টি যাত্র তাহা চোখে পড়ে।

বঙ্গভূমির প্রতি [ ৪২ ]—বিলাত যাত্রার প্রাক্কালে কবির বন্ধু  
রাজনারায়ণ বসুকে লিখিত একখানা পত্রের অংশ হইতেছে এই কবিতাটি।  
ইংরেজ কবি Byron এর Childe Harold's Pilgrimage গ্রন্থের একটি  
পংক্তি "My native Land—(Good Night)" উদ্ধার করিয়া কবি  
এই কবিতা রচনা করিয়াছিলেন। Childe Harold এর যাত্রাকালে—  
"fast the white rocks faded from his view কিন্তু তাহাতে  
তাঁহার কোন দুঃখ ছিল না "without a sigh he left, to cross  
the brine." মধুসূদনের কবি-হৃদয় এই অবস্থার বেদনাবিধুর হইয়া  
উঠিয়াছিল। ইহাই কল্পনা দুইটির মধ্যে মৌলিক পার্থক্য।

পরমাদ (৩) মূল শব্দ প্রমাদ। আগন্তুক একটি স্বরধারা এইরূপ  
ভগ্নশব্দের উদাহরণ তোমরা আরও কয়েকটি মনে রাখিবে—হরষ, দরশন,  
ভকতি ইত্যাদি।

( ৪—১০ ) ষনোরূপ কোকনদ, জীবরূপ তারা। এই প্রকার  
দেহ-আকাশ, জীবন-নদ প্রভৃতি পদেও রূপক-প্রতিপাদিত অর্থগুলি বুঝিয়া  
লইবে এবং ইহাদের সহিত মধুহীন, খসে, চিরস্থির এই পদগুলির  
উপযোগিতা হৃদয়ঙ্গম করিবে। তামরস (২৫)—পদ্ম।

বনবাসে সীতা [ ৪৩ ]—বাংলা সাহিত্যে সর্ব প্রথম চতুর্দশপদী  
কবিতা প্রবর্তিত হইল। ইংরেজীতে এই শ্রেণীর রচনার নাম Sonnet  
এই প্রকার কবিতায় চৌদ্দটি করিয়া চরণ থাকিবে এবং তাহার ৮ চরণ ও  
৬ চরণ লইয়া কবিতার দুইটি ভাগ থাকিবে। কবিতার মিলেরও একটি  
সুনির্দিষ্ট নিয়ম থাকিবে।

## ত্রিধারা

গিতি (২)—ভিজিয়া। ইহা এক প্রকার নামধাতু। শব্দন—রথ ৯  
বারিদ (১০)—বারিদান করে যে এই অর্থে, মেঘ।

ধীরে যথা.....(১৩—১৪) দুঃখাহত সীতার মূর্তিটি কি চমৎকার  
ভাবে অঙ্কিত হইয়াছে। এই অভাবনীয় অবস্থায় সীতা যেন সকল প্রকার  
অনুভূতিশূন্য পাষণমূর্তির মত হইয়া গিয়াছেন।

মৃতন বৎসর [ ৪৪ ]—আসিছে রজনী.....(১০—১৪) মৃত্যুকে  
অন্ধকারময়ী মহানিশারূপে কল্পনা করা হইয়াছে। সে রহস্য-রাত্রি  
পৃথিবীর রাত্রি হইতে সম্পূর্ণ পৃথক্ ও বিলক্ষণ। তাহার বায়ুর কণ্ঠে  
কথা নাই, কালো কেশপাশে তাহার মণি নাই, উষা তাহার রুদ্ধ ছয়ার  
কখনও মুক্ত করিয়া দেয় না। ( চিররুদ্ধ ) বিশেষণে কবির দুঃখবাদের  
পরিচয় পাওয়া যাইতেছে।

এই অংশে মরণ-মহানিশার ভয়ঙ্কর চিত্র অঙ্কিত হইয়াছে সন্দেহ নাই,  
কিন্তু কালো মেঘের পাশে রূপালী রেখার মত পৃথিবীর রাত্রির কি সুন্দর  
মূর্তিটি ফুটিয়া উঠিয়াছে! স্ফুট-তারকা বিভাবরীর রূপ কবি Byron এর  
একটি romantic কল্পনা স্বরণ করাইয়া দিতেছে—

—“She walks in beauty, like the night  
Of cloudless climes and starry skies ;  
And all that’s best of dark and bright  
Meet in her aspect and her eyes.”

নীলধ্বজের প্রতি জনা [ ৪৫ ]—কাশীরামদাস-প্রণীত মহাভারতের  
অশ্বমেধ পর্বের একটি ঘটনা। নীলধ্বজপুত্র প্রবীর যুধিষ্ঠিরের যজ্ঞাঙ্ক  
ধরিলে অর্জুন তাহাকে রণে নিহত করেন। মহারাজ নীলধ্বজ পুত্র-

## অবতরণিকা

হত্যার প্রতিশোধ গ্রহণ না করিয়া অর্জুনের সহিত সন্ধি করেন। ইহাতে বীরাত্ননা প্রবীর-জননী কিন্তু হইয়া এই কথাগুলি বলিতেছেন।

মর্শভেদী বিলাপ, তীক্ষ্ণ বাঙ্গ ও জালাময় তিরস্কার সব কিছু মিলিয়া যাহা গড়িয়া উঠিয়াছে তাহা এক অপূর্ণ রসচিত্র, যেখানে বীর ও কল্প— এই দুইটি রস অবিরোধে পাশাপাশি রহিয়াছে।

**রঙ্গলাল বন্দ্যোপাধ্যায়**—১৮২৬ খৃষ্টাব্দে হুগলী জেলার বাকুলিয়া গ্রামে কবির জন্ম হয়। বাল্যকালেই কবিতা-রচনার অনুরাগ তাঁহার মধ্যে লক্ষিত হয়। ঈশ্বরচন্দ্র গুপ্তের প্রভাকরে তাঁহার কবিতা একদা প্রকাশিত হইত। ঈশ্বরচন্দ্রকে আদর্শ করিয়া কবিতা রচনায় প্রবৃত্ত হইয়া রঙ্গলাল সুপ্রোধিতের মত হঠাৎ এক নূতন আদর্শের সন্ধান পাইলেন এবং বাঙ্গালা কাব্যের এক বিশুদ্ধ ও অভিনব রূপের জন্মদান করিলেন। এই নবীন রূপ-নির্মাণে পাশ্চাত্য প্রভাব বিশেষ উপাদানের কার্য্য নির্বাহ করিয়াছিল। পদ্মিনী উপাখ্যানের ভূমিকায় তিনি যাহা বলিয়াছেন তাহা প্রণিধানযোগ্য—“উপস্থিত কাব্যের স্থানে অনেকানেক ইংলণ্ডীয় কবিতার আকর্ষণ আছে। ইংলণ্ডীয় বিশুদ্ধ প্রণালীতে যতই বঙ্গীয় কাব্য বিরচিত হইবে, ততই ত্রীড়াশূন্য কদম্ব কবিতা-কলাপ অন্তর্ধান করিতে থাকিবে।”..... কবির রচনাবলী—পদ্মিনী-উপাখ্যান, কর্ম্মদেবী, শূরসুন্দরী, কুমার সম্ভবের পঞ্চানুবাদ প্রভৃতি।

**মহাকালা** [ ৪৬ ]—পদ্মিনী উপাখ্যানের উপসংহারে লিখিত অংশ হইতে গৃহীত হইয়াছে। কবি এখানে মহাকালের নির্বিচার ধ্বংসলীলার এক নিষ্ঠুর কাহিনী বিবৃত করিতেছেন। সংহারের অধীশ্বর মহাকালকে তিনি নানারূপে দেখিয়াছেন—কখনও দানবরূপে কখনও নিষাদরূপে, কখনও বা কুষকরূপে।

কি মহৎ কিবা ক্ষুদ্র—( ৪—১২ ) কবি একটি ইংরেজী সৃষ্টিরত্নকে কেমন কোশলে বাঙ্গালীর কণ্ঠের উপবৃত্ত করিয়াছেন তাহা লক্ষণীয়—

Sceptre and crown  
Must tumble down,  
And in the dust be equal made  
With the poor crooked scy the and spade.

## প্রিয়ারা

স্বদেশগীতি [ ৪৭ ]—এই অংশও পদ্মিনী উপাখ্যানের অন্তর্গত। পাঠানরাজ আলাউদ্দীন চিতোরাদিপতি রাণা ভীমসিংহের পত্নী পদ্মিনীর রূপলাবণ্যে মুগ্ধ হইয়া তাঁহাকে বলপূর্বক হরণ করিবার জন্য চিতোর আক্রমণ করেন। রাজপুত্র ও পাঠানে ভয়াবহ বুদ্ধ হয়; কিন্তু রাজপুত্রগণ পরাজিত হন। পদ্মিনী নিজের সতীধর্ম রক্ষা করিবার উদ্দেশ্যে অগ্নিতে আত্মাহুতি দেন। ইহাই পদ্মিনী-উপাখ্যান কাব্যের বৃত্তান্ত। উক্ত অংশে আছে ক্ষত্রিয়গণের প্রতি রাজার উৎসাহ বাক্য। মূলকাহিনী কবি টডের রাজস্থান হইতে গ্রহণ করিয়াছিলেন। কিন্তু এই পুরাতন কাহিনী-বিস্তার উপর একটি সুন্দর কবি-মানস পরিস্ফুট হইয়া উঠিয়াছে। এই প্রকার স্বদেশগীতি গাহিয়া কবি অভিশাপগ্রস্ত দেশবাসীর মনে জাতীয়ভাব উদ্ভিক্ত করিতে চাহিয়াছিলেন। পদ্মিনীর কাহিনী সেখানে উপলক্ষ্যমাত্র।

**গোবিন্দচন্দ্র রায়**—বরিশাল জেলার মীরপুর গ্রামে এক বারেন্দ্র ব্রাহ্মণ-বংশে গোবিন্দচন্দ্র রায় জন্মগ্রহণ করেন। যৌবনে ব্রাহ্মধর্ম গ্রহণ করায় পিতৃ-পরিত্যক্ত হইয়া বানাদেশ পয়াটন করেন। অবশেষে কিছুদিন কাশীতে হোমিওপ্যাথী চিকিৎসা শিক্ষা করিয়া পরে আগ্রায় ডাক্তারি ব্যবসায় আরম্ভ করেন। সেখানেই তিনি কবিতা রচনায় মনোনিবেশ করেন।

উনবিংশ শতাব্দীতে আগ্রাবাসী এই বাঙ্গালী কবির কবিখ্যাতি সমস্ত বাঙ্গালাদেশের শিক্ষিত সমাজে ছড়াইয়া পড়ে। মাত্র দুইটি কবিতাই তাঁহার মাথায় যশের মুকুট পরাইয়া দিয়াছিল। একটি আমরা উদ্ধৃত করিয়াছি। অপরটি তাঁহার প্রসিদ্ধ সঙ্গত ‘কতকাল পরে, বেলো ভারতে রে। দুঃখ-সাগর সঁতারি পার হবে?’

**যমুনা-লহরী [ ৪৮ ]**—কবিতাটির মধ্যে যে যমুনার তরল কমল হেলিয়া ডুলিয়া চলিতেছে। ইহাকেই বলে কবিতার সঙ্গীত-ধর্ম। এই সঙ্গীত-ধর্ম সম্পূর্ণভাবে হৃদয়ঙ্গম করিতে হইলে কবিতাটি ভাল করিয়া

## অবতরণিকা

পড়িতে হইবে। দীর্ঘবর্ণগুলি (প্রায় সমস্ত) টানিয়া উচ্চারণ করিতে হইবে।

কবিতাটির সহিত আর একটি প্রসিদ্ধ সঙ্গীত তুলনীয় “যমুনে! এই কি তুমি সেই যমুনা প্রবাহিণী?” যমুনালহরী কবিকে বিগত দিনের গৌরবের কাহিনীগুলি আজ স্মরণ করাইয়া দিতেছে। ভারতের সে সৌন্দর্য্য ও ঐশ্বর্য্য আজ বিলুপ্ত হইয়া গিয়াছে। উদ্ধৃত অংশে প্রাচীন ভারতের তিনটি দিকের গৌরব কবির স্মৃতি-পথে জাগরুক হইয়াছে, প্রথম শৌর্য্য, দ্বিতীয় ধর্ম্ম, তৃতীয় প্রেম। কবিতাশেষে (৩৯—৪২) কবির একটি দীর্ঘশ্বাসের স্পর্শ যেন অনুভব করা যায়। জগতের সমস্ত কিছুই শেষ হইয়া যাইবে। কীৰ্ত্তি ক্ষণস্থায়ী, সৌন্দর্য্য নশ্বর; স্মৃতরাং ভারতের মতিমাও কাল কবলিত। এই বিষাদ-ভাবনাতেই কবিতা সমাপ্ত হইয়াছে।

**কুমুদচন্দ্র মজুমদার**—১৮৩৮ খৃষ্টাব্দে কবি পুন্না জেলার সেনহাটি গ্রামে বৈষ্ণবংশে জন্মগ্রহণ করেন। সংস্কৃত ও পারস্য ভাষা তিনি বিশেষ ভাবে শিক্ষা করেন। তাহার প্রসিদ্ধ কাব্যগ্রন্থ সপ্তাবশতকের চত্রে চত্রে পারস্য কবি হাফিজ ও সাদীর ভাবগুলি অনুসৃত হইয়া রহিয়াছে। সপ্তাবশতকের কবি বলিয়া এই কবির যশ বঙ্গদেশের সকলত্র প্রতিষ্ঠিত হইয়াছিল। ইনি ঢাকা প্রকাশ প্রভৃতি কতকগুলি সংবাদ-পত্রের সম্পাদকতা করেন।

**ব্যথিত-বেদনা** [ ৪৯ ]—সপ্তাবশতকের একটি কবিতা। কবিতাটির ভাব-মাধুর্য্যের জন্য ইহা অত্যাধিক জনপ্রিয় হইয়া রহিয়াছে। ইহা নীতি-কবিতা; কিন্তু নীতি উপদেশের গুরু নীরসরূপ পরিহার করিয়া রসোত্তীর্ণ হইয়া উঠিয়াছে।

**আশীবিষ**—আশীতে (দস্তে) বিষ যাহার এই অর্থে সর্প বুঝাইতেছে।

**উষা** [ ৫০ ]—উষার মানবীয়রূপ কর্ত্তা করা হইয়াছে। ইংরেজীতে ইহাকে বলে personification উষার ললাটে তরুণাকরাগের সিন্দূর-বিন্দু।

## ত্রিধারা

পাখীর কূজন তাহার কণ্ঠের গান, বিকশিত কমল তাহার বিকচ নয়ন, কমলদলে শিশিরবিন্দু—তাহার চক্ষের প্রেমাশ্রু। কল্পনাটি সুন্দর সন্দেহ নাই। কিন্তু সমস্ত কল্পনার ঈশ্বরমহিমায় কেন্দ্রিত হইয়াছে। উষার কোন স্বকীয়তা ফুটিয়া উঠে নাই। কবির এই পুরাতন কল্পনাভঙ্গি লক্ষ্য করিতে হইবে।

**বিহারীলাল চক্রবর্তী**—১৮৩৫ খৃষ্টাব্দে কবি কলিকাতার নিমতলা পল্লীতে জন্মগ্রহণ করেন। মহর্ষি দেবেন্দ্রনাথ ঠাকুরের জ্যেষ্ঠ পুত্র দ্বিজেন্দ্রনাথের ইনি ছিলেন বন্ধু। এই সূত্রে ঠাকুরবাড়ীর সহিত তাঁহার ঘনিষ্ঠতা জন্মে। বিশ্বকবি রবীন্দ্রনাথ বিহারীলালকেই তাঁহার কাব্য-গুরু বলিয়া স্বীকার করিয়াছেন। বিহারীলাল ছিলেন অস্তুরে বাহিরে কবি। তাঁহার ভাব-বিহ্বল তন্ময় মূর্তির কথা স্মরণ করিয়াই দ্বিজেন্দ্রনাথ বলিয়াছেন “বিহারী বাবু সদাই কবিতে মশগুল থাকিতেন।” বিহারীলাল যখন বাঙ্গালার কাব্যনিকুঞ্জে গান ধরিয়াছিলেন তখন অধিক লোক জাগে নাই। তখনও তাঁহার কাব্যের সুর সকলে হৃদয়ঙ্গম করিতে পারে নাই; সেই সুর তাঁহার গীতি-কবিতার অভিনব সুর। মধু-হেম-রঙ্গলালের যুগে জন্মগ্রহণ করিয়াও কবি যাহা রচনা করিলেন তাহা কোন প্রকার বীরগাথা বা মহাকাব্য নয়, একেবারে খাঁটি গীতিসুরে ঝঙ্কত কবির অস্তুরের কথা। তিনি এই অভিনব সাধনায় স্বয়ং সিদ্ধিলাভ করিয়া যে পথনির্দেশ করিয়া গেলেন, সেই পথেই আধুনিক কাব্যসাহিত্যের যাত্রী চলিতে আরম্ভ করিল। সূত্রাং তিনি একজন যুগ-প্রবর্তক। রবীন্দ্রনাথ বলিয়া গিয়াছেন—“এদেশে পাশ্চাত্য সাহিত্য হইতে আনীত নব গীতিকবিতার আদিকবি বিহারীলাল চক্রবর্তী। মহাকাব্যের উচ্চশিখর হইতে অবতরণ করিয়া গীতিকবিতার স্বর্ণসিংহার তিনিই বিশেষভাবে উন্মুক্ত করিয়া দিয়া গিয়াছেন। ইনি প্রকৃতিকে এক নবভাবে দেখিয়া গিয়াছেন ইহার কবিতার মূলতত্ত্ব সৌন্দর্য-পিপাসা।”

**হিমাচল** [ ৫১ ]—“ইহার কবিতার মূলতত্ত্ব সৌন্দর্য-পিপাসা।” এই উক্তির সার্থকতা এই কবিতাতেই উপলব্ধি করা যাইবে। কবির গভীর নিসর্গ-প্ৰীতি লক্ষ্য করিতে হইবে। ঝটিকা ছরস্তু মেয়ে……



## অবতরণিকা

(১৩—১৬) হিমাচল-শৃঙ্গ মেঘলোক অতিক্রম করিয়া উঠিয়াছে। সুতরাং মেঘ ও ঝটিকার উদ্দাম খেলা তাহার বক্ষে, তাহার উপরে নয়। কণ্ঠে তাহার রবি-কিরণ সহস্র-লহর মালার মত রহিয়াছে। ঝটিকা ছরস্তু মেয়ে—এই অংশ, হিমালয়ের পাষণ-কঠিন দেহের মধ্যে যে একটি স্নেহ-কোমল প্রাণ রহিয়াছে তাহারই পরিচয় বহন করিয়া আনিতেছে।

সমগ্র কবিতাটির মধ্যে লক্ষ্য করিবার বিষয় হইতেছে—কবি কেমন করিয়া সহজ সরল নিসর্গ বর্ণনার ফাঁকে ফাঁকে অযত্নক কল্পনা-ছবি গাঁথিয়া দিয়াছেন এবং তাহাতে কি অপূর্ব মণিকাঞ্চন-সংযোগ হইয়াছে। কবির ভাষায় ও কল্পনায় যেন কোথাও প্রয়াসের চিহ্নমাত্র নাই। তাহার যেন স্বতঃ উৎসারিত। (৩৩—৪০) এই অংশ পড়িলেই তাহা বেশ বুঝা যাইবে।

ত্রিতাপ জালা—মানুষের জন্মাবধি তিন প্রকার দুঃখ সহ করিতে হয় (১) আধিভৌতিক দুঃখ—যেমন সর্প, ব্যাঘ্র প্রভৃতি প্রাণী হইতে (২) আধিদৈবিক দুঃখ—যেমন শীতোষ্ণবাতবর্ষা হইতে (৩) আধ্যাত্মিক দুঃখ—যেমন ইষ্টনাশ ও অনিষ্ট-সম্পাত হইতে। এই ত্রিতাপ হইতে চিরকালের জন্ত মুক্তিই মানুষের মোক্ষলাভ। পতিত-পাবনী গঙ্গা ত্রিতাপের জালা জুড়াইয়া মুক্তি বিধান করিতে পারে—ইহাই কবির বিশ্বাস।

নিজ্জামগ্ন জগৎ [ ৫২ ]—পূর্ববর্তী কবিতা ( ৪৮ ) যমুনাগহ্বরীক সঙ্গে তুলনীয়। ঐ কবিতায় যমুনা যেমন প্রাচীন ইতিহাসের সাক্ষ্য বহন করিয়া আনিয়াছে—এই কবিতাতেও তেমন আকাশের চাঁদ কত শত প্রাচীন ঘটনার সাক্ষী হইয়া আছে। সমস্ত বর্ণনাটির মধ্যে একটি রোমাণ্টিক ভাবনা বিস্তার লাভ করিয়াছে। আকাশের চন্দ্র এখানে কোন এক বিশেষ রজনীর চন্দ্র। তাহার সঙ্গে দর্শকের যে দূরত্ব তাহা স্থানের, কিন্তু কালের নহে। একই কালে কবি ও চন্দ্র উভয়ে বর্তমান রহিয়াছেন। কিন্তু

## ত্রিধারা

এখানে একটি সুন্দর দূরত্ব প্রক্ষিপ্ত হইল। আত্মিকার চক্রে রূপই ত চক্রে সম্পূর্ণরূপ নহে। চন্দ্র কত যুগযুগান্তরের মধ্য দিয়া, কত হারানো দৃশ্য দেখিয়া আসিয়াছে। সে দেখিয়াছে অশোকবনে সীতাকে, পুত্রশোকে বিহ্বল দশরথকে, কবি বাল্মীকি ও বাসদেবকে।

(৫১—৬৬) কবি চন্দ্রিকার সঞ্জীবনী শক্তির কথা বলিয়াছেন। যাহা শুষ্কতরুর পক্ষে সঞ্জীবনী শক্তি তাহাই কবির নিকট উদ্দীপন বিভাব।

(৭৯) এখানে অমৃতপিম্বাসী চকোরের কথা বলা হইয়াছে।

কামনা [ ৫৩ ]—ইহা কবির কামনা। কবিতাটীতে বিহারীলালের কবি-মানস সুন্দর ভাবে ফুটিয়া উঠিয়াছে। অতৃপ্তি ও অসন্তোষ মানুষের মনের আদিম বৃত্তি। কাহারো নিজের অবস্থায় আনন্দ ও তৃপ্তি নাই; মানুষ যাহা পায় তাহা চায় না। তথাপি স্বরণ রাখিতে হইবে, “অসন্তোষ মানুষকে কাজ করাইতেছে, আকাঙ্ক্ষা কবিকে গান গাওয়াইতেছে। সন্তোষ এবং পরিতৃপ্তি যতই প্রার্থনীয় হোক তাহাতে কার্য্য এবং কাব্য— উভয়েরই ব্যাঘাত ঘটয়া থাকে। —রবীন্দ্রনাথ

নাগরিক পরিবেষ্টনীর মধ্যে যিনি মানুষ হইয়াছেন, সেই কবির পক্ষে স্বরণার ধারে পুরু পুরু নধর শাবলে অঙ্গ ডুবাইয়া থাকিবার স্বপ্ন দেখা স্বাভাবিক।

**সুরেন্দ্রনাথ মজুমদার**—তিনি ১৮৩৭ খৃষ্টাব্দে যশোর জেলায় জগন্নাথপুর গ্রামে জন্মগ্রহণ করেন। ওরিয়েন্টাল সেমিনারীতে পাঠ-কালেই তাঁহার কবি-শক্তির প্রথম উন্মেষ হয়। ক্ষুদ্র ক্ষুদ্র কবিতা রচনার পর তিনি মুন্সের প্রবাসকালে তাঁহার অমরকাব্য “মহিলা” রচনা আরম্ভ করেন। কবি নারীর মধ্যে চারিটি মূর্তি দেখিয়াছেন মাতা, জায়া, ভগিনী ও দুহিতা। এই চারি মূর্তিতে ধ্যান করিয়া মহিলা স্মৃতিতেই কবির অভিপ্রেত ছিল। এই কাব্য রচনার সময় কবি ভগ্নস্বাস্থ্য ছিলেন। তিনি তাঁহার কাব্যের মাতা ও জায়া পরিচ্ছেদ সমাপ্ত করিয়াছিলেন এবং ভগিনী অংশের সামান্য কিছু রচনা করিয়াছিলেন। এমন সময় মৃত্যু আসিয়া কবিকে সরাইয়া লইয়া গেল। অসমাপ্ত গানেই কবিকে থাকিতে হইল। মৃত্যুকালে তাঁহার বয়স মাত্র ৪০ বৎসর হইয়াছিল।

**মাতৃস্তুতি [ ৫৪ ]**—মহিলাকাব্যের মহিলাস্তুতি মাতৃরূপে। কবিতাটির মধ্যে কোন প্রকার ভাবাবেগ নাই বা স্বপ্নজাল বুনবার প্রয়াস নাই। অত্যন্ত সুস্থ এবং সবল মনোভাব লইয়া কবি মাতৃমহিমা অনুভব করিতেছেন এবং সংসারী মানুষকে নীতিবোধ সম্বন্ধে সজ্ঞান করিয়া তুলিতেছেন। ইহাই এই কবিতার বিশেষত্ব।

(২২) স্বার্থপরের আমোঘ অঙ্গ কাপটা, কাঠিণ্ড, চাটু ও কটুকুবচন। এইজন্য কবি এইগুলিকে স্বার্থপরতার নিজদল বলিতেছেন।

নিজ অঙ্গ অংশ.....(২৭—২৯) মাতার দেহ সন্তানের দেহ। মাতার চৈতন্য সন্তানে সংক্রমিত হয়। এই চৈতন্য-সংক্রমণ-ব্যাপার যেন একটি দীপ হইতে অগ্নি আর একটি দীপ জ্বালানোর মত। “প্রবর্তিতো দীপ ইব প্রদীপাৎ।”  
—কালিদাস

**হেমচন্দ্র বন্দ্যোপাধ্যায়**—১৮৩৮ খৃষ্টাব্দে হুগলী জেলার অম্বুর্গত গুলিটি গ্রামে কনিষ্ঠ জন্মগ্ৰহণ করেন। তিনি প্রথমে হিন্দু কলেজে শিক্ষালাভ করেন এবং পরে ঐ কলেজ পেনডেন্স কলেজে পরিবর্তিত হইলে সেই কলেজে অধ্যয়ন করেন। বি. এ. এবং ওকালত পরীক্ষায় উত্তীর্ণ হইয়া হাইকোর্টে ইনি ওকালতী করিতে আরম্ভ করেন। কবির শেষ জীবন অত্যন্ত দুঃখে কাটিয়াছিল। তিনি অন্ধ হইয়া পড়েন এবং নিদারুণ অর্থকষ্টের মধ্যে তাহাকে জীবন অতিবাহিত করিতে হয়। মাইকেল মধুসূদন দত্তের মৃত্যুর পর তিনি বাঙ্গালা সাহিত্যের শ্রেষ্ঠ কবি বালিয়া বিবেচিত হন। হেমচন্দ্র ছিলেন মধুসূদনের ভ্রাতৃপুত্র। মেঘনাদ-বধ কাব্যের সমালোচনায় তিনি যাহা বলিয়াছেন তাহাতে স্পষ্ট প্রত্যয়মান হয় কনিষ্ঠ বাঙ্গালা কাব্যসাহিত্যের একম আদর্শের পুঞ্জারী। মধুসূদন কাব্যসাহিত্যে যে ভাব-বিপ্লব এবং ভাষা ও ছন্দের যে বন্ধনহীন বেগময় স্পন্দন আনিয়াছিলেন হেমচন্দ্র তাহাকে সমস্ত হৃদয় দিয়া গ্রহণ করিয়া লইয়াছিলেন। তিনি বৈদেশিক ভাব ও কল্পনাভঙ্গকে বাঙ্গালার পাঠক-সমাজে বাঙ্গালীর রচনাসহ করিয়া পরিবেশন করিয়াছিলেন এবং তাহা সাদরে গৃহীত হইয়াছিল। চিন্তাতরঙ্গিনী, বৃত্তসংহার, ছায়াময়ী দশমহ বিজ্ঞা, আশাকানন, কবিতাবলী নামক খণ্ড কবিতার সমষ্টিগ্রন্থ প্রভৃতি হেমচন্দ্র রচনা করিয়াছেন। কতকগুলি খণ্ড কবিতার মধ্যে হেমচন্দ্রের স্বদেশপ্রেম ও জাতীয়তাবোধের প্রেরণা সফল লক্ষ্য করিবার বিষয়। এই দিকে রঙ্গলালের ভাবাদর্শই কবিকে অনুপ্রাণিত করিয়াছিল, মনে হয়।

## ত্রিধারা

**শিশুরহাসি [ ৫৫ ]**—কবিতার বিষয় শিশুর হাসি। কবিতার আগন্তু কবি যে ভাষা ও ভাব পরিবেশন করিয়াছেন তাহার প্রসাদগুণ লক্ষ্য করিতে হইবে। শিশুর হাসির মধ্যে যেমন একটি সহজ সৌন্দর্য আছে কবির ভাষার মধ্যেও তেমনই একটি অনায়াসশ্রী ফুটিয়া উঠিয়াছে। শিশুর হাসিতে ফুটিয়া উঠে স্বর্গীয় সৌন্দর্য। উহার সৃষ্টির মূলে আছে চিরদুঃখী মানবের প্রতি বিধাতার করুণা।

ফুলের লাবণ্যবাস ( ১৬—১৭ ) উভয়ই মনোমুগ্ধকর এবং উভয়ই বিধাতার ভাব-তন্ময়রূপে সৃষ্ট হইয়াছে।

তথাপি কবির মনে একটা সন্দেহ জাগিয়াছে (১৩—১৫) শিশুর হাসি ও ফুলের লাবণ্যবাস এ দুইটির মধ্যে বিধাতা কাহাকে প্রথম সৃষ্টি করিয়াছিলেন? মনে রাখিতে হইবে প্রথম সৃষ্টিতেই স্রষ্টার সর্বাধিক আবেগ ও অনুরাগ প্রকাশিত হইয়া থাকে। সেই জন্যই প্রথম সৃষ্টি সর্বশ্রেষ্ঠ বলিয়া পরিগণিত হয়। কবি কালিদাস অনুত্তম সৃষ্টি বুঝাইতে বলিয়াছেন “সৃষ্টি-রাগা” অর্থাৎ প্রথম সৃষ্টি।

অমৃত পিপাসু—দেবতারা নিলোভ নহে। হয়ত এ সৌন্দর্যো ও তাঁহারা লুপ্ত হইয়াছিল, কিন্তু তুমি ইহা তাহাদিগকে দাও নাই।

**জীবন-সঙ্গীত [ ৫৬ ]**—কবি Longfellow'র Psalm of life নামে একটি সুপ্রসিদ্ধ কবিতা আছে। জীবন-সঙ্গীত সেই কবিতার ভাবানুসরণ; শুধু ভাব নয়, মাঝে মাঝে কবি মূলকবিতার ভাষানুবাদ করিতেছেন বলিয়া মনে হইবে, যেমন আরম্ভেই দেখা যাইবে—

ব'লো না কাতর স্বরে.....

“Tell me not in mournful numbers  
Life is but an empty dream

সময় সাগর তীরে.....অমর—(৩৩—৩৪) মূলে আছে :—

“And departing leave behind us  
Foot prints on the sands of time.”

## অবতরণিকা

কবিতার নামকরণও হইয়াছে জীবন-সঙ্গীত, মূলের—Psalm of Lifeএর ভাষানুবাদ।

দেশবাসীর সর্বপ্রকার নিশ্চেষ্টতার বিরুদ্ধে কবি অভিযান করিয়াছিলেন ; এই কথা স্মরণ রাখিলেই এই কবিতায় কবির যে বিশিষ্ট মনোভাব কুটিয়া উঠিয়াছে তাহার মর্ম গ্রহণ করা যাইবে।

দিন যায়, ক্ষণ যায়—(১৩—১৬) কোন প্রকার বৈরাগ্যের কথা নয় ; অথবা প্রাচীন শাস্ত্রীয় আদর্শে মানুষকে সংসার-উদাসীন করিয়া তুলিবার মত কোন কথাও বলা হয় নাই। বরঞ্চ বুঝান হইতেছে, সময় চঞ্চল, জীবনও চিরস্থায়ী নহে ; সুতরাং মানুষের এই স্বল্প-পরিসর কীল-রণাঙ্গনে নিশ্চেষ্ট হইয়া না থাকিয়া কর্ম করা উচিত। তাহাতেই জীবন-মাহাত্ম্য প্রতিষ্ঠিত হইবে।

মনোহর মৃতি.....কাতর (২১—২৪) অতীত ও ভবিষ্যৎ হইতে মুক্ত করিয়া কবি শুধু বর্তমানকেই গ্রহণ করিতেছেন। অতীতের অনুতাপ বা ভবিষ্যতের ভাবনার মধ্যে কোন সার্থকতা নাই। তাগতে বর্তমান সময়ের অপব্যবহার হয় মাত্র।

যমুনাতে [ ৫৭ ]—এই শ্রেণীর কবিতা-রচনা হেমচন্দ্রের একটি বিশেষত্ব। ইহার সাহিত্যিক মূল্য সামান্য নহে। প্রকৃতি সম্বন্ধে কবিতা শুধু প্রকৃতিতে সীমাবদ্ধ না থাকিয়া মানুষের ভাবনা-রাজ্যে প্রবেশ করিয়াছে। প্রকৃতির স্থল লক্ষণ-গুলির তালিকা মাত্র দিয়া একদা বাঙ্গালা সাহিত্যে যেরূপ কবিতা রচিত হইত ইহা সেরূপ নয় ; আবার এখানে প্রকৃতির স্বরূপতা অস্বীকার করিয়া তাহাকে মানব-প্রাধান্যের কাছে গুণীভূত করা হয় নাই—জনৈক সমালোচক যাহাকে বলিয়াছেন .Subordinating Nature to human interest ইহার সহিত (৫০) সংখ্যক কবিতাটিও তুলনা করিলে দুইয়ের রসরূপের বিভিন্নতা উপলব্ধি করা যাইবে। ইহাতে প্রকৃতির কোন প্রকার মানবীয়রূপ-

## ত্রিধারা

কল্পনা নাই। এই কবিতায় বৃষ্টিতে পারা যায় The landscape has a sentiment of its own.

হায়রে প্রকৃতিসনে.....(৩১—৩৫) প্রকৃতি-পূজারী ইংরেজ কবি Wordsworth-এর চিন্তাপ্রণালী হেমচন্দ্রের ভাবকল্পনায় প্রভাব বিস্তার করিয়াছিল। (৪১—৪৫) ইহাও হেমচন্দ্রের বিশেষত্ব। নিসর্গের প্রতি চাহিয়া কবির মনে পড়ে ব্যক্তিজীবনের সুখদুঃখ, মানুষের আশা-আকাঙ্ক্ষা, সাম্রাজ্যের উত্থান-পতন প্রভৃতি অনেক কথা।

লজ্জাবতী লতা [ ৫৮ ]—ইহাও হেমচন্দ্রের একটি খণ্ড কবিতা। এখানেও কবির প্রকৃতি-নিরীক্ষণ একই দৃষ্টিকেন্দ্র হইতে হইয়াছে। প্রকৃতিরাজ্যের সামাগ্র ঐ লজ্জাবতী লতা দেখিয়া কবির মানবসমাজের কথা মনে পড়িয়া গেল। এই শ্রেণীর কবিতাই তিনি রচনা করিয়া গিয়াছেন। নিসর্গ-কবিতার সর্বশ্রেষ্ঠ রূপের সন্ধান এই প্রকারের রচনায় পাওয়া যাইবে না। এ যেন কবি প্রকৃতির ঘটনা বা দৃশ্যের সাহায্যে আপন মনের কতকগুলি চিন্তা প্রকাশ করিয়াছেন মাত্র। নিসর্গের সঙ্গে নিজেকে মিশাইয়া ফেলিয়া মনুষ্যভাব-প্রকাশ এই শ্রেণীর কবিতায় নাই।

ষদুগোপাল চট্টোপাধ্যায়—১৮৫২ খৃঃাব্দে হুগলী জেলার কোন্নগর নামক স্থানে এই কবি জন্মগ্রহণ করেন। “পঞ্চশাঠ” প্রথম, দ্বিতীয় ও তৃতীয় ভাগ রচনা করিয়া এক সময়ে তিনি বিদ্যার্থী-সমাজে প্রতিষ্ঠা লাভ করিয়াছিলেন। স্বকীয় রচনা এবং কবিতা-চর্চনের মধ্যে তাহার ছাত্রহিতৈষণায় প্রবুদ্ধ-বুদ্ধির পরিচয় পাওয়া যায় Oscar Wilde বলিয়াছেন “To reveal art and to conceal the artist is Art’s aim” এই লক্ষণাক্রান্ত art-এর সন্ধান তাহার কবিতার অনেক স্থলেই পাওয়া যাইবে না। প্রায়শঃই কবি উপদেষ্টারূপে উপস্থিত হইয়াছেন এবং তাহাতে তিনি তাহার উদ্দেশ্যনুরূপ কাব্যই করিয়াছেন। কবি ভাষা সুসংস্কৃত ও সুমার্জিত। ভাষার এই সংস্কৃত ও মার্জিতরূপ তরুণ বিদ্যার্থীদিগকে ভাষাশিক্ষাদানের উদ্দেশ্যেই প্রযুক্ত হইয়াছিল মনে হয়।

## অবতরণিকা

**জন্মভূমি [ ৫৯ ]**—ভাষার দুর্গম ( আধুনিক ছাত্রদের পক্ষে ) প্রাচীর অতিক্রম করিয়া গেলেই কবির ভাবকঙ্কর ( সে কক্ষ যেমনই হোক ) সন্ধান মিলিবে । কবিতাটির আশুস্ত কবির অনুপ্রাস-প্রীতি লক্ষ্য করিতে হইবে ।

বহিত্র—তরী বা বৃহৎ জলযান । এই শব্দের অন্ত অর্থ দাঁড় ।  
কর্ণধার—মাঝি ।

সুকেশিনী শিরঃ শোভা .....( ২৭—২৮ ) রোমের ইতিহাসে Punic যুদ্ধে এইরূপ একটি ঘটনার বিবরণ আছে । রমণীগণ ধমুকের ছিলায় জন্ম তাহাদের কেশ কাটিয়া উপহার দিয়াছিল ।

স্বর্গাদপি গরীয়সী.....(৩১) জননী ও জন্মভূমি স্বর্গ হইতেও বড় ।  
“জননী জন্মভূমিঞ্চ স্বর্গাদপি গরীয়সী ।”

**যমুনা [ ৬০ ]**—এই কবিতার স্তবকে স্তবকে পৌরাণিক কাহিনী রহিয়াছে । সেই পুরবৃত্তগুলি জানিলেই কবিতার কথা অদয়ঙ্গম করা যাইবে । এখানেও অনুপ্রাস দ্বারা একপ্রকার ধ্বনিমাধুর্যের সৃষ্টি করা হইয়াছে । কবিতার প্রত্যেকটী পংক্তি মনোযোগের সহিত পাঠ করিলেই তাহা ধরা পড়িবে ।

**দ্বিজেন্দ্রনাথ ঠাকুর**—দ্বিজেন্দ্রনাথ ছিলেন মহর্ষি দেবেন্দ্রনাথ ঠাকুর মহাশয়ের জ্যেষ্ঠ পুত্র ; সূত্রাং রবীন্দ্রনাথের জ্যেষ্ঠ সহোদর । ১৮৩৯ খৃষ্টাব্দে তাঁহার জন্ম এবং ১৯২৬ খৃষ্টাব্দে ৮৭ বৎসর বয়সে তাঁহার মৃত্যু হয় । কবি বিহারীশালের সহিত তাঁহার ঘনিষ্ঠ বন্ধুত্বের কথা পূর্বেই উল্লিখিত হইয়াছে । তাঁহার পয়স্কালের প্রভাবে কবিতা রচনায় ব্রতী হন । দ্বিজেন্দ্রনাথ শুধু যে কবি ছিলেন, তাহা নয় ; তিনি ছিলেন সাহিত্য, দর্শন প্রভৃতি বহু শাস্ত্রে সুপণ্ডিত । অপরিণত বয়স হইতেই তিনি কবিতা লিখিতে আরম্ভ করেন । তিনি লিখিতেন বহু, কিন্তু সেগুলি সকলকে পড়িয়া শুনাইয়া-আবার হাসিতে হাসিতে ছিঁড়িয়া কেলিতেন । তাঁহার স্বপ্নপ্রাণ নামক রূপক-কাব্য প্রকাশিত হইয়াছে । তাঁহার নানা বিষয়ে গভীরপাণ্ডিত্যপূর্ণ বহু প্রবন্ধ এবং রসোচ্ছল কবিতা মাসিক পত্রগুলিতে ইতস্ততঃ বিকিণ্ড রহিয়াছে । তাঁহার রঙ্গ-কবিতার সমষ্টি ‘কাব্যমালা’ নামক পুস্তকে সন্নিবিষ্ট হইয়াছে ।

## ত্রিধারা

যক্ষের আলয় [ ৬১ ]—কোন এক যক্ষ কর্তব্যাকর্মে অবহেলার জন্ত যক্ষপতিকর্তৃক নিজবাসভূমি অলকা হইতে রামগিরি এক বৎসরের জন্ত নির্কাসিত হইয়াছিল। নির্কাসিত যক্ষ দারুণ মনস্তাপে আট মাস কাটাইয়াছে এমন সময় আষাঢ় শ্রু প্রথমো দিবসঃ ( ১লা আষাঢ় ) আসিয়া উপস্থিত হইল। সেদিন যক্ষ জলভরা কালো মেঘগুলিকে বাতাসের বেগে উত্তরদিকে যাইতে দেখিতে পাইল। এই উত্তরদিকেই, কৈলাসের নিকট অলকায় তাহার বাড়ী। যক্ষ ভাবিল, এই মেঘের কাছে সংবাদ দিলে সে অবশ্যই তাহা অলকায় তাহার পত্নীর নিকট পৌছাইয়া দিতে পারিবে। এই ভাবিয়া যক্ষ মেঘকে স্বাগতসম্ভাষণ জানাইয়া কুচ্চিকুলের উপহার দিল। নির্কাসিত অংশে যক্ষ মেঘকে ভাল করিয়া বুঝাইয়া দিতেছে অলকায় কোনটা তাহার গৃহ। ইহা কবি কালিদাসের অমর কাব্য মেঘদূতের বিষয়-বস্তুর অংশমাত্র। দ্বিজেন্দ্রনাথ এখানে মেঘদূত কাব্যের সেই অংশের চমৎকার ভাবানুবাদ করিয়াছেন। আশ্চর্য ভাষার প্রাজ্ঞলতা ও প্রসাদগুণ কবিতাটিকে বৈশিষ্ট্য দান করিয়াছে।

উহার একটীধারে...৭—১২ মূলে আছে—

“বাপী চাশ্বিন্ মরুতশিলাবন্ধসোপানমার্গা  
হৈমৈশ্ছন্না বিকচকম্বলৈঃ স্নিগ্ধবৈহুর্য়ানালৈঃ।

যশ্চাস্ত্রোয়ে কৃতবসতয়ো মানসং সন্নিকৃষ্টং

নাধ্যাস্তি বাপগতশুচস্বামপি প্রেক্ষ্য হংসাঃ ॥”—উত্তর মেঘ ১৫

তাহার মাঝেতে আর.....২৫—৩০ মূলে আছে—

“তন্মধ্যে চ স্ফটিকফলকা কাঞ্চনী বাসযষ্টিঃ

মূলে বন্ধা মণিভিরনতিপ্রৌঢ়বংশ প্রকাশৈঃ

তালৈঃ শিঞ্জাবলয়মুভগৈর্নর্তিতঃ কাস্তুয়া য়ে

যামধ্যান্তে দিবসবিগমে নীলকণ্ঠঃ সূহৃৎবঃ ॥”—উত্তরমেঘ ১৮



## অবতারণিকা

নিশীথ [ ৬২ ]—বিপ্রহর রাত্রির অতি চমৎকার বর্ণনা। শুক রজনীর মূক মূর্তিটী কেমন সুন্দরভাবে অঙ্কিত হইয়াছে! নিশীথের প্রকৃতি যেন জীবনহারা। কোথাও জীবনের কোন লক্ষণ নাই; শুধু জোনাকির আলোতে, শীতল বাতাসে এবং জীবের নিঃশ্বাস-পতন-ধ্বনিতে একটুখানি জীবন-লক্ষণ উপলব্ধি করা যায়। এ যেন মুমূর্ষুর ক্ষীণ নাড়ীস্পন্দন। এই প্রকৃতি-বিষয়ক কবিতাতেও সেই সত্য-দর্শন নাই, যে সত্য-দর্শনে কবিগণ বলেন—

“প্রকৃতির সাথে হয়

কবি-চিত্ত-বিনিময়

সংসার বোঝে না সেই জীবন্ত স্বপন—।”

নবীনচন্দ্র সেন—১৮৪৬ খৃষ্টাব্দে চট্টগ্রাম জেলার নয়াপাড়াগ্রামে কবি জন্মগ্রহণ করেন। তাঁহার রচিত গ্রন্থগুলি—অবকাশরঞ্জিনী, পলাশীর যুদ্ধ, রৈবতক, কুরুক্ষেত্র, প্রভাস, অমিতাভ ও অমৃতভ। পলাশীর যুদ্ধ প্রকাশিত হইবার পরই তাঁহার কবি-খ্যাতি দেশময় ছড়াইয়া পড়ে। তিনি ‘আমার জীবন’ নামে সুদীর্ঘ আত্মজীবনী লিপিয়া গিয়াছেন। ১৯০৯ খৃষ্টাব্দে কাব্যশোভিত হইয়া তিনি উহলোক পরিত্যাগ করেন।

কবির সমস্ত কাব্য-সাধনার মধ্যে একটি মাত্র উদ্দেশ্যের আভাস দেখিতে পাওয়া যায়, তাহা মনুষ্যত্বের বিরুদ্ধে মহিমা-কীর্তন। অমিতাভ কাব্যের ভূমিকায় কবি বলিয়াছেন— “সকলেই বুদ্ধদেবকে অল্পাধিক অতি-মানুষিকভাবে চিত্রিত করিয়াছেন। আমি যথাসাধ্য তাহাকে মানুষিক ভাবাপন্ন করিতে চেষ্টা করিয়াছি। এ অবতারদিগকে মানুষিক ভাবে দেখিলে যেন আমার হৃদয় অধিক শ্রীতিলাভ করে, তাহাদিগকে অধিক আপনার বলিয়া বোধ হয়।” এই যে মনুষ্যত্বের জয়ঘোষণা ইহাই তাঁহার সমস্ত সাধনকার্যের সঙ্গে জড়িত হইয়া আছে এবং এই মানবত্ব শ্রদ্ধাবোধ তাঁহার কাব্যকে একটা বিশিষ্ট গৌরবদান করিয়াছে। অমিতাভ কাব্যের বুদ্ধ রৈবতক-কুরুক্ষেত্র-প্রভাসের কৃষ্ণ মহামানব, অতিমানব নহে। কবি তাঁহার ধ্যানাদর্শের অনুরোধে মাঝে মাঝে ঐতিহাসিক তথ্যকে ভাস্কর্য্য চূরিয়া আপন মতে গড়িয়া লইয়াছেন। এই কথা স্মরণ রাখিলেই নবীনচন্দ্রের কাব্যের রসগ্রহণ সার্থক হইবে।

## ত্রিধারা

বুদ্ধদেবের অনুত্যাগ [ ৬৩ ]—বুদ্ধং মে.....(৭-৮) বৌদ্ধদিগের “সরগগমন” বাক্য। তিনটী প্রতিজ্ঞা তাঁহারা করিয়া থাকেন—

“বুদ্ধং সরগং গচ্ছামি।

ধর্ম্যং সরগং গচ্ছামি।

সজ্জং সরগং গচ্ছামি।”

শিষ্যগণ এককণ্ঠে.....(২৪) কথিত আছে বুদ্ধদেব মহাপ্রয়াণকালে শিষ্যগণকে চারিদিকে পাইয়াছিলেন এবং তিনি তাঁহাদিগকে উপদেশ দিয়াছিলেন। (২৪—২৭) এইস্থানে কবির গভীর ভাবাবেগ কেমন উচ্ছাসময় ভাষার প্রকাশিত হইয়াছে তাহা লক্ষ্য করিয়া স্মরণ রাখিতে হইবে, এই উচ্ছাসময় ভাব-বিহ্বলতাই নবীনচন্দ্রের বিশেষত্ব। ভাবাবেগ কবিচিত্তকে মাঝে মাঝে ভাসাইয়া একটা সঙ্গতিহীন দুরত্বে নিক্ষেপ করিত। সেই জন্ত উৎকৃষ্ট কবি-প্রতিভার অধিকারী হইলেও নবীনচন্দ্রের বাণী সংযম-বলয়িত হইয়া কাব্য-সৌন্দর্য্য প্রকাশ করিতে পারে নাই।

৩৮—৪০ মিতাভ ও অমিতাভ কথা দুইটির মধ্যে ব্যতিরেক-ব্যঞ্জন, লক্ষণীয়।

৪৯—৬১ কবিতার শেষাংশে কবি যাহা বলিয়াছেন তাহাতে তাঁহার কবি-মানসের পরিচয় পাওয়া যায়। মহাপুরুষ যুগে যুগে অবতীর্ণ হন। যুগ-প্রয়োজনই তাঁহাকে ধরনীবক্ষে টানিয়া আনে। সেই প্রয়োজনের তাগিদে বিভিন্ন নাম-মুক্তি ধারণ করিয়া বিভিন্ন যুগে মহাপুরুষ আবির্ভূত হন। কৃষ্ণ-বুদ্ধ-খৃষ্ট-মহম্মদ-চৈতন্য এই বিভিন্ন ব্যক্তি-পুরুষের মধ্যে একটা অভিন্ন ভাব-মুক্তি আছে। সেইজন্য কবি তাঁহাদিগকে অভিন্ন বলিয়াছেন। তাঁহারা প্রত্যেকেই হৃৎথের পূজারী এবং প্রেমাবতার। প্রত্যেকেই পথহার। আদর্শত্রুষ্টি মানুষকে পথের সন্ধান দিয়াছেন।

সমুদ্রে [ ৬৪ ]—সুনীল আকাশ দূরে……(৯—১০) কবি এখানে সম-রূপের মিলনে যে বিষয় প্রকাশ করিয়াছেন অত্র শুধু রূপের নয়, ভাব-রূপের মিলনে সেই বিষয় প্রকটিত হইয়াছে! যথা—

“নীলিমায় নীলিমায়, মহিমায় মহিমায়

মিশাইয়া পরস্পরে, মহা আলিঙ্গন ;

মহাদৃশ্য, অনন্তের অনন্ত মিলন ।

অর্জুনের শোক [ ৬৫ ] কবিতাটির আরম্ভে শোক, অবসানে রণোৎসাহ। এখানে করুণ ও বীর এই দুইটি রসের একত্র সংস্থান হইয়াছে। অর্জুনপুত্র অভিমুখ্যার মৃত্যু, অর্জুনের শোক এবং কৃষ্ণের বীরোচিত উদ্দীপনার কথা এখানে বলা হইয়াছে।

সুলোচনা—কবির কল্পিত চরিত্র; স্বজনহীনা সুলোচনা সত্যভামার সখী হইয়াছিলেন এবং সুভদ্রাকে ভগিনীনির্বিশেষে মেহ করিতেন। অভিমুখ্য ছিল তাঁহার পুত্রাধিক।

শিবনাথ শাস্ত্রী—১৮৪৭ খৃষ্টাব্দে শিবনাথের মাতুলালয়ে জন্ম হয়। তাঁহার মাতুল ছিলেন সোমপ্রকাশ পত্রের সম্পাদক স্বনামখ্যাত দ্বারকানাথ বিদ্যাভূষণ। শিবনাথ তাঁহার চরিত্রের তেজস্বিতা পৈতৃক অধিকাররূপেই প্রাপ্ত হইয়াছিলেন। এই তেজস্বী ব্রাহ্মণ নবপ্রবর্তিত ব্রাহ্মধর্মের উদারতায় মুগ্ধ হইয়া সেই ধর্মগ্রহণ করেন। তখন তিনি মাত্র এক-এ-পাশ করিয়াছেন। পরে সংস্কৃতভাষা ও সাহিত্যে এম্-এ পাশ করিয়া শাস্ত্রী উপাধি লাভ করেন। দেশের ত্রিভৈষণা ও সমাজের সংস্কারপ্রভে সম্পূর্ণ নিজেকে লিপ্ত রাখিয়াও তিনি সাহিত্য সেবা করিয়াছেন এবং কবিতা রচনা করিয়াছেন। যে বিরাট কবি-প্রতিভা লইয়া তিনি জন্মগ্রহণ করিয়াছিলেন তাহার অনুরূপ সাহিত্য সৃষ্টি তাহা হইতে হয় নাই। ব্রাহ্ম-ধর্ম-সমাজসংস্কারে প্রবুদ্ধ বুদ্ধি তাঁহার ভাবকল্পনাকে মুক্ত-পক্ষ হইয়া স্বচ্ছন্দ স্বাধীনভাবে বিহার করিতে দেয় নাই। সেই জন্তই রবীন্দ্রনাথ দুঃখ করিয়া লিখিয়াছিলেন—শাস্ত্রী মহাশয় অতুল ভাবসম্পদের অধিকারী হইয়াও সাহিত্যক্ষেত্রে বিশেষ কিছু দান করিলেন না। শাস্ত্রী মহাশয়ের রচিত গ্রন্থগুলি—নির্কাসিতের বিলাপ, পুষ্পমালা, হিমালয়কুম্ব, পুষ্পাঞ্জলি প্রভৃতি।

## ত্রিধারা

বাসন্তী পূর্ণিমা [ ৬৬ ]—প্রকৃতি-বিষয়ক কবিতা। [ ৬২ ] কবিতার সঙ্গে ইহার ঐক্য ও [ ৫২ ] এবং [ ৫৭ ] সংখ্যক কবিতার সহিত ইহার পার্থক্য বিশেষ ভাবে প্রণিধানযোগ্য।

শোভা ফুটিছে ( ১ ) কানায় কানায় ( ৫ ) উছলিয়া যায় ( ৬ ) এই শব্দ-গুলির প্রয়োগরীতি লক্ষ্য কর। অঙ্গে লাগে জ্যোৎস্নারস—একটা প্রবল ঐন্দ্রিয়ক অনুভূতির ইঙ্গিত। পরাগ.....(২৪) এখানে পারম্পরিক ভাব রহিয়াছে তাহা বুঝিতে চেষ্টা করিবে।

**গিরীশচন্দ্র ঘোষ**—প্রসিদ্ধ নাট্যকার ও অভিনেতা গিরীশচন্দ্রের ১৮৪৩ খৃষ্টাব্দে কলিকাতার বাগবাজারে জন্ম হয়। স্কুলের সর্বোচ্চ শ্রেণী পর্যন্তই তাঁহার খেতাবী শিক্ষা। আপন অধ্যবসায় ও বিদ্যানুরাগের অনুপ্রেরণায় তিনি পরবর্তী জীবনে ইংরেজী ও বাঙ্গালা-সাহিত্যে প্রগাঢ় ব্যুৎপত্তি লাভ করিয়াছিলেন। নাট্যালয়ের সহিত সংশ্লিষ্ট থাকিয়া গিরীশচন্দ্র বহু নাটক ও অসংখ্য গান রচনা করেন। তাঁহার গানগুলি বাঙ্গালার সর্বত্র ছড়াইয়া পড়িয়াছিল।

**লক্ষ্মণবর্জনে রাম** [ ৬৭ ]—গিরীশচন্দ্র ঘোষের লক্ষ্মণবর্জনে নামক নাটকের একটা দৃশ্য। নাটক বস্তুধর্মী সৃষ্টি। আধুনিক নাটকগুলিতে বস্তুধর্মের সঙ্গে সঙ্গে মন্বয় কল্পনা বড় বেশি আত্মপ্রকাশ করিতেছে। গিরীশচন্দ্রের নাটকগুলিকে ঐরূপ কল্পনা ভারাক্রান্ত করে নাই। তাঁহার নাটকে লক্ষ্য করিবার বিষয় এই যে, তাঁহার চিত্রিত চরিত্রগুলি তাহাদের ব্যক্তিবৈশিষ্ট্য লইয়া ফুটিয়া উঠিয়াছে।

নির্ঝাচিত অংশে যে ছন্দের পরিচয় রহিয়াছে তাহা অমিত্রাক্ষর ছন্দ। এই বিশেষ অমিত্রাক্ষর ছন্দরূপ গিরীশচন্দ্র ব্যবহার করিয়াছেন বলিয়া ইহার নাম গৈরীশছন্দ। এই কবিতার অমিত্রাক্ষর ছন্দের সহিত [ ৪১ ] কবিতায় মধুসূদনের অমিত্রাক্ষর ছন্দ ও [ ৬৫ ] কবিতায় নবীনচন্দ্রের অমিত্রাক্ষর ছন্দের তুলনা করিয়া পড়িলে পার্থক্য উপলব্ধি করা যাইবে।

**গোবিন্দচন্দ্র দাস**—ঢাকা জেলার অন্তর্গত ভাওয়াল পরগণার জয়দেবপুর গ্রামে ১৮৫৫ খৃষ্টাব্দে কবি জন্মগ্রহণ করেন। ইনি “ভাওয়ালের কবি” বলিয়াই প্রসিদ্ধ। গোবিন্দ দাস উচ্চশিক্ষা লাভ করিতে পারেন নাই। লক্ষ্মী তাঁহার উপর কখনও কৃপা কটাক্ষ করেন নাই, কিন্তু বাণীর তিনি ছিলেন একনিষ্ঠ সেবক। পারিবারিক দুঃখ-কষ্ট এবং নানাপ্রকার উৎপীড়ন-নিষ্যাতন সহ করিয়াও তিনি কেমন করিয়া দিব্য কল্পনায় অবতরণ্য হইয়া থাকিতেন তাহা ভাবিয়া বিন্মিত হইতে হয়। তাঁহার সমকালীন নবীন কবিদিগের মত তিনি শিক্ষিত ছিলেন না। কিন্তু গীতিকবির যাহা শ্রেষ্ঠ সম্পদ সেই fine frenzy ও sincerity of expressionএ দুইয়ের উপর তাঁহার প্রভূত অধিকার ছিল। মগের মূলুক, প্রেম ও ফুল, কুকুম, কস্তুরী, চন্দন, ফুলরেণু, বৈজয়ন্তী প্রভৃতি কবিতাগ্রন্থ রচনা করিয়া তিনি ঘণস্বী হইয়াছিলেন।

**বরষার বিল [ ১৮ ]**—এই কবিতাটী বস্তু-সর্কস্ব নয়। বাহিরের বাস্তব বর্ণনার ভিতরে কবি কতখানি নিজেকে মিশাইয়া ফেলিয়াছেন তাহা লক্ষ্য করিবার বিষয়। এ বর্ণনায় গতানুগতিকতা নাই। জগতের সমস্ত কিছু মধ্যো মানুষ নিজেকে দেখিতে পায়, বিশ্বকে সে গ্রহণ করে আপন বিশিষ্টরূপে। আবার তাহার প্রকাশের মধ্যে হয় তাঁহারই আত্মপ্রকাশ। এই লক্ষণ আধুনিক কবিতার একটা বিশিষ্ট লক্ষণ। গোবিন্দদাসের কবিতাতেও এই লক্ষণটী প্রায়শই ফুটিয়া উঠে।

**মা-মরা মেয়ে [ ৬৯ ]**—কবি গোবিন্দদাসের অনুভূতির প্রগাঢ়তা এই কবিতাটীকে রসোচ্ছল করিয়া তুলিয়াছে। অত্যন্ত সহজ সরল ভাষার মধ্যে ভাব (sentiment) কতটা আবেগ-গভীর হইয়া উঠিতে পারে তাহার পরিচয় আছে এই কবিতায়।

**গিরীন্দ্রমোহিনী দাসী**—কলিকাতা অন্তঃপাতী ভবানীপুরে মাতুলালয়ে ১৮৫৮ খৃষ্টাব্দে গিরীন্দ্রমোহিনীর জন্ম হয়। পিতৃ-নিবাস কলিকাতার সন্নিকটে পানিহাটী গ্রাম। বিবাহান্তে গিরীন্দ্রমোহিনী এমন স্বশুরালয়ে স্থান লাভ করিলেন (বহুবাজারের সম্মুখ দিক)

## ত্রিধারা

পরিবার ) সেখানে স্ত্রীশিক্ষার উৎসাহ দেওয়া হইত এবং এই শিক্ষার সম্পূর্ণ ব্যবস্থা ছিল। তিনি কবিতাগ্রন্থ প্রকাশ করিয়া সেই যুগের সাহিত্য-কর্ণধার বঙ্কিমচন্দ্রের প্রশংসা অর্জন করেন। পরে কিছুদিনের জন্ত 'জাহ্নবী' মাসিকপত্র পরিচালনা করেন। ১৮৮৪ খৃষ্টাব্দে বৈধব্যের পর তিনি "অক্ষকণা" নামে একখানা কাব্য রচনা করেন। তাহার রচিত আরও দুইখানা কাব্য আছে, শিখা ও অর্ঘ্য।

**শেষ-বিশ্রাম [ ৭০ ]**—মৃত্যুবিষয়ক কবিতা। মানুষের শেষ-বিশ্রাম কবর বা শ্মশানের তুচ্ছ ধূলিশয্যায়, ইহাতে কোন সন্দেহ নাই। কিন্তু কবি যে প্রশ্নগুলি তুলিয়াছেন তাহাতে কবিতার প্রথম অংশ বেদনা-বিধুর হইয়া উঠিয়াছে। লক্ষ্য করিতে হইবে কবিতাটির আশ্রিত একটা সমাধানহীন প্রশ্ন-প্রবাহ।

দারাসুত (৩) ও বীজনী-বাজন (৬) কথা দুইটির প্রয়োগ-নৈপুণ্য লক্ষ্য কর। উহাদের অর্থ জানিয়া রাখিবে।

**সন্তান ও জননী [ ৭১ ]**—অতিশয় তুচ্ছ ও সাধারণ বস্তু অথবা দৃশ্যগুলি সাহিত্যে আরোপিত হইয়া কেমন করিয়া তুচ্ছতা পরিহার করে এবং সাধারণ হইয়া উঠে তাহার পরিচয় পাওয়া যাইবে এই কবিতায়। প্রথম ১৬টা লাইনে শুধু একটা যথাদৃষ্ট বর্ণনা রহিয়াছে। তারপর হইতে শেষ পর্য্যন্ত সেই স্বভাববর্ণনা কল্পনা-রঞ্জিত হইয়াছে।

প্রয়োগরীতি লক্ষ্য কর—কুটুফুটে জোছনা (১) ধবধবে আঙ্গিনায় (২) ঝুরুঝুরু বায় (৩) আঁধি ঢুল ঢুল (১২) মেশামেশি (১৩)

ঘুমপাড়ানি গান কাহাকে বলে? পিউ পিউ তান কেন বলা হইল তাহা বুঝিতে চেষ্টা করিবে।

**ধূলা [ ৭২ ]**—আধুনিক গীতি-কবিতা ধরার ধূলিকণা হইতে নন্দনের পরিজাত পর্য্যন্ত যে কোন বিষয় বস্তু অবলম্বন করিতে পারে। এখানে

বস্তুর সহিত মনয় কল্পনা মিশিয়া কেমন উৎকৃষ্ট একটি কবিতা সৃষ্টি করিয়াছে তাহা প্রণিধানযোগ্য।

মোরা বিজ্ঞ.....জগৎজননরূপা (১৪—১৫) কবি এখানে একটি গভীর দার্শনিক ভঙ্গের ইঙ্গিত করিয়াছেন। অণু হইতেই তো সমস্ত কিছু সৃষ্টি হইয়াছে। অণুতে অণুতে মিলিয়া ঘণুক, ঘণুক হইতে ত্রসরেণু এমনি করিয়াই তো পৃথিবীর উদ্ভব হইয়াছে। আমরা সেই পার্থিব ক্ষুদ্র ধূলিকণাকে—সৃষ্টির মূল উপাদানকে—ঘৃণা করি। আমরা আপনাদিগকে বিজ্ঞ বলিয়া প্রচার করি; কিন্তু বুদ্ধিতে পারি না, আমাদের বিজ্ঞতা কত বড় অজ্ঞতায় সমাচ্ছন্ন।

**কায়কোবাদ**—১৮৫৯ খৃষ্টাব্দে ঢাকা জেলার অন্তর্গত নবাবগঞ্জ থানার অধীন আগলা পূর্বপাড়া গ্রামে কবি জন্মগ্রহণ করেন। বিশেষ পরিণত বয়সের এই কবি অद्याপি জীবিত আছেন। তিনি যখন প্রধান বাঙ্গালা কাব্য-সাহিত্যের সেবা আরম্ভ করিয়াছিলেন তখন এই ক্ষেত্রে মুসলিম সাহিত্যিকগণ সমবেত হন নাই। তখনকার সেই যুগে মাত্র চারিজন মুসলিম সাহিত্যিক বঙ্গ-সাহিত্যের সেবায় ঐকান্তিকনিষ্ঠার সহিত আত্ম নিয়োগ করিয়াছিলেন; শাস্ত্রপুরের কবি মোজাম্মেল হক, কুষ্টিয়ার মীর নোশাররফ হোসেন, ময়মনসিংহের রেজাউ উদ্দিন ও ঢাকার কবি কায়কোবাদ। কবির রচিত গ্রন্থগুলির মধ্যে অমিয়ধারা, শ্মশানভঙ্গ, অক্ষমাল্য এবং মহাশ্মশান বিশেষ প্রসিদ্ধ।

**ভুল-ভাঙ্গা** [ ৭৩ ]—ভাব অত্যন্ত সরল। ভাবা সুসংস্কৃত।

**দশজন**—পঞ্চ জ্ঞানেন্দ্রিয় এবং পঞ্চ কর্মেন্দ্রিয়।

**ছয়টি দস্যু**—কামাদি ষড় রিপু।

**কামিনী রায়**—ইনি প্রসিদ্ধ ঐতিহাসিক লেখক চণ্ডীচরণ সেনের কন্যা। ১৮৬৪ খৃষ্টাব্দে বরিশাল জেলার বাসণ্ডা গ্রামে ইহার জন্ম হয়। কামিনী রায় সেই যুগের একজন উচ্চশিক্ষিতা মহিলা ছিলেন। তিনি বহু কাব্য ও নাটক রচনা করেন। তন্মধ্যে আলো ও ছায়া, দীপ ও ধূপ, অশোক-সঙ্গীত, জীবন-পথে প্রভৃতি প্রসিদ্ধ।

## ত্রিধারা

সুখ [ ৭৪ ]—কামিনী রায়ের রচনায় আত্মভাব-প্রাধান্য আছে, কিন্তু সেই আত্মভাব সম্পূর্ণ আত্মমুখী না হইয়া সমাজমুখী হইয়াছে। কবির সজ্ঞান-চিন্তা কেবলমাত্র ভাব-বিলাসে নিঃশেষ না হইয়া বিবাদমূর্ছিত দুর্বল সমাজের প্রেরণা-সঞ্চারে নিয়োজিত হইয়াছে। সেই জন্ত তাঁহার রচনায় কৃত্রাপি নৈরাশ্রবাদ প্রাধান্য লাভ করিতে পারে নাই। আশাবাদই প্রধান হইয়া উঠিয়াছে। কবিতাটির মধ্যে একটি জীবনাদর্শেরও সন্ধান দেওয়া হইয়াছে।

মধুর স্বপন [ ৭৫ ]—ইহা একটি প্রসিদ্ধ সঙ্গীত। হৃতসর্বস্ব ভারতের সমস্ত গৌরব আজ লুপ্ত। কবি সেই লুপ্তগৌরব পুনরুদ্ধারের মোহন ছবি যেন স্বপ্নে দেখিলেন। কবির আশাবাদ লক্ষণীয়।

যুচেছে ব্যথা (৪) প্রয়োগরীতি লক্ষ্য কর ; অঁধার (৫) শব্দটির মধ্যে সানুনাসিকতা কোথা হইতে আসিল ? (১৩) কবিতায় পাঁচি শব্দের টীকা দেখ। মোহনবল কথাটির শব্দ-সঙ্গীত বুঝিতে পারিয়াছ কি ? ক্ষণেক শব্দের সন্ধির বিশেষত্ব লক্ষ্য কর।

পথভোলা [ ৭৬ ]—মানুষ দুর্বল ; তাহার জীবনে স্থলন-পতন-ক্রটি আছে। পতিত বা পথভ্রষ্টকে ক্ষমা করিতে হইবে। পাপীকে ঘৃণা করা সেই পাপীর পাপের চেয়েও বড় পাপ। কবির কথায়, “উপেক্ষা যে বিষ-বাণ !” সমস্ত কবিতাটির মধ্যে একটি নীতি-প্রাধান্য পরিস্ফুট হইয়াছে।

**দেবেন্দ্রনাথ সেন**—পৈতৃক নিবাস হুগলী জেলার বলাগড় গ্রাম। কবির পিতা কন্দ্রোপলক্ষে বিহারের অন্তর্গত গাজীপুরে বাস করেন। এই স্থানেই কবির জন্ম হয়। দেবেন্দ্রনাথের কর্মস্থল এলাহাবাদ। এই স্থানেই তিনি ওকালতী করিতেন। কবি ছিলেন সেই যুগের একজন উচ্চতম উপাধি-ধারী (এম্ এ) শিক্ষিত ব্যক্তি। নৈসর্গিক কবি-প্রতিভা ও উচ্চশিক্ষার সম্মেলনে দেবেন্দ্রনাথের কবি-মানস গড়িয়া উঠিয়াছিল। সেই মানসে আর কাহারো ছায়া নাই ; কবি সেখানে একক। ইহাই তাঁহার মৌলিকতার মূল। দেবেন্দ্রনাথ যখন ভাবতন্ময়-হইয়া নিজের কবিতা আবৃত্তি করিতেন, তখন তাহা



## অবতরণিকা

হইতে পরম উপাদেয় 'কিমপি ত্ৰবাম্'। অশোকগুচ্ছ, সেফালীগুচ্ছ প্রভৃতি কাব্য-কবি রচনা করিয়া গিয়াছেন।

**সুনীল সাগরে সোনার কমল [ ৭৭ ]**—জগতের ইন্দ্রিয়গ্রাহ সৌন্দর্যের প্রতি দেবেন্দ্রনাথের কবি-হৃদয়ের একটা বিশেষ আকর্ষণ ছিল। সেই সৌন্দর্য-ভোগের ভোক্তা কবির বুদ্ধি ও কল্পনা নহে, তাঁহার হৃদয়। সেই জন্ত ব্যক্তি-স্বাতন্ত্র্য হইতে তাঁহার কবিতায় ভাব-তন্ময়তাই বেশি ফুটিয়াছে। এই কথা স্মরণ রাখিলেই দেবেন্দ্রনাথের সৌন্দর্য-আরাধনা বুঝা যাইবে।

১৯—২২ দৃষ্টান্তটি কি চমৎকার! কালিদাসের ভাবনির্মীলিত নয়নে এমনই একটি চিত্র ভাসিয়া উঠিয়াছিল—

“হরস্ত কিঞ্চিৎ পরিলুপ্তৈর্ধর্যাশ্চন্দ্রোদয়ারস্ত ইবানুরাশিঃ”

২৫—৩০ এই উচ্ছ্বাসময় ভাবাবেগ দেবেন্দ্রনাথের বিশেষত্ব।

**বর্ষা সুন্দরী [ ৭৮ ]**—সেই একই সৌন্দর্য-আরতি; [৭৭] কবিতা দেখ। এই আরতিতে প্রীতি ছাড়া অন্য মন্ত্র নাই; এই কবিতায় প্রকৃতির মানবীয় রূপ কল্পনা করা হইয়াছে। তাহাতে বর্ষার স্বাতন্ত্র্য কেমন সুন্দর-ভাবে ফুটিয়া উঠিয়াছে! ইহার সহিত (৫০) কবিতার প্রকৃতির-রূপের তুলনা করিয়া, দুইটি কবি-কল্পনার মধ্যে কোথায় মৌলিক পার্থক্য রহিয়াছে তাহা বুঝিতে চেষ্টা করিবে। এই কবিতায় ফুটিয়া উঠিয়াছে এক রমণীয় চিত্র এবং ইহার আদি হইতে অন্ত পর্য্যন্ত রহিয়াছে একটি মধুর সঙ্গীত। সেই সঙ্গীতশ্রী বিশেষ করিয়া এই কয়েকটি বাক্যাংশে লক্ষ্য করিবে—মুক্তমেঘবাতায়ন (৩) “ঝিম্ ঝিম্ ঝিম্ ঝিম্ করি” (৫) পড়িছে ঝঝরি (৬) সতত সরস (৯) ভুবনমোহিনী ধনী রূপসী বরষা (১০)

**রাজা রামমোহন রায় [ ৭৯ ]**—একটি sonnet. আলোচনা [৪৩] কবিতায় দ্রষ্টব্য। ইহাতেও একটি বিশেষ মিলের রীতি রহিয়াছে।

## ত্রিধারা।

**অক্ষয় কুমার বড়াল—**১৮৬০ খ্রীষ্টাব্দে কলিকাতায় এক সুবর্ণ বণিক-পরিবারে

কবির জন্ম হয়। কবির রচিত গ্রন্থাবলীর মধ্যে প্রদীপ, কনকাঞ্জলি, ভুল, শব্দ ও এষা প্রসিদ্ধ। তন্মধ্যে আবার এষা কাব্যখানি সমধিক প্রসিদ্ধ। রবীন্দ্রনাথের ইনি সমসাময়িক এবং তাঁহারই মত কবি বিহারীলালের কবি-শিষ্য। কাব্য-সাধনায় অক্ষয়কুমার ভাবে ও ভাষায় একটা স্বাতন্ত্র্য রক্ষা করিয়াছেন। তাঁহার ভাষা সংস্কৃত ও সুমার্জিত। যাহাকে ভাষার classical রূপ বলে তিনি সেই রূপকেই তাঁহার কাব্যে স্থান দিয়াছেন। ভাষার সংহতরূপের জন্মই তাঁহার ভাব অত্যন্ত প্রগাঢ় হইয়া উঠিয়াছে। এই ভাব-বন সুমার্জিত ভাষাই অক্ষয়কুমারের কাব্য-ভাষা।

**বঙ্গ-জননী [ ৮০ ]—**বঙ্গভূমির মানবীয় রূপকল্পনা। [৭৮] কবিতার কবি-প্রেরণার মূলে প্রীতি আর এই কবিতার কবি-প্রেরণামূলে ভক্তি। গ্রীষ্ম, বর্ষা, শরৎ, হেমন্ত, শীত, বসন্ত এই ছয়টি ঋতুর বিভিন্ন বিভিন্ন সৌন্দর্য্য রহিয়াছে। এই সৌন্দর্য্যই জননীর ষড় ঐশ্বর্য্য। কবিতাটির স্তবক-বিভাগে সেই ঐশ্বর্য্যের রূপ-বিভাগ রহিয়াছে।

বদনচন্দ্রমা, নয়নসোহাগে, শ্যামলসুধমা, চরণ-অলক্তরাগ (২৫—২৮) মদির মধুক-বন (৩২)—স্পষ্ট করিয়া উচ্চারণ করিয়া পড়। দেখ, এই ভাষা খাঁটি কবিতারই ভাষা।

**চণ্ডীদাস—**বাংলা সাহিত্যের আদি যুগের শ্রেষ্ঠ গীতি কবি।

**চৈতন্য—**প্রেম ও ভক্তির অবতার চৈতন্যদেব নবদ্বীপে জন্মগ্রহণ করিয়াছিলেন।

**রঘুনাথ শিরোমণি—**নবদ্বীপের একজন প্রখ্যাত নৈয়ায়িক (১৫—১৬শ শতাব্দী)।

**কবি জয়দেব—**১২শ শতাব্দীর বাঙ্গালী কবি। সংস্কৃত ভাষায় গীত-গোবিন্দ নামক একখানা “কোমলকান্ত” কাব্যগ্রন্থ রচনা করিয়াছেন।

প্রতাপাদিত্য, কেদার রায়, রাজা গণেশ প্রত্যেকেই বাঙ্গালার কৃত্তী সন্তান ও স্বাধীন নরপতি ছিলেন। মুকুন্দরাম চক্রবর্তী, রামপ্রসাদ সেন, মাইকেল মধুসূদন—গ্রন্থমধ্যে ইহাদের পরিচয় দেখ। বঙ্কিমচন্দ্র চট্টোপাধ্যায়, উনবিংশ শতাব্দীর বিখ্যাত ঔপন্যাসিক ও নিবন্ধকার।

## অবতরণিকা

মানব বন্দনা [ ৮১ ]—কবিতাটি অক্ষয়কুমারের মানব বন্দনা নামক বৃহৎ কবিতার খণ্ড-অংশ। পুরাতন যুগের কবিতার মত ঈশ্বর বা দেবতা বন্দনায় কবিকল্পনা নিয়োজিত না হইয়া মানব বন্দনায় নিয়োজিত হইয়াছে। ইহা আধুনিক যুগের বিশেষত্ব এবং স্পষ্ট একটা বৃগ-লক্ষণ। (১৬) কবিতাটি এই প্রসঙ্গে অরণীয়। এই কবিতার মানব-বন্দনার সহিত নবীনচন্দ্রের মনুষ্যত্বের জর-বোষণা তুলনা করিয়া পার্থক্য উপলব্ধি করিতে চেষ্টা করিবে। নবীনচন্দ্র যাঁহার বন্দনা করিয়াছেন তিনি মানব হইলেও বিলক্ষণ মানব বা যুগাবতার মহাপুরুষ। অক্ষয়কুমারের বন্দনার বিষয় হইতেছে সমস্ত মানব সমাজ। বিজ, চণ্ডাল, প্রভৃ, ক্রীতদাস প্রত্যেকের দ্বারাই তো এই বিরাট মানব সমাজ গঠিত হইয়াছে। সুতরাং কৃষিজীবী, তন্তুজীবী, স্থপতি, তক্ষণ প্রত্যেকেই বন্দনীয়।

প্রকৃতি জননী [ ৮২ ]—এই কবিতায় আকাশ, বাতাস, পৃথিবী লইয়া প্রকৃতির রূপ-প্রকাশ হইয়াছে। সুতরাং, তিনি ডালোক, অন্তরীক্ষ ও ভুলোক-বিহারিণী। কবিতাটি পড়িয়া মনে হয়, নদ-নদী, গিরি-নির্ঝর, পল্ল-পক্ষী, কীট-পতঙ্গ ছাড়িয়া প্রকৃতির যেন নিরপেক্ষ স্বতন্ত্র সত্তা আছে। কবি সেই সত্তা আবিষ্কার করিয়াছেন এবং তাহাকে স্পর্শ-লাভের নৈকট্যে পাইয়া বলিতেছেন—

“—দেছ যবে ধরা,

আর ছাড়িব না, জননী!”

রবীন্দ্রনাথ ঠাকুর—১৮৬: খ্রীষ্টাব্দে কলিকাতার জোড়াসাঁকোর প্রসিদ্ধ ঠাকুর

বংশে রবীন্দ্রনাথ জন্মগ্রহণ করেন। স্কুল-কলেজের শিক্ষালাভ না করিয়াও মানুষ কত বৃহৎ জ্ঞান-সম্পদের অধিকারী হইতে পারে রবীন্দ্রনাথের জীবন সেই প্রমাণ উপস্থাপিত করিয়াছে। সমগ্র রবীন্দ্র-জীবনী নিঃশেষ করিয়া বলিতে ইচ্ছা হয়—রবীন্দ্রনাথের জ্ঞান-গবেষণা হইতে তাঁহার সত্যদর্শন বড়, যেহেতু তাহার বুদ্ধি হইতে বোধি অধিক

## ত্রিধারা

জাগরুক ছিল। রবীন্দ্রনাথ বিশ্বের শ্রেষ্ঠ কবিদিগের অন্ততম এবং বর্তমান ভারতের সর্বশ্রেষ্ঠ কবি। কবি প্রাচীন ভারতীয় চিন্তার মর্ম উপলব্ধি করিতে পারিয়াছিলেন এবং পাশ্চাত্য ভাবাদর্শের যাহা কিছু রমণীয় ও বরণীয় তাহাকে তাঁহার অন্তরের জারকরসে জীর্ণ করিয়া আপন ধ্যান-কল্পনায় এক নূতন রূপ দান করিয়াছিলেন। বাংলা-সাহিত্যের সমস্ত বিভাগ রবীন্দ্র-প্রতিভায় দীপ্ত শ্রী ধারণ করিয়াছে। কাব্য, নাটক, উপন্যাস, গল্প, প্রবন্ধ, সমালোচনা প্রভৃতি প্রত্যেক বিভাগে রবীন্দ্র-সৃষ্টি অনবদ্য ও অসাধারণ।

**দুরন্ত আশা [ ৮৩ ]**—দেশবাসীর আশ্রয় ও নিশ্চেষ্টতায় কবির দুঃখ। দুর্বল অথচ দম্ভভরা বাঙ্গালী জীবন হইতে বেহুইনের বন্ধনহীন বর্ষের জীবনেও একটা মহনীয়তা আছে।

মলিনভাস (৪) ইহার মধ্যে দারিদ্র্যের ব্যঞ্জনা আছে। অন্নপায়ী (৫) জঠরের জারকরস ও চর্কণশক্তি উভয়েরই অল্পতা ঘটিয়াছে। তাই কোন প্রকারে অন্ন পান করাইয়া দিতে হয়। অন্ন আহ্বারের ক্ষমতা নাই। কথাগুলির মধ্যে তীব্র শ্লেষ ও বিক্রমের মন্বাস্তিক কশাঘাত রহিয়াছে। কবিতায় অত্রও এই প্রকার বিচার করিয়া পড়িবে।

বেহুইন—আরবদেশের এক দুর্দর্ষ ও মহাভয়ঙ্কর যাযাবর জাতি।

**বধু [ ৮৪ ]**—“বেলা যে পড়ে এল’ জলকে চল!”—সখীর আহ্বান এখানে অলীক কল্পনামাত্র। কিন্তু তাহাই উদ্দীপনা হইয়া কত ছবির পর ছবি দেখাইতেছে। এই ছবিগুলির রূপ-নির্মাণে কেমন একটি উৎকৃষ্ট কবিতার সৃষ্টি হইয়াছে। ইংরেজী সাহিত্যে এই শ্রেণীর কবিতাকে বলে “Poem of imagination”; সমগ্র কবিতাটি বধুর কল্পনায় কেন্দ্রিত রহিয়াছে। ইহার সহিত ইংরেজ কবি Wordsworthএর “The Reverie of Poor Susan” কবিতাটি পড়িলে এই শ্রেণীর রচনার রস-মাধুর্য্য বিশেষ করিয়া উপলব্ধি করা যাইবে।

... ....’Tis a note of enchantment ; what ails her ?

She sees a mountain ascending, a vision of trees ;

## অবতরণিকা

Green pastures she views in the midst of the dale,  
Down which she so often has tripped with her pail ;  
And a single small cottage, a nest like a dove's,  
The one only dwelling on earth that she loves.  
She looks, and her heart is in heaven ; but they fade,  
The mist and the river, the hill and the shade.  
The stream will not flow, and the hill will not rise,  
And the colours have all passed away from her eyes !

পদ্যা [ ৮৫ ]—আমাদের অতিপরিচিত দৃশ্যগুলির :অপরূপ একটি চিত্র ফুটিয়া উঠিয়াছে। কিন্তু তাহাই কবিতাটির সর্বস্ব নয়। ইহার মধ্যে যে কবি-মানস আত্মপ্রকাশ করিয়াছে তাহার সহযোগেই কবিতার রস উপলব্ধি করিতে হইবে। এই কবিতায় আধুনিক যুগের প্রকৃতি-কবিতার একটি বিশিষ্ট লক্ষণ আছে। এই যুগের কবিতায় প্রকৃতি যথাস্থিতরূপ পরিহার করিয়া কবির মনোভাবের অনুরূপ আকার প্রাপ্ত হইয়া থাকে। রাক্ষসী পদ্যা 'প্রশান্ত পদ্যা' হইয়া উঠিয়াছে তাহার কারণ, সমস্ত কল্পনার মূলে রহিয়াছে কবির একটি প্রশান্ত মনোভাব।

বক্রশীর্ণ....জিহ্বার মতো (১১—১৩) কল্পনাটি কি চমৎকার হইয়াছে ! তরল কল্লোল (৭) ঘনচ্ছায়াপূর্ণ তরু (১০) স্বচ্ছতম নীলাভ্রের নির্মলবিস্তার (২৪) আতপ্তপবনে (২৬) এই বাক্যাংশগুলির সঙ্গীত-সৌন্দর্য্য বুঝিবে।

নীলাভ্র—এখানে অভ্র শব্দ কবি আকাশ অর্থে ব্যবহার করিয়াছেন। ইহার অন্য অর্থ মেঘ।

বঙ্গমাতা [ ৮৬ ]—এই কবিতার সহিত [৮৫] কবিতা তুলনীয়। কবি একই ভাবে অনুপ্রাণিত হইয়াছেন। কিন্তু কবিতা দুইটির রস রূপে কত বিভিন্নতা রহিয়াছে। পূর্বের কবিতায় মন্দাজালা, এবং সেই সঙ্গে ব্যঙ্গ-বিজ্রপের কণাঘাত রহিয়াছে। এই কবিতায় কবির হৃদয় বেদনাবোধ ও সহানুভূতিতে পরিপূর্ণ।

## ত্রিধারা

**পূজারিণী [ ৮৭ ]**—‘কথা ও কাহিনীর’ একটি কবিতা। এই শ্রেণীর কবিতা-রচনায় দেখা যায় কবি প্রকৃতি-সৌন্দর্য্য হইতে কিরিয়া মনবের জীবন-সৌন্দর্য্যো আকৃষ্ট হইয়াছেন। শ্রীমতীর ধর্ম্ম-নিষ্ঠা বাহরের নয়, অন্তরের সামগ্রী। সেই জন্তু তাহার কোমল-মধুর কথাগুলির মধ্যেও সেই নিষ্ঠার দৃঢ়রূপ ফুটিয়া উঠিয়াছে—“আমি বুদ্ধের দাসী”। এই জীবন-মহিমার চিত্রাঙ্কনই কবির অভিপ্রেত।

**ভারত-তীর্থ [ ৮৮ ]**—ইহাই রবীন্দ্রনাথের ধ্যান-কল্পনার বিশিষ্ট রূপ ; জাতি-ধর্ম্ম-সম্প্রদায়ের সঙ্কীর্ণ গভীর বহু উর্দ্ধে তাঁহার আসন ছিল ; সেই উর্দ্ধ আসন হইতে তিনি মহামানবের সাগরতীর, এই ভারত-তীর্থ প্রত্যক্ষ করিলেন।

হেথায় আর্ঘ্য.....হ’ল লীন (১--২২) আর্ঘ্য, অনাৰ্ঘ্য, শক, ছন, মোগল, পাঠান—প্রত্যেক সভ্যতার নিকট হইতে কিছু কিছু গ্রহণ করিয়াই ভারতীয় সভ্যতা গড়িয়া উঠিয়াছে।

দুঃসহ ব্যথা....জাগিছে জননী (৬৫—৬৭)—কবির আশাবাদ লজ্জণীয়। ভারতের দুঃখের রাত্রি কাটিয়া যাইবে, এ বিষয়ে কবির সন্দেহ নাই।

**বিদায় [ ৮৯ ]**—মৃত্যুতে খোকার স্থূল দেহ-রূপের বিনাশ হইলেও মায়ের স্নেহের কাছে তাহার ভাবরূপের কখনও বিনাশ হইতে পারে না। জননী একাধারে তাহাকে না পাইলেও আকাশে, বাতাসে—প্রকৃতির সমস্ত অংশে তাহার স্মৃষ্ণ-স্পর্শ লাভ করিতে পারেন। কল্পনাটী কেমন চমৎকার তাহা লক্ষ্য করিবে। ইহার সহিত তুলনীয়—

He is made one with Nature : there is heard  
His voice in all her music from the moan  
Of thunder to the song of night's sweet bird ;  
He is a presence to be felt and know  
In darkness and in light, from herb and stone.

— *Shelley, Adonais*

**বিজয়চন্দ্র মজুমদার**—১৮৬১ খৃষ্টাব্দে বিজয়চন্দ্রের জন্ম হয়। তাঁহার কর্মস্থান ছিল সম্বলপুর। সেখানে তিনি ওকালতী করিতেন। বিজয়চন্দ্রের বহুমুখী প্রতিভার কথা শ্রবণ করিয়া বিস্মিত হইতে হয়। তিনি ঐতিহাসিক, ভাষা-তত্ত্বাবিৎ, প্রত্নতাত্ত্বিক সমালোচক ও কবি। তাঁহার বিভিন্ন বিষয়ের বহু গ্রন্থ সুধীসমাজে সমাদৃত হইয়াছে। ১৯১৪ খৃষ্টাব্দে দৃষ্টি-শক্তি হারাইয়া তিনি কলিকাতা আগমন করেন। এই অবস্থাতেও কলিকাতা বিশ্ববিদ্যালয়ের অধ্যাপক নিযুক্ত হইয়া নৃতত্ত্ব ও ভাষাতত্ত্বের অধ্যাপনা করিতে থাকেন এবং বঙ্গবাণী নামে মাসিকপত্রের সম্পাদকরূপে গুরুদায়িত্বপূর্ণ কার্য নিব্বাহ করেন।

**শারদ প্রভাতে [ ৯০ ]**—প্রবাসীর মানসনেত্রে বাঙ্গালা দেশ কি রূপ-মাধুরী লইয়া ভাসিয়া উঠে তাহারই একটা আবেগ বর্ণনা।

**দ্বিজেন্দ্রলাল রায়**—জন্মকাল ১৮৬৩ খৃষ্টাব্দ। তিনি এম্. এ পাশ করিয়া বিলাত যাত্রা করেন; তারপর দেশে ফিরিয়া ডেপুটি ম্যাজিস্ট্রেট হন। তিনি নিজে বলিয়াছেন, “বিলাত হইতে ফিরিয়া Wordsworth ও Shakespeare বার বার পড়িতাম ও শেমোক্ত কবির শ্রেষ্ঠ কাব্যংশ মুখস্থ করিতাম।” নাট্যকার ও কবি দ্বিজেন্দ্রলালের সৃষ্টি-প্রেরণার মূল-উৎসের অনুসন্ধানে এই স্মিকারোক্তি বিশেষ মূল্যবান। নাট্যকার যে ভগৎ ও জীবন দর্শন করিয়াছেন তাহাও কবির চক্ষে। সেইজন্য রচনা গঢ়াঙ্ক হইলেও ভাবোচ্ছ্বাসে অনেকস্থলেই তাহা কাব্যধর্মী হইয়া উঠিয়াছে। স্বদেশ-প্রেমে কবি যখন তন্ময়, তখন তিনি নিরবচ্ছিন্ন সাহিত্য সৃষ্টি ছাড়িয়া যেন এক অশান্ত তৃষ্ণা লইয়া পাঠকের কাছে উপস্থিত হইয়াছেন। এমন কি মাঝে মাঝে সাহিত্য আদর্শকে গুণীভূত করিয়া এই তৃষ্ণার পরিতৃপ্তি সাধনই কবির কাছে বরণীয় বলিয়া বোধ হইয়াছে। ইহাই দ্বিজেন্দ্রলালের স্বদেশপ্রেম। কবির রচনা—হাসির গান, মল্ল, আলোখ্য, আঘাটে এবং জনগণ-সমাদৃত নাটকাবলী।

**ভারতবর্ষ [ ৯১ ]**—একটি প্রসিদ্ধ সঙ্গীত। জননী ভারতভূমির শুধু বাহিরের রূপ নয়, তাঁহার মেহ-কোমল প্রাণ কবিতার শেবে কেমন সুন্দর ভাবে ফুটিয়া উঠিয়াছে তাহা লক্ষ্য করিতে হইবে।

## ত্রিধারা

সম্মান.....নিখিল বিখে ( ৭—১৪ )—ভারত-জননীৰ মূৰ্তি কি  
সুন্দর ও স্পষ্টভাবে ফুটিয়া উঠিয়াছে !

চিকুর—কেশ ।

শীকর—বায়ুচালিত জলকণা ।

জলদম্ভ—মেঘের মত গম্ভীরধ্বনি ।

সমুদ্র [ ৯২ ]—ছন্দোবন্ধনের নবীন রূপটি বৃদ্ধিতে হইবে। রূপে  
পয়ার হইলেও, পয়ারের ধর্ম ইহাতে রক্ষিত হয় নাই। চরণ শেষে না  
থামিয়া ভাবসমাপ্তিতে থামিতে হইতেছে। সেখানে কিছু মিল নাই।  
মিল আছে পয়ারের মতই পংক্তিশেষে।

কাল করে নাই... ( ১৬—১৭ ) তুলনীর—

Time writes no wrinkle on thine azure brow

Such as creation's dawn beheld, thou rollest now.

—Byron

হ'তে পাত্রেম [ ৯৩ ]—বিজ্ঞেজলালের হাসির গান হইতে উদ্ধৃত।  
এই হাসির গানের অন্তরালেও তাঁহার স্বদেশপ্ৰীতি প্রচ্ছন্ন রহিয়াছে। দেশের  
ছনীতিকে তিনি বিক্রপের কশাবাত করিয়াছেন। বহ্বারম্ভ ও বাচালতাকে  
তিনি অন্তরের সহিত ঘৃণা করিয়াছেন।

স্বজনীকান্ত সেন—১৮৬৫ খৃষ্টাব্দে জন্ম। জন্মস্থান পাবনা জেলার সিরাজগঞ্জ  
মহকুমা : মর্শ্বস্থান রাজসাহী। এই স্থানে ওকালতী করিবার সময় 'উৎসাহ' নামক  
আসিকপত্রে তাঁহার কবিতা প্রকাশিত হইতে থাকে এবং বাঙ্গালার বিদ্বজ্জন-সমাজে তিনি  
'কান্ত কবি' নামে পরিচিত হইয়া উঠেন। তিনি স্বদেশ-প্রেমিক এবং হাস্যরসিক ছিলেন।  
বাণী ও কল্যাণী তাঁহার প্রসিদ্ধ কাব্যগুণ। কান্ত কবির গান আজিও বাঙ্গালী গায়কের  
প্রিয় বস্তু।



সেখা আমি কি গাহিব গান ? [ ৯৪ ]—কবির বেদনা-বিলাপের মধ্যে পূর্বতন শিল্পীদের প্রতি আন্তরিক শ্রদ্ধা আত্মপ্রকাশ করিয়াছে। পুরাতনের প্রতি শ্রদ্ধাবোধ বাঙ্গালা কাব্যসাহিত্যের নবযুগের একটি নূতন সামগ্রী।

জাগরণ [ ৯৫ ]—দেশবাসীকে জড়তা হইতে মুক্ত করিবার উদ্বোধন সঙ্গীত। ভাষা তৎসম-শব্দ-বহুল। সমাসবন্ধনে তাহা আরও সংহত হইয়া উঠিয়াছে।

বাণিজ্যে বসতে লক্ষ্মীঃ [ ৯৬ ]—বাহিরের আখ্যানভাগের অন্তরালে একটি ভাব-বাঞ্ছনা রহিয়াছে। সে বাঞ্ছনা অত্যন্ত স্পষ্ট ও অনায়াসবোধ্য।

**মানকুমারী বসু**— ১৮৬৫ খৃষ্টাব্দে মানকুমারীর জন্ম হয়। তিনি কবি মাইকেল মধুসূদন দত্তের ভ্রাতুষ্পুত্রী। পিতৃকুল এবং স্বশুরকুল—এই উভয়কলেই শীশিকার সুব্যবস্থা থাকায় মানকুমারীর জ্ঞানার্জনসম্পূর্ণ চরিতার্থ হইবার সুযোগ লাভ করে। তাহার স্মার্তিক-প্রতিভা জ্ঞানদীপ্ত হইয়া তাহাকে উচ্চশ্রেণীর পরিমার্জিত কবিতা রচনার প্ররোচিত করে। তাহার রচিত বিক্ষিপ্ত কবিতাবলী সংগৃহীত হইয়া “কবাকুম্মাঞ্জলি” নামে প্রকাশিত হয় এবং তাহাকে কবিষয়ের অধিকারিণী করে। তাহার অন্যান্য রচনা বীরকুমার বধ ও কনকাঞ্জলি।

আমি যাহা চাই [ ৯৭ ]—কবিতাটীতে চমৎকার একটি আদর্শ ছবি ভাসিয়া উঠিয়াছে। ইহা কবির কামনা। [ ৫৩ ] কবিতার সহিত এই কবিতাটী পাঠ করিয়া ছইয়ের মধ্যে প্রভেদ বুঝিতে হইবে।

চাতক [ ৯৮ ]—প্রভাত-চাতকের গানে কবি মুগ্ধ হইয়াছেন।

কাঞ্চনের ফোঁটা—নবোদিত সূর্য্য দেখিতে, কাঞ্চনের ফোঁটার মত উজ্জল।

**চিত্তরঞ্জন দাস**—জন্ম ১৮৭০ খৃষ্টাব্দে; নিবাস ঢাকা জেলার হেঁচুরবাগ গ্রামে।

চিত্তরঞ্জন—সি, আর, দাশ এই সংক্ষিপ্ত নামেই অধিকতর পরিচিত। ব্যারিষ্টারী ব্যবসায়ে তিনি প্রভূত অর্থ উপার্জন করিয়া মুক্তহস্তে তাহার সর্বস্ব দান করিয়া গিয়াছেন। মহাত্মা গান্ধীর অসহযোগ আন্দোলনে যোগদান করিয়া ত্যাগে, বৈরগে, দশ-মেবায় তিনি ফে-

## ত্রিধারা

আত্মপরিচয় দিয়াছেন তাহাতে বাঙ্গালার জনগণ তাহাদের হৃদয়ে 'দেশবন্ধু' রূপে তাঁহাকে প্রতিষ্ঠিত করিয়াছে। 'দেশবন্ধু' তাঁহার একরূপ, অশ্রুরূপে তিনি নৈষ্ঠিক সাহিত্য-সেবী ও লক্ষ্যপ্রতিষ্ঠা কবি। 'নারায়ণ' নামক মাসিক পত্রের তিনি ছিলেন সম্পাদক। 'মালঞ্চ' ও 'মাগধ সঙ্গীত' এই দুইটী কাব্যের তিনি ভাব-বিহ্বল কবি।

**উষার জাগরণ [ ৯৯ ]**—উষার রূপ-কল্পনা। ইহাও একপ্রকার Personification। এই শ্রেণীর বহু কবিতা আমরা পূর্বে পাইয়াছি। সুন্দরী উষার সঙ্গে সঙ্গে তাহার সহচরী কৃষ্ণা রজনীর রূপটী কেমন স্পষ্ট হইয়া উঠিয়া উঠিয়াছে! পার্শ্বে শায়িতা কৃষ্ণা রজনীর কালো বিস্মস্ত কেশপাশ উষাটী বাধিয়া দিয়াছে। পূর্বাশার রক্তিম আভা উষার রক্তাধর, বিস্মুরিত আলোক তাহার চঞ্চল অঞ্চল।

জলিত রাগিনী—... (৪) আকাশের গায়ে প্রভাতের বর্ণ-বৈচিত্র্যই উষার নানা রাগিনী। কবির Mystic কল্পনা লক্ষ্য করিতে হইবে।

**প্রত্যাবর্তন [ ১০০ ]**—মানুষের মন শূন্যবিহারী পাখীর মতই অশান্ত; চঞ্চল। রূপের জগতে তাহার আনাগোনার শেষ নাই। কিন্তু মনের তো চিরকাল একই অবস্থা থাকে না। জীবনের সন্ধ্যা যখন ঘনাইয়া আসে তখন আকাশের ক্লাস্তপক্ষ পাখীর মতই মন কুলায়-প্রত্যাশী হইয়া উঠে। কবি এখানে সেই কুলায়ের সন্ধান দিতেছেন। সে কুলায় বাহিরে নয়—আপনার মাঝে।

**নবকৃষ্ণ ভট্টাচার্য**—কবির নাম ইতিমধ্যে বাঙ্গালী ভুলিতে বসিয়াছে। কিন্তু কোনকালে বাঙ্গালার পূর্ব ও পশ্চিম দিগ্-বিভাগের দুইটী শ্রেষ্ঠ পত্রিকায়—বান্ধব ও বঙ্গদর্শনে—এই কবির রচনা নিয়মিত ভাবে বাহির হইত। তাঁহার রসোচ্ছল রচনার স্তাবক সে-সঙ্গে বহু ছিল। কবির ভাব স্বতঃ উৎসারিত; ভাষা মুক্ত-বন্ধন ও সাবলীল। এইজন্য বালক পাঠ্য কবিতা-সংগ্রহ-পুস্তকে আজিও তাঁহার কবিতাবলী সাদরে গৃহীত হইয়া থাকে।

নীরস শীতের গৃহে আজি কে গাইল গান [ ১০১ ]—শীতের আড়ষ্ট রূপের মধ্যে নব-বসন্তের প্রথম আবির্ভাব হইয়াছে। কবিতার ভাষা সম্বন্ধে কবি-পরিচয় দ্রষ্টব্য। কবিতার প্রথম পদটি প্রত্যেক স্তবক-শেষে ঘুরিয়া আসিতেছে। ইহাকে ধ্রুবপদ বলে। পদের এই প্রকার পুনঃ পুনঃ আবর্তনে সুন্দর একটি গীতি-মূর্ছনার সৃষ্টি হইতেছে।

**প্রিয়সদা দেবী**—প্রিয়সদাদেবী সুপ্রসিদ্ধ সাহিত্যিক বীরবল প্রমথনাথ চৌধুরীর ভাগিনেয়ী। তিনি ১৮৯২ খৃষ্টাব্দে বি. এ. পরীক্ষায় উত্তীর্ণা একজন উচ্চশিক্ষিতা মহিলা। বিবাহের অত্যল্পকাল পরেই বৈধব্যের শোকাবেগে যে কবিতাগুলি তিনি রচনা করিয়াছিলেন তাহা তাঁহার 'রেণু' নামক কাব্য-গ্রন্থে সংগৃহীত হইয়াছে। তাঁহার অল্প দুইটি কাব্যগ্রন্থ—পত্রলেখা ও অংশু। তাঁহার অনুবৃত্তি তীব্র, কিন্তু প্রকাশ অত্যন্ত সংযম-বলয়িত। অনেক রচনাতেই তাঁহার যে গভীর শোকাবেগ প্রেরণা রূপে লক্ষ্য করা যায় তাহা কোথাও উদ্দাম বা অশাস্ত হইয়া উঠে নাই। করুণরসেরও এই প্রশান্ত কাব্য-শ্রীট তাঁহার রচনার বিশেষত্ব।

**ভাব-পতঙ্গ** [ ১০২ ]—চঞ্চল ভাবরাজি কোন একটি সূত্রকে অবলম্বন করিয়া দলে দলে আসিয়া উপস্থিত হয়। তখন মনের চয় ভাব হইতে ভাবান্তরে অত্যন্ত দ্রুত গতি। নানারূপের নানা ভাব, যেন গবাক্ষ-পথে চঞ্চল-পক্ষ অসংখ্য পতঙ্গের মত। অত্যন্ত চঞ্চল বলিয়া তাহাদিগকে ধরিয়া রাখা যায় না। সহজ অর্থ হতেছে এই, ভাব দানা ধাধিয়া উঠিবার পূর্বেই বিনষ্ট হইয়া যাইতেছে।

নাহি ভয়.....(১৪) ভাব-পতঙ্গের আকর্ষণ-বলি যদি মনোবাতায়ন-তলে প্রকৃতই থাকে তবে, তাহার দীপ্তি থাকিলেও জ্বালা নাই; সূত্রাং পতঙ্গের দগ্ধ হইবার কোন সম্ভাবনা নাই—কবি ইহাই বলিতেছেন।

**শশাঙ্কমোহন সেন**—কবির নিবাস চট্টগ্রামের ধলঘাট গ্রামে। জন্ম ১৮৭৩ খৃষ্টাব্দে এবং মৃত্যু ১৯২৮ খৃষ্টাব্দে। চট্টগ্রামে ওকালতী ব্যবসায় পরিত্যাগ করিয়া তাঁহাকে কলিকাতা বিশ্ববিদ্যালয়ের বাঙ্গালা ভাষা ও সাহিত্যের অধ্যাপক-পদে বৃত্ত হইতে হয়;

## প্রিধান

কারণ, গুণগ্রাণী পুণ্যলোক সার আকৃতোষ তাঁহার সমালোচনা-দক্ষতা ও সাহিত্য-প্রতিভায় মুগ্ধ হইয়া তাঁহাকে বিশ্ববিদ্যালয়ের অধ্যাপক-পদে-প্রতিষ্ঠিত করেন। তাঁহার সমালোচনা-গ্রন্থ 'বঙ্গবাণী', 'বাণীমন্দির' ও 'মধুসূদন' প্রসিদ্ধ। কাব্যগুণ শৈলসঙ্গীত ও সিন্ধুসঙ্গীত রচনা করিয়া তিনি কবিকীর্ত্তি অর্জন করিয়াছিলেন।

**বিশ্বব্যাপ্তি [ ১০৩ ]**—জীবনের এমন একটি শুভ-মুহূর্ত্ত আসে যখন মানুষের অন্তরের সেই আদিম চিরন্তন 'আমি' সমস্ত বাধাবিল্প ভাঙ্গিয়া, বিশ্বের সঙ্গে মিলিয়া, তাহার আত্ম-প্রসারের সার্থকতা উপলব্ধি করিতে চায়। ইহাই 'আমি'র আপনার সীমালঙ্ঘন। সবিতা—সূর্য।

**করুণানিধান বন্দ্যোপাধ্যায়**—নদীয়া জেলার খাস শান্তিপুরে কবির জন্ম হয় ১৮৭৭ খ্রিষ্টাব্দে। বিহারী-রবীন্দ্র-দেবেন্দ্র-ভক্ত কবি করুণানিধান, তাঁহাদেরই ভাব-শিষ্য। তিনি বিহারীলাল ও দেবেন্দ্রনাথের মতই সৌন্দর্য-পূজারী। তাঁহার এই সৌন্দর্যপূজায় কোনপ্রকার কৃচ্ছ্রসাধনা নাই; ইহা যেন তাঁহার অন্তরের স্বভাবধর্ম। সৌন্দর্যপূজায় তাঁহার এত সহজিয়া-প্রেমই তাঁহার কবি-মানসের বিশেষত্ব। খাস-শান্তিপুরের কবি বলিয়া তাঁহার রচনার দুইটি বহিঃসঙ্গ লক্ষণ দৃষ্টিগোচর হয়—(১) ভাষারূপের স্নিগ্ধ লালিতা ও (২) শব্দ-চয়নে একপ্রকার অশিক্ষিত পটুত্ব। কবির রচিত কাব্যগুণ—প্রসাদী, অরাফুল, ধানদুর্বা ও শান্তিজল। 'শতনরী' নামে কবির একটি উপাদেয় কবিতা সংগ্রহ গুণ্ড ও প্রকাশিত হইয়াছে।

**জীবন-ভিক্ষা [ ১০৪ ]**—গোতমী ছিলেন বুদ্ধদেবের ভগিনী, অবশ্য সহোদরা নহেন। তাঁহার তনুদেহের সৌন্দর্যের জন্ম তাঁহার নাম ছিল কিম্বা গোতমী (কৃশা গোতমী)। সন্তানের সঞ্চারিত বৈদনাহত কিম্বা গোতমী বুদ্ধের নিকট জীবন-ভিক্ষা করিয়াছিলেন। বুদ্ধদেব কোশলে তাঁহাকে বুঝাইয়া দিয়াছিলেন যে, মৃত্যু জীবনের অনিবার্য পরিণাম এবং ইহা হইতে অব্যাহতি লাভের কার্যকর কোন উপায় নাই। এই বৃত্তান্তই কবিতাটিতে বিবৃত হইয়াছে।

যাত্রা করেছ.....( ৩৫—৩৬)—“কুরঙ্গ ধারা নিশিতা ছুরতায়  
ছুর্গং পথস্তং কবয়ো বদন্তি।”

ত্রিতাপ—অধ্যাত্মিক, আধিভৌতিক ও আধিদৈবিক তাপ বা হুঃখ। এই প্রসঙ্গে (৫১) কবিতার টীকা দেখ। কবিতাটির আত্মস্তু কবির শব্দচরণ-কৌশল লক্ষ্য করিয়া যাইবে। আমি তোমাদিগকে কয়েকটা দেখাইয়া দিতেছি—মরণ-শ্রোনের পক্ষ (৮) রসনা-প্রস্থন (১১) অমরা-মাধুরী (১৭) দস্ত-রুচি (১২)।

আজ্জকে রে মন ঘোম্টা খোল [ ১০৫ ]—কবির রূপ-পিপাসা সম্বন্ধে কবি-পরিচয় দ্রষ্টব্য। সমস্ত কবিতাটী একখানি শব্দ-চিত্র, সেই চিত্র আবার সঙ্গীত-ঝঙ্কারে অপরূপ হইয়া উঠিয়াছে। রচনার এই সঙ্গীত-প্রাণতার সৃষ্টি করিয়াছে এই কবিতার বিশিষ্ট ছন্দ। এই ছন্দ এখানে কোন প্রকার বহিরঙ্গ বস্তু নয়, ইহা কবির বাণীরই অপরিহার্য অংশ। করুণানিধানের কবিতায় ভাব ও ছন্দের এই প্রকার একটা অদ্বৈত-বিগ্রহ দেখা যায়।

আম্বারেরি রঙ্গোলা—Amber—তৃণ-মণি তাহা নিশ্চল ও পিকলবর্ণ।

যতীন্দ্রমোহন বাগ চী—নদীয়া জেলার জলসেরপুরের জমিদার বংশে যতীন্দ্র-মোহন বাগ্চীর জন্ম হয় ১৮৭৮ খৃষ্টাব্দে। বাল্যকাল হইতেই তাঁহার অবিশ্রান্ত কবিতা-রচনা চলিয়াছে। বহু কাব্যগুণ্ডের তিনি রচয়িতা : শ্রদ্ধাধ্যে রেখা, লেখা, অপরাজিতা, জাগরণী, নীহারিকা, মহাভারতী প্রভৃতি প্রসিদ্ধ। মানসী ও যমুনা নামে দুইখানা পত্রিকার তিনি সম্পাদকতা করিয়াছিলেন। রবীন্দ্র-যুগের রবীন্দ্র-শিষ্যদিগের তিনি অন্ততম। রবীন্দ্রনাথের ভাবনা-কল্পনা অনেক সময় তাঁহার মর্শ্বমূলে বসিয়া প্রেরণা সঞ্চার করিয়াছে। কখনও কখনও তিনি রবীন্দ্র-স্বত্বের ভাণ্ড রচনা করিয়াছেন। তথাপি যতীন্দ্রমোহনের স্বকীয় প্রকাশ-ভঙ্গিমা আছে, তাঁহার দৃষ্টিরও একটা বিশেষ রসরূপ আছে। যতীন্দ্রমোহনের ভাষা-বন্ধনে কবিজনোচিত দক্ষতা আছে। কবিতার ভাষা যে আটপৌরে ভাষা নয়, একটা বিশিষ্ট ও বিলক্ষণ ভাষা, তাঁহার কবিতার ছত্রে ছত্রে সে-পরিচয় লাভ করা যায়।

## ত্রিখান্ড

**চিরনবীনতা** [ ১০৬ ]—কালের অধীশ্বর মহাকাল রুদ্ররূপে সমস্ত সংহার করেন। চৈত্রের রিক্তশস্য ধরণীতেই তাঁহার সংহার-লীলা প্রত্যক্ষ হইয়া উঠে। সমস্ত বংসর একটা ফুলকুম্বের মত ; বার মাস তাহার নানা দল। চৈত্র তাহার জীর্ণ দল ; তাহাও খসিয়া ঝরিয়া পড়িল। কবির মানস-মালঞ্চও কত ফুল ফুটিয়াছিল। তিনি সেই ফুলে কত মালা গাঁথিয়াছিলেন। সেই মালাও আজ জীর্ণ ও ভ্রষ্টকুম্ব হইয়া সূত্রাবশেষ হইয়াছে। শুধু স্মৃতিটুকু সেই মালার সূত্র হইয়া রহিয়াছে। কবির মানস-মালঞ্চও রিক্তশস্য ধরণীর মত শূন্য হইয়া উঠিয়াছে তাই বাসনার শূন্যতীরে বসিয়া নয়নজলে অপূর্ণ আশার প্রেত-তর্পণ করিতে হইতেছে। তাহা হইলে, সংসারই কি জগতের চরম সত্য ? শূন্যতাই কি পূর্ণতার পরিণাম ? না, তাহা নয়। চৈত্রের শেষে নবীন বৈশাখ আসে। শূন্যতা আবার পূর্ণতায় ভরিয়া যায়। সূত্রশেষ মালিকা আবার নূতন বর্ণ গন্ধের ফুলে নয়নাভিরাম হইয়া উঠে। ইহাই বাহিরের জগৎ ও মানস-জগতের চির নবীনতা।

**আমার স্বর্গপুরী** [ ১০৭ ]—যতীন্দ্রমোহনের একপ্রকার স্বল্প কবিদৃষ্টি আছে। তাঁহার সেই দৃষ্টি বস্তুজগতের তুচ্ছ স্থূলমূর্তি অতিক্রম করিয়া একেবারে তাহার রসরূপ আবিষ্কার করিয়া ফেলে। আমাদের নীরসদৃষ্টি ও বেদনা-হীন হৃদয়ের কাছে যাহা সামান্য এবং প্রায়শঃই দৃষ্টি-অগোচর হইয়া থাকে, কবির দৃষ্টির বিচিত্র রশ্মি-সম্পাতে তাহাই অসামান্য ও অভিরাম হইয়া ধরা দেয়।

**সত্যেন্দ্রনাথ দত্ত**—জ্ঞান তপস্বী অক্ষয়কুমার দত্তের পৌত্র। জন্ম হয় কলিকাতার সন্নিকটে মাতুলালয় নিমতা গ্রামে, ১৮৮২ খৃষ্টাব্দে। কিশোর বয়স হইতেই তিনি কবিতা-রচনা ও কবিতার অনুবাদে বিশেষ কৃতিত্বের পরিচয় দেন। তাঁহার রচিত বহু কাব্য-গ্রন্থের মধ্যে 'কুহ ও কেকা,' বেণু ও বীণা, হোম শিখা, তীর্থসলিল, অত্র-আবীর

## অবতরণিকা

প্রভৃতি সুপ্রসিদ্ধ। সত্যেন্দ্রনাথের স্বদেশ-প্রেম ছিল প্রবল। স্বদেশের সমস্ত ঘটনা তাঁহার অন্তর স্পর্শ করিত। তাঁহার স্থির-গভীর হৃদয়ে ঘটনার প্রবাহ আসিয়া পড়িলেই একটা মানস-তরঙ্গের সৃষ্টি হইত। তাহারই অভিব্যক্তি জীবনী ও ঘটনা সম্বন্ধে তাঁহার বিবিধ কবিতাবলী। কবির দক্ষতা শুধু মৌলিক রচনাতেই সীমাবদ্ধ ছিল না। অনুবাদ-ক্ষেত্রে তিনি ছিলেন একেবারে অপ্রতিদ্বন্দ্বী। এই অনুবাদে তাঁহার বিশেষত্ব পরিষ্কৃত হইয়াছে। তিনি যে শুধু মূল কবিতার ভাববস্তুকে বাঙ্গালায় রূপ দিয়াছেন তাহা নয়, 'মূলের ছন্দ-সঙ্গীতটুকু পযান্ত অতিকৃত করিয়া রাখিয়াছেন। এমনই করিয়া সংস্কৃতের কত মালিনী মন্দাকিনী, কত ফার্সী ও ইংরেজীছন্দ, কবি তাঁহার কবিতায় অবতারিত করিয়াছেন। ছন্দের এই যাদুশক্তি লইয়াই তিনি জন্মগ্রহণ করিয়াছিলেন।

**মাটি [ ১০৮ ]**—আধুনিক বৈজ্ঞানিক-যুগের পূর্বে এই প্রকারের কবিতা-রচনা অসম্ভব ছিল। নীরস বিজ্ঞানের' শুষ্ক তথ্য-মাত্রকে কবি তাঁহার প্রতিভার মায়া-শক্তিতে মধুর রস-সত্যে পরিণত করিয়াছেন। এই শ্রেণীর রচনায় ঠোঁট প্রমাণিত হয়, সত্যেন্দ্রনাথের সাহিত্য-সাধনা দুর্দল ভাব-বিলাস মাত্র ছিন না। জ্ঞান-বিজ্ঞান-নিষ্ঠায় তিনি তাঁহার জ্ঞানতপস্বী পিতামহের যোগ্য বংশধর ছিলেন।

তারার হাতে.....(৪) অনন্ত শূন্যে এই পৃথিবী ; তাহার চারিদিকে কত অসংখ্য উজ্জ্বল নক্ষত্র। বিরাট্ স্ফোতিত্বসমাজে এই ক্ষুদ্র মাটির পৃথিবীকে কবি বলিতেছেন “মাটির ভাঁটা”।

তড়িং সূতার... (১২) পৃথিবী শূন্যলোকে মাটাইয়ের মত প্রতিনিয়ত ঘুরিতেছে এবং শূন্য হইতে তড়িং আকর্ষণ করিয়া লইতেছে।

**গ্রীষ্ম [ ১০৯ ]**—গ্রীষ্ম-বর্ণনার কেমন উৎকৃষ্ট একটি কবিতা। গ্রীষ্মের বহি-রূপ আশ্রয় করিয়া কবির যে কল্পনা-প্রকাশ হইয়াছে তাহা একটা বিশিষ্ট স্বাদ-গন্ধময়, যাহাকে প্রাচীন স্বাদ-গন্ধ (classical flavour) বলা চলে ; ভাষাও তাহারই উপযোগী। কবিতাটির আর একটি বিশেষ রূপ (form) আছে। তাহা এই সম্পূর্ণ নূতন ধরণের অদ্বিত

## ত্রিধারা

স্তবক-নির্মাণে অভিব্যক্ত হইয়াছে। স্তবক (stanza) যেমন হ্রস্ব হইতে ক্রমশঃ দীর্ঘত হইয়া আবার হ্রস্বতায় মিলাইয়া গিয়াছে সেই ধাতে-ঢালা ধ্বনি-প্রবাহও তরঙ্গ তুলিয়া দীর্ঘতর হইয়া আবার নামিয়া আসিতেছে।

একচক্র রথের ঠাকুর (১৭) সপ্ত অশ্বে (২০) সূর্য্যদেব সপ্তাশ্ববৃক্ক রথে ভ্রমণ করেন—ইহাই পৌরাণিক কাহিনী। ময়ূরের বর্ষসম ময়ূথের মালা (৩০) এই বাক্যাংশটির সঙ্গীত-সৌন্দর্য্য লক্ষ্য কর।

**ফুলশির্গি [ ১১০ ]**—মুসলিম সাহিত্যিকগণের অভিনন্দন ও অভ্যর্থনার জন্য বঙ্গীয় সাহিত্য-পরিষৎ একটি সভার আয়োজন করে। কোজাগরী পূর্ণিমায় সেই সভার অনুষ্ঠান হইয়াছিল। সেই মিলন-মহোৎসবে কবি এই কবিতাটি পাঠ করিয়াছিলেন। বাঙ্গালা দেশ হিন্দু ও মুসলিম এই দুইটি বিরাট সভ্যতার মিলনক্ষেত্র। দুইটি পৃথক্ সংস্কৃতি মিশিয়া গিয়া বাঙ্গালাদেশে এক হইয়া যাহা হইয়াছে তাহার নাম বাঙ্গালার সভ্যতা ও সংস্কৃতি। সত্য-পীরই বাঙ্গালার প্রকৃত দেবতা। সেই দেবতার ইঙ্গিতে কবি পাত্র-ভরিয়া শির্গি আনিয়াছেন—তাহা ফুল-শির্গি।

**ছিন্নমুকুল [ ১১১ ]**—কবিতাটী মধ্য একটি বিষাদকরণ সুর বাজিয়াছে। ক্ষুদ্র শিশু জীবদ্দশায় সামান্য একটু স্থান জুড়িয়া থাকিত ; কারণ তাহার ছিল ক্ষুদ্র দেহ ক্ষুদ্র খেলনা, ক্ষুদ্র বসন। কিন্তু মৃত্যুর পরে দেখা গেল, তাহার অভাব কত বৃহৎ স্থান শূন্য করিয়া দিয়াছে! ইহাই এই কবিতার মর্ম্মার্থ।

“ছোটো যেজন ছিলরে সব চেয়ে  
সেই দিয়েছে সকল শূন্য করে।”

**কুমুদরঞ্জন মল্লিক**—১৮৮২ খৃষ্টাব্দে বর্ধমান জেলার কোগ্রাম উজানিতে কবি জন্মগ্রহণ করেন। মাধরুন হাইস্কুল হইতে প্রধানশিক্ষকরূপে অবসর গ্রহণ করিয়া তিনি অঙ্গরনদের তীরে এই কোগ্রাম উজানিতেই সাধকের মত জীবন যাপন করিতেছেন। তাহার অবিভ্রান্ত রচনার একটা বিষয় সর্ব্বাগ্রে চোখে পড়ে, তাহা তাহার ভাব-সাধনার



## অবতরণিকা

প্রীতি বহন রূপ। বৈষ্ণবভাব ও বৈষ্ণবোচিত বিনয়, এবং খাঁটি বৈষ্ণবের প্রেম-ভক্তি-  
উাহার অধিকাংশ রচনার রঞ্জে রঞ্জে রহিয়াছে। ভগবৎপ্রীতির বীজ বংশাগত  
শোণিতধারায় বহিয়া আসিয়া উাহার মানস-প্রকৃতির মধ্যে নিহিত হইয়া আছে। ইহার  
রচিত কাব্য-নিচয়ের মধ্যে অজয়, উজানি, একতারা, নুপুর, বনতুলসা প্রভৃতিই  
সাহিত্যসমাজে প্রতিষ্ঠা লাভ করিয়াছে।

**দেয়ালী [ ১১২ ]**—কবিতার আকারে একটি ছোট গল্প। অবসানে  
একটি আকস্মিক বিষয় ফুটিয়া উঠিয়াছে।

**পল্লীরাগী [ ১১৩ ]**—এই কবিতাটিতে কুমুদরঞ্জনের কবি-মানসের  
একটি বিশিষ্ট দিক্ উদ্ঘাটিত হইয়াছে। বৈষ্ণবভাব-বিভোরতা উাহার  
কাব্যের এক দিক্। কবির রচনার আর একদিকে দেখা যায় পল্লী-প্রীতি।  
এই পল্লী-প্রীতি ভক্তিরসে সিক্ত বলিয়া তাহা আবেগ-গভীর হইয়া উঠে,  
কোনপ্রকার চঞ্চলতা থাকে না।

**স্নেহের দাগ [ ১১৪ ]**—কবিতাটির মধ্যে কবি মানুষের অর্থহীন  
নামের একটা অর্থপূর্ণ ভাব বিশ্লেষণ করিতেছেন। স্মৃতরাং ইংরেজীতে  
যাহাকে Paradox বলে, কবিতাটি আগাগোড়া তাইই। আপাততঃ  
যে নাম অসম্ভব ও অসদৃশ বলিয়া বোধ হইতেছে এবং যাহাতে সংজ্ঞা ও  
সংজ্ঞীর একটা উৎকট ও অদ্ভুত বিরোধ ভাসিয়া উঠিতেছে তাহার সম্বন্ধে  
একটু নিবিষ্ট হইয়া ভাবিয়া দেখিলেই তাহার সমস্ত অর্থ ধরা পড়িয়া যায়।

**অতুলপ্রসাদ সেন**—১৮৭১ খৃষ্টাব্দে ঢাকা জেলার বিক্রমপুর পরগণায় অতুলপ্রসাদ  
সেনের জন্ম হয়। তিনি কৰ্মজীবনে ছিলেন প্রসিদ্ধ একজন ব্যারিষ্টার। উাহার  
দেশহিতৈষিতা উাহাকে বরণ্য করিয়াছে। অতুলপ্রসাদ সঙ্গীত-কেন্দ্র লক্ষৌ সহরে বাস  
করিয়া শ্রেষ্ঠ শ্রেণীর হিন্দুস্থানী সঙ্গীতের সঙ্গে অত্যন্ত ঘনিষ্ঠভাবে পরিচিত হইয়াছিলেন।  
তিনি অসংখ্য সঙ্গীত রচনা করিয়া গিয়াছেন। ইংরেজী সঙ্গীত-পরিভাষায় যাহাকে  
composer বা সুরশ্রষ্টা বলে তিনি শুধু তাহাই ছিলেন না; তিনি ছিলেন স্বয়ংসিদ্ধ  
একজন কবি। উাহার প্রতিভা যাহা কিছু সৃষ্টি করিয়াছে তাহা সঙ্গীত ও কবিত্বের  
স্বপ্নলোকে বাসিয়া। ইহাই অতুলপ্রসাদের সত্যকারের পরিচয়।

## ত্রিধারা

**আশা [ ১১৫ ]**—অতুলপ্রসাদের একটি উৎকৃষ্ট সঙ্গীত। ইহার সহিত ( ৭৫ ) কবিতাটি তুলনা করা যাইতে পারে। ইহা “ত্রিশকোটি ভারতবাসীর” সঞ্জীবন মন্ত্র। অতীত গৌরবের প্রতি কবির ভক্তি-রস অভিনব মহনীয়তায় ফুটিয়া উঠিয়াছে।

**ভারত-ভানু [ ১১৬ ]**—পূর্বের কবিতাটির সঙ্গে সমশ্রেণী। অতীত গৌরব-বর্ণনা অনেকটা একই ভাষায় হইয়াছে। কিন্তু মূল সুরে বিভিন্নতা রহিয়াছে। পূর্বের কবিতাতে আশায় আনন্দ, এখানে নৈরাশ্রে দুঃখ।

**যতীন্দ্রনাথ সেনগুপ্ত**—জন্ম ১৮৮৭ খৃষ্টাব্দে। বাসস্থান শান্তিপুরের সন্নিকটে হরিপুর গ্রাম। ইনি বি. ই, পাশ উজ্জ্বলিয়ায়। বর্তমানে কাশিমবাজার স্টেটে কর্ম-নিযুক্ত আছেন। কবির রচিত কাব্যগ্রন্থগুলি—মরীচিকা, মরুমায়ী, মরুশিখা, সায়ম্ এবং অনুবাদগ্রন্থ কুমারসম্ভব। লোহা ও বিবিধ যন্ত্রপাতি লইয়া যাহার কারবার এবং কর্মজীবনে যাহার চিন্তা গাণিতিক রোগা আঁতক্রম করিতে পারে না, সেই কঠিন-কন্মা মানুষটার মধ্যে কেমন করিয়া এত বড় কবি পুরুষ নির্ঝিবাদে বাস করিতে পারে তাহা ভাবিয়া বিস্মিত হইতে হয়। আরও আশ্চর্যের বিষয় এই যে, অনেক সময় এই প্রকার কঠিন কর্ম্মের যন্ত্রপাতি তাহার রস-রচনার আলম্বনবস্তু হইয়াছে। যতীন্দ্রনাথ আধুনিক শ্রেষ্ঠ কবিদিগের অগ্রতম। কল্পনার মহনীয়তায় তাহার স্থান সম্পূর্ণ স্বতন্ত্র এবং এই গানেই যতীন্দ্রনাথের বিশেষত্ব। যাহা তুচ্ছ ও সামান্য তাহাও অনেক সময় কবির কল্পনায় মহিমময় (Sublime) হইয়া উঠে।

**চাষীর দুঃখ [ ১১৭ ]**—এই দুঃখবাদ কবির একটি বিশেষত্ব ; কিন্তু কবি স্বয়ং বলিয়াছেন, তাহার পারিবারিক জীবনের সঙ্গে এই দুঃখবাদের কোন সম্বন্ধ নাই। এই কবিতায় কবি আগাগোড়া যে ভাষা ব্যবহার করিয়াছেন, তাহা লক্ষণীয়। এ ভাষা—চাষীরই ভাষা বিশেষভাবে এই শব্দ ও বাক্যাংশগুলি লক্ষ্য করিলে তাহা বুঝিবে—বেগার ধরে’ছে (১) শেষ জোয়ে’তে রুইব (৭) সবুজ যেন টিয়ে পাখীর পাখা (১১) পাটের ডগা লকলকিয়ে উঠে (১২) উপর-ঝরণ (১৯) মোড়লের ঝি (২১) পচা খড়ের গুঁজি (২৯)।

হাট [ ১১৮ ]—যতীন্দ্রনাথের সাযাণ্ড হইতে অসামাণ্ডে যাত্রা বিপেষত্বটী ফুটিয়া উঠিয়াছে। কবি-পরিচয় দ্রষ্টব্য। কবিতাটীর মধ্যে একটা বিষাদ-বৈরাগ্যের সুর বাজিয়া উঠিয়াছে। ইহা শুধু ঐহিক জীবন-ছবি নয়; ইহাতে এমন একটা ভাবের আবেদন আছে যাহাকে বলিতে পারি পারত্রিকভাবে (other worldliness.)

মোহিতলাল মজুমদার—১৮৮৮ খৃষ্টাব্দে নদীয়া জেলার কাঁচড়াপাড়া গ্রামে মাতুলালে কবির জন্ম। ঢাকা বিশ্ববিদ্যালয়ের অধ্যাপকরূপে তিনি প্রভূত যশের অধিকারী হইয়াছিলেন। বর্তমানে অবসর গ্রহণ করিয়া কলিকাতার নিকটে একটা পল্লীতে বাস করিতেছেন। তাঁহার রচিত কাব্যগ্রন্থসমূহের নাম—‘স্বপন-পসারী’, ‘বিস্মরণী’, ‘স্মরণ-গরল’ ও ‘হেমস্তু-গোধূলি’। কবি মোহিতলালের কবিতায় ভাব-তন্ময়তা আছে, কিন্তু দুর্বল ভাবান্তরেক নাই। তাঁহার ভাষা গুরু-গাঙ্গীর, কিন্তু কোথাও অনাবশ্যকরূপে নয়। ভাব ও ভাষার এক অদ্বৈতমূর্ত্তি তাঁহার কাব্যে ফুটিয়া উঠিয়াছে। ভাষা তাঁহার কবিতার বহিঃরঙ্গ রূপমাত্র নয়; তাঁহার ভাবেরই প্রাণ-শক্তি। ভাব ও ভাষার এই গুরুগাঙ্গীয়ার জন্ম তাঁহার কাব্যগুলি বিশেষ এক শ্রেণীর রসজ্ঞ-সমাজে সমাদৃত হইয় থাকে। মোহিতলালের কবিজীবন হেমস্তু গোধূলিতে বিখ্যাত করিতেছে। সমালোচক মোহিতলাল এখনও মধ্যাহ্নের প্রদীপ্ত সূর্য। সে সূর্যের কিরণমালা বর্তমানে বাঙ্গালা দেশের সাধনার রহস্য-বিন্দুতে অধিশ্রয়িত (focused) হইয়াছে। এ সাধনা তন্ত্র-সাধনা। ‘মোহমুদগরে’র কবির এই অভিনব সমালোচকরণ কৌতুকবহু হইলেও বিস্ময়কর নহে।

বঙ্গলক্ষ্মী [ ১১৯ ]—সম্পদ সৌন্দর্য ও মঙ্গলের যিনি অধিষ্ঠাত্রী সেই শক্তিই লক্ষ্মী। সমস্ত বাঙ্গালা দেশে একদা তিনি অধিষ্ঠিত ছিলেন, স্মৃতরাং তাঁহার পূজা তখন সার্থক ছিল। বর্তমানে লক্ষ্মীহীন বাঙ্গালার তাঁহার পূজার আয়োজন প্রাণহীন অনুষ্ঠানমাত্র।

কবিতাটীতে দুইটা Sonnet একত্র গ্রথিত হইয়াছে। চরণশেষের মিলগুলি লক্ষ্য করিয়া দেখিবে। উৎকৃষ্ট Sonnetএর লক্ষণগুলি এই দুইটা কবিতাতে আছে। এই প্রসঙ্গে (৪৩) এবং (১৫১) কবিতার টীকা দেখ।

## ত্রিধারা

**রবীন্দ্রবরণ [ ১২০ ]**—গীতি-সুরই বাঙ্গালা কাব্যসাহিত্যের প্রকৃত সুর। সেই সুরের জালুবি জয়দেব হইতে বহিতে আরম্ভ করিয়াছে। রবীন্দ্র-প্রতিভার মায়াশক্তিতে সেই প্রবাহিনী কি অভিনব রূপ প্রাপ্ত হইয়াছে তাহারই এক বাঙাময়ী মূর্তি কবি এখানে নির্মাণ করিয়াছেন।

এ জীবনে এত শোভা.....(৯—১০) সৌন্দর্য্য প্রবাহিনীর রূপমুগ্ধ কবির উচ্ছ্বাস। Johan Bojer এর কয়েকটা কথা মনে পড়ে—  
“Marvellous art thou! O Spirit of Man! In the midst of thy thralldom thou hast created the beautiful!”

*The great Hunger (translation from the Norwegian)*

**প্রমথনাথ চৌধুরী**—জন্ম-সাল ১৮৫০ খৃষ্টাব্দ। ময়মনসিংহ জেলার টাঙ্গাইলের জগদীশ্বর সন্তোষগ্রামের প্রসিদ্ধ জমিদার। জাতীয় সঙ্গীত রচনার তিনি কৃতিত্ব প্রদর্শন করিয়া জাতীয় কবির সম্মান ও গৌরব লাভ করিয়াছিলেন। তাঁহার কাব্যগ্রন্থের মধ্যে ঐতিহ্য, গৌরব, গৌরব প্রভৃতি সমধিক প্রসিদ্ধ।

**বেলা যায় [ ১২১ ]**—কোথা গেল রবি.....৩৪—৪২ ‘বেলা যায়’ কথা দুইটা লালাবাবুর বিশেষ একটি মনোভাবের সৃষ্টি করিয়া দিয়াছে। সেই জন্ত তাঁহার চক্ষের সম্মুখে শুধু সেই খণ্ডদৃশ্যগুলি উপস্থিত হইয়াছে যেগুলি তাঁহার বৈরাগ্য ও বিষাদ-ময় মনোভাবের অনুকূল। ইহাকেই বলে মনোময় দর্শন।

**কালিদাস রায়**—প্রসিদ্ধ বৈষ্ণব কবি ও সাধক লোচন দাসের বংশে কালিদাস রায় জন্মগ্রহণ করেন ১৮৮৯ খৃষ্টাব্দে, বর্ধমান জেলার কড়ুই গ্রামে। ইহার উপাধি “কবিশেখর”। অজস্র কবিতায় কবিশেখরের বহুমুখী কাব্য-প্রতিভার পরিচয় পাওয়া গিয়াছে। বৈষ্ণবভাবের উপর নব আলোক-পাত করা তাঁহার একটি বিশেষত্ব। পল্লীশ্রীতিমিত্ত কবির পল্লীকবিতাগুলি এক স্বপ্নময় বাস্তবমূর্তি ধারণ করে। পৌরাণিক চরিত্র-সৃষ্টিতে তাঁহার ভাব ব্যক্তি হইতে যাত্রা করিয়া নৈব্যক্তিক ও বিশ্বজনীন তত্ত্ব হইয়া উঠে। তাঁহার রচিত গ্রন্থ বহু; তন্মধ্যে কন্দ, কিশলয়, পর্ণপুট, বল্লরী, ব্রজবেণু, রাজাঞ্জলি প্রভৃতি প্রসিদ্ধ।

## অবতরণিকা

লালাবাবুর দীক্ষা—[ ১২২ ]—পূর্ববর্তী কবিতাটির সঙ্গে পাঠ করিলেই অর্থ সুগম হইবে।

প্রকৃত লক্ষণ [ ১২৩ ]—এই শ্রেণীর ক্ষুদ্র কবিতাতে আমরা আমাদের অভিজ্ঞাত ভাব ও বস্তুগুলিকে রসরূপে আবার ফিরিয়া পাই। তাহাতে রসানুভূতি ও সত্যদর্শন উভয়ই হইয়া থাকে। ইহাতে বিশেষ এক প্রকারের আনন্দ লাভ হয়। ইংরেজীতে যাহাকে Epigram জাতীয় কবিতা বলে ইহা তাহাই। কবিতাটি তাহার ক্ষুদ্র অবয়ব লইয়া ভাব-রসে চমকিত করিতেছে।

বৈশ্বানর [ ১২৪ ]—কবিশেখরের একটি উৎকৃষ্ট কবিতা। ইহা তাঁহার বিশেষত্বের একটি দিগদর্শন করাইতেছে। পূর্বের কবিতা দুইটির ভাষা হইতে এই ভাষা কত গুরুগম্ভীর হইয়া উঠিয়াছে তাহা লক্ষ্য কর। এইজন্য কবিতার ভাষা শুধু ভাষামাত্র নয়, তাহা ভাবের বাস্তব রূপ। কবিতাটির মধ্যে একটি বৈদিক স্বাদ-গন্ধ আছে; অবশ্য খেয়ালী পাঠকের কাছে তাহা দুস্পাচ্য।

কাজী নজরুল ইসলাম—১৮৯৫ খৃঃাব্দে বর্তমান জেলার চুঙ্গলিয়া গ্রামে কবি জন্মগ্ৰহণ করেন। 'অগ্নীশীকার' নিদ্রোহী কবিতারূপে নিতান্ত অপরিণত বয়সে তিনি একদা সমগ্র বাঙ্গালায় কবিপ্যাতি লাভ করিয়াছিলেন। নিগত মহাযুদ্ধে বাঙ্গালী পলটনে তিনি যোগদান করিয়াছিলেন। কবিগোন্ধার তই একটি কবিতার রূপে রণসজ্জা ও ছন্দ-সঙ্গীতে দামামা নির্বোধের ভীমকান্দ ধ্বনি আছে। 'নজরুলের কাব্য-সাধনার আদর্শ নবীন বঙ্গের কত মুসলিম যুব মনে কবিহের প্রেরণা সঞ্চার করিয়াছে তাহার ইয়ত্তা নাই। নিদ্রোহী নজরুলের একটি আকাঙ্ক্ষা তাঁহার কান্যদেহে বিশেষ পরিষ্কৃত হইয়া উঠিয়াছে তাহা সকলপ্রকার অন্ধ-সংস্কার ও আচার হইতে মুক্ত হইবার আকাঙ্ক্ষা। তাঁহার শ্রাব, সর্বদা আত্মকেন্দ্রিক। কবির 'আমি' বিশ্বব্যাপী, দুর্জয় ও দুর্কর্ম বলিয়া কবি অনুভব করেন। কবি বহু গান রচনা করিয়াছেন এবং নিজে সুকণ্ঠ গায়ক বলিয়া, সেইসব গান

## ত্রিধারা

গাহিয়া তিনি এমন বিশিষ্ট সুরের সন্ধান দিয়াছেন যাহাতে তাহাদের প্রাণ মাধুর্য্য অভিব্যক্ত হইয়াছে। বহু কাব্যগ্রন্থের মধ্যে তাহার অগ্নিবীণা, বিষের বাঁশী দোলনচাঁপা সিন্ধু-হিল্লোল, প্রভৃতি প্রসিদ্ধ।

**কেয়ামত রাত্রি [ ১২৫ ]**—কবিতাটির মধ্যে একটি আশ্চর্য্য ছন্দোবৈচিত্র্য আছে।

ধ্বনির কে বিষানে... (৩) মহাপ্রলয়দিবসে ইস্রাফিলের বিষাগ-ধ্বনি।  
কেয়ামত—রোজ কেয়ামত—শেষ বিচারের দিন। কাণ্ডারী আহম্মদ—  
হজরত মোহম্মদ তরীর কর্ণধার। আবুবকর... (২১) খলিফা চতুষ্ঠয়।

**বাদল দিনে [ ১২৬ ]**—বর্ষাপ্রকৃতিসম্বন্ধে কবিতা ইতিপূর্বেও পাওয়া গিয়াছে। কিন্তু এই কবিতাটি ভিন্ন প্রকারের। এখানে বর্ষাপ্রকৃতির দেহরূপ হইতে ভাব-রূপই অধিকতর পরিস্ফুট হইয়া উঠিয়াছে।

যার শীতল হাতের..... (৯—১২) একই শীতলস্পর্শে তিনটি বিভিন্ন প্রকারের প্রতিক্রিয়া হইতেছে। কি তীব্র ঐন্দ্রিয়ক ব্যাপার বর্ণিত হইয়াছে তাহা লক্ষণীয়।

**সত্যেন্দ্র-স্মরণে [ ১২৭ ]**—মাত্র ৪০ বৎসর বয়সে সত্যেন্দ্রনাথের মৃত্যু হয়। সেই অকালমরণ স্মরণ করিয়া কবি আবেগময় ভাষায় যাহা বলিয়াছেন তাহাতে কিন্তু কবিতার বিষাদ-সমাপ্তি হয় নাই; সত্যেন্দ্রাথ অসমাপ্ত গান গাহিয়াই চলিয়া গিয়াছেন কারণ—

“পুনঃ নব-বীণা করে আসিবে বলিয়া

এই শ্রাম তরুমূলে।

ওগো এই গঙ্গার কূলে ॥”

**গোলাম মোস্তাফা**—কবির জন্ম হয় ১৮৯৭ খৃষ্টাব্দে, যশোর জেলার অন্তর্গত মনোহরপুর গ্রামে। মধ্যে বয়সের এই কবি অজ্ঞাপি তাহার কবিতা-দানে বাঙ্গালার কাব্য-সাহিত্য সমৃদ্ধ করিতেছেন। তাহার কবিতার ভাষা শ্রুতিমধুর ও ভাব আবেগময়। ছন্দোবৈচিত্র্যে তাহার কবিতা মোহনমূর্ত্তি ধারণ করে। বাঙ্গালা কবিতায় নূতন নূতন চন্দ্র প্রবর্ত্তিত করা এই কবির একটা সূচক খেয়াল। তাহার কাব্যগ্রন্থাবলী—সাহারা, রক্তরাগ, রূপের নেশা, জয়পরাজয়, ভাঙাবুক, হান্নাহানা প্রভৃতি।

হাজী মহম্মদ মহসীন [ ১২৮ ]—মহাপুরুষের আদর্শ যতদিন পৃথিবীতে থাকে ততদিন তাঁহারা বাচিয়া থাকেন। দেহ তাঁহাদের নথর; কিন্তু তাঁহাদের ভাবরূপ চিরন্তন।

জসীম উদ্দীন—জন্ম ১৯০৩ খৃষ্টাব্দে করিমপুরের অন্তর্গত ভাঙ্গুলখানা নামক গ্রামে। একটা বিশিষ্ট ভাবসাধকরূপে বাঙ্গালা-সাহিত্যে তাঁহার প্রতিষ্ঠা হইয়াছে। আধুনিক সভ্যতা ও নাগরিক পরিবেষ্টনীর মধ্যে বাস করিয়াও কবি আশ্চর্যের মত তাঁহার ভাবনাকল্পনাকে তাহা হইতে মুক্ত করিয়া রাখিয়াছেন। গ্রামাভাব, চাধীর অনাড়ম্বর জীবনযাত্রা তাঁহার কবিত্বটির শ্রেণ্যমূলে রহিয়াছে; উহাই তাঁহার প্রতিষ্ঠার “সঞ্জীবনী অমৃত বনরী।” অনেক কবির পরী-জীবনের প্রতি শ্রীতি আছে, কিন্তু জসীম উদ্দীনের আছে উহার প্রতি একটা আন্তরিক শ্রদ্ধা। এই শ্রদ্ধাবোধের স্তম্ভেই তাঁহার কল্পনা প্রাণময় হইয়া উঠিবার অবকাশ পাইয়াছে। ইহার “নক্সা কাথার মাঠ” কাব্য-খানা ইংরেজীতে “The field of the Embroidered Quilt” নামে অনূবাদিত হইয়াছে। কবি যে কয়খানা কাব্য প্রকাশিত করিয়াছেন তাহাদের নাম—রাখালী, বালুচর, ধানপেত, রঙলা নায়ের মাঝি, নক্সা কাথার মাঠ, সোজন বাদিয়ার ঘাট।

কবর [ ১২৯ ]—মনীষী কবি Wordsworth বলিয়াছেন “Men who do not wear fine clothes can feel deeply”, এই মহাসত্যের আলোক ফেলিয়া কবিতাটা পাঠ করিলে ইহার মর্ম বুঝা যাইবে। ভাষা অলঙ্কৃত না হইয়াও যে গভীর ভাব-স্পোতক হইতে পারে তাহার পরিচয় আছে এই কবিতায়। এই ভাষা নিজেকে প্রকাশ করিতে কোন প্রকার ছলা-কলা আশ্রয় করে নাই। গভীর অনুভূতির কক্ষ হইতে কথাগুলি উৎসারিত হইয়াছে বলিয়াই তাহা এত প্রাণস্পর্শী হইয়া উঠিয়াছে। এই একটীমাত্র কবিতাই তাঁহাকে কবিখ্যাতি দিতে পারিত। এখানে বর্ণনার বিক্ষয় মানবজীবনের সেই সনাতন ছঃখ—যাহাকে ভালবাসা যায়, তাহাকে ধরিয়া রাখা যায় না।

## ত্রিধারা

পুত্রস্নেহ [ ১৩০ ]—পূর্ববর্তী কবিতার আলোচনা দ্রষ্টব্য।

ঘরের চালাতে ( ৫৩—৬০ ) ইহা ছায়া পূর্বগামিনী নয়। শঙ্কাতুরা যাতার কল্পনামাত্র। এই কল্পনার মূলে আছে তাঁহার সেই ক্ষণের বিষাদময় মনোভাব। তাহারই ছায়া ফেলিয়া তিনি সব কিছু দেখিতেছেন। দ্রষ্টব্য (১২১) কবিতার আলোচনা। (৬১—৬২ কবির সাক্ষেতিক (Symbolic) রচনাভঙ্গী লক্ষণীয়। বাতাসে নিবু নিবু শ্রদীপের শূন্যায়মান তৈল বাগকের নিঃশেষপ্রায় আয়ু এবং জননীর ক্ষীণ আশার সূচনা করিতেছে।

ভুক্তমধুর রাস চৌধুরী—ভুক্তমধুর একজন আধুনিক কালের জনপ্রিয় কবি ছিলেন। মাসিক পত্রিকাগুলির পাঠকের দৃষ্টি-সম্মুখে তিনি নিরন্তর বর্তমান থাকিতেন। ইংরেজী-শিক্ষিত আধুনিক কবির অনেক সময় যাহা দেখা যায় ভুক্তমধুরের মধ্যেও তাহা দেখা যাইতেছিল। প্রসিদ্ধ বৈদেশিক কবিদিগের কল্পনামিশ্রণে তাঁহার কবি-মানস এক অপূর্ব রস-সৃষ্টি করিয়া গিয়াছে। উপাদান অনেক সময় বিদেশীয় হইলেও তিনি যাহা পরিবেশন করিয়াছেন সেই রস-কথনও বিজাতীয় বলিয়া মনে হয় না। তাহাতে উৎকট বা ক্ষার-কটু স্বাদ-নাই, তাহা স্নিগ্ধ-মধুর স্বাদ-গন্ধময়।

কোকিলের প্রতি [ ১৩১ ]—কবিতাটি Shelleyর “To a Skylark” এবং Wordsworth এর “To the Cuckoo” এই দুইটি কবিতার একপ্রকার রাসায়নিক নির্যাস। কল্পনায় কিছু স্বকীয়তাও আছে। প্রকাশভঙ্গিমা কবির নিজস্ব, শব্দগঠন তাঁহার কবি-প্রতিভা-ব্যঞ্জক।

নবীন অতিথি—‘blithe new comer—Wordsworth। স্ফোরিত গীতি—Wordsworth যাহাকে বলিয়াছেন Wandering voice এবং Shelleyর ভাষায় যাহা a rain of melody.’

পুষ্প শয্যা পরে..... Wordsworth এর To the Cuckoo কবিতার অনুরূপ পরিস্থিতি ‘while I am lying on the grass’. কল্পনার গতিও একপ্রকার, পৃথিবীকে মনে হয় “অনন্তসৌন্দর্যাময়ী, কায়াহীন আনন্দ-নিভয় “Wordsworth এর কল্পনায় যাহাকে মনে হইতেছিল An unsubstantial fairy place.”



**সালেমা খাতুন**—মাকাল সাহিত্যের কাব্য-গীতির আসরে কয়েকজন মুসলিম মহিলাও যোগদান করিয়াছেন। সালেমা খাতুন তাঁহাদের অঙ্গতমা। বিবিধ মাসিক পত্রিকায় তাঁহার কবিতা দৃষ্টিগোচর হয়।

**নববসন্ত** [ ১৩২ ]—ছন্দের মধ্যে একটি অপূর্ব সঙ্গীত-প্রাণতা আছে। মনে হয়, কবির ভাব ও চিত্র হইতে সুরই প্রধান হইয়া উঠিয়াছে।

**শেখ ফজলে কবির**—ইহার কবি-খ্যাতি সুপ্রতিষ্ঠিত হইয়াছে। দীর্ঘদিন তিনি নানা মাসিকপত্রে কবিতা লিখিয়া প্রসিদ্ধি অর্জন করিয়াছিলেন। ইহার রচনাতে সাবলীল ভাষায় একটা অনায়াস ভঙ্গিমা কুটিয়া উঠে। ইনি প্রকৃতই একজন শক্তিশালী মুসলিম কবি।

**পান্ডাশালা** [ ১৩৩ ]—ইহাও কবিতার আকারে ছোট গল্প। [১১২] কবিতার আলোচনা দ্রষ্টব্য।

**স্বর্গ ও নরক** [ ১৩৪ ]—সুজাবয়ব হইলেও ভাব-রসে উজ্জ্বল একটি কবিতা। কবিতায় বলা হইতেছে, আনন্দই স্বর্গ-সুখ। আত্মপানিই নরক-সুখ। স্বর্গ-নরক নামে কল্পিত স্থল স্থান ছইটী কায়াহীন ভাবরূপে কবির কল্পনায় উপস্থিত হইয়াছে।

**সৈয়দ এমদাদ আলী**—কবির বাসস্থান ঢাকা জেলার বিক্রমপুর পরগণার অন্তর্গত খিলগাঁও। ইনি পুলিশ বিভাগের ইন্স্পেক্টরের গুরুদায়িত্বপূর্ণ কার্যে নিযুক্ত থাকিয়াও সাহিত্য-সাধনার আজীবন নিরত আছেন ভাবিয়া বিস্মিত হইতে হয়। একদা তিনি 'নবমূর' নামক একখানি অধুনা লুপ্ত মাসিক পত্রের সম্পাদক ছিলেন। তাঁহার 'ডালি' কাব্যগ্রন্থ সুধী-সমাজে আদৃত হইয়াছে।

**খোদেজা বিবির প্রতি** [ ১৩৫ ]—হজরত-জায়া খোদেজা বিবি মুসলিম নারীর সমস্ত কামনার আদর্শ।

**ঈদ** [ ১৩৬ ]—ভাব হুর্কোথ নয়। কবি বিগত-বৈভব মুসলিম জাতির ভবিষ্যৎ সম্ভাবনার স্বপ্নে বিভোর হইয়াছেন। কত নিদ্রিত জাতি আবার

## ত্রিধারা

জাগিয়াছে। কিন্তু মুসলিম জাতি! “সে কি জাগিবে না, সে কি হারিবে না?” মনীষী Carlyle বলিয়াছেন “Man is a glorious possibility” যাহা ব্যক্তি সম্বন্ধে সত্য তাহা ব্যক্তি সমষ্টি জাতি সম্বন্ধেও সত্য হইতে পারে।

**প্যারীমোহন সেনগুপ্ত**—১৮৯৩ খ্রীষ্টাব্দে হুগলী জেলায় গোপীনাথপুর গ্রামে কবির জন্ম হয়। ইনি একদা প্রসিদ্ধ প্রবাসী পত্রিকার সহকারী সম্পাদক ছিলেন। বর্তমানে তিনি কলিকাতার বঙ্গবাসী কলেজের বঙ্গভাষা ও সাহিত্যের অধ্যাপকরূপে প্রশংসার সহিত কার্য করিতেছেন। ইঁহার কাব্য গ্রন্থের নাম (১) অরুণিমা (২) কোজাগরী ‘মেঘদূত’ কাব্যের একখানা উপাঙ্গের অনুবাদ গ্রন্থও তিনি প্রকাশ করিয়াছেন।

**চণ্ডীদাস** [১৩৭]—বঙ্গালী কাব্য-সাহিত্যের আদি গীতি-কবি চণ্ডীদাস সম্বন্ধে একটি প্রীতি বিহ্বল স্তুতি।

**উমাদেবী**—প্রসিদ্ধ অধ্যাপক মোহিতচন্দ্র সেনের কন্যা। বিহারের পর অতি অল্পবয়সেই তাঁহার মৃত্যু হয়। রচিত কাব্যগ্রন্থ ‘বাতায়ন’। গ্রন্থখানি—রবীন্দ্রনাথ, মোহিতলাল, কামিনী রায় প্রভৃতি কবিগণকর্তৃক উচ্ছৃঙ্খলিতভাবে প্রশংসিত হইয়াছে। কবি যাহা কিছু দেখিয়াছেন, তাহা চোক দিয়া না দেখিয়া তাঁহার হৃদয় দিয়া দেখিয়াছেন বলিয়াই তাঁহার কবিতা এত প্রাণস্পর্শী হইয়াছে।

**গৃহবধু** [১৩৮] ও **মেনি** [১৩৯]—এই চতুর্দশপদী কবিতা দুইটিতে একটি শাস্ত্র-সমাহিত শ্রী স্কটিয়া উঠিয়াছে। কোথাও অস্পষ্টতা নাই। ছোট গল্পের মত এই কবিতা পড়িয়াও মনে হয় “শেষ হয়ে হইল না শেষ।” এই শ্রেণীর কবিতায় কবির “দেখিবার প্রাণ-শক্তি ও দেখাইবার রচনাশক্তি” আত্মপ্রকাশ করিয়াছে।

**হুমাকুন কবির**—জন্ম ১৯০৬ খ্রীষ্টাব্দে, বিভিন্ন দ্বৈমিক পত্রিকায় তাহার কবিতা প্রকাশিত হয়। কবি স্বয়ং চতুরঙ্গ নামে একখানা সাহিত্য-পত্রিকায় সম্পাদক। অক্সফোর্ড বিশ্ববিদ্যালয়ে কৃতিত্বের পরিচয় দিয়া তিনি বি, এ, উপাধি লাভ করিয়া আসিয়াছেন। বর্তমানে তিনি কলিকাতা বিশ্ববিদ্যালয়ের একজন বঙ্গী অধ্যাপক। তাহার প্রতিভা বহুমুখী। তাহার জ্ঞান-গবেষণা, চিন্তা ও ভাবুকতা বর্তমান সময়ে

## অবতরণিকা

বাঙ্গালার শিক্ষিত-সমাজে তাঁহাকে একটি বিশিষ্ট সম্মানিত স্থান দিয়াছে। জাতীয় মহামিলনের শুভ-দিনেরও তিনি স্বপ্ন দেখেন; সেই স্বপ্নকে সার্থক করিতে তাঁহার চিন্তার ও কর্মের তৎপরতার অভাব নাই। তাঁহার রচিতগ্রন্থ পদ্মা, স্বপ্নসাধ ও সাধী।

**আকবর [ ১৪০ ]**—সেকেন্দ্রার মহিমাময়িত সন্ন্যাসী আকবরের সমাধি-মন্দির আছে। কবিচিত্ত সেই সমাধিস্তম্ভের সৌন্দর্য্যে আকৃষ্ট হয় নাই। সন্ন্যাসীর এই স্মৃতিচিহ্ন কবির কাছে বহু শতাব্দীর অস্পষ্টতা ভেদ করিয়া মহিমাময় আকবরের উদার প্রাণের আলোচ্য বহিরা আনিয়াছে। এই কবিতার সঙ্গে রবীন্দ্রনাথের ‘শিবাজী’ কবিতাটা নানাতাবে তুলনীয়। শিবাজী কবিতার কল্পনা হইতে এই কবির কল্পনা অধিকতর উদার। সন্ন্যাসী আকবর সকল জাতি-ধর্ম্মের মহামিলনের মধ্যে যে সাম্যমৈত্রী প্রতিষ্ঠিত করিতে চাহিয়াছিলেন তাহা আজিকার দিনের খণ্ড-ছিন্ন-বিক্ষিপ্ত-ভারতের একজন মিলন-ব্রতী কবির পক্ষে দীর্ঘনিঃশ্বাস ফেলিয়া ভাবা খুবই স্বাভাবিক হইয়াছে।

একধর্ম্ম.....(১৯) ইহাই ছিল আকবরের স্বপ্ন। জাতি-ধর্ম্ম-সম্প্রদায়ের বিভিন্নতা বিনুগ্ন করিয়া তিনি অখণ্ডভারতে একজাতি গড়িতে চাহিয়াছিলেন এবং এক ধর্ম্ম প্রতিষ্ঠা করিতে চাহিয়াছিলেন।

হায় স্বপ্ন.....(২৫) কবির ধ্যানসমাহিত অবস্থা আর নাই। তিনি স্বপ্নলোক হইতে সত্যলোকে আসিয়াছেন। তাঁহার সম্মুখে ভারতবর্ষের বাস্তব রূপ দেখিতেছেন—যেখানে ধর্ম্মে-ধর্ম্মে সম্প্রদায়ে-সম্প্রদায়ে কলহের বিরাম নাই।

**সাধী [ ১৪১ ]**—কল্পনার করলোকের স্বপ্নময় সুখমা বাস্তবধীর্ষনের রূঢ়-স্পর্শে টুটিয়া গিয়াছে; এখানে Ideal ও Real-এর চিরন্তন বন্দন পরিস্ফুট হইয়া উঠিয়াছে। এই প্রকারের মিত্রাকর হৃদে অমিত্রাকর হৃদের প্রবহমানতা থাকায় একটা বিশেষ শ্রুতি-দ্বাধুর্য্যের সৃষ্টি হয়।

## প্রিধান্না

**স্বামেন্দু দত্ত**—বর্তমান জেলার খণ্ডেশ্বর গ্রামে কবির জন্ম হয়। জন্মকাল ১৯০৫ খৃষ্টাব্দ। দীর্ঘদিন হইল প্রবাসী-ভারতবর্ষপ্রমুখ মাসিক পত্রিকাগুলিতে কবি তাঁহার কবিতা প্রকাশ করিয়া আসিতেছেন। কবির যে সব কাব্য-রচনা এতাবৎ প্রকাশিত হইয়াছে তাহাদের নাম—‘ভুলান’, ‘মঞ্জলা’ ও ‘নবমঞ্জরী’। আধুনিক কালের কবি হইলেও তাঁহার কবিতার ভাব ও ভাষায় কৃত্রাপি অতি-আধুনিকতার লক্ষণ নাই। তাঁহার কবিতা অস্পষ্টতা-দোষ হইতে সর্বদা মুক্ত। ভাষায় একটা সাবলীল পরিচ্ছন্নতা আছে।

**তাজের স্বপ্ন [ ১৪২ ]**—একজন ইংরেজ লেখক তাজমহলের সৌন্দর্য্য সম্বন্ধে বলিয়াছেন “It is a dream in marble.” যাহা আজ পর্য্যন্ত সৌন্দর্য্যের স্বপ্নলোক হইয়া আছে, তাহার পরিকল্পনার মূলেও একটা ‘স্বপ্ন’ ছিল। ইহাই কবিতাটির নামের সার্থকতা। এই স্বপ্ন-সৌন্দর্য্যের যিনি নির্মাতা সেই সম্রাটের মনের মধ্যেই ইহার প্রথম সৃষ্টি হইয়াছিল। সেই মানস-সৃষ্টির পরে হইল স্থূলসৃষ্টি, ‘হুখিয়া পাথরের সৃষ্টি।’ কবিতাটিতে সেই মানস-সৃষ্টির ইতিহাস আছে।

**শীতের শেষে [ ১৪৩ ]**—ইহা একটি উৎকৃষ্ট গীতি-কবিতা। ইহাতে আধুনিক কবিতার চমৎকার একটি লক্ষণ ফুটিয়া উঠিয়াছে। প্রকৃতির সৌন্দর্য্যের উপর একটি নব আলোকপাত করা হইয়াছে। বসন্তের সমস্ত সৌন্দর্য্যের মূলে আছে এক শক্তি। যে শক্তি বাসন্তী প্রকৃতির সৌন্দর্য্য-মূলে, সেই একই শক্তি কবির প্রেরণামূলে রহিয়াছে। সুতরাং তাহা যেমন একদিকে কুঞ্জবনে ফুল ফুটাইতেছে, তেমনই আর একদিকে তাহারই স্পর্শে অন্তরের ফুল-কলিদের দল বিকশিত হইয়া উঠিতেছে।

**বন্দে আলী মিন্না**—বর্তমান যুগের একজন শক্তিশালী মুসলিম কবি। কবির ছন্দোনেপুণ্যে ভাব অত্যন্ত আবেশ-সমধুর হইয়া উঠে। তাঁহার রচনার রবীন্দ্র-প্রভাব সুস্পষ্ট।

**কবির বীণা [ ১৪৪ ]**—কবির অন্তরে বসিয়া যিনি ভাব উৎসারিত করেন সেই প্রেরণারূপিণী যিনি, তিনিই বীণাপাণি। তাঁহারই হাতের বীণা

## অবসর-প্রতিশ্রুতি

কবি প্রসাদ-রূপে প্রাপ্ত হন। কিন্তু সেই বীণায় কবির অন্তর-প্রেরণার  
অনুরূপ সুর-বন্ধার তো সর্বদা হইতে পারে না। প্রকাশের অক্ষমতায়,  
যে দীনতা প্রকটিত হয় কবির কাছে তাহাই 'সরম-লাগা ক্রটি।' "যা নিজের  
আছে তাও পরকে দেবার ক্ষমতা বিধাতা মানুষকে সম্পূর্ণ দেন নি।"

—ছিন্নপত্র—রবীন্দ্রনাথ

[ ১৪ ]—কবিতাটীতে শারদ-প্রকৃতিকে মূর্ত্ত করিয়া  
ভোলা হইয়াছে। চমৎকার কল্পনা! কিন্তু কবির প্রকৃতি-নির্দীক্ষণ  
নির্দোষ নহে। কবিতায় চম্পক-বকুলের বর্ণনা মূল বিষয়-বস্তুর সহিত  
সঙ্গতি রক্ষা করিতে পারে নাই।

**শ্রীপতিপ্রসন্ন ঘোষ**—জন্মস্থান ও কর্মস্থান ঢাকা নগরী। ইনি আইন-ব্যবসায়ী।

প্রসিদ্ধ উর্কিল স্বর্গীয় রায় সত্যপ্রসন্ন ঘোষ বাহাদুর ইহার পিতা এবং পূর্ববঙ্গের  
শ্রেষ্ঠ বাগ্মী ও সাহিত্যিক, ব্যঙ্গবসম্পাদক, মনীষী কালীপ্রসন্ন ঘোষ ইহার পিতামহ।  
সুতরাং সাহিত্যসাধনায় ইহার জন্মগত অধিকার আছে, ইহা তাহার কাছে কৌলধর্ম।  
কিন্তু তাহার চরিত্র কিছু অতুত। একদা কোন অকবি-শঃপ্রার্থী কলি তাহার সমগ্র  
জীবনব্যাপী সাধনার ফল, তাহার হস্তলিপিত পুস্তকখানাকে পূর্ণ অমানিশার দিগন্তব্যাপী  
কালো অন্ধকারে, সীমাহীন কালো আকাশের নীচে ঝুড়াইয়া, ভূ-মধ্যসাগরের কালো জলে  
সমাহিত করিয়া বিশ্বতির অন্ধকারকে উপহার দিয়াছিলেন। রবীন্দ্রনাথের জ্যেষ্ঠভ্রাতা  
দ্বিজেন্দ্রনাথ তাহার অস্বল্প-রচিত বহু সুললিত কবিতা, মাত্র একবার পড়িয়াই, হাসিতে হাসিতে  
ছিঁড়িয়া ফেলিয়া, বাতাসে উড়াইয়া দিতেন। এই বিচিত্র চরিত্র দুইটির কিছু কিছু দিয়াই  
বোধ হয় ভগবান্ শ্রীপতিপ্রসন্নের চরিত্র গড়িয়াছেন। নিজের কবিতাগুলির প্রতি তাহার  
কোন মমতা নাই। কবিতাগুলি লইয়া কোন প্রকার প্রকাশ-ব্যাকুলতা নাই। সে  
রচনাগুলি বাঙ্গালার রসজ্ঞ পাঠকের প্রশংসা লাভ করিয়াছে তাহারা গৃহের এক অদৃষ্ট  
কোণে ধূলি-মলিন হইয়া পড়িয়া আছে। Shelleyর ভাষায় বাহা harmon'ous  
madness কবি তাহার অধিকারী; কিন্তু কবি-শঃ-প্রার্থী নন; শুধু—মানন্দ ভিখারী।

## প্রিথাক্সা

**অন্ধের ব্যথা [ ১৪৬ ]**—কবিতাটি আন্তর্জাতিক কল্পনামসিক্ত বলিয়া অতি সহজে মর্মস্পর্শী হইয়া উঠিয়াছে। ভগবান্ যাহাকে দৃষ্টিশক্তিতে বঞ্চিত করিয়াছেন তাহাকে একটু বেশী করিয়া হৃদয়ের অনুভব-শক্তির অধিকারী করিয়া দিয়াছেন।

**কাদের নওসাজ**—কবির নিবাস বর্তমান জেলার মঙ্গলকোট গ্রামে। তাঁহার জন্ম হয় ১৯০৯ খৃষ্টাব্দে। ইনি একজন উচ্চশিক্ষাপ্রাপ্ত (এম্. এ. বি. টি.) তরুণ মুসলিম কবি। কবির রচিত কাব্যগ্রন্থের নাম মঙ্গল। ইহার ভাব ও ভাবুকতায় নূতনত্ব আছে; সেইজন্য ইমি সহৃদয় পাঠক-সমাজের একজন জনপ্রিয় কবি।

**প্রতিশোধ [ ১৪৭ ]**—প্রতিশোধ গ্রন্থের এক নব-রূপ। ইংরেজীতে যাহাকে বলে 'noble revenge' এ তাহাই।

**আবুল হাশেম**—তরুণ মুসলিম কবি মৌলবী আবুল হাশেমের কবিতা ইতিমধ্যে সাহিত্যিক-সমাজের দৃষ্টি আকর্ষণ করিয়াছেন। তাঁহার রচনার প্রসাদ গুণ অতি সহজেই পাঠকের হৃদয় মুগ্ধ করে। কবির প্রকাশিত 'কথিকা' কাব্যখানা আখ্যান-মূলক কবিতার সংগ্রহ-পুস্তক। প্রত্যেকটি আখ্যান কবিতার মধ্যে একটা দুর্নিবার গতি-শ্রোত আছে। সেই গতি-শ্রোত পাঠকে প্রথম হইতে শেষ পর্যন্ত টানিয়া লইয়া যায়, কোথাও থামিয়া থাকিতে দেয় না। ইহাই তাঁহার এই শ্রেণীর কবিতাগুলির বিশেষত্ব।

**বিধাতার ভিক্ষা [ ১৪৮ ]**—মানুষকে ঘৃণা করিয়া ঈশ্বরের উপাসনা অর্থহীন। ইহাই কবিতাটির ভাবার্থ। মানুষের পাপপুণ্যের বিচার শেষ বিচার-দিনে ঈশ্বরের দরবারে হইবে। রোজ কেয়ামতশেষে সেই বিচার অত্যন্ত ভয়াবহ ও মমতাহীন বিচার। এই কথা কয়টি মনে রাখিলেই কবিতার অর্থ স্পষ্ট বুঝা যাইবে।

**কিরণধন চট্টোপাধ্যায়**—কিরণধনের জন্ম হয় ১৮৮৭ খৃষ্টাব্দে। দীর্ঘ চৌদ্দ বৎসরের অধিক হইল, ১৯৩১ সনে তাঁহার মৃত্যু হইয়াছে। হুগলী জেলার উত্তরপাড়ায় কবির বাসস্থান ছিল। উচ্চশিক্ষিত এই কবির হৃদয় মমতায় পরিপূর্ণ ছিল। ইহা শুধু তাঁহার বার্জিত্বজীবনের পরিচয় নহে, তাঁহার কবি-জীবনেরও ইহাই সত্যকারের পরিচয়। তাঁহার একখানা মাত্র কাব্যগ্রন্থ "নতুন-খাতা" প্রকাশিত হইয়াছে। তাঁহার স্বল্পসংখ্যিক কবিতাগুলিকে বৃহৎ কবি-খ্যাতিতে মণ্ডিত করিয়াছে। মমতা-কাতর হৃদয়ের একটা সহজ সরল-ভাবাবেগ এবং তাহাকে প্রকাশ করিবার একপ্রকার অনায়াস-ভঙ্গিমা তাঁহার কবিতাগুলির বিশেষত্ব।

পিতা স্বর্গ [ ১৪৯ ]—

“পিতা স্বর্গঃ পিতা ধর্মঃ পিতা হি পরমং তপঃ ।”

এই মন্ত্র-রচয়িতা প্রকৃতই সত্যদ্রষ্টা । কোন এক আবেগ-বিহ্বল-কণে তাঁহার এই মত্যা-দর্শন হইয়াছিল । তারপর গতানুগতিকভাবে এই মন্ত্রেই পিতৃপ্রণাম চলিয়া আসিতেছে । কিন্তু আবেগের সে-স্পন্দন কাহারো কণ্ঠে শোনা যায় না । বোধ হয়, আমরা মন্ত্রের অর্থ বিস্মৃত হইয়াছি । কবির কবিতা পড়িয়া মনে হয় তিনি প্রকৃতই মার্মিক ও মন্ত্রার্থ-বেত্তা ।

**পদ্মিনীমলকুমার ঘোষ**—ঢাকা জেলার বিক্রমপুর পরগণার ঘোষঘর গ্রামে কবির নিবাস । সরকারী কলেজের অধ্যাপক বলিয়া তাঁহার নানা স্থানকেই কর্মস্থলরূপে গ্রহণ করিতে হইতেছে । অধুনা লুপ্ত “ঢাকা রিভিউ” পত্রিকার তিনি সহকারী সম্পাদক ছিলেন । তাঁহার “নারীমঙ্গল” কাব্যখানা সুধী-সমাজে আদৃত হইয়াছে ।

**চাষী [ ১৫০ ]**—একটি আধুনিক যুগ-লক্ষণ এই কবিতায় অত্যন্ত স্পষ্টভাবে ফুটিয়া উঠিয়াছে । কবিরকল্পনার বিষয়-বস্তু হইতেছে চাষীর অনাড়ম্বর জীবনযাত্রা । প্রকৃতির লীলাভূমিতে স্বাস্থ্য ও প্রাণপূর্ণ যে জীবন-ছবি রহিয়াছে কবি যুগ-দৃষ্টিতে তাহাই দেখিতেছেন । ইহা বলিলেও ভুল বুঝিবার সম্ভাবনা । কবিতাটি শুধু ভাবময় বা কল্পনা-সার নহে । উৎকৃষ্ট ভাব-কল্পনার ফাঁকে ফাঁকে অত্যন্ত স্পষ্ট বাস্তব ছবিগুলি কবি যোজনা করিয়াছেন এবং তাহাতে ideal ও real মিলিয়া এক অপূর্ব রস-সৃষ্টি করিয়াছে ।

**সুশীলকুমার দে**—ডক্টর দে এই সংক্ষিপ্ত নামেই তিনি বেশী পরিচিত । বর্তমানে তিনি ঢাকা বিশ্ববিদ্যালয়ের সংস্কৃত বিভাগের কর্ণধার হইয়া আছেন । তাঁহার জ্ঞান-গবেষণা প্রাচ্য ও প্রতীচ্যের পাণ্ডিত্য-সমাজে তাঁহাকে সুপ্রতিষ্ঠিত করিয়াছে । এক শ্রেণীর সর্বশাস্ত্র-নিষ্ঠ অধ্যাপকের অধ্যাপনা-কথা আমাদের সমাজে জন-প্রবাদ হইয়া আছে । সুশীলকুমার সেই সার্বভৌম অধ্যাপক-বৃন্দের প্রতিষ্ঠার প্রত্যক্ষ উত্তরাধিকারী । তিনি ইংরেজী সাহিত্যের উপাধিকারী ( এম্-এ ), সংস্কৃত ভাষা ও সাহিত্যের অধ্যাপক ; আবার বাঙ্গালীসাহিত্যে তাঁহার আশ্চর্য রস-বোধ ও প্রগাঢ়-পাণ্ডিত্য । এই ভাষায় তিনি গবেষণা-পূর্ণ গ্রন্থ প্রকাশ করিয়াছেন এবং এই ভাষায় তিনি একজন চারুশিল্পী কবি । এ পর্যন্ত এই কবির যে কাব্যগ্রন্থগুলি প্রকাশিত হইয়াছে তাহাদের নাম—প্রাক্তনী, দীপালী, অন্ততনী ও লীলারিত ।

## প্রাথমিক

কবির কাব্যনা [ ১৫১ ]—একাকিণ্ডে বেদনাহীন কবির কল্পনায়  
হ্রাস কোমল স্তম্ভে খুলিয়া গেল। তখন প্রচুর প্রাণের ঐশ্বর্য লইয়া  
নিজেকে বিশ্ব-সত্তার ডুবাইয়া দিতে কোন বেগ পাইতে হইল না। এমনই  
করিয়া জন-সিদ্ধিতে ব্যক্তি-বিশু হইয়া কেলার মধ্যে একটা বিশেষ  
আনন্দ আছে। কবির কাছে সেই আনন্দ অনাস্বাদিতপূর্ব।

পূর্বে যে সমস্ত চতুর্দশপদী কবিতার সঙ্গে পরিচয় হইয়াছে তাহাদের  
সহিত তুলনায় এই কবিতার বিশেষত্ব উপলব্ধি করিতে চেষ্টা কর।  
এখানেও একটা বিশেষ মিলের রীতি রহিয়াছে। এই বিশেষ ছন্দোবন্ধনের  
মধ্যে একটিমাত্র আবেগ-গভীর অনুভূতি প্রথমার্শে (octave) প্রকাশিত  
হইয়া দ্বিতীয় অংশে (Sestet) একপ্রকার ভাব-বিভঙ্গদ্বারা নূতনরূপ প্রাপ্ত  
হইয়াছে। এই কবিতাটি একটি উৎকৃষ্ট 'Sonnet'—“A moment's  
monument.”

বলাইচাঁদ মুখোপাধ্যায় ( বনকুল )—ভাগলপুরের ডাক্তার বলাইচাঁদ  
মুখোপাধ্যায় বনকুল নামেই পাঠক সমাজে পরিচিত। বাঙ্গালার কথা সাহিত্যের বিপুল  
সম্ভাবনাকে যে সমস্ত লেখক অনুভব করাইয়া দিতেছেন তাহাদের মধ্যে বনকুল  
একজন। তাহার বুদ্ধির দীপ্তি অসাধারণ, এবং চক্ষে তাঁহার একপ্রকার  
যাহা মানুষের অন্তরের তল পর্যন্ত আলোকিত করিয়া দেয়। আধুনিক যুগের  
অতি আধুনিক ভাবে হৃদয়ের সমগ্র শক্তি দিয়া যুগা করেন। আবার  
নিশ্চেষ্ট জড়তাকে নির্মমভাবে আঘাত করেন। তাহার মন স্বাস্থ্য, সৌন্দর্য ও আনন্দ  
এক মনুষ্য জীবনের ধ্যান করে। কথা সাহিত্যিক বনকুলের এই পরিচয়ই বুঝাইবে  
বে, তিনি আবেগ বিহীন কবি নন। অত্যন্ত সুস্থ, স্থির ও বলিষ্ঠ হৃদয় লইয়া তিনি  
লেখেন। “বনকুলের কবিতা” নামে তাহার এক কাব্য-গ্রন্থ প্রকাশিত হইয়াছে।

আহার ব্যাপারী [ ১৫২ ]—বনকুলের ব্যঙ্গ-রচনার তীব্রতা  
আমাদের হৃদয় বিদ্ধ করে। অথচ তাহাতে একটা রসিকতা আছে।  
এই কবিতাটিতে তাহার পরিচয় মিলিবে। লক্ষ্য করিতে হইবে  
বুদ্ধির সূক্ষ্মতা এবং কেমন করিয়া আবেগ চাপা পড়িয়া গিয়াছে।  
দেশবাসীর মনোভাবের বিরুদ্ধে ছন্দোবন্ধনে ইহা একপ্রকার  
অভিধান।















